





14



Ex lib. Amisprey / Pudentiana de Vito
CHRYSTOMY

IAVELLI CANAPITUM

Pro Libri EPITOME *de*

IN PARVANA NATURALIA

ARISTOTELIS.

BIBL.

S. PYDEN

DE

VRBE.



ONSEQVENS, est Crescenii fili, ut postquam ad sui eruditionem, mentem Aristot. epitomatice perstrinximus in tractatibus, quos disposuimus super libris octo de Physica auscultatiōe, super libro de cœlo & mūdo, de generatione & corruptiōe, de impressionibus meteoricis, de anima: Nunc eodem stylo prosequamur quæ

in Paruis naturalibus continētur, ut in libro de sensu & sensato, de somno & uigilia, de memoria & reminiscētia, de motibus aialiti, de lōgitudine & breuitate uitæ, de iuuetute & senectute, de respiratiōe & inspiratiōe, de morte & uita.

¶ Tractatus tres super libro de sensu & sensato.



NCIPIENTES A libro de sensu & sensato su p ipso formabimus tres tractatus. In primo considerabimus quædā deseruiētia omnibus libris Paruorum naturalium. In secundo agemus de organo sensuum. In tertio de obiectis. Et in his tribus tract. complectemur totam Aristot. sententiam in præfato libro, qui primus est inter Parua naturalia.

Aa

12.

30.D.

10

IN LIB. DE SEN. ET SEN.

TRACTATUM primum distinguimus in tria capita.

Primo uidebitur quid mouit Aristo. ad componendum Parua naturalia.

Secundo qño ordinandi sunt lib. Paruorum naturalium.

Tertio soluentur dubia duo.

CAP. I.

CIRCA primum capit. aduerte quod motiua ratio apud Aristote. fuit, ut iuxta doctrinam quam præposuit in principio primi libri de physica auscultatione ordinate & complete traderet scientiam de rebus animatis. Præposuit autem ibi naturalem ordinem procedendi in scientijs humanis hunc esse, ut in unaquaq; scientia incipiamus a cōmunioribus & abstracte consideratis, deinde fraccōsideratio applicata in genere, deinde p̄sideratio applicata s̄m unāquāq; spēm. vñ in mathematicis prima cōsideratio est de cōisimis, puta de pūcto, de linea, de superficie, de corpore, de circulo, de recto, de curuo &c. scđa ē applicata his q̄ sunt cōia generibus figurarum, ut q̄ oīs figura rectilinea terminis clauditur, angulos constituit rectos, uel obliquos, q̄ rotunda angulis caret, q̄ una tantum linea cōiunetur &c. Tertia autē est applicata unicuiq; speciei figure, qua considerantē ppria triāgulo, tetragono, pēragono &c. Et q̄ sunt propria figuræ colūnari, & ouali, & lēniculari, & sphæricæ &c. Intendens igitur Aristo. in traditione scientie de aīatis hunc ordinem seruare, tres considerationes fecit. Primo cōsiderauit de principijs animatorum quasi abstracte, ut de anima, de potentijs anime uegetatiuæ, sensitiuæ, & intellectuæ, & de earum actionibus. Et id quidem fecit in libro de anima. unde memor huius considerationis (inquit) in principio lib. de sensu & sensato, quoniam de anima secundum se ipsam determinatum est, & de qualibet uirtutum. i. potenciarum eius ex parte ipsius animæ, conueniens est facere considerationem de animalibus &c.

Secūdo cōsiderauit ea quæ sunt cōia oībus aut pluribus

generibus animatorum applicando ea animatis in genere. Quædam quidem ut conueniunt omni generi animatorum, ut mors & uita, longitudo & breuitas uitæ, iuuentus & senectus. conueniunt enim uegetatiuo, quod necessario inest omni uiuenti inferiori, ut determinatum est in. 2. de anima. Quædam autem ut cōueniunt sensitiuo, ut sensum immutari ab obiecto per receptionem obiecti in organo, ut somnus & uigilia, ut memoria & reminiscētia, cōueniunt hanc soli sensitiuo, quod tamen distinguitur in plura genera, ut in uolatile, terrestre, aquaticum &c. Quædam uero ut conueniunt motiui progressiui, quæ sunt in eo causæ & principia motus localis, ut phantasia, intellectus practicus, appetitus, cor, neruus, musculus, spiritus complantatus cordi.

Et hanc quidem considerationem compleuit in Paruis naturalibus, quæ præ manibus habemus. Quare autē hic præterea ea solum quæ communia sunt uegetatiuo sensitiuo & motiui progressiui, prætermisiss appetitiui & intellectiui, dicemus in tertio capite.

Tertio considerauit Aristoteles ea quæ applicantur cuilibet speciei animatorum tam in plantis quā in animalibus, uenando proprietates, uirtutes, actiones eorum, & modos generationis, & hanc considerationē cōpleuit in lib. de plantis, & de animalibus. Patet igitur Aristoteles motum fuisse ad compositionem Paruorum naturalium, ut debito ordine traderet scientiam de animatis: quoniam sicut ad hanc secundam considerationem peruenire non poterat nisi supposita prima, quæ habetur in libro de anima: ita nec ad tertiam nisi per secundam, quæ continetur in libris Paruorum naturalium. Hec de primo capite sufficiant.

CAP. II.

IN secundo cap. assignandus est ordo inter lib. Paruorum naturalium. Vnde aduerte quod huiusmodi passionēs cōe animatis, de quibus hic fit mentio, dupliciter possunt considerari. Primo ut respiciunt animam tanquā primum prin-

capitulum. Secundo ut respiciūt corpus animatum, per quod
expleantur. Cōes sunt enim corporis & animæ. Intelligere
vero est solius animæ, ut dicemus. Igitur si considerentur
primo modo, de eo q̄ primo loco ponēdus est liber de sen-
su & sensato, & hunc sequitur liber de somno & uigilia, &
tertio loco liber de memoria & reminiscētia. nam cum hu-
iusmodi passiones considerentur hic in quātum fundantur
in anima & applicātur corpori animato: quæ minus appli-
cantur corpori, uidentur magis conuenire animæ. Manife-
stum est autem q̄ sentire & quæ ad ipsum consequuntur,
ut somnus & uigilia, memoria et reminiscētia, magis cō-
ueniunt animæ, quam operationes uegetatiuæ, quoniam
magis eleuatæ sunt, cum sensus recipiat speciem sine mate-
ria, & id satis constat. Post hos locandus est liber de motu
animaliū, quoniam i animalibus motus localis causatur ab
appetitu, & appetitus mouetur à sensu, sicut uoluntas ab in-
tellectu: ut dicetur. Et ultimo locandi sunt libri, in quibus
agitur de passionibus ueget. ut liber de morte & uita, de in-
spira. & expira. de iuuen. & sene. de longi. & breuitate uite.
Si autem considerentur secundo modo, sic erit ordo cō-
trarius, ut. s. libri in quibus tractantur passiones magis ap-
plicatę corpori, statuantur in primo loco, ut liber de morte
& uita, & sequentes ad illum. in secundo loco liber de mo-
tu animalium. Ultimo autem liber de sensu & sensato, &
sequentes ad illum. Verum Aristo. ordinauit eos iuxta pri-
mum modum: quoniam a cōsideratione abstracta proce-
dendum est gradatim ad considerationem applicatam, in-
cipiendo à passionibus minus applicatis. unde conuenien-
ter primo loco statuitur lib. de sensu, & sensato. sic igitur
primo ordinandi sunt tractatus super hoc libro, deinde su-
per lib. de somno & uigilia. deinde super libro de memoria
& reminiscētia. Hæc de secundo capitulo sufficiant.

C A P. I I I.

IN tertio cap. soluenda sunt duo dubia. Quorum primū
est, quare Aristo. non fecit in Paruis naturalibus librum

in quo ageret de communibus conuenientibus appetitiuis
ut de amore & odio, desiderio & fuga, & de alijs passio-
nibus tam concupiscibilis quam irascibilis. Secundum est,
quare Aristote. non fecit similiter lib. in quo ageret de cō-
munibus conuenientibus gradui intellectiui.

A D primum dico, q̄ Aristo. facit hic considerationem
de applicatis diuersis generibus uiuentium. appetituum au-
tem (ut determinatum est in secundo de anima) non consti-
tuit distinctum genus à sensitiuo. Potest etiam dici q̄ con-
siderare de prædictis passionibus magis spectat ad Philo-
sophum moralem, quam ad physicum: quoniam in uiuen-
te rationali circa eas ponuntur uirtutes, ut mediocritates.
Vnde Aristo. in Ethicis de hmoi considerationem fecit.

A D secundum dico, q̄ Aristo. hic non considerat nisi
de his quæ possunt corpori uel corporeo instrumento ap-
plicari: sed declaratum est in tertio de anima, intellectum
& intelligere, & species intelligibiles non esse applicabiles
corpori, cum sit intellectus potentia penitus in organica, &
ideo non fuit necesse de huiusmodi librum particularem in
Paruis naturalibus facere, sed sufficiunt quæ de gradu in-
tellectiui in homine reperto, dixit in tertio de anima. Si au-
tem de intellectiui absolute accepto particularem librum
fecisset (sicut D. Alber. qui de intellectu et intelligibili librū
edidit iam) nō ad Physicū, sed ad metaphysicū pertineret.
Hæc de 3. ca. dicta sint. & hic terminat primus tractatus.

TRACTATUS SECVNDVS

super libro de sensu & sensato, ordinatus per Chry-
sostomum Iauellum Canapitium.



In tractatu secundo agendum est princī-
paliter de organis sensuum exteriorum,
quem diuidimus in duo capitula.

In primo reassumentur quedam ex de
terminatis in lib. de anima, ut pateat con-
nuatio huius libri ad illum, & quoniam

deferuiunt dicendis.

In secundo recitabuntur opiniones antiquorum de organo sensuum exteriorum, & reprobabuntur, & determinabitur ueritas secundum Aristotelem.

CAP. I.

CIRCA primū aduerte q̄ quatuor reassumuntur. Primo dictum est in. 2. de anima quid sit sensus: q̄n̄ est potentia receptiua specierum sine materia, & quid sentire, quoniā est immutatio sensus à sensibili. Propterea dictum est sentire eē quoddam pati, & quare animalia sentiunt, non autem plantę: quoniam illa recipiunt obiecta spiritaliter, plantę autem pure materialiter, nam manus tangēs frigidum, ultra hoc q̄ realiter frigescit, recipit etiam speciem frigiditatis sine materia, planta autem tantum frigescit.

Secundo, dictum est in primo de anima, animal distinguī a non animali sensitiua cognitione. unde & sensitiuum complet definitionem animalis.

Tertio, dictum est in. 2. de anima. omni animali tam perfecto quam imperfecto necessario inest tactum, ut cognoscant conseruatiua complexionis suę, & diffugant corruptentia. Nisi enim animal apprehenderet tactu terram aut aquam, aut aerem esse conseruatiua sua, ignem autem esse destructiuum, applicato igne combureretur, ut lignū, nec diffugeret. Item necessario inest gustus, ut per ipsum apprehendat nutrimentum conueniens, & fugiat disconueniens. Aliter cum uita seruetur sumptione nutrimenti, cito deficeret aut carentia nutrimenti, aut sumptione nociui.

Quarto dictum est animalibus progressiuis, quę dicuntur animalia perfecta, ut homo, equus, leo &c. non solum debere inesse tactum & gustum, quibus coniuncta sibi conuenientia uel disconuenientia quo ad eorum salutem & nutritionem cognoscunt, cum huiusmodi sensus sentiant per medium intrinsecum, ex consequenti nō sentiunt nisi obiectum præsens & coniunctum sentienni, sed etiam necesse

est eisdem inesse odoratum quo percipiant nutrimentum a remotis, ut patet in animalibus uenaticis, & uisum & auditum quibus cognoscant salutifera sibi, & nociua siue inimica. nam ouis ex eo quod uidet lupum, fugit, & uidens ramum uirentem accedit: & canis uidens baculum fugit, uidens autem blandientem uel dominum accedit. Cum igitur animalia perfecta non habeant omnia sibi conuenientia in prospectu suo nec sibi coniuncta, necesse est ut moueantur ad querendum sibi opportuna causa saluandi & nutriendi se, uel fugiendi sibi contraria, & in istis diriguntur odoratu, uisu, et auditu, ut plenius diximus in secundo de anima.

Non solum autem istis sensus opportuni sunt animalibus perfectis propter salutem & nutritionem, sed etiam propter disciplinam. nam cum inter animalia perfecta quedam sint prudentia & disciplinabilia, proprie quidem & absolute homo: secundum quid autem quedam bruta: ut canis, elephas, simia, & multa ex uolatilibus, quae docentur humane loqui, sicut pica, & psittachus, congruum est ut eis insint sensus disciplinatiui. Isti autem sunt uisus & auditus, quibus multas rerum differentias cognoscimus: sed comparando uisum auditui magis deseruit & per se in inuentione scientiae uisus quam auditus: quoniam uisu cognoscimus superiora & inferiora, & uisu magis apprehendimus sensibilia communia, ut magnitudinem, figuram, numerum, motum, quietem. auditu autem cognoscimus per se rationem differentias sonorum. Secundum accidens autem in doctrina magis nobis deseruit auditus. Sermo enim auditus ex ore docentis causa est disciplinae in discente. unde si quis nascitur cecus, non tamen surdus & mutus, sapientior fiet nato surdo & muto, & tamen uidente. quoniam surdus non potest doceri, inde est quod natus surdus est mutus, quoniam auditus est sensus disciplinae. Haec sunt quae resumenda erant ex libro de anima. quibus suppositis accedit Aristoteles ad considerandum de organo quinque sensuum exteriorum. Haec de primo capite sufficiant.

IN secundo capi. aduerte q̄ antequam adducamus opi.
antiquorum de organis sensuum. Declarandum est qua-
re Philosophus in hoc libro agit principaliter solū de or-
ganis & obiectis sensuū. Ad quod dico q̄ cū ad perfectā
notitiam sensuum sex requirantur. s. principium siue radix
a quo emanāt sensus, & quid sit sensus, & sentire, & mediū
per quod sentimus, & organum cui alligatur sensus, & ob-
iectum circa quod est sensus.

Quatuor prima sufficienter determinata sunt in libro de
anima. Dictum est enim animam esse principium & radi-
cem omnis sensus, & sensum esse uirtutem receptiuam
obiecti sine materia, & sentire esse pati sensum a sensibili;
& medium esse corpus per quod defertur species obiecti
ad organum, quod quidem in tactu et gustu est caro. In tri-
bus alijs aer uel aqua sub diuersa ratione, ut declarauimus
illic. Reliquum igitur erat dare notitiam de organis quibus
affixi sunt sensus, & de obiectis circa quæ negotiantur.

Quantum ad sententias antiquorum primo uidendum
est de organo uisus. Vnde aduerte q̄ Aristote. recitat tres
opi. & reprobat, quæ quidem licet non cōcordarent in po-
sitione organi, concordabant tamen in mō quo ponebant
fieri uisionem. s. per extramissionem. In organo autē Pla-
to. in Timæo & Empedo. concordabant: qm̄ attribue-
bant ipsum elemento ignis, credentes in oculo complanta-
tum ignem, ex quo emitteretur fulgor & lumen, per quod
uidens attingeret & uideret uisibile, & sic opinabantur ui-
sionem fieri extramittendo. Democr. uero attribuebat or-
ganum uisus elemento aquæ, ut dicemus. Primo igitur po-
nenda est opi. Plato. cum ratione sua, & improbabitur, &
soluetur motiua ratio sua. Scd̄a ponenda est opi. Emped.
cum improbatione. Tercio, opi. Democriti cū improbatōe.

Quantū ad opi. Plato, aduerte q̄ in Timæo posuit or-
ganum uisus igneum propter claritatem & luciditatē ocu-
li, & arbitrabatur lumen egredi ab igneo pupillæ, sicut lu-

men egreditur a lucerna accensa. Et confirmatur huiusmodi opi. (ut recitat Arist.) tali signo. Si in tenebris constringatur oculus, & fortiter moueatur, uideatur nobis quod ignis luceat ante oculum nostrum: quod utique non esset, si ab oculo fortiter moto non egrederetur lumen igneum. Signum est ergo, quod in oculo habemus complatatum ignem, ex consequenti organum uisus merito attribuitur igni.

Sed contra hanc positionem dupliciter arguit Aristote. Primo quando sensibile presens est sensui, & uisibile uisui, semper potest uideri. Sed secundum Plato, siue oculus fortiter moueatur, siue quiescat, semper habet ignem complatatum. ergo semper uidere debet ignem lucentem ante se. Secundo, si oculus habet in se ignem, a quo emittitur lumen sicut a lucerna. ergo ita uidere debet in tenebris sicut in die, quoniam sicut a lucerna emittitur lumen & die & nocte quam diu est accensa, sic & ab oculo si est igneus.

Huic rationi tacite respondet Pla. in Timæo, ut recitat Arist. & dicit: licet semper emittatur lumen igneum ab oculo, tamē in nocte extinguitur in medio tenebroso, in die autem conseruatur adiutum lumine diei, & ideo non uidet in tenebris, sicut in die.

Sed hanc responsionem sic reprobatur Aristot. cum lumen igneum sapiat naturam ignis, ignis autem sit calidus & siccus, non corrumpitur nisi a frigido uel humido: ut patet in carbonibus ardentibus, qui extinguuntur frigiditate, uel humido aqueo, etiam quod aqua sit calida: sed tenebre nec frigidae, nec humidæ sunt. ut sic ergo uanum est dicere, quod extinguantur a medio tenebroso. Signum autem adductum de oculo fortiter moto, soluetur infra.

Quantum ad mentem Empedocle. aduerte quod concordat cum Pla. sed quoniam metricè scripsit, ideo ut elegans poeta, tali similitudine descripsit organum oculi. Sicut uiator in nocte flante uento accendit lucernam uel candelam, clauditque in laterna circumdata telis, uel alio diaphano, ne lumen extinguatur impetu uenti: sic clausum habemus congeni-

culo, & in oculo. Et mirum est q̄ Democri. hoc inconueniens non aduerterit. non ergo oculus dicitur uidere ex hoc solo q̄ in eo est apparentia rei uisæ: sed quoniam habet uirtutem uisuiam originatam ab anima, quæ tamen non exit in actum, nisi affixa tali organo quale est oculus, i quo cau- setur huiusmodi apparentia. Duo ergo sunt necessaria in uisione. oculus habens uirtutem uisuiam ab anima, & habens humidum aqueum terminatum, ut cau- setur apparentia rei uisæ. unde oculus dicitur animæ speculum.

Approbatatur igitur Democri. in eo quod posuit organū uisus esse aqueum, non quidem ex aqua secundū q̄ aqua: sed secundū q̄ est perspicua siue diaphana.

Sed dices cum esse diaphanum commune sit aquæ & aeri, quare magis ē aqueum, quam aereum? poterat enim natura ita concludere aerem in tunicis oculi, sicut aquam.

Respondeo. Id fecit natura quoniam melius cōseruatur aqua in tunicis oculi quam aer. nam ex sui subtilitate facile diffunditur, & spirat, nisi tunicæ eēnt grossæ & dēsæ, quod non conuenit bonitati uisionis. nam animalia carentia palpebris & habentia tunicam superiorem oculi duram ac dēsam sunt. debilis uisus. Item melius terminatur diaphaneitas aquæ, quam aeris propter maiorem densitatem. unde & aqua profunda etiam sine appositione alicuius opaci reflectit imaginem, ut patet in puteo et in fonte: quod non cōtingit in aere. ut ergo melior fieret apparentia rei uisæ, congruū magis fuit oculum & pupillam esse aquæ, quā aeris.

Positis & reprobatis opi. antiquorum de organo uisus, reprobandus est modus uisionis ab eis assignatus. s. per extramissionem. deinde declarabitur uerus modus quo fit uisio. postremo soluemus motiuium antiquorum assignatū supra de oculo fortiter moto in tenebris uidente ignem.

Aduerte igitur q̄ de uisione per extramissionem duplex recitatur ab Aristotele

Opinio, prima est eorum qui dicūt nos ideo uidere: quia aliquod est egrediens ab oculo pertingens ad rem uisam,

& statim q̄ coniungitur rei uisæ uidemus eam, et quoniam uidemus altra, sequitur q̄ pertingat usq̄ ad astra.

Secunda est Platonis, ut sibi attribuitur, qui dixit lumen egredi ab oculo, & tamen non protendi ad quamcunq̄ distantiam: sed per aliquantū spatium, ut uniatur & cohereat lumini exteriori, quo illuminatur medjum diaphanum.

Primam opinionem, ut emnino irrationabilem non curauit reprobare Aristot. continet enim manifestissima inconuenientia. Nam cum egredi sit proprie corporum, stultum est opinari ab oculo egredi corpus p̄tingens usq̄ ad astra, nec tota oculi quantitas, quantumcunq̄ subtiliaretur esset ad hoc sufficiens, & cum huiusmodi corpus recipiatur in aere sine diuisione aeris plurima corpora essent simul in eadem parte aeris, ad quam se possunt dirigere plurimi uidetium oculi: Relicta igitur hac opinione arguit Aristote. contra secundam attributam Platoni dupliciter.

Primo quia melius esset dicere lumen oculi coniungi lumini exteriori in extremitate oculi, & non protendi per aliquam distantiam extra oculum, ex quo lumen exterius pertingit usq̄ ad oculum. Et præterea talis protensio saltem in nocte esset frustra, quoniam secundum uiam Plato. huiusmodi lumē (ut diximus supra) extingueretur a tenebris.

Secundo, qm̄ uanum est dicere lumen coniungi lumini. Coniungi enim proprie est corporum, sed intendi & augeri proprium est qualitarum. unde sicut calor additus calori dicitur intendi, sic rectius diceretur lumē egrediens ab oculo intendi per lumē exterius. sed nec id congrue diceretur. quoniam quæ per se inuicem intenduntur sunt eiusdem rationis. constat autem lumen exterius & lumen oculi, non esse eiusdem rationis. Præterea, cum inter lumen exterius & lumen intrinsecum oculo medient tunicæ oculi, impossibile est q̄ adinuicem coniungantur. Pater igitur q̄ tam prima quam secunda opinio de uisione per extramissionem, nullam continent rationabilitatem.

Nunc igitur est assignandus uerus modus quo fit uisio.

Vnde aduerte q̄ (ut dictum est in. 2. de anima) impossibile est fieri uisionem sine lumine actuante & illuminante diaphanum, cum sit actus diaphani illuminato diaphano medio inter rem uisam & oculum, sit motus rei uise ad oculū, non quidem motus localis, ut patet: sed intentionalis, pro quāto color habens esse naturale in colorato causat sui speciem intentionalem, quæ dicitur color in esse diminuto, & defertur per diaphanum illuminatum ad oculum, & oculus per uirtutem anime uisui in tali specie, uel per talem speciem intuetur colorem in colorato. & hic est uerus uisionis modus, quoniam ad ipsum nullum sequitur inconueniēs. Et manifestum est huiusmodi species causari ab obiectis in medio, aliter non representarent in speculo distāte ab obiecto, cū non sit transitus ab extremo ad extremum sine medio. Patet igitur q̄ organum uisus est humidum aqueū conclusum in tunicis oculi. & quod uerus modus uisionis est per intus receptionem, & non per emissionem.

Ultimo superest respondere signo adducto ab antiquis de oculo fortiter moto in tenebris, uidēte ante se ignem fulgentem. Aduerte igitur q̄ hoc non provenit ex igne intrinseco oculi, & emissio ab oculo, ut credebāt antiqui: Sed causa huius est, quoniam omnia corpora polita & tersa, & precipue diaphana terminata habent ex sua leuitate quendam fulgorem. manifestum est autem q̄ nigrum oculi est corpus tersum & leue, & ideo non ratione ignis, ut dicunt antiqui, sed ratione leuitatis uidet huiusmodi fulgorem in tenebris, dum celeriter mouetur oculus.

Et si dicis quare non uidet talem fulgorem quiescens si cut celeriter motus, cum semper sit corpus leue.

Respondetur, quoniam dum celeriter mouetur emittit extra se fulgorem, & fulgorem emissum potest uidere, quiescens autem non emittit, & ideo non uidet: quoniam necesse est sensibile & sensum esse distincta, unde & in. 2. de anima dictum est sensibile positum super sensum non sentiri.

Et si dicis quare si oculus celeriter motus emittit fulgorē

rem, non uidet ipsum in die sicut in tenebris posito quòd celeriter moueatur in die.

Respondetur, quoniam lux diei obumbrat paruum illū fulgorem, qui tamen non obumbratur in tenebris, sicut patet etiam de lumine noctiluce, & fulgore oculorum cati, & quercus putridę, quę omnia in die uidentur ut colorata, in nocte autem lucentia. Hęc dicta sint de organo uisus.

Nunc dicendum est de organo auditus. Circa quod aduerte quòd in hoc non dissentit Aristo. ab antiquis. Nam attribuunt illud aeri, quibus condescendit Aristo. dicens. Si oportet assignare unumquodq; sensitiuorum uni elemētorum, oculi quidem uisuum aquę estimandū est, aeris uero sonorum sensitiuum, & de hoc organo nil dicit Aristo. in lib. de sensu & sensato. Tu uero uide in Epitome nostra in. 2. de anima. in cap. de auditu. ubi diffuse pertractauimus de hoc organo, & declarauimus qualis debeat esse aer cōplātatus ī menynge auris, ex quo integrat organū auditus.

Post organum auditus considerandum est de organo odoratus. Et quidem quantum ad antiquos, aduerte qđ (ut adducit Aristo.) uolentes adaptare cuilibet elemento unū ex organis sensuum exteriorum, aduerterunt qđ cū sint tantum quatuor elementa, essent tantum quatuor sensus, ut ergo saluarent quinq; sensus, posuerūt corpus medium inter aerem & aquam, aere densius, aqua subtilius, quod dicebant esse fumum uel uaporem, & huic attribuebant organum odoratus, eo qđ sentitur odor p̄ fumalē uaporationē.

Aristo. autem dicit qđ si condescendendum est antiquis ut. s. aliquo modo attribuenda sint organa sensuum elemētis rationabilius est: ut in odoratu attribuitur igni, quoniam causatur & sentitur odor ex uaporalī fumatione, quę necessario fundatur in calido, quod in inferioribus non attribuit nisi igni. Ad hoc autē qđ organū sensus recipiat sensibile, necesse est, ut sit tale in potentia, quale ē sensibile actu. Sicut ergo odor dum sentitur ē actu calidus, ita necesse est ut organum odoratus sit in potentia calidum, & actu calidum,
dum

dum actu odorat. unde animalia calidi & sicci capitis melius odorant, ut canes, & cati. Calidum autem (ut dictum est) in ijs inferioribus attribuitur igni. ergo ratione caliditatis & siccitatis, quæ debet inesse organo odoratus dū actu odorat, conuenienter tribuitur hoc organum igni.

Sed dices, si organum odoratus attribuendum est igni ratione caliditatis & siccitatis, quare locatum ē propinquū cerebro, quod est humidum frigidum? immo debuit locari propinquum cordi ratione caloris.

Respondeo. Cum organum receptiuum alicuius sensibilis debeat secundum se esse denudatum ab ipso sensibili, necesse est ut sit sub conditionibus oppositis, sicut quando aqua est receptiua caloris, necesse est ut sic sit sub frigiditate, quoniam contraria habent fieri circa idem. Cum igitur odoratum sit in potentia ad sentiendum odorem, necesse est ut secundum naturam suam sit sub qualitatibus contrarijs ijs in quibus fundatur odor. Odor autem fundatur in calido sicco, ut dicemus infra, ergo necesse ē ut odoratiuum secundum se sit humidum frigidum, dum autem actuatur odore calefiat & exsicceetur, & ideo inquantū est receptiuum odoris, conuenienter locatur circa cerebrum. Propterea inquit Aristo. in hoc lib. pp qd' & circa cerebrum odoratus sensitiuum. i. organū. potētia enim calida, q̄ frigidi mā est.

Ex ijs igitur patet qd' diuersa ratione organum odoratus congrue attribuitur aquæ, inquantum humida & frigida ē, prout est in potentia ad sentiendum odorem, & congrue attribuitur igni ratione calidi sicci, prout actu odorat, quoniam dum sensus actu sentit similatur sensibili: unde & lingua non gustat nisi salua humectetur, ut similetur saporī q̄ fundatur in humido. Hæc de odoratus organo dicta sint. Reliqua uide in Epit. nostra in. 2. de aia. cap. d' odoratu.

Vltimo considerandum est de organo tactus & gustus, qui simul ponuntur, quoniam & gustus est quidam tactus, ex. 2. de aia. Aduerte igitur qd' antiqui concordant cū Aristoteli, in tactu, sed nō in gustu, nam organum tactus attribue-

bant terre propter sui grossitiem. Gustus autem organum attribuebant aquæ: quoniam gustamus per humidum, & si gustabile sit siccum, non gustatur nisi prius humectetur salua. Aristo. autem utrūq; attribuit terræ. Et de tactu quidem ratio est hæc, quoniam cum organum tactus sit receptivum omnium qualitatum tangibilium, necesse est ut sit reductum ad medium & bene complexionatū. Huiusmodi autem bona complexio non fieret, nisi in sui complexione esset magis de terra, quoniam est minoris activitatis inter elementa propter sui materialitatem. In compositione autem debita componentia magis activa debent esse sub minori quantitate. Minus autem activa sub maiori quantitate, sicut patet in medicinis compositis. Vt igitur tactivum sit debite complexionatum, tribuendum est terræ apud dominio. Gustativum autem ideo attribuitur terræ, quoniam cum sit in potentia ad saporem, debet esse sub qualitate opposita sapori, quæ est humiditas, ut dicemus infra, quoniam sapor fundatur in humido. Qualitas autem humiditati opposita est siccitas, quæ est aut ignea, aut terrea. Non potest esse ignea, quoniam illa attributa est odoratu in actu. ergo erit terrea. Vt igitur gustativum sit receptivum omnis saporis, in quantum receptivum debet esse terreum ratione siccitatis. in quantum autem actu gustat debet fieri aqueum ratione humiditatis, quoniam sine humido saluali non gustamus. Et in hoc decepti sunt antiqui, quoniam non considerarunt gustativum, id est organum gustus, in quantum gustativum, sed in quantum actu gustat.

Et si quæras ubi situm sit primum organum tactus & gustus in quantum est quidam tactus.

Respondet Aristo. qd est iuxta cor, cui opponitur cerebrum & situ & qualitate. Situ quidem, quoniam cerebrum est superius, cor autem inferius. qualitate autem, quoniam cerebrum est frigidissimum inter omnes partes animalis: cor autem calidissimum, ut se mutuo contemperent. Ideo autem iuxta cor positum est huiusmodi organum, quoniam cum sit

cum sit terreum a prædominio secundum quantitatem, & terra sit frigida, necesse fuit contemperare frigiditatem terre per caliditatem cordis, & signum quod sit iuxta cor sumitur ex hoc, quod si læduntur partes circa cor, causant intensissimum dolorem. Hæc de organis quinque sensuum exteriorum dicta sint, & hic terminatur secundus tractatus.

T R A C T A T U S T E R T I U S

super librum de sensu & sensato, ordinatus per eundem Chrysostomum.



In tractatu tertio considerandum est de obiectis sensuum exteriorum iuxta doctrinam Aristotelis in libro de sensu & sensato. Sed adverte quod sufficit hic tractare de obiecto visus, id est de colore, & de obiecto odoratus, id est de odore, & de obiecto gustus, id est de sapore. nam de obiecto auditus, id est de sonore, quomodo sit, & quomodo immutat auditum, & quomodo requirantur in eius generatione dictum est sufficienter in 2. de anima. Et tu uide illic in Epitome nostra. & de obiecto tactus, quæ sunt qualitates tangibiles, ut caliditas, humiditas, & frigiditas, dictum est diffuse in libro de generatione et corruptione. Et tu uide illic in Epitome nostra, & de secundis qualitatibus tangibilibus, ut de duritie, molliitie, asperitate, leuitate, gracilitate, tenacitate &c. dictum est sufficienter in 4. libro Meteorum. Hunc igitur tractatum distinguemus in 4. capitula.

In primo agemus de colore.

In secundo, de sapore.

In tertio, de odore.

In quarto, soluentur quedam dubia.

C A P I T U L U M I.



In primo capitulo agendum est de colore. Et ad plenam sui notitiam dicemus tria. Primo de principijs coloris. Secundo ex his principijs formabitur definitio coloris. Tertio agemus de speciebus

bus colorum tam extremorum quam mediorum.

Circa primum aduerte duo esse principia coloris. scilicet lumen, quod est principium formale, & perspicuum, id est diaphanum, quod est principium materiale.

Quid autem sit lumen aduerte, quod Aristoteles aliter diffinit in. 2. de anima, cum dicit: lumen est actus diaphani, quæ diffinitio qualiter intelligenda sit, declaravi in Epitome nostra, in. 2. de anima. tractans de visu. Aliter autem diffinit in libro de sensu & sensato, cum dicit, Lumen est color perspicui secundum accidens, quæ quidem diffinitio sensu non discordat ab ea quæ data est in. 2. de anima. nam debet intelligi per similitudinem, & non essentialiter. falsum est enim lumen esse colorem essentialiter, immo color est lumen siue lux obumbrata, ut patebit. sic ergo debet intelligi, lumen est color perspicui. sicut se habet color ad coloratum, quia est actus colorati: sicut calor est actus calidi: sic se habet lumen ad perspicuum, quia est actus perspicui. Nam sicut color facit actu coloratum, sic lumen facit perspicuum actu, ut declaravi in. 2. de anima, quoniam nunquam diaphanum transparet actu nisi per lumen, & sic intellecta diffinitio coincidit in sensu cum ea, quam dedit in. 2. de anima. Sed aduerte quod hic addidit, secundum accidens, ut in hoc differat lumen a colore. Nam proprius color inest colorato a causa extrinseca, ut nigredo inest coruo ex complexione tali, lumen autem inest perspicuo ab extrinseco. id est a luminoso illuminante, & ideo perspicuum non per se, sed per aliud extrinsecum actuat lumine. ergo per accidens. Coloratum autem per se & a principio intrinseco actuat proprio colore. Patet igitur quid sit lumen.

Perspicuum. id est diaphanum quid sit diffinitum est in. 2. de anima. in causa de visu. ubi diximus diaphanum esse corpus transparens incoloratum secundum se, receptivum autem omnis coloris & luminis, sed perspicuitas non est qualitas elementaris: immo cõis corporibus cõelestibus, & tribus elementis, & multis elementis secundum quod in eis dominatur.

alterum trium elementorum. Sola enim terra est non trāsparens propter sui crassitiem. unde non recipit lumen nisi in superficie a qua reflectitur. unde bene dixit Arist. in lib. de sensu & sensato, perspicuum non est principium aeris, uel aquæ, nec alicuius sic dictorum corporum, sed est quædam communis natura & uirtus. In his uero est, scilicet in elementis & in alijs corporibus, ut in cœlestibus, & in his quidem magis, in his uero minus. Hæc ille. Et quod dixit, in his quidem magis, gradualiter inuenitur descendendo a corporibus cœlestibus usque ad elementum terræ. nā summa perspicuitas inuenitur in sphæris cœlestibus, cuius signum quod uidemus stellas fixas in octauo cœlo, & tamē inter uisum nostrum & illas mediant sphæra septem planetarum, quæ non impediunt uisum nostrum. ergo sunt maxime diaphanæ. Secundum gradum obtinet ignis in sphæra sua propter raritatem & puritatem naturæ suæ. Tertiū obtinet aer, qui tamen est magis & minus perspicuus ex maiori & minori admixtione extraneorum uaporum. Quartū obtinet aqua, quæ quanto minus admiscetur partibus terrestribus tanto magis perspicua est. Quintū obtinent multa elementata in quibus prædominatur aer, aut aqua, ut crySTALLUS, & multe alię gemmę, & alabastrum, & glacies, et uitrum. Sextum & infimum obtinet terra, in quantum est receptiua luminis solum secundum superficiem propter sui maximam materialitatem. Bene igitur dixit Aristote. perspicuū inueniri in corporibus superioribus & inferioribus, in his quidem magis, in his aut minus. Hæc de perspicuo dicta sint.

Circa secundum aduerte, quod Aristot. suppositis duobus principijs prædictis sic diffinit colorem, Color est extremitas perspicui in corpore terminato, & declaranda est quoad singulas partes. primo dicitur extremitas, & ponitur loco generis, cum color sit accidens, & diffiniatur in abstracto. Quomodo autem sit extremitas notandū est, quod sicut quædam corpora sunt secundū se terminata, quia propria figura & proprijs terminis terminantur, ut corpora solida,

sicut lapis, lignum, homo. Quædam autem sunt secundū se interminata, quia carent propria figura, & non terminantur nisi terminis alicuius solidi, ut fluida, quæ recipiunt figuram a suis continentibus, sic quædam sunt corpora perspicua, quæ ex se nullum habent lumen, nec aliquam qualitatem, per quam remoto quocūq; alio possint uideri, sed necesse est, ut uideantur lumine in eis recepto per totū & non solum in superficie, & causato ab extrinseco luminante, & huiusmodi sunt corpora perspicua interminata, i. simpliciter transparentia, ut aer, aqua. Quædam autem sunt perspicua, quæ in se habent lumen non per totum, sed in superficie ex admixtione opaci terminantis perspicuitatem, & prohibentis luminis puritatem. Et hæc dicuntur perspicua terminata, ut lignum, lapis &c. Dico igitur q̄ sicut lumen est qualitas recepta per totum in diaphano interminato, sic color est lumen in superficie perspicui terminati, quod non recipitur ab extrinseco, sed consequitur naturalem compositionem ipsius perspicui terminati. Omne enim uere coloratum est elementatum. Cum ergo dicit Aristot. color est extremitas, intelligas sic. Color est lumen in extremo, i. in superficie perspicui terminati, & non in profundo, ad differentiam luminis recepti in perspicuo interminato. nam cū color sit per se uisibilis, non est color in actu nisi in superficie, in intrinseco autem est in potentia, & ex sola diuisione efficitur actu, in quantum efficitur per se uisibilis. Hic enim consideramus colorem, ut est obiectum uisus. Et q̄ color sit proprie in superficie perspicui terminati, Aristot. manifestat etiam testimonio Pythagoricorum, qui dicebant colorem esse epiphaniam, i. apparitionem in superficie. Quod enim in corporum superficie apparet, color est.

Secundo dicitur, perspicui, ad differentiam corporis, ut corpus est. nam cum omne corpus, ut sic, habeat extremitates quæ sunt lineæ superficies, & puncta: si color esset extremitas corporis esset linea, uel superficies, quod patet esse falsum. quoniam color esset quantitas, & quoniam cum


perspicuum interminatum habeat in superficie ratione qua corpus est, haberet etiam ex se colorem.

Tertio dicitur in corpore terminato. i. solido, quoniam licet interminata fiant colorata ex receptione extranei colorati, uel decoctione, uel uaria adinuicem compositione, ut coloratur aqua ex croco, ex sanguine, ex melle &c. tamen proprie & secundum naturam & per se colorata sunt corpora terminata. Sensus ergo Aristote. fuit hic. Color est lumen in extremitate perspicui terminati.

Circa tertium considerandum est de speciebus coloris. Et dicam duo. Primo unde sumenda est diuersitas specifica coloris. Scđo, quō generantur colores extremi & medi.

Quantum ad primum aduerte, qđ cum ad rationem coloris assignatam concurrant lumen in extremitate perspicui, & terminatio perspicui, quæ quidem terminatio sit per opacum terræ: diuersitas in speciebus coloris sumenda est ex diuersa proportionē luminis in perspicuo obumbrati per opacum terræ, ita. s. qđ ubi erit minor obumbratio erit nobilior color, ubi maior erit ignobilior.

Quantum ad secundum aduerte, qđ sicut ex uaria mixtione quatuor elementorum cōsurgunt uariæ complexiones elementorum secundum calidum, frigidum, humidum, & siccum, ut declarauimus in libro de generatione: sic ex uaria proportionē luminosi ignei, diaphani, aerei, & aquei, & opaci terrei cōsurgunt diuersi colores in elementatis. nam ubi est maximum de luminoso igneo, & minimum de terreo obumbrante luminosum receptū in perspicuo aereo, uel aqueo, ibi naturaliter cōsurgit albedo. ubi autem datur oppositum cōsurgit nigredo, qui sunt duo extremi colores, medi autem cōsurgunt ex uaria proportionē horum adinuicem. Et si uis scire in particulari quomodo cōsurgunt & ordinentur medi colores inter albū & nigrum, uide. q. nostram, quam ordinaui in lib. de sensu & sensato, & est quintadecima in ordine, & illic diffusius hanc materiam pertractaui. Hæc de colore dicta sint.



Circa secundum cap. agendum est de sapore, ut procedamus a notioribus, quoniam cum gustus sit quidam tactus, & tactum habeamus certissimum et perfectissimum ex temperatissima complexione nostra: odoratum autem habeamus ualde imperfectum ex indispositione organo, eo quod situatur propinquum cerebro, ut declarauimus in. 2. de anima. in cap. de odoratu. manifestior est nobis natura saporis quam odoris, & ideo de sapore, ut de magis noto agendum est, de quo dicemus duo principaliter. Primo, quid sit. Secundo, agemus de speciebus eius.

Antequam diffiniamus saporem prius uidendum est, ex quibus principiis generatur, & quomodo generatur. Aduerte igitur quod sola aqua non est sufficiens principium saporis, quoniam secundum se insipida est, nec per solam actionem calidi, uel calefacientis aqua fit saporosa, nisi aliud immisceatur aquae, sed consumitur actione calidi. Non ergo aqua pura adiuncto calido est totalis causa saporis: nec terra pura cum calido est sufficiens principium saporis, quoniam (ut experientia patet) omnis sapor fundatur in humido. terra autem secundum se sicca est. ergo &c.

Licet autem terra non sit totale principium saporis, tamen sibi ut principali attribuitur sapor. nam aqua si admisceatur terrae, uel transeat per eam, statim fit saporosa. unde uidemus aquas transeuntes per mineras trahere uarium saporum ex illis. nam si transeunt per mineram salis efficiuntur salse: si per terram adustam, uel per cineres, efficiuntur amarae. Et de his locuti sumus in Meteo. agentes de fontibus. similiter uidemus nasci ex terra trahere saporum ex terra. ergo principale principium saporis uidetur esse terra.

Ut igitur habeatur notitia completa de principiis saporis, aduerte quod tria principia concurrunt. scilicet humidum aqueum, & siccum terreum admixtum humido aqueo, a quo patitur humidum aqueum, in quo agit calidum igneum, simul cum calore coelesti, quod quidem calidum est principium.

actuum saporis. digerit enim & decoquit humidū aqueū admixtum sicco terreo, ex qua decoctione causatur sapor, & secundum q̄ diuersificatur decoctio, diuersificatur sapor, ut declarabitur infra. Principia igitur saporis sunt humidum aqueum adiuncto humido aereo subtili, & siccum terreū cōmixtū humido, & calidū igneū decoquēs p̄dicta.

Positis principijs materialibus saporis & principio actiuo, diffiniendus est, sic igitur diffinitur ad mentem Philosophi, Sapor est passio facta in humido aqueo a sicco terreo sibi admixto, & actione calidi digerentis & decoquentis, reducens gustum de potentia ad actum per alterationem.

Primo dicitur passio. i. qualitas in tertia specie qualitatis, in qua reponunt qualitates imutatiue sensuū exteriorū.

Secundo dicitur facta in humido & c. quoniam quęcūq; saporosa habent quandam crassitudinem, quam nō est inuenire in solo humido aqueo. ergo necesse est sibi admisce-
ri siccum terreum. pręterea omnis esca est saporosa, aliter non actuaret gustum, sed non est simpliciter humida, uel simplex aqua, nec simplex terra: quoniam sicut constat ex simplici elemento, sic nec nutrimur ex simplici elemento. necesse est ergo omnem escam esse elementatā, & cum sit saporosa, necesse est, ut sapor consurgat ex humido & sicco, & calido & c.

Tertio dicitur reducens gustum & c. quoniam propriū obiectum actuat sensum suum, & perficit.

Quarto dicitur per alterationem, quoniam gustus cū sit quidam tactus, fit per medium intrinsecum, & semper concurrit alteratio, quoniam in gustu & tactu nō recipitur obiectum mere intentionaliter, sed etiam realiter, quod nō contingit sine alteratione, calefit enim, uel frige fit lingua gustans, sicut manus tangens. Patet igitur quid sit sapor.

Quantum ad species saporis dicam tria. Primo unde sumenda est distinctio specifica in saporibus. Secundo, uñ sumitur distinctio amari a dulci. Tertio, unde sumitur distinctio & pluralitas mediorum saporum.

Quantum ad primum, quoniam dictum est naturam saporis consistere ex humido, ut subiecto admixto sibi sicco, terreo, digesto actione calidi, necesse est sumere a diuersitate humidi, secundum quod diuersimode digeritur a calido, diuersitatem specificam in saporibus. nam si humidum admixtum sicco bene digeritur, causat unam speciem, si imperfecte, aliam speciem, ut declarabitur. Et id quidem consonum est, quoniam a quocunque est rei natura ab eodem est unitas & pluralitas eiusdem.

Quantum ad secundum aduerte, quod distinguitur amarum a dulci in hoc quod dulce generatur a calore temperato, & suauiter decoquente humidum admixtum terreo subtili, non multum consumendo ipsum, sed subtiliando & quasi reducendo ad humidum aereum, quod est subtile, & optime commiscendo sicco terreo. unde dulcia sunt subtilis substantiae & leuia, & optimi nutrimenti. Propterea dixit Aristoteles. Omnia nutriuntur dulci. Commiscentur autem alij sapor pro condimento, eo quod nimis nutritiuum sit dulce & supernatatum. Amarum uero generatur quando calor intensus obtinet super humidum magis consumens ipsum quam decoquens & quam subtilians. Et propterea, amara sunt adusta, & calida sicca terrestria. unde amaritudo merito attribuitur caliditati, & siccitati.

Quantum ad tertium aduerte, quod cum media constituantur ex participatione extremorum, distinguuntur & plurificantur medij saporis secundum quod diuersimode accedunt ad dulcedinem siue amaritudinem, quod quidem potest fieri secundum debitam proportionem, & tunc sapor medius est delectabilis, uel sine proportionem & debita contemperantia, & tunc sapor medius est contristatiuus & abominabilis. Qui autem sunt notiores sic nominantur a philosopho, dulcis, pinguis, ponticus, austerus, stypticus, acutus, salus, amarus. Et in quo distinguantur, & quomodo ordinentur, iam declaravi in. q. formatis super lib. de sensu & sensato, & illic inuenies quo distinguitur austerus

ab aceroso

ab acetoſo, licet non noſcitur ab Ariſto. & in ſumma apud eum non ponuntur niſi ſeptem ſpecies ſaporis. Duos quidem ponit extremos. ſ. dulce, a quo non diſtinguitur pingue, nec unctuoſum, ita q̃ hos tres ſumit pro uno: i quo tamen diſtinguantur, uide in. q. prædictis. Altera ſpecies extrema eſt ipſum amarum. Mediæ autem ſunt quinque. ſ. pōticus, auſterus, ſtypticus, acutus, ſalſus, & dicit q̃ uidentur æquales ſpecies ſaporum ſpeciebus colorum, quas dicit eſſe ſeptem. Duas quidem extremas. ſ. album, a quo non diſtinguit flauum ſicut nō diſtinguit pingue a dulci: & nigræ. Poſt album ponit puniceum. i. rubeum, & citrinum, & uiride, & cyaneum. i. colorem cœleſtem, & liuidum, quod ſe habet ad nigrum, ſicut ſalſum ad amarum.

Et aduerte ultimo, q̃ ſicut colores mediꝝ quanto magis propinquant albo, tanto magis lucidi ſunt, & quanto magis nigro, tanto magis obſcuri. Sic ſapores mediꝝ quanto magis propinquant dulci, tanto magis nutritiui ſunt, quoniam uita conſeruatur, calido, humido, bene digeſto, quod inuenitur in dulci, ut diximus. Et quāto magis propinquāt amaro, tanto minus nutritiui ſunt, quoniam ex calore aduerſe conſumitur humidum nutrimentale, unde incinerata combuſta, & ualde ſalſa peſſimi ſunt nutrimenti. Cauſant enim ſanguinem terreſtrem, & augent atram bilem. Hæc de ſaporibus dicta ſint.

C A P. I I I.

IN cap. tertio, agendum eſt de odore. Et aduerte, q̃ philoſophus in lib. de ſenſu & ſenſato in hoc ualde obſcure procedit. Et huius cauſam puto, quoniam imperfectum hunc ſenſum habemus ex intenſa frigiditate cerebri. Verū tamen quæcūq̃ inueſtigare potuimus circa naturam odoris & principia ſua, & diſſinitionem eius, et circa ſpecies eius, iam ordinauiſmus in. 2. de anima, agentes ſimul de ſapore, & odore. Et in. q. ordinariis ſup̃ lib. de ſenſu & ſenſato. Ideo ne inutiliter fiat repetitio, uide in prædictis locis.

Sed aduerte, q̃ Ariſto, in lib. de ſenſu & ſenſa. ponit du

plicem diuisionem odoris. Vnam quidem in species suas correspondentes speciebus saporis, & ab eis denominatas. Et de eis uide in locis præallegatis. Aliam autem in odorē delectabilem & contristatiuum siue abominabilem. Et hoc iterum dupliciter, quoniam quidam est delectabilis & abominabilis in ordine ad odoratum tantum. Quidam autem in ordine ad escam. In primo sensu, competit soli homini. Delectatur enim homo suaue odorabilibus, ut floribus, & alijs aromaticis, etiam q̄ non conferant alimento, nec redderēt cibum decoctum suauiore, immo ingratiorem ipsum facerent: ut si unguenta suaue olentia miscerentur ferculis: & abominatur malos odores, & contristatiuos odoratus, ut cum odorat sulphur, aut picē, aut putrefacta, aut pennas combustas. Causa autem propter quam hoc ē proprium homini, est intensa frigiditas cerebri, quam expedit temperare huiusmodi odoribus, quoniam fundantur in calido sicco, & ideo sanant indispositionem cerebri, & confortant, si temperate odorentur. Abominabiles autem odores maxime contristant & prosternunt uirtutem. Et quidem q̄ homo delectetur his odoribus, non solum in ordine ad conuenientiam nutrimenti, sed ex sola complacētia, signum est, q̄ uoluptuosus & intemperans comedit cibum quem scit sibi esse nocium, attractus sola suauitate odoris, & relinquit cibum salubrem, si non delectabiliter olet. In secundo autem sensu. si in ordine ad cibum conuenit homini & animalibus quærētibus cibum a remotis, trahuntur enim ex odore ad cibum, ut canes, et pisces: sed animalia modo inueniant cibum conuenientem non offenduntur fetore, ut patet in cane comedente cadauer, homo autē sic, ex causā dicta. Et propterea, respectu odoris delectabilis, & abominabilis secundum se, dicitur homo habere nobilissimum odoratum, quoniam solus discernit huiusmodi differētiās: respectu autem specierum odoris, imperfectū habet ex indispositione organi quam assignauimus supra. Hæc de odore dicta sint. Reliqua patent ex secundo de ani

ma, & præcipue de diuerso modo odorandi in aquaticis & in terrestribus animalibus.

C A P. I I I I.

Circa quantum cap. aduerte, q̄ postquam Aristo. considerauit de obiectis trium sensuum. s. uisus, gustus, odoratus, mouet & soluit tria dubia.

Primum, est circa obiecta quinque sensuum, de quibus dubitatur, cum sint qualitates sensibiles & non existant nisi in corporibus, utrum sint diuisibiles in infinitum.

Secundum, est circa obiecta sensuum, ut immutant medium, & sensum, utrum prius immutent medium, quam perueniant ad sensum;

Tertium, est circa simultatem sensationum, utrum in eodem instanti plures sensus possint sentire, puta quod uisus uideat, & manus tangat,

Quantum ad primum aduerte, q̄ possunt imaginari esse diuisibiles in infinitum tribus modis. Primo quo ad diuisionem formalem, qua diuiditur genus in species. Secundo quo ad diuisionem quantitatiuam, qua diuiditur albedo ad diuisionem superficiem. Tertio quo ad diuisionem actus sentiendi, ita. s. q̄ possint sentiri sub minori, & minori, & minori quantitate in infinitum. Philosophus soluit propositum dubium secundum hos tres modos.

Primo probat, q̄ nō sunt diuisibiles in infinitum, in primo sensu sic. In quolibet genere datur una prima contrarietas, quæ est inter duas differentias maxime distantes, quæ constituunt duas extremas species: ex decimo Metaphysicæ. ergo in quolibet genere sensibilem datur prima, & ultima species, sed inter primam, & ultimam speciem non possunt esse species medię infinitę, ut patet. ergo color, nec sonus, nec odor, nec sapor, nec aliud genus sensibilem qualitatum potest diuidi in species infinitas. sunt ergo finitę species coloris, quarum extreme sunt, album, & nigrum, & in sapore, dulce & amarum &c.

Secundo probat, q̄ sunt diuisibiles in infinitum in secun-

do sensu secundum partes inæquales, non autem secundum æquales, sic cum qualitas sensibilis, puta albedo, recipiatur in quanto continuo, ergo fit quanta per accidens, ex consequenti diuisibilis est sicut diuiditur continuum, sed cōtinuū ex sexto phys. diuiditur in infinitum secundum partes proportionales quæ non sunt æquales. Nam sumpto continuo bipedali, primo diuiditur in duas medietates, & prima medietas in duo, & medietas medietatis in duo, & sic procedēdo partes semper fiunt minores, ergo inæquales. Si autem continuum sit finitum, puta decem pedum, & diuidatur in partes æquales, puta semper auferendo quātitatem unius pedis, constat qđ diuisio non tendit in infinitum. nam ablati decem pedibus, totum continuum erit consumptum. Cum igitur albedo, & sapor, & odor, & calor &c. sint in continuo & sint extensi p accidens, patet qđ eodē modo diuisibiles sunt in infinitum, sicut corpus continuū cui insunt.

Tertio probat qđ non sunt diuisibiles in infinitum in tertio sensu sic, cum qualitas sensibilis, puta albedo, sit quanta per accidens, poterunt eius partes considerari sicut considerantur partes continui. Huius autem partes possunt cōsiderari in quantum sunt in continuo, & in quantum abinui cem separatæ. primo modo sunt in potentia, secundo modo sunt in actu. eodem modo possunt cōsiderari partes albedinis, & quidem si considerentur primo modo, non sunt sensibiles nisi in potentia, quoniam uisus uidens album, terminatur ad illam albedinem actu, ut est quoddam totum, & non ad hanc partem tantum, uel illam, nisi particulariter signetur. Ex quo sequitur qđ qui audit totam unam consonantiam conflata ex multis proportionibus musicalibus, non est necesse qđ actu percipiat omnem partialē consonantiam, nisi per se, & separatim fiat. unde (ut inquit Aristot.) contingit totum cantum audire, & tamen diesim late re audientem. Cum igitur non sint sensibiles nisi in potentia qđ diu nō sunt abinui cē separatæ: patet qđ non pnt uideri sub minori, & minori, & minori qđtate, & sic in infinitū.

Si autem considerentur in secundo sensu, dico qđ nō possunt diuidi in infinitum, ita qđ actu separentur abinuicem, & unaquæq; per seipsam sentiatur, qđ probat dupliciter. Primo ex parte sensibiliū qualitatum. scđo, ex pte sensus.

Ex parte sensibilia qualitatum sic, cum sint in corpore naturali, eo modo sunt diuisibiles quo est diuisibile corpus naturale, sed licet, ut corpus sit diuisibile in infinitum, non tamen ut naturale, quoniam in eo est deuenire ad minimum per se existens propter formam naturalem, quæ ad sui conseruationem in materia requirit determinatam quantitatem. ergo est deuenire per diuisionem actuale ad minimum album, & minimum lapidum, & minimum calidum, quæ si iterum diuiderentur non permanerent, sed (ut inquit Aristo.) resoluērentur in continentia: sicut minimus liquor saporosus infusus mari conuerteretur in aquam maris, & modica aqua infusa amphoræ uini conueritur in uinum. Pater igitur qđ necesse est obiecta sensuum si debent mouere sensum esse sub determinata quantitate, ex consequenti ad hoc qđ sentiantur non possunt diuidi in infinitū.

Ex parte autem sensus sic. Obiectum quāto est sub minori quantitate, tanto minus immutat organum, & tanto difficilius est ipsum sentire, ut patet in uisu. ergo secundum qđ diuiditur obiectum in minores, & minores partes, necesse erit augeri uirtutem ipsius sensus, ut percipiat obiectum sub minori, et minori quantitate: sed uirtus ipsius sensus nō potest augeri in infinitum, cum sit uirtus, & potentia consequens & fundata in anima, quæ cum sit forma naturalis est determinati gradus, & suū esse stat in indiuisibili. ergo nec obiectum potest diuidi in minus in infinitum, ita qđ sentiat, sed est status, ita qđ diuisum ulterius non sentietur. necesse est igitur in colore, in sono, in sapore, in odore, in qualitatibus tangibilibus ponere terminum non solum secundum diuisionem in species, sed et in partes quantitatis, ut seorsum & separatim sentiant. Hæc de primo dubio deā sint.

Quantum ad secundum dubium aduerte, qđ ly prius stat

pro prioritate temporis, & non pro prioritate naturæ, uel causalitatis, quoniam de his manifestum est. Ex eo enim quod obiectum immutat medium, immutat sensum, sed dubium est de prioritate temporis, quoniam Empedocles posuit lumen prius peruenire a sole ad medium, quàm ad uisum, aut ad terram. Et quoniam secundum eum in omni sensatione interuenit motus, omnis autem motus fit in tpe. ergo &c.

Ad hoc dubium respondens Aristot. distinguit de sensu, quoniam quidam est sentiens per medium cōiunctum organo, ut gustus, & tactus, in quibus medium est caro, ut diximus in secundo de anima. Quidam per medium extrinsecum, & remotum, ut uisus, auditus, & odoratus. Item sensum sentientium per medium extrinsecum, quidam sentit interueniente motu locali ex parte mediū, ut auditus: quidam sentit interueniente motu alterationis ex parte mediū, ut odoratus: quidam sentit nullo facto motu reali ex parte mediū, ut uisus. Positis his distinctionibus, pono de mente philosophi quatuor conclusiones.

Prima in uisu, Non est necesse medium prius immutari a uisibili quam organum uisus, quoniam uisibile uel est lumen, uel color, nam uidemus, & lucida, & colorata. sed lumen non prius immutat mediū, immo simul immutat medium & organum, quoniam illuminatio mediū, nō est motus localis, sed fit in instanti, ut declaratum est in sexto physico, eo quod lumen caret cōtrario. sibi enim opponitur tenebra quæ est priuatio, quæ deficit ad solam præsentiam luminis. unde totus aer medius inter uisum, & luminosum simul illuminatur, & non per partem post partem: ex consequenti non prius medium immutat quam organū uisus, remoto impedimento ex parte uidentis. Si scilicet, color absque aliquo motu reali, et mere intentionaliter causat sui speciem in medio, & in organo. ergo non prius in medio, sed simul tpe in utroque. Remoto, n. motu remouetur successio immutationis.

Secunda in auditu, Necesse est prius immutari medium per partem post partem a sono, quam organum, quoniā

non causatur sonus nisi cum motu locali aeris, uel aque, ut declaratum est in. 2. de anima. unde necesse est partem aeris propinquam sonoro, uel sonabili percutere sequentem cum delatione soni, & illam aliam, & sic succesſiue. Et propterea prius uidemus fulgur quam audiamus tonitruum, cum tamen prius fiat tonitruum, ut diximus in Meteor. necesse est ergo, ut prius immutetur localiter medium per partem post partem, quā quod sonus ad organum deueniat. utrum autem sit necesse totum medium immutari a sono realiter usque ad organum, diximus in. 2. de anima, in cap. de auditu.

Tertia, In odoratu prius immutatur medium quod est aer, uel aqua, quam organum, quoniam non sentitur odor nisi ab odorifero resoluator fumalis euaporatio: quæ recepta in medio alterat medium causans in eo odorem realiter: sicut calidum causat calorem. In parte igitur propinqua corpori odorifero causatur motu alterationis odor, & hæc pars facta odorifera alterat subsequenter, & illa aliam, quoniam quando medium est multum non simul totum, sed succesſiue alteratur, sicut & partes aquæ succesſiue caleſcunt ab igne: oportet ergo medium prius immutari motu alterationis ab odore quam sentiat odoratus, utrum autem sit necesse odorem recipi realiter in toto medio usque ad organum, diximus in cap. de odoratu.

Quarta, Non est necesse in gustu, & tactu obiectum prius immutare medium quam organum, quoniam sentiunt per medium coniunctum, quod est de substantia sentientis, quod est caro, ut diximus in secundo de anima, cui immixti sunt nerui, qui sunt organum tactus, et gustus, ut diximus ibidem. Et propterea statim quod gustabile unitur linguæ, & tangibilis qualitas carni, sentiuntur. non ergo necesse est prius tempore immutari medium in his sensibus, quam organum. Secus autem esset si gustaremus, aut tangeremus per medium a remotis, tunc enim accideret sicut & in odoratu, quoniam nec gustus, nec tactus fit sine alteratione medij. unde dicit Aristot. in lib. de sensu, & sensato, esset utique gustare sicut

odor, si remotus, id est per medium remotum tangeremus.
Hæc de secundo dubio sufficiant.

Quantum ad tertium dubium dico duo. Primo arguo quod impossibile sit animali duobus sensibus simul. i. i eodem instanti sentire sensibilia diuersorum generum, puta quod eo instanti quo uidet album, audiat sonum. Secundo declaro quomodo hoc sit possibile, & soluo argumentum.

Circa primum aduerte, quod Aristo. arguit ad partem negatiuam tribus rationibus, ex quibus adduco difficultatem, quæ est hæc in summa. Animal non potest eodem sensu simul sentire distincta sensibilia eiusdem generis, puta non potest visu simul uidere album & nigrum. ergo non potest distinctis sensibus simul sentire distincta obiecta diuersorum generum, puta visu album, auditu sonum. consequentia uidetur manifesta a maiori negatiuæ. uidetur enim minus impossibile quod simul sentiam eodem sensu duo obiecta eiusdem generis, quam duobus sensibus duo obiecta diuersorum generum: quoniam cum sentire sit quidam motus, duo motus minus diuersi uidentur se magis compati in eodem, quam magis diuersi. Constat autem quod due sensationes duorum obiectorum unius generis sunt minus diuersæ, quam due duorum obiectorum distinctorum generum. ergo si ille non se compatiuntur, nec istæ. Antecedens autem sic probatur. Vnus sensus numero non potest simul actuari pluribus sensationibus, quoniam se habet sensatio ad sensum sicut forma sua. Idem autem non potest simul informari pluribus formis eiusdem generis, sicut non potest eadem pars superficie fieri simul alba, & nigra, sed plures sensationes sunt circa plura sensibilia. ergo uel est necesse ex pluribus sensibilibus fieri unum, ut simul sentiantur, & tunc sentiuntur ut, unum, non ut plura, sicut quando gustamus saporem mixtum ex dulci, & austero: uel non possunt simul sentiri, ut remanet distincta. Patet igitur quod si animal non potest eodem sensu plura sentire pro eodem instanti, nec plura pluribus sensibus.

Et confirmatur

Et confirmatur, quoniam si simul sentit plura distincta genere pluribus sensibus, ergo cognoscit in eodem instanti differentiam eorum, quomodo. scilicet differt album a sono, uel a sapore &c. Sed non potest assignari differentia inter duo distincta genere, nisi ab una potentia utrumque apprehendatur. ergo est impossibile duos sensus, ut duo sunt, simul plura sentire, nisi ex duobus sensibus fiat unus sensus, quod est impossibile, ut patet.

Circa secundum aduerte, quod Aristo. respondens concedit quod plura ut plura possunt simul a pluribus sensibus sentiri, hac tamen ratione quod plures sensus exteriores correspondent uni interiori, sicut plures lineae correspondent uni centro. Item quod unus sensus potest simul sentire plura sensibilia eiusdem generis, ut album & nigrum, & duas uoces simul, acutam, & grauem, prout hic sensus, puta uisus subordinatur sensui communi, in quo terminantur sensationes omnium sensuum exteriorum, ita quod ratio sentiendi plura simul, siue per plures sensus, siue per unum, non sumitur precise a sensu exteriori, quoniam ut sic ratio in oppositum adducta concluderet, sed sumitur ex reductione ad unum superiorem in quo uniuntur sensus exteriores, quem in. 2. de anima. diximus esse, & nominari sensum communem, & illic assignauimus necessitatem ponendi ipsum, & proprias actiones suas. Et quoniam (experientia teste) constat quod dictum est de pluribus sensibus, & de eodem sensu quo ad simultatem plurium sensationum, ideo Aristo. non multum laborat ad hoc probandum: sed conatur declarare quomodo ratio supra inducta nec confirmatio concludunt.

Nos igitur formaliter respondentes ad rationem, negamus antecedens. Ad probationem dicimus, quod non est eadem ratio de simultate plurium formarum eiusdem generis secundum esse reale, & secundum esse intentionale, quoniam licet non se compariantur secundum esse reale in eodem, tamen se compatiuntur secundum esse intentionale, quoniam secundum illud nullam habent repugnantiam.

adinuicem, & quoniam in sensu recipiuntur forme sine materia, i. secundum esse spiritale, ex diffinitione sensus data in. 2. de anima, ideo antecedens illius rationis non est uerū. Et aduerte q̄ hęc solutio est secundum diuum Tho. Nam in cōmenta. lib. de sensu & sensa. circa fi. exponens tex. qui incipit, Vel quemadmodum, sic dicit. Nō omnino se habet in sensu, & in intellectu, sicut in corporibus naturalibus. Corpus enim naturale recipit formas secundum esse naturale, & materiale, secundum quod habēt inter se contrarietatem, & ideo non potest idem corpus simul recipere albedinem, & nigredinē: sed sensus, & intellectus recipiunt formas rerum spiritualiter, & immaterialiter secundum esse quoddam intentionale, prout non habent contrarietatem: unde sensus, & intellectus simul possunt recipere species cōtrariorum. cuius simile potest uideri in diaphano, quod in una & eadem parte sui immutatur ab albo, & a nigro, quia immutatio non est materialis secundum esse naturale, ut supra dictum est. Hęc diuus Tho.

Ad confirmationem autem, conceditur consequentia, & cum dicitur, q̄ nō potest assignari differentia inter duo distincta genere, nisi ab una potentia utrūq; apprehendat;

Respondetur, q̄ sufficit utrunq; apprehendi ab una potentia, uel a duabus, ut uniuntur in una superiori in qua terminantur utriusq; apprehensiones. Et hęc secunda pars est uera; quoniā omnes sensus exteriores adinuicem quidem comparati sunt distincti. respectu autem sensus cōmunis in quo, ut in cōmuni termino uniuntur, sunt unum. Concedo igitur q̄ nisi distincti sensus unirentur in aliquo uno superiori, non possunt simul plura apprehendere, & inter ea assignari differentia. Et ideo antiqui ignorantes naturam sensus communis, non poterant hanc rationem soluere, & cogebantur negare q̄ simul plura sentiamus & quoniam uidebantur negare experientiam, dicebant q̄ in rei ueritate non simul, in eodem instanti, sed in tempore imperceptibili, ita q̄ ex parte rei prius unum quam aliud sentimus,

licet id nos lateat, & ad hoc deducebatur, quoniam nesciebant pluralitatem sensuum exteriorum ad unum intrinsecum, ut communem terminum deducere, sicut inuenit Aristoteli, a quo sic habemus in lib. de sensu, & sensato. Similiter ergo ponendum est in anima, idem & unum esse numero sensitiuum omnium, secundum esse tamen alterum, & alterum, horum quidem genere, horum autem specie. quare sentiet quidem simul eodem & uno, ratione autem non eodem. Hæc Aristoteli. Et intendit quod in anima est una potentia sensitiua omnium obiectorum sensibilibus distinctorum genere & distinctorum specie, quam dicimus Sensum communem, qui in se quidem unus est, ut comparatur autem ad diuersos sensus, ut centrum ad diuersas lineas quarum est terminus, alter & alter est secundum rationem. Et propterea uerum est dicere animal sentire plura simul uno sensu, & non uno. Vno quidem subiecto, non uno autem ratione siue formaliter. Hæc de tertio dubio dicta sint.

De organis & obiectis igitur sensuum exteriorum hæc dixerimus, non declinantes a mente Aristoteli in lib. de sensu & sensato, qui proprio titulo deberet dici liber de sensitiuo. i. organo, & sensato. i. obiecto sensuum exteriorum.

CHRYSOSTOMI AVELLI

Canapitij. Epitome in librum de somno

& vigilia.



CONSIDERATIONEM

Aristoteli in libro de somno & vigilia perstringemus in uno tractatu, quem diuidemus in tria capita.

In primo agemus de uigilia & dormitione.

In secundo de somnio.

In tertio de diuinatione somniorum.

IN primo cap. quatuor agenda sunt.

Primo, quibus competant uigilia & dormitio.

Secundo, posito q̄ competant soli animali, secundum quam partem primo dormiunt & uigilant.

Tertio, quæ sint dormitionis causæ.

Quarto, soluetur dubium.

Quantum ad primum aduerte, q̄ non sunt passionēs solius aīe, ut intelligere, nec solius corporis, ut moueri deorsum, sed p̄iuncti. i. ipsius uiuentis, nec oīs uiuentis, sed solius aīalis. quoniā cū uigilare sit uti aliquo sensu, et dormire sit priuari usu sensus (Dicitur enim dormitio uacatio sensuum exteriorum, eius erit uigilia) & dormitio, cuius ē sentire, sed sentire non est animæ, nec corporis, sed coniuncti, nec oīs uiuentis, sed solius animalis, quoniam sensitium est differentia propria animalis. ergo idem concludendum est de uigilia, & dormitione. Et quidem q̄ sentire sit passio totius uiuentis, nō absolute, sed solius, & omnis animalis, probat sic Aristot. Cuius est potentia siue uirtus eius est actio, sed sensus est totius uiuentis, quod est animal. sensitium enim constituit animal. ergo sentire est passio non solius animæ, uel corporis, sed totius, quod est animal. Cum igitur uigilia, & dormitio consequantur partem sensituiam, quoniam cum sint priuatiue opposita habent fieri circa idem, sequitur q̄ plantę, nec uiuentia separata possunt dici proprie uigilare, nec dormire, nisi forte metaphorice, ut dicantur plantę dormire in hyeme, quia non pullulant, in uere autem uigilare, quia pullulant, & Deus dicatur dormire quando nō punit malos, & uigilare quando castigat. sed hæc non sunt præsentis negotij.

Sed aliquis quæret utrum insint omni animali, et utrum alternatim, ita q̄ sit necesse omni animali, quantumcunq̄ imperfecto, aliquanto tempore uigilare, & aliquanto tempore dormire, & iterum excitari, & iterum dormire, ita q̄ non possit semper uigilare.

Respondeo utrique quæsito affirmatiue, & quidem quod
 insint omni animali declaro sic. Cuicūque inest sensus con-
 tingit inesse solutionem siue usum sensus, aliter frustra sibi
 inesset sensus. habemus enim sensum, ut sentiamus. solutio
 autem sensus uigilia dicitur: sed omni animali inest sensus
 ex diffinitione sua. ergo ei contingit inesse solutionem sen-
 sus, quæ dicitur uigilia. Quòd autem insit dormitio declaro
 sic. Vigilia & dormitio sunt, ut habitus, et priuatio. ergo ha-
 bent fieri circa idem. ergo sicut omne animal aptum est ui-
 gilarè, ita aptum est dormire. Præterea, omne animal, aut
 perfectum, aut imperfectum est si perfectum, manifeste ui-
 demus ipsum uigilare, & dormire: si imperfectum, adhuc
 idem uidemus, licet non ita manifeste, aut quia non claudunt
 oculos, sicut carentia palpebris, aut quia parua, & breui in-
 digent dormitione. propter paruam nutrimenti euaporatio-
 nem, ut habentia durum corium & squammosa, ut serpen-
 tes. unde dicuntur dracones uigiles, aut propter frigiditatē
 complexionis, sicut pisces, qui tamen uisi sunt dormire. un-
 de (inquit Aristo.) genera piscium omniumque marinorum
 uisa sunt dormientia. Quòd autem necessario insint alter-
 natim omni animali, declaro sic. Et primo quod post aliquan-
 tam uigiliam necessario sequitur dormitio. Et secundo, quod
 post aliquantam dormitionem sequitur uigilia. Primum sic.
 In omni actione sensuum animal laborat, eo quòd sensus
 est uirtus organica. organum autem cum sit elementatum,
 alterabile est, & ex eo quod uirtus sentiendi indiget spiri-
 tibus sibi ministratis a corde, qui paulatim debilitantur & re-
 soluuntur, nisi renouentur & fortificentur. ergo post deter-
 minatum tempus necesse est sensum uacare, & immobili-
 tari, ut quiete confortetur, & restaurentur spiritus sensitiui.
 Hæc autem uacatio, & immobilitas sensus dicitur dormi-
 tio. ergo ne animal continuato labore uigilie deficiat, neces-
 se est post aliquantam uigiliam sequi dormitionem. Hinc
 uidemus aliquos prohibitos dormire ab hostibus suis, omni-
 no deficere uiribus, & si longo tempore sint insomnes, pe-

ritus deficiunt. secundum sic, Cum dormitio sit uinculum, & immobilitas partis sensitivæ, necesse est omne dormiens esse sensitivum. sensitivum autem est quod potest sentire secundum actum, sicut calefactivum quod potest actu calefacere. ergo necesse est omne dormiens posse sentire secundum actum, sed non in quantum dormiens. ergo necesse est ipsum excitari, ut actu sentiat.

Præterea, si post dormitionem regulariter non sequeretur uigilia, non haberet rationem quietis, & salutis, sed potius destructionis. Certum est enim quod nisi dormiens expergisceretur, non reciperet alimentum, ex consequenti deficeret, & tunc destrueretur causa finalis dormitionis. Naturæ enim auctor intendit dormitionem in animali, ut fortius operetur, & non, ut corrumpatur. quod si cōtingat aliquem dormientem nō amplius excitari, id provenit ex pessima ægitudine, & non ex causis naturaliter inducentibus somnum. Nec dicendum est talem proprie dormire, sed mortifere ægrotare, ut dicemus infra. Patet igitur quod uigilia & dormitio insunt soli animali, & omni, & alternatim.

Quantum ad secundum adverte, quod cum dormitio sit uacatio siue privatio sensationis in omnibus sensibus exterioribus (si enim homo utitur uno sensu, dato quod nō utatur alijs, non dicitur dormire) necesse est reducere dormitionem ad illam partem, ut ad primum subiectum, qua soluta soluti sunt sensus exteriores, siue insint omnes, ut in animali perfecto, siue solus gustus & tactus, ut in animali imperfecto: et qua ligata siue immobilitata omnes ligantur. Hæc autem partem dicit Aristoteles esse illam in qua situatur sensus communis, siue sit pars anterior capitis, ut in animali perfecto, sicut diximus in. 2. de anima: siue sit pars proportionalis illi, ut in animali imperfecto. nam a corde transmittuntur spiritus sensitivi ad sensum cōmunem, ut ad fontem & cōmunem terminum, & a sensu communi transmittuntur ad organa sensuum particulariū, ut aqua fontis ad riuulos. Ita quod sensus cōmunis est principium primū a quo uir-

utē sentiendi actu recipiunt sensus particulares, & ad quē terminantur eorum sensatiōes, sicut diuersæ lineæ ad unū centrum. sicut igitur deficiēte aqua fontis, deficit & in riuulis, & sicut restituta fonti restituitur riuulis, nisi obturentur ora riuulorum: sic ligato & immobilitato sensu cōmuni, uipote uniuersali principio sentiendi, ligantur omnes sensus particulares, & hæc ligatio dicitur dormitio, & soluto sensu cōi soluantur sensus particulares, & hæc solutio dicitur uigilia. Primum igitur subiectum uigiliæ, & dormitionis ē sensus cōmunis. Quibus autem causis soluator, & ligetur sensus cōis, dicemus infra agentes de causis dormitionis.

Sed quoniam aliquis negare posset dari sensum communem, ex consequenti reductionem uigiliæ, & dormitionis ad ipsum, ut ad primum subiectum, esse fictionē: ideo Aristot. probat necessitatem huius sensus rationibus tactis in 2. de anima, & in lib. de sensu, & sensato, quæ sunt duæ. primo, animal sentit se sentire, ut cognoscit se uidere, & audire &c. & hoc non aliquo sensu particulari. uisus enim non cognoscit nisi lucidum, uel coloratum. uisio autem nec lucida, nec colorata est, ut patet. ergo &c. Idem dico de quocunq; alio sensu exteriori respectu actionis suæ. ergo necesse ē dari alium sensum iudicatum circa huiusmodi actiones. Iudicare autem non posset nisi ad ipsum terminentur actiones omnium sensuum exteriorum, ut ad communem terminum, & hunc dicimus esse sensum cōmunem. secundo, animal cognoscit differentiam inter obiecta diuersorū generum, ut inter colorem, & sonum. hanc autem non potest cognoscere aliquis exteriorum sensuum, quoniam cognoscens differentiā inter aliqua duo, necesse est ut utrūq; apprehendat. nullus autem particularis sensus apprehendit colorem, & sonum per se. ergo necesse est dare sensum superiorem, ad quem terminentur sensationes, & uisus, & auditus, & aliorum sensuum, & hic cognoscet huiusmodi differentiam, & hunc dicimus sensum communem. Vnde dicit Aristot. est autem quædam & communis potentia, q̄

sequitur omnes, quia & quod uidet, & audit, & sentit. non enim uisu quidem uidet quoniam uidet, & iudicat, & potest discernere, quoniam alia quidem sunt dulcia ab albis, nec gustu, nec uisu, nec ambobus, sed quadam communi particula omnium sensitiuorum. Hæc Aristo. Patet igitur uigiliam, & somnum inesse animali. primo et principaliter propter sensum communem, & ab ipso deriuantur ad sensus exteriores, ut clarius dicitur infra.

Quantum ad tertium, ut perfecte sciamus causas dormitionis, dicemus de eius causa finali, & de materiali, & de efficiente, & de formali.

Quantum ad finalem, dicit Aristo. esse salutem, & conseruationē aīalis. euilibet enim nō potenti continuare actiones suas, & motus proprios cum delectatione, necessaria ē quies, ut interpositione saluetur, & conseruetur operans, & mouens seipsum sed omne animal est huiusmodi, quoniā organa sensuum, & principia motus alterabilia sunt, & defatigabilia. ergo indiget quiete, & interpositione. & hanc quædam quietem uirtutum animalium dicimus somnum. dico autem uirtutum animalium, idest sensitiuarum exteriorum, ad differentiam sensitiuarum interiorum, quas nō est necesse quiescere, & vacare in dormitiōe, ut dicemus agentes de somnio, & ad differentiam uirtutum naturalium. i. vegetatiuarum quæ in dormitione intensiua operantur, propter adunitionem caloris, ut dicemus agentes de causa efficiente dormitionis. Huiusmodi autem quies iterum ordinatur ad uigiliam. i. ad operandum, siue exercendum opera sensuum prompte, & delectabiliter, & in homine ad intelligendum. sentire enim, & intelligere optimum est in nobis. Dicamus igitur finem dormitionis esse, ut quiescamus a labore actionum potentiarum sensitiuarum, & motiuarum, & intellectiuarum. Admiscetur enim labor in intelligentione ex eo quod necesse est intelligentem phantasmata speculari. Ideo autem quiescimus, ut reassumptis viribus, & fortificatis organis, prompte & delectabiliter iterum reuertamur

uertamur ad opera nobis conuenientia. Et propterea bene inquit Aristo. quare propter salutem animalium existit somnus. uigilia uero finis, nam sentire, & sapere omnibus finis, quibus inest alterum eorum. Hæc Aristo.

Quantum ad causam materiale possumus dicere, quod primum instrumentum, siue organum est cerebrum. primo autem subiectum in quo recipitur dormitio est sensus communis, quoniam (ut diximus supra) est sensus sensuum exteriorum, qui primo ligatur, & de modo ligationis suæ dicemus infra. Primum uero principium siue radix est cor in hominibus sanguine: in non hominibus autem aliquod proportionale cordi. Et quidē quod sensus communis, qui situatur in prima parte cerebri sit primum subiectum, diximus supra. Nūc autem probandum est cor esse primum principium dormitionis, & uigiliæ, & arguo sic Cum dormitio, & uigilia consequantur partem sensitivam, & motiuam (Est enim dormitio priuatio sensationis, & motus localis) ergo idem est principium sentiendi, & mouendi secundum locum in animali, & uigilandi, & dormiendi: sed cor in habentibus sanguinem est primum principium sentiendi, & mouendi secundum locum, quoniam cor est primum principium spirituum, ut testatur continua refrigeratio per respirationem, & inspirationem, & sine spiritibus transmissis a corde ad organum sensus communis, & potentiæ motiue non sit sensatio, nec motus localis in animali, ut dicemus infra agentes de causa efficiēte dormitionis. ergo manifestum est quod cor est primum principium uigiliæ, & dormitionis. quod autem attribuitur cordi in animali perfecto, attribuitur alicui parti, quæ est loco cordis in animali imperfecto, ut in animalibus dictis rotula, siue anulosa, ut apes, uespæ, papiliones, & bobygia. i. facientia sericum. Indeterminata enim particula est perseverans spiritus complantatus, qui in eis est principium sentiendi, & motus localis. cuius signum est, quod in eis uidemus continuum motum circa diaphragma, quoniam illic stat spiritus pulsabilis complantatus. Hæc dicta sint de primo

principio dormitionis, & uigiliæ.

Sed insurgit dubium, quoniam dictum est dormitionē esse priuationem sensationis, & motus localis. nā uidemus aliquos dormiētes surgere, & ambulare, & agere stupēda. Respondeo. Hic intendimus de his quæ formaliter, & per se conueniunt dormitioni. ea autem formaliter, & per se conueniunt, quæ causantur a causis naturalibus inducentibus dormitionem. Huiusmodi autē cause (ut dicemus infra agentes de cā efficiente) faciunt organa sensuum, & potentia motuæ oppilari, ex pñti faciunt priuationē motus, & sensus. Quod autē aliqui dormiētes moueant se localiter, id nō prouenit a causa naturali, sed nō naturali. & est calor inordinatus, siue extraneus, et non bene regulatus. nam sicut calor naturalis diffusus per neruos, & musculos, est causa ordinati motus in uigilātē: sic calor innaturalis diffusus in corpore aliquorum dormientium est causa multorum motuum inordinatorum, ut patet in febricitantibus dormientibus, qui iactant se in lecto propter calorem febrilem. unde omnes agitantes se in lecto, & surgentes, & ambulantes id patiuntur ex calore irregulato, quare non ut dormientes, quoniā ut sic sunt quiescentes, sed ut infirmātes potius huiusmodi motus habent. cuius signum est, qd expergefacti sentiunt se fatigatos, & debiles, & tamen dormitio, ut dormitio fortificat, & restaurat.

Quantum ad causam efficientem, quoniā dicemus hāc esse euaporationem factam ex nutrimento ad caput, primo dicemus a qua de nutrimento, prout deseruiunt præsenti intentioni. deinde assignabimus causam efficientem dormitionis, & declarabimus manifestis signis.

Aduerte igitur, qd necesse est animal nutrirī, & augeri statim qd recipit sensum, sed nutrirī usq; in extremum uitæ propter restitutionem humidi substantifici, quod continue deperditur ex consumptione facta a calore naturali, ut dicemus in libro de causa mor. & ui. augeri autem non conuenit usque ad extremum uitæ, sed ad determinatum tem-

pus, in quo acquiritur quantitas debita uiuenti secundum speciem suam, ut dictum est in primo libro de generatione. Nutrimentum autem proximum quod in substantiam animae conuertitur est sanguis in habentibus sanguinem, & in non habentibus sanguinem est aliquod proportionale sanguini. Recipitur autem sanguis in uenis, ut in proprio loco, ut ex eis deferatur, & distribuatur per omnes partes corporis. & uenarum omnium principium est cor, a quo uelut a fonte calido, & humido, uenae recipiunt sanguinem. Antequam autem cibus conuertatur in sanguinem, primo recipitur in stomacho, & ibi decoquitur prima decoctione, qua separatur crassum a subtili, deinde subtile transmittitur ad hepar, & adhuc magis decoquitur, ac depuratur: deinde transmittitur ad cor, & illic completur digestio, & facta conuersio ne in sanguinem subtilem recipitur sanguis in uenis, & a corde fit multa euaporatio per uenas ad caput, quoniam calidum facit euaporare humidum. Cor autem calidum est, & sanguis calidus-humidus, ideo cum delatione sanguinis per uenas magna fit euaporatio ex nutrimento ad caput.

Stantibus his tanquam fundamentis dico, quod causa efficiens uerę dormitionis, & naturalis, quae est requies propter salutem animalis, est euaporatio nutrimenti ex corde per uenas ad caput. Dico autem uerę dormitionis, & naturalis, quoniam non omnis ligatio sensus communis, & sensuum exteriorum meretur dici dormitio. Causatur enim huiusmodi ligatio ex multis & malis accidentibus, ut in apoplectico, & epileptico, & ex debilitate spirituum, siue maxima resolutione, & ex intensissima meditatione circa aliquod speculabile, uel multum terribile, uel multum delectabile: ut patet in his quae patiuntur ecstasim, & maxime in mulieribus, quae quoniam uehementer intendunt in beneplacitum sibi, & deterrentur ab apprehensis multum nociuis, facile alienantur a sensibus, & constituuntur in impotentia sentiendi. Haec igitur impotentia sentiendi causata a supradictis, licet assimiletur dormitioni, non tamen meretur dici dormi-

tio, quoniam non ordinatur ad quietem, & salutem animalis, sed pro maiori parte causat oppositum.

Quomodo autem ex nutrimenti euaporatiōe causetur dormitio, nunc declarandum est. Aduerte igitur, q̄ calor naturalis complantatus in locis in quibus celebratur digestio, & præcipue in corde se habet ad nutrimentum, sicut calor ignis ad uegetabilia repōita in lambico: & cerebrum se habet, ut operculum lambici, & ueng se habent, ut cānule ascendentes a lambico ad operculum, qm̄ sicut ignis facit euaporare uegetabilia ex lambico per cānulas ad operculum: sic calor naturalis facit euaporare nutrimentum per uenas ad cerebrum. & sicut uapor eleuatus ex uegetabilibus, dum ascēdit est, subtilis, & humidus, & cum peruenit ad operculum ex frigidityte operculi inraffatur adeo, q̄ conuertitur in aquam, & factus densus, ac grauis descendit per cānulas: sic uapores eleuati ex nutrimento dū ascendunt per uenas, subtiles sunt, & humidi, & cum perueniūt ad caput ex frigidityte intensa cerebri inraffantur, adeo q̄ facti graues, & densi quærunt descensum per uenas, sicut per eas ascenderunt. & sicut uapor uegetabilium conuersus in aquam, si descenderet per cānulas ualde strictas obturaret eas, adeo q̄ calor ex lambico, & fumus subtilis nō possent ascendere, sed reprecuterentur inferius donec uapor conuersus in aquam pro maiori parte descendisset: sic uapores nutrimenti inraffati frigidityte cerebri, descendētes per uenas adeo obturant eas, q̄ calor & spiritus procedentes a corde per uenas ad caput, & præcipue ad sensum cōmunem, ut sint principium sentiendi, & motus in aīali repellūtur, & reprimūtur ad cor, donec uapores inraffati pro maiori parte descenderint, uel resoluti fuerint. & quoniam (ut diximus) motus & sensus inest aīali ex spiritibus emissis a corde, & calore per uenas ad caput, & ad sensum cōmunem, ut ad fontem, & ex eo ad sensus exteriores, sequitur immobilitas, & ligatio in eis ex reprecussione caloris, & spirituum ad cor ex causis dictis. Hanc autem immobi-

litem, & ligationem dicimus esse ueram dormitionem. Patet igitur causa efficiens uere dormitionis.

Et quidem, q̄ huiusmodi euaporatio cū ingrossata fuerit inducat ligationem sensuum, siue procedat ex nutrimento, siue ex alia humiditate intrinseca animali etiā superflua & maligna, & non solum naturali, patet ex multis signis.

Et primo ex parte cibi & potus, qui sunt multum uaporesi, ut uinum, lolium, papauer, opium, adeo enim uaporant q̄ grauant caput, & palpebras, & inducunt dormitionem longam, & profundam, ita q̄ cum maxima difficultate excitamur, & id maxime apparet in ebrio, & in comedente panem ex lolio.

Secundo ex parte ægritudinum, quæ fundantur in humiditate crassa, & superflua, ut febres, epilepsia, apoplexia. Ex calore enim inordinato agente in humoribus corruptis maxima excitatur euaporatio ad cerebrum per uenas, & adeo incrassatur, q̄ non solum inducit dormitionem, ut in febricitante, sed pene suffocat patientem propter uehementem obturationem arteriarum, per quas fit respiratio, ut patet in patiente morbum caducū, qui in pluribus euenit dormientibus, eo q̄ in dormitione adunitur calor, & causat maiorem euaporationem, quam in uigilia.

Tertio, ex parte ætatis. nam in infantia, & pueritia, quibus dominatur calidum humidum, multe sunt euaporationes, & ideo multum dormiunt. Signum autem magnę euaporationis incrassatę ex frigidity cerebri est q̄ infantes non possunt collum uoluere, quoniam cum habeant uenas paruas, & euaporatio sit multa, cum difficultate descendit: ideo immobilitate partes circa collum, p̄pterea (inquit Arist.) non sunt infantes potandi uino, nec nutrices. parum enim differt nutricem, aut infantem bibere uinum, quoniam lac declinat ad qualitates nutrimenti ex quo generatur, et ideo quia uinum est uaporosum, lac erit uaporosum, & multiplicabit in infante humiditates crassas &c. Senectus autē quoniam fundatur in frigido, & sicco (ut dicemus in libro

de causa mor. & ui.) ideo paruas patitur euaporationes. in
de prouenit q̄ senes parum & difficulter dormiunt, præci
pue si non bene cibati, & potati fuerint. constituti autem in
ultimo senio quasi continue dormitant, non ex euaporatio
ne, sed de pauperatione spirituum, quibus non uigorantur
sensus, & ideo ut debilitati immobilitantur.

Quarto ex parte complexionis, nā melācholici parum
dormiunt eo q̄ sunt frigida, & sicca complexionis, ex cō
sequenti non fiunt in eis multe euaporationes. Euaporatio
enim est a calido agente in humidum, ut diximus in primo
Meteo. & habentes uenas strictas, & capita magna sunt
amatores somni, quoniam ex magnitudine cerebri fit in
eis multa incrassatio euaporationis, et cum habeant uenas
strictas cum difficultate, et longa mora descendit huiusmo
di incrassata euaporatio, propterea diu ligati pmanent sen
sus, & profunde dormiunt. qui autē uenas habent amplas,
moderate dormiunt propter oppositas causas, & si acci
dat hominem esse pusillæ staturæ, ut est nanus, & habere
uenas strictas, & caput magnum, adhuc amplius dormit,
quoniam ex parua distantia cordis ad caput fit in eo impe
tuosa euaporatio, & ex magnitudine capitis multū increas
satur, & ex strictura uenarum cum difficultate descendit.

Quinto ex fatigatione corporali, videmus enim homi
nem post multum laborem opprimi somno etiam q̄ sit ie
iunus, similiter post laborem spiritalem, ut post subtilem
speculationem, uel meditationem, immo & aliqui sunt qui
etiam post conuenientem dormitionem si audiunt, uel le
gunt, uel considerant subtilia statim dormitant cōtra vet
le suum. Item uidemus oppressos tristitia dormire, & fle
tus inducit somnum, & musica inducit somnū, unde apud
antiquos Reges accedebant ad lectum cum musica, quæ
nō cessabat donec dormire cepissent. horum autem oīum
est una communis ratio, quia. s. omnia prædicta sunt reso
lutiva, & causatiua euaporationum. propterea (inquit Ari
sto.) labor colliquatiuus est. i. resolutiuus, sicut & nurrimē.

tum si non sit frigidum. igitur ex omnibus his signis constat euaporationem esse causam ligatiuam sensuum exteriorum, propter quam redduntur impotentes ad sentiendum. Hæc de causa efficiente dormitionis dicta sint.

Postremo de causa formali eius agendum est. hæc autem scietur si notificatum fuerit quid sit formaliter dormitio. Aduerte igitur, quod est prauatio sensationis in sensibus exterioribus cuncta ex congregatione caloris naturalis ad intra, quæ congregatio fit ex vaporibus descendētibz, ut exposuimus, ordinata ad quietem, & salutem animalis. Et quidem quod in dormitione congregetur calor ad intra, patet ex duobus, quoniam actiones vegetatiue in dormitione vigorantur, quarum instrumentum est calor naturalis, & quoniam exteriora membra, præcipue superiora infrigidantur, ut caput, inferiora autem, ut circa rhenes, & pedes calefiunt. Hæc de quatuor causis dormitionis dicta sint.

Quantum ad quartum, mouetur ex dictis tale dubium. Dictum est dormitionem causari ex congregatione caloris ad intra facta ex descensu vaporum per venas etc. Sed id non videtur verum. nam ad congregationem caloris sequitur infrigidatio. ergo dormitio causabitur ex infrigidatione, sed hoc est impossibile, quoniam calida humida vaporosa, ut vinum, inducunt dormitionem, sed calida causant calefactionem, ut patet. ergo non videtur dormitio causari ex infrigidatione, immo potius ex calefactione.

Ad hoc respondetur, quod dormitionis duæ sunt causæ. scilicet originalis, & completiua. Originalis quidem est calefactio, quæ causatur ex uaporibus calidis eleuatis a nutrimento calefacto ex calore naturali decoquente, & ascendētibz ad caput. Completiua autem est infrigidatio causata a cerebro incrassante huiusmodi vapores ex quorum descensu congregatur calor ad intra, ut diximus. non igitur inconuenit causam dormitionis esse calefactionem, & infrigidationem, sed ex diuersis principiis, ut dictum est. Concedo igitur quod calida humida ex se inducunt calefactionem, cum quo tamen

stat causari in frigidationem ex loco ad quem euaporatio ascendit. Exemplum habemus in pluuia, cuius causa originalis est calefactio solis agentis in humida, & eleuatis vaporibus humidis. Completiua autem est in frigidatio, & compressa vaporum causata ex frigiditate mediæ regionis aeris, vt declarauimus in Meteo. Hæc de dormitione dicta sint. Nunc dicemus de somnijs, id est simulacris apparentibus dormienti.

C A P. I I.

IN secundo capitu. agendum est de somno, quod accidit animali dormienti, de quo considerabimus quinque.

Primo, cui ex potentijs animæ attribuitur somnium.

Secundo, quod est fundamentum siue materia somnij.

Tertio, quomodo sit.

Quarto, quomodo diuersificentur somnia.

Quinto, ex omnibus his elicietur diffinitio somnij.

Quantum ad primum, pono quatuor conclusiones. Prima, Somnium non fit per potentias vegetatiuas, quoniam consequitur dormitionem, vt propria passio. solus enim dormiens, & in eo qd dormit somniat, vt dicemus infra. sed dormitio non attribuitur potentijs vegetatiuis ex prædictis in primo cap. ergo etc.

Secunda, somnium non fit per sensus exteriores, quoniam fit dum animal dormit. ergo dum ligati sunt sensus exteriores, & priuati actu suo, ex consequenti licet videatur somnianti videre colores, audire cantus, gustare cibos, tñ dum dormit nihil horum per sensus exteriores apprehendit. ergo etc.

Tertia, Somnium non fit per intellectiuam potentiam, licet aliquando ad illud concurrat, quoniam intelligimus proprie vniuersalia: Somniamus autem singularia, & cum circumstantijs singularibus. Neq; enim somniamus hominē, vt homo est, neq; equum, neq; capram, sed hunc hominē sic coloratum, in tali loco, sic loquentem, sic agentem, sub intēctione amicitiae, vel inimicitiae, gaudij, vel tristitiæ: ergo etc. Dixi autem, licet aliquando concurrat intellectiua

pars:

pars: quoniam contingit homini habere somnium adeo eleuatum, quod in eo argumentatur, discurrit, soluit argumenta, metra componit, quod non potest fieri nisi concurren-
te intellectu. huiusmodi enim actiones propriæ sunt homi-
ni in quantum intellectualis est.

Quarta, somnium fit per potentiam phantasie, quoniam somnium est phantasma. quod enim apparet, uel uideatur nobis in dormitione, somnium est: phantasma autem a phantasia est, sicut auditio ab auditu, ergo &c. manifestum igitur est quod somnium attribuitur parti sensitiuæ non exteriori, ut probatum est. ergo interiori, & in particulari ipsi phantasie. & hoc est ab omnibus concessum.

Quantum ad secundum, dico quod fundamentum, & materia somnij sunt species siue imagines cōseruatæ in phantasia. Pro cuius noticia aduerte, quod (ut diximus in secundo de anima agentes de sensibus interioribus) obiecta sensibilia non solum agunt in sensus, dum presentia sunt, sed relinquunt post se impressionem, quæ permanet in sensu etiam remotis ipsis obiectis. Quod manifestatur & in sensu exteriori, & in interiori. In exteriori quidem, & primo in uisu, nam si quis directe inspicit Solem, cum auerterit oculum nihil uidebit quasi factus tenebrosus ex forti impressione recepta, & permanente in oculo usque ad aliquantulum spatium temporis; & si quis per notabilem moram tene-
ret fixum oculum in splendore Solis efficeretur cæcus. cor-
rumperetur enim pupilla ab excessiuo, & sibi impropor-
tionato illuminoso. Item si quis uidet aliquandiu excessiuum
colorem, puta ambulans per niues, ad quodcunque conuer-
tit oculum uidetur esse eiusdem coloris. Item aspiciens fixe
aquas uelociter currentes, quæcunque quiescentia, ut arbo-
res ad quæ conuertit oculum uidentur moueri. In auditu
autem constat quod uehementes soni faciunt hominē sur-
descere, ita quod non percipiunt mediocres sonos, ut patet de
malleatoribus metallorum, & de molendinarijs. In odora-
tu manifestum est, & gustu: quoniam post odoracionem

excedentis odoris, siue fetoris: uidentur alia odorabilia esse eiusdem odoris, uel fetoris. Idem pater in gustu. Gustato enim forti, amaro, uel acetoso, prohibentur gustari alia secundum proprios sapores, donec cessauerit præcedens impressio. unde se habet excellens sensibile ad sensum sicut oculus mēstruatæ ad speculum mundum, & nouū, in quo non solum causat sui imaginem, sed & maculam ex spiritibus corruptis effluentibus ex oculo mēstruatæ, quæ cum difficultate abstergitur, præcipue a speculo nouo, in quo profundior fit huiusmodi spirituum receptio.

Quod autem huiusmodi impressio remaneat in phantasia, ita quod species sensatæ receptæ in organis sensuum exteriorum, & transmissæ ad sensum cōmunē, quo cōplentur sensationes exteriores, sigillentur in phantasia. Probat, quoniam animalia perfecta, quæ non habent necessaria sibi coniuncta, necesse est ut moueantur ad quærendū ea. nō mouerentur autem nisi recordarentur sensorum, nō recordarentur nisi retinerentur in phantasia species sensatæ, ut dicemus in libro de memoria, & reminiscencia. ubi assignabimus differentiam inter addiscere, & memorari. ergo &c. fundamentum igitur & materia somnii sunt species sensatæ, quæ remanent in phantasia, quas Aristot. uocat simulacra sensibilia, unde inquit. Ad eam uero quæ ex principio est considerationem ponatur unum quidē, quod ex ijs quæ dicta sunt, patet, quod recedente sensibili extrinsecus, remanent simulacra quæ sensibilia sunt.

Quantum ad tertium, dico quod fit ex regressu simulacrorum sensibilibum conseruatorū in phantasia ad sensum cōmunē. Pro cuius notitia, aduerte q̄ (ut inquit Cōment. in suo Tract. de somnio, & uigilia) Somnium fit per contrarium motum ei, qui est in uigilia. In uigilia enim sensibilia extrinseca mouent sensus exteriores, & sensum cōmunem per impressionem simulacrorum, quæ a sensu cōmuni transmittuntur ad phantasiam, & illic conseruantur. In somno autem actione phantasie cōponentis, & diuidentis

huiusmodi simulacra reuertuntur ad sensum cōmunem, & tunc uidetur homini quod uideat sensibilia adextra, etiā quod sint absentia, puta dormienti uidetur quod loquatur, quod ambulet cū Socrate, quod inueniat thesaurum &c.

Sed aduerte quod reuersio simulacrorum ad sensum cōmunem potest fieri tribus modis. Primo, in uigilia. Secundo quando incipit homo dormire, & nondum sunt perfecte ligati sensus. Tercio, dum homo totaliter dormit. In uigilia autem homine existēte in uehementi passione timoris, uel amoris, aut in uehementi ægitudine, ut in pestifera febre, uel in phrenesi. In statu etiā quieto fit reuersio simulacrorum ad sensum cōmunem ordinato motu & impetio uoluntatis, quando homo cogitare uult de absente, uel de præteritis a se uisis, uel auditis, uel gustatis &c. uel gestis, & tunc non decipitur, quoniam cogitat sicut fuit, & si uult ordinate cogitare remouet se ab occupatione sensuum exteriorum, quoniam uacantibus sensibus exterioribus uigorantur sensus interiores: fortiores sunt enim motus sensuum exteriorum propter motionem sensibilibus exteriorum, & debilitant actiones sensuum interiorum, sicut lux magna obumbrat minorem propter quod cogitauis, & meditauis quærit solitudinem, & loca non clara, & præcipue melancholia, quorum cogitationes sunt intensæ ex fixatione suæ cōplexionis. & si perseverant in uita solitaria ac sint mundæ uitæ efficiuntur prophetæ prophetia naturali, secundum Auicē. quoniam reddunt se aptos ad recipiendum illuminationes diuinas. Sed de ijs considerare non est præsentis negotij.

Si autem existit homo uigilans in uehementi passione concupiscibilis, ut in amore, uel desiderio fruendi re amata, fit impetuosa reuersio simulacri rei amatae cum circumstantijs amabilibus ad sensum cōmunem cōmouente concupiscibili, & imaginante imaginatiua, quod uidetur sic uigilanti semper habere ante oculos dilectum, & audire loquentem, & tangere: & adeo figitur huiusmodi simulacrum

In sensu cōmuni, quod excitāte passione decipitur uigilans in iudicio circa dilectum. uidetur enim sibi ex modica pulchritudine pulcherrimus, & in alijs amabilibus. inde orta est a sapientibus sententia, Amor & odium peruertunt iudicium, quoniam in intēperato obtinent dominium super rationem. Et quod dixi de amore, intellige de timido imaginante periculum. uidetur enim sibi semper habere hostes insequentes ex uehementi recurso simulacri hostilis ad sensum cōmunem stimulante passione timoris.

Si autem existit homo uigilans in uehemēti ægitudine, mouentur simulacra ex intensiuo calore inordinato ascendente ad cerebrum, & cōmouente imaginatiuam, tali impetu, quod omnino ligatur iudicium rationis, & tunc cogitantes loquuntur inordinate, patiuntur furias, dicunt se uidere in camera, aut mortuos, aut armatos, aut placida, prout in eis dominatur aut melancholia, aut cholera, aut alius humor, & iurant sic esse, nec potest aliter eis suaderi propter ligamentum rationis. Decipitur enim homo quando eadem potentia præsenteretur sibi unum uno modo, quod tamen est alio modo in se, & eadē potentia iudicat sic esse, inde est quod rusticus decipitur in magnitudine Solis, non autem Astronomus, quoniam rusticus uidet uisu esse pedalem, & imaginatiua iudicat ipsum pedalem, decipitur, quoniam uisus & imaginatiua non excedunt ordinem potentiarum sensitiuarum, in quibus iudicium sequitur modum apprehensionis. Quando autem Astronomus uidet Solem pedalem, non iudicat, ut uidet, sed ratione aduertit id prouenire ex maxima distantia. res enim uisa quanto magis distat tanto minor apparet & propterea Astronomus non errat, quia iudicat secundum rectam rationem. rusticus autem decipitur, quoniam solo sensu iudicat, ut apprehendit. sic accidit homini existenti in passione, & in pestifera, aut letali ægitudine.

Quando autem incipit homo dormire, & paulatim ligantur sensus mouentur simulacra ab imaginatiua ad sen-

sum cōmunem leui & tardo motu, & uidetur unum simulacrum euanescere post aliud, & uidetur homini quod paulatim recedat ab ijs sensibilibus, & si sentit aliquem loquentem, uidetur sibi esse maxime distans, quoniam dum paulatim ligantur sensus languent, idest debilitantur in actu suo, & diminute recipiunt impressiones sensibilibus exteriorum. & isti in tali statu ut in pluribus non decipiuntur. nam expergefacti cognoscunt quod dum ceperāt dormire uiderunt lucernę lumen in quodam nubilo, & audierunt canem latrare quasi a longe, & interrogati dormitantes respondent, licet uerba non continuent ex paulatina ligatione instrumentorum locutionis.

Quando uero homo totaliter dormit, phantasia est maxime libera uacantibus sensibus exterioribus, & intellectu, & cum ex natura sua sit in continuo motu negotiando circa simulacra in ipsa retenta, modo componendo unum cum altero, modo diuidendo, & composita siue diuisa mouendo ad sensum communem, id maxime facit in dormitione, utpote non impedita alijs potentijs, licet non semper ex tali motu simulacrorum causetur somnium in dormiente, & causam huius dicemus infra. Et aduerte quod adeo naturale est phantasie negotiari circa simulacra, quod in uigilia etiam præter uoluntatem ingerit huiusmodi simulacra, & (ut inquit Auice. in sexto naturalium) anima dum speculatur semper est in labore propter imaginatiuā, quoniam nisi ratio forti imperio cohibeat eam, multiplices subministrat distractiones. Hinc experimur quod cum operamur ex habitu in quo nec deliberatio, nec multa attentio requiritur, siue in artificiatis, ut dum teximus, aut suimus siue in spiritalibus, ut dum psallimus, uel oramus, quę memorię habemus, præsto se nobis offerunt uaria simulacra, quibus diuertimur ab intentione eorum quę operamur, aut dicimus. licet autem motus simulacrorum a phantasia ad sensum communem fiat tam in uigilia quam in dormitione, non causat somnium, nisi sit motus in dormiente

dum dormit. Dicitur enim somnium, quia cōsequitur somnum, & ideo (inquit Aristo.) phantasma quod est a motu simulacrorum, cum in dormiendo fit, & in eo q̄ dormit, hoc est somnium. Patet igitur quomodo fit somnium.

Quantum ad quartum præpono secundum Aristo. q̄ in causatione somniorum accidit, sicut in causatione imaginum in aqua. nam si uas sit plenum aqua, & manu fortiter moueatur, etiā quod Socrates respiciat in aqua nō apparebit eius imago propter multam agitationem, & perturbationem aquæ: & quādo inceperit sedari, apparebit imago, sed distorta, & secundum partes eminentes, & depressas: & quando omnino quieuerit aqua, apparebit imago recta integra, sicut imprimitur ab imaginato. & hæc diuersitas nōn prouenit ex facie Socratis, quoniam ex sui natura imprimit imaginem in humido, sicut est. diuersificatur autē ex uaria dispositione recipientis. sic accidit in dormiente, licet continue reuertantur simulacra a phantasia ad sensum cōmunem, non tamen semper causantur somnia, & aliquādo causantur monstruosa, & inordinata, interrupta, confusa: aliquando autem clara, integra, ordinata. Et ratio huius diuersitatis sumitur ex parte euaporationis ad caput causatæ a nutrimento, uel alio superfluo humido. Nam quando motus euaporatiuus est multus, adeo perturbat sanguinem descendentem a phantasia ad sensum cōmunem, cū quo descendunt simulacra, quod se habet ut aqua perturbata, in qua nullum apparet idolum, ut diximus. & p̄ tunc nullū causatur somnium, & id accidit in pueris, in quibus abundant euaporationes ex dominio humiditatis, & caliditatis, ideo parum somniant. idem accidit in ebrio dormiente, donec uinū ebullit, & fumose uaporat. Idem accidit cōmuniter omni dormienti post assumptum nutrimentum in prima hora dormitionis propter multam euaporationē ex nutrimento ebulliente. unde ebrj licet profundissime dormiant non somniant, & cibati in primo somno parum, uel nihil somniant. Quando autem motus euaporatiuus inci-

pit remitti, causantur somnia nō quieta, sed confusa, inordinata &c. sicut diximus de idolo in aqua quando incipit sedari, & id accidit ebrio cū ceperit cessare ebullitio uini, & febricitanti in diminutione febris, & cōmuniter omni dormienti bene cibato, cum incipit sedari motus nutrimenti, ut in secunda dormitione. Quando uero ex toto motus euaporatiuus cessauit, fiunt somnia clara & ordinata, & alii quando ita clara, quod uidetur somnianti se nō somniare, immo sic esse in ueritate. & id accidit post sedatum motū nutrimenti, ut in ultima parte dormitionis, & mane. unde experimur quod in mane dormientes habemus clariora & ordinatissima somnia. Hinc est quod uiri sobrii, & ieiunantes in dormitione patiuntur adeo clara somnia per totum tempus dormitionis, quod uidentur sibi non somnia, sed apertæ uisiones. Et circa huiusmodi somnia ponitur diuinatio, ut dicemus infra. de distinctione somnij in uerum & falsum, in naturale, coeleste, diuinū dicemus in cap. seq. pro nunc sufficiat de diuersificatione somnij in generali.

Quantum ad quintum, aduerte quod ex omnibus notificatis supra potest elici talis diffinitio somnij. Somnium est phantasma, idest apparitio causata in dormiente dum dormit ex recurſu simulacrorum a phantasia ad sensum cōmunem, prout sunt a phantasia composita adinuicem, uel diuisa: quo phantasmate uidetur dormienti sic esse ad extra, nullo sensibili extrinseco agēte in sensum. Hæc patet ex prædictis, & hæc dicta sint pro secundo capite.

CAP. III.

IN tertio cap. agendum est de diuinatione somniorum, & dicemus tria.

Primo, si concedenda est a Philosopho, ut rationabilis, diuinatio somniorum.

Secundo, distinguemus de somnijs, ut sciamus per quæ potest fieri diuinatio.

Tertio, inuestigabimus qui sint boni interpretes somniorum.

¶ Quantum ad primum aduerte quod aliqui dicunt uanam esse diuinationem somniorum, quoniam non se habent ad res siue præsentēs, siue futuras ut causæ, nec ut signa, sed mere casualiter, unde a casu est quod me somniantē de hostili exercitu adueniēte, adueniat. Et dicunt diuinationem somniorum introductam ex legibus, sub quibus uariæ nationes uiuunt: utpote quoniam legislatores introducunt multa reuelata in somnijs ab Angelis, siue a Deo, ut suadeant populis obseruantiam legis, & pro sua opinione sic arguunt. Si in somnijs esset uerum fundamentum diuinationis, immitterentur a Deo, cuius est cognoscere futura: sed non immittuntur a Deo, immitterentur enim sapientibus, & bonis, & prudentibus, quibus ut sibi similibus Deus gaudet, sed potius immittuntur fatuis, & melancholicis, & ecstatis, & malis, & bonis indifferenter. ergo non immittuntur a Deo. & cum non possit assignari alia rationalis causa, non decet Philosophū admittere huiusmodi diuinationem, nisi ut quoddam casuale.

Sed contra hanc opinionē arguitur ex fundamento Aristoteli. & Cōmen. in tracta. suo de somnio, & uigilia. nam (ut inquit Aristot.) q̄ somnia habeant aliquam significationē, concessum est ab omnibus, uel a pluribus tanquā dictum ex experientia. ergo non est uana huiusmodi diuinatio. Et dicit Cōmen. Quidam homines negant ista, & dicunt ea accidere a casu, sed negare ea est negare sensata, & maxime negare uera somnia. nullus enim homo est qui nō uideat somnium, quod non enunciauerit ei aliquid futurum, & cum homo experimentauerit hoc multoties, uidebit q̄ hoc non accidit a casu, sed essentialiter, & ille alie comprehensiones licet non sint uisæ, tamen sunt ualde famose, & ea quæ sunt famosa apud omnes, aut sunt necessaria secundum totum, aut secundum partem. Impossibile est enim ut famosum sit falsum secundum totū. Hæc Cōmen. Concedenda est ergo diuinatio somniorum ut rationalis, & fundata in uniuersali experientia. Et rationem opinionis

oppositæ soluemus infra.

Quantum ad secundum, ut sciamus per quæ somnia debet fieri diuinatio, prepono tres distinctiones, duas ex parte somniorum, & tertiam ex parte causarum somniorum.

Prima distinctio. Somniorum quædam sunt confusa & monstruosa, & inordinata, composita ex simulacris, & imaginibus, quarum imaginata sunt incōpossibilia, ut si somniarem me uidere chimeram, uel hominem cuius caput sit bruti, & pedes equi, & manus, ut pedes auis. Quædā sunt clara & ordinata, & nullum repugnans in se continentia, ut quod uideam circa flumen uaccas pingues pascentes, & post illas uideam macilentas. ponere diuinationē circa prima fatuum est. talia enim sunt somnia ebriorum & febricitantium, in quibus est multus uaporatiuus mous, ut diximus supra, & præceptus recursus simulacrorum ad sensum cōmunem, & fiunt talia somnia quando motus ille ceperit sedari. Circa secunda cōmuni iudicio, & experientia nō est uanum ponere diuinationem, & fiunt in ultima parte dormitionis, sedato motu nutrimenti, ut mane. unde solet dici, somnia in aurora esse præfagia futuri.

Secunda distinctio. Somniorum quædam sunt causa futuri, quædam sunt signa, quædam accidentia. dico autem causam, ut lunam interponi inter solem & terram esse causam eclipsidis in sole, & laborem esse causam febris. dico autem signum, ut linguæ asperitas signat febrem, & tonitruū signat pluuiam. Accidens autem est euaginato ense rubigine nostro obscurari solem. dico igitur quod quædā somnia sunt causa rei futuræ, uerbi grā, Socrates artifex, puta ædificator ingeniosus intēse cogitat quomodo tale ædificium, uel fortalitiū construendum est, & nocte dormiens somniat sic & sic construi debere, expergefactus considerat super somnium, & aduertit opportunū esse sic edificare sicut in somnio habuit, & sic ædificat. manifestum est huiusmodi somnium esse causam ædificij. & dux in exercitu somniat sic, uel sic expugnandū hostem, uel sic se defensandū ab hoste

& exequitur iuxta formam somnij. ergo somnium est causa talis expugnationis, uel defensionis: & iuxta huiusmodi somnia multi artifices, & præfides mira operantur.

Quædã autem signa, uerbi gratia, Socrates sæpe somniat se comedere mel, uel uolare, uel ardere, uel loqui cum defunctis, hæc signant superabundantiam unius humoris respectu alterius. Primũ signat phlegma. Secundum, subtilitatem, & claritatem sanguinis. Tertium, choleram. Quartum, melancholiam.

Quædam uero sunt accidentia, idest mere casualiter se habent ad effectum futurũ, uerbi gratia, Socrates somniat quod pluit, & mane pluit, est casuale, quoniam etiam si nõ somniasset plueret. unde inquit Aristoteles, quemadmodum meminisse de aliquo, neque est signum, neque causa accidendi ipsum: sic neque ibi. & ideo multa somniorum non eueniunt, quoniam casualia neque semper, neque frequenter fiunt, ex secundo Physl.

Tertia distinctio. Causa somnij aliquando est intrinseca dormienti, aliquando est extrinseca. Causa intrinseca aliquando est animalis, aliquando naturalis. Naturalis est, quando dormiens est talis dispositionis in corpore, puta in eo dominatur cholera, uel phlegma, uel sitit, uel famescit, uel uirtus genitiua abundat in spermate, & tunc dormienti uidetur quod subintret ignem, uel aquam, uel bibat, uel comedit, uel copuletur mulieri.

Animalis est quando in uigilia fuit multa meditatio, uel locutio de aliquo obiecto: puta de negotio peragendo, de persona odiosa, uel dilecta, & in dormitione accidit somnium de tali negotio, uel tali persona. & sicut præcedentia somnia dicuntur somnia naturalia, quia causantur a dispositione intrinseca dormienti: sic ista dicuntur somnia animalia, quia causantur ex cogitatione, uel locutione precedenti, ex consequenti ex apprehensione sensitiua, quæ est propria animali.

Causa extrinseca dormienti aliquando est corporalis,

DE DIVINA. SOMNIO.

59

aliquando immaterialis, siue spiritalis. Corporalis præcipue est corpus cœleste. nā cum phantasia sit potentia organica, subiicitur cœlo. unde sicut cœlum potest cōmouere humores & inducere sanitatem, & ægritudinem, & hac de causa medici obseruant dies criticos, & motum lunæ cum uolunt adhibere medicinam. & sicut commouet hunc ad iram, illum ad amorem commouendo passionēs irascibilis, aut concupiscibilis: sic potest commouere simulacra in phantasia coagente, intelligentia mouente, & causare somnium, de quo non erit uana diuination, ut dicemus infra.

Spiritalis potest esse triplex, scilicet Deus, Angelus, Dæmon. De Deo non est dubium, quoniam cum sit uniuersalis motor, & humanorum actuum prouisor, cōgruum est ut p̄ somnia multa reuelet nobis, sic Angelus, ut Dei minister. Dæmon autem cum sit substantia incorporea, cui obedit materia corporalis quo ad motum localem, potest commouere & humores, & passionēs, & simulacra retenta in phantasia, quibus formabuntur diuersa somnia, quibus concitabitur dormiens ad concupiscentias, ad timores, ad uindictam.

Sed dices propter quid Deus, uel Angelus reuelant nobis aliqua in somnijs, & non in uigilia. Respondeo, quoniam (ut inquit Aristot. in libro de somnio, & uigil.) motus fortes quibus mouentur sensus in uigilia, faciunt latere minores motus intrinsecos in sensibus interioribus. Cum autem dormierit homo uacantibus sensibus exterioribus parui motus interiores fiunt manifesti, & uidentur magni etiā quod essent parui. Hinc est quod frequenter arbitramur tonitrua fieri, si dormientibus nobis parui motus in auribus fiant, & expergiscimur terrefacti: & gustare mel, si parum phlegmatis super linguam descenderit: & ambulare per ignē, si paruus calor hepar, aut rhenes supercalefecerit. quoniam igitur homo dormiens magis est aptus ad percipiendum interiores motus, ideo diuinæ reuelationes fiunt in somnijs pro maiori parte, uel constitutis in ecstasi, sicut le-

gitur de Socrate, qui in ecstasi positus dicitur uidisse Deum Deorum.

Positis ijs distinctionibus, formantur aliquæ conclusiones.

Prima est, Vanū est diuinari siue prognosticū facere super somnia, quorum causa est intrinseca dormienti, & est animalis. nam huiusmodi somnia sunt ueluti reliquæ cogitationum, & locutionum, & desideriorum præcedentium, & si quid eueniat (ut somniatum est) erit mere casuale. Et de ijs proprie intelligitur illud Catonis, Somnia ne cures &c.

Secunda est, Non est uanū prognosticari super somnia, quorum causa est intrinseca naturalis. nam fundamentum est reale, puta superabundantia huius, uel illius humoris, & natura facit indicium mediante motu simulacrorū manifestans dispositiones intrinsecas, ut ad contemperamentum reducantur, & propterea prudentes medici (ut inquit Aristo.) uehementer intendunt somnijs ægrotantium.

Tertia est, Non est uanū diuinari super somnia immissa a cœlo, coagente intelligentia motrice. nam sicut in potestate cœli est causare penuriam, uel fertilitatem ex uario influxu, & commouere homines ad iram, ex qua sequuntur bella: sic in eius potestate est commouere phantasiam Socratis ad talem, uel talem compositionem simulacrorum, ex quibus causabitur somnium indicatiuum multorū, quæ uentura sunt circa ipsum, uel parentes suos, uel amicos, uel patriam. de ijs enim communiter somniant homines, circa quæ magis sollicitantur, maxima autem sollicitudo est circa seipsum, deinde circa parentes, deinde circa amicos, deinde circa patriam. Propterea inquit Aristo. Notos somniantes de notis maxime præuidere accidit, eo quidem quod noti maxime pro seinuicem solliciti sunt.

Quarta est, Perutile est intendere somnijs immissis a Deo per seipsum, uel per Angelos, quoniam creator hominis illius curam gerit, & miserrus ignorantia illius ac debi-

litatis, dirigit quomodo se præparet circa futura prosequenda, uel uitanda: uel nunciando malis qualiter ex diuina iustitia flagellandi sunt, & quoniam homo utens sensibus distractus est in uigilia, ideo per somnia reuelat eis. sic reuelauit Pharaoni penuriam & ubertatem Aegypti, & Ioseph exaltationem, & Gedeoni uictoriam de hostibus. aliquando per Angelos, ut cum reuelauit Ioseph iram Herodis super Iesum.

Quinta est, Demon potest causare somnia indicatiua alicuius futuri, uel incogniti effectus ipsi dormienti, siue fuerit de presenti, siue de præterito, puta, potest indicare Socra ti esistenti Romæ, quod pater eius mortuus est in Gallia, uel quod egrotat, uel quod moriturus est breui. Cognoscit enim Dæmon præterita, & præsentia, & futura in causis, quando causæ sunt naturales, & determinatæ ad effectum producendum. Et quoniam cognoscit sufficientissime influxus coelestes super inferiora, & qualitates complexionum, & mores gentium, & consuetudines uiuendi, ideo ex cōmōtione simulacrorum in phantasia potest causare, & causat multa somnia indicatiua effectuum incognitorum ipsi dormienti, est consequenti nō est uanum prognosticari super huiusmodi somnia, quantum sit ex parte somniorum. utrum autem huiusmodi prognosticatio sit licita, nō est officium Philosophi, sed Theologi. Sufficit Philosopho quod ex parte rei non est uana, quoniam fundamentum est reale sumptum ex causis ualentibus causare somnia diuinaria.

Ad rationem opinionis oppositæ patet responsio. Nam consequentia non ualet. Stat enim quod non immittantur a Deo, & tamē sint uerē indicatiua effectus incogniti, dum modo causentur a causa intrinseca naturali, uel extrinseca coelesti, aut spiritali. Et concessio quod immitterentur a Deo, non est necesse ut immittantur semper sapientibus, aut bonis, utitur enim Deus creaturis suis modo sapientiæ suę nobis incognito, & forte ut notificet quod sapiens est

hominibus, nihil est in conspectu Dei, & aliquando immit-
tit somnia pessimis uiris, in quibus indicat exterminationē
ipsorū, sicut legitur de Nabuchadenefer, cuius somnium in-
dicatiuū deiectionis sue interpretatus est Daniel hebreus.
Hæc de diuinatione circa somnia dicta sint.

Quantum ad tertium, aduerte q̃ Philosophi cōmuni
sententia conueniunt, nullum esse uerum interpretem som-
niorum, nisi tres conditiones habuerit.

Primo sit abstractus a negotijs exterioribus uiuens sibi
ipsi, diffugiens cōmercia uulgaria, cui si adiungitur comple-
xio melancholica melius erit. Necesse est enim ut sit inten-
se cogitatus, & sciat considerare similitudines rerum, ex
quibus cōponuntur somnia, quibus rebus correspōdeant,
& huic considerationi deseruiť solitudo, & melancholia. So-
litudinem enim uitat distractiones mentis, & melancholia ex
frigidityte, & siccitate immobilitat, & firmat cogitationes,

Secundo sit temperati & sobrii uictus, crapula enim de-
primit sensum, & iudiciū rectum. Sitq̃ munde animæ, id
est non declinet ad mores animæ brutalis, præcipue sordi-
dans se in luxuria. gula namq; & luxuria assimilatur homō
bestie. Et propterea inquit Cōmen. in tractatu suo de som-
nio, & uigilia. Oportet interpretantem, sicut dicit Aristo.
ut semper sit cogitans, & mundus non declinans ad mores
brutæ animæ.

Tertio sit uerax, non delectans nec assuetus mendacijs,
nec compositor fallaciarum, quoniam (ut inquit Auicēna)
consuetudo mentiendi, reddit animam fallacem, & mendo-
sam in iudicio. Immo consuetus mentiri rarissime somniat
uera somnia, quoniam consuetudo mentiendi immiscet se
actibus phantasiæ, & intelligere suum falsitati admiscetur.
Hæc est opinio Philosophorum. Theologus autem tenet,
interpretationem somniorum esse diuinum donum, & hæc
est sententia uerior, quam comprobant diuinæ scripturæ.
unde Ioseph apud Pharaonem, & Daniel apud regē Chal-
deorum, afflati diuina sapientia interpretabantur somnia.

DE DIVINA. SOMNIO. 69

propterea dixit Pharaon ministris suis, postquam Ioseph interpretatus fuerat eius somnium, num inuenire poterimus talem uirum, qui spiritu Dei plenus sit: & dixit Balthasar Rex Babylonis ad Daniele perens ab eo interpretatione uisionis, audiui de te, quoniam spiritum Deorum habebas, & scientia intelligentiaq; ac sapientia ampliores inuenta sunt in te. Hanc sententiam ut ueram sequi debemus, & qui suo ingenio interpretari uolunt somnia, aut delirant, aut inuoluuntur fallacijs dæmonum, dempta interpretatione somniorum, quæ causantur a causa intrinseca naturali. Hæc enim (ut diximus) interpretari possunt peritia, & solertia medicorum. Hæc de somno, & somnio, & diuinatione eius dicta sint.

CHRYSOSTOMI IAVELLI

Canapitiij Epitome, de memoria,
& reminiscencia.



Acturi de memoria, & reminiscencia comprehendemus mentem Aristote. in duobus tractatibus.

In primo agemus de memoria, quæ communis est homini & bruto.

In secundo, de reminiscencia, quæ soli homini conuenit.

Tractatum de memoria diuidimus in quinque capitula.

Primo agitur de obiecto eius.

Secundo, quid sit memoria.

Tertio, ad quam partem animæ spectat.

Quarto, de organo eius.

Quinto, de memorari, qui est memoriæ actus, quid sit, & quomodo sit.

CAP. I.

Circa primum cap. aduerte qd Aristot. conuenienter incipit ab obiecto. Docuit enim in secundo de anima,

potentias manifestari per actus & obiecta, agens igitur de obiecto memoriæ, quod dicitur memorabile, intendit tres conclusiones.

Prima, Memorabile nō est res futura ut futura, quoniā uanū est dicere, memoramur futura, sed potius opinamur, uel speramus futura. possumus enim habere opinionem de penuria futura ex his quæ uidemus in præsenti, puta, inundantiam imbrum: & sperare tranquillitatē in mari ex mutatione uentorum. unde circa obiectum sperabile ponitur scientia dicta speratiua, quam possumus appellare diuinatoriam, siue iudiciariam, aut prognosticatiuam, quam profitentur Astronomi de futuri.

Secunda, Memorabile nō est res præsens, ut de præsen- ti cognoscitur, quoniam sentimus proprie præsentia. nam sensus exterior non mouetur ab obiecto, nisi ut actu imprimat in sensum. nō autem imprimit nisi ut actu præsens sensui, sed sensus exterior & memoria distinguuntur, ut declarabitur infra. ergo &c.

Tertia, Memorabile est res, ut in præterito iam cognita, siue adhuc sit in præsenti, siue desierit esse, quoniam quicumq; dicit se memorari, adiungit, recordor me audiuisse, uel uidisse, uel comedisse sic, uel sic. ergo manifestū est memoriam uersari circa apprehensum in præterito, & in hoc distinguitur a sensu exteriori, & ab intellectu, quoniam sensus respicit obiectum sensibile, ut est hic, & nunc, id est ut determinatur ad hunc locum, & ad tempus præsens. Intellectus autem respicit uniuersale, quod distrahit ab omni loco, & ab omni differentia temporis. Memoria uero determinatur ad obiectū ut iam apprehensum. dixi, siue adhuc sit, quoniam ly præteritum non cadit super existentiam rei memorabilis, sed super apprehensionē. Memor enim sum patris mei mortui, & amici mei absentis adhuc uiuis: sed nec patris mei, nec amici memorarer, nisi iam cognouissem eos. est ergo memorabile res ut in præterito apprehensa, hæc de primo cap. sufficiant.

Circa cap. secundo, aduerte quod memoria multipliciter consideratur. Primo ut est quædā particularis uirtus animæ ab alijs distincta. Secundo ut est habitualis cognitio retenta in anima causata ex actuali apprehensione obiecti, & quidem hoc secundo modo sic notificatur ab Aristo. Memoria non est sensus, nec opinio, sed alicuius horum habitus, aut passio, cum factum fuerit tempus, idest memoria non est sentire, quoniā hoc est præsentis, nec opinari, quoniam hoc est præsentis, uel futuri: sed est habitualis cognitio si sit permanens, uel passio si sit transiens, sequens actuale cognitionem sensitiuam, uel ipsum opinari actuale ita, quod cadat tempus intermedium inter priorem apprehensionem actualem, & memoriam subsequentem, & propterea memoria semper est præteriti. Primo autem modo potest tripliciter considerari. Primo, ut est potentia animæ conseruatiua intentionum nō sensatarum extractarum a cogitatiua, uel existimatiua ex speciebus sensatis, de quibus locuti sumus in libro de anima. agētes de sensib. interio. & sic diffinitur ab Auicē. Memoria est potentia conseruatiua specierum insensatarum, sicut phantasia est conseruatiua specierum sensatarum. Secundo, ut per ipsam animal redit ad rem exteriorem prius apprehensam iterum considerandam. qui enim memoratur super re apprehensa, reuertitur ac si de nouo sibi esset præsens. & sic diffinitur ab Alber. in libro suo de memoria, & reminiscētia. Memoria est uirtus qua animal reuertitur in res sensibiles, quę sunt, aut fuerunt adextra, per species in animali retentas ex priori apprehensione. Tertio, ut comparatur ad actū suū, qui est componere intentionem non sensatam in ipsa conseruatam cum specie sensata conseruata in phantasia, & sic diffiniri potest secundum Cōmen. in tracta. suo de memo. & remini. Memoria est uirtus componens imaginem rei sensatę cum intentione sua non sensata, ex qua compositio ne sit reuersio ad rē extra prius apprehensam. **Q**uomodo

autem fiat talis reuersio, & per quas uirtutes, dicemus in quinto capi. Hæc de secundo cap. dicta sint.

C A P. F I I.

Circa tertium cap. aduerte quod memoria dupliciter consideratur. Primo, ut est uirtus conseruatiua specierum intelligibilium repræsentantium naturam rei, ut abstractam ab omni conditione indiuiduali, & ab omni differentia temporis, & sic est in parte intellectiua, & non distinguitur realiter ab intellectu (ut diximus in tertio de anima agētes de denominationibus intellectus possibilis) Secundo, ut est uirtus conseruatiua specierum sensibilium repræsentantium rem cum conditionibus indiuidualibus, & ut fertur in obiectum, ut in præterito apprehensum, ita q̄ hæc uirtus cognoscit tempus præteritum ut præteritū, & quoties exit in actum exit sub ratione præteritū, & sic est in parte sensitiua, quod declaratur. Nam uirtus per quam apprehendimus rem secundum conditiones indiuiduas & quo ad locum, & quo ad tempus, ad partem sensitiuam pertinet. Pars enim intellectiua apprehendit uniuersale, ut uniuersale est, non considerata aliqua differentia loci, nec tēporis, sed per memoriam apprehendimus rem secundum determinatam differentiam loci, & temporis. Quicunq; enim recordatur, conatur considerare in quo loco rem sensit, & in præterito, & non solum in præterito, sed in quo anno, uel mense, uel die, uel hora. ergo constat q̄ ad partem sensitiuam pertinet. & ideo inquit Cōmen. in tracta. suo de memoria, & reminiscencia. & manifestum est q̄ est de uirtutibus cōprehendentibus res particulares indiuiduas. Rememoratio. n. alicuius non fit nisi post sensum, & imaginationem eius, secundum quod fuit sensatū, & imaginatū. uniuersalis enim natura quantitatis, quam intellectus comprehendit, non comprehenditur a uirtute memoratiua, non enim comprehendit nisi quantitatem determinatam, quam præsensit & imaginabatur. Hæc Comenta.

Præterea si ad partem intellectiuam perueniret, inesset

soli homini. uidemus autem multa animalium recordari, quoniam reuertuntur ad priora loca, & statutis temporibus mouentur ad quaerendum nutrimentum, cuius speciem retinent.

Præterea, bene memorabilia (ut dicemus infra) sunt illa quæ sunt bene phantasiabilia, ut historiae. Quæ autem parum sensibilia sunt & spiritalem considerationem requirunt, parum sunt memorabilia, unde ut fiant memorabilia, applicantur distinctis locis, ut per ea fiat memoria artificialis, sicut patet in recitantibus orationes, aut metra, aut argumenta. ergo signum est quod ad partem sensitiuam pertinet. Et aduerte quod licet detur in homine memoria in parte intellectiua: tamen non potest exire in actum suum sine memoria sensitiua, quoniam homo pro hoc statu non intelligit uniuersale nisi in phantasmate. Cum enim in unoquoque operatio proportionetur uirtuti, & essentiae operantis, & intellectiui hominis sit in sensitiuo (est enim ex secundo de anima, eadem anima uegetatiua, sensitiua, & intellectiua) ideo in homine pro hoc statu propria sua operatio est intelligere intelligibilia uniuersalia in phantasmatibus. Hinc est quod experimur cum uolumus speculari circa conclusionem uniuersalem, puta quod trigonum habet tres æquales duobus rectis, necesse est ut proponamus in phantasia, uel describamus trigonum singulare, in quo speculamur naturam trigoni in quantum trigonum est. Si igitur non possumus speculari, nec scire uniuersale nisi inspiciendo ipsum in phantasmate, nec possumus recordari nos intellexisse ipsum uniuersale, nisi de nouo, & quoties uolumus considerare uniuersale iam intellectum phantasia simul cum memoria proponat phantasma, in quo reluceat ipsum uniuersale. Inde est quod læso organo phantasiæ, ut in stulto, uel furioso, nullo modo potest homo acquirere scientiam, nec post acquisitionem considerare. unde bene inquit Aristoteles in textu. Memoria autem, quæ est intelligibilem, non sine phantasmate est. Hæc de tertio cap. sufficiant.

Circa quartum caput, aduerte q̄ non possumus assignare distinctum organum ab organis aliarum uirtutum sensitiuarum interiorum, nisi prius determinatū fuerit, quod distinguitur realiter ab eis. Tu igitur aduerte circa hoc esse duas opiniones.

Prima dicit memoriam non distingui a sensu cōmuni, qui apud Aristo. dicitur primum sensitiuum: dicit enim in textu. Memoria per se est primi sensitiui, & si nō distinguitur a primo sensitiuo, non habet organum distinctum ab organo primi sensitiui.

Secunda, in qua conueniunt Auerroes, Auicēna, Albertus, & diuus Thomas, dicit q̄ distinguitur realiter a sensu cōmuni, & phantasia, & existimatiua, siue cogitatiua, & organum suum situatur in posteriori parte cerebri. & quidē quod distinguatur a sensu cōmuni, probatur. nā officium sensus cōmunis est recipere species intentionales transmissas a sensibus exterioribus. Officium autem memoriæ est cōseruare, sicut & phantasia, licet alia ratione (ut dicemus) Sed nulla una potentia organica bene recipit, & bene conseruat, quoniam bene recipere requirit mollietatem ex parte organi, & bene cōseruare requirit duritiem, ut patet ad sensum. Mollietates autem & durities non se compatiuntur respectu eiusdem. Cum igitur sensus cōmunis requirat organum molle, & memoria durum ac siccum, sequitur quod sint distinctæ potentie. Quod autem distinguatur a phantasia, probatur, quoniam phantasia proprie est conseruatiua speciei sensatæ, quæ materialior est specie insensatæ: extrahitur enim ab illa, sicut medulla a cortice. Ergo non est eadem potentia conseruatiua speciei sensatæ & insensatæ, sed memoria ponitur conseruatiua speciei insensatæ, ergo distinguitur a phantasia. Quod autem distinguatur ab existimatiua, siue cogitatiua probatur. Quoniam existimatiua extrahit huiusmodi species a phantasmate, ergo sicut sensus cōmunis habet thesaurum suum, idest phantasiā cō-

seruantem species sensatas. Sic existimatiua habet thesaurum, in quo seruantur species non sensatae ab ea extractae, hic autem thesaurus ab omnibus conceditur esse memoria, ergo &c.

Viso quod distinguitur, dicendum est de organo eius, unde aduerte quod communiter tenetur ipsam esse affixam postremæ parti cerebri, eo quod memoria requirit ex parte organi temperatam siccitatem, & duritiem, quæ ad sensum inueniuntur in posteriori parte capitis. Cuius signum est (ut inquit Cōmentā.) q̄ quando postremū capitis fuerit læsum, impeditur actus memorandi. Et quod diximus de distinctione harum uirtutum, & de organo memoriae, manifestatur per Cōten. in tractatu suo de memoria, & reminiscētia, ubi inquit. Et quia ista uirtus, scilicet sensitiua interior est diuersarum actionum, ideo habet diuersa loca in capite, & quia sentiens sentit primo, deinde distinguit imaginans, deinde distinguit distinguens, i. separat insensatam speciem a sensata, deinde recipit conseruans, necesse est, ut imaginans sit in horizonte anteriori cerebri, deinde cogitans in medio, deinde memorans, & cōseruans in posteriori cerebri, & hoc notū est sensui. Cū enim cōplexio anterioris cerebri læditur, statim læditur imaginatio illius hominis, & remanet cogitatio, & rememoratio secundū suū modū, & cū mediū fuerit læsum, lædetur cogitatio, & cū posterius memoria, & ideo sunt quæque ordines, quorū primus est corporalis magni corticis, & est forma sensibilis extra animam: secundus autem est esse istius formæ in sensu cōmuni, & est primus ordinum spiritualium. Tertius est esse in uirtute imaginatiua, & est magis spiritalis. Quartus est in uirtute distinctiua, id est existimatiua, quæ dicitur distinctiua, quia distinguit & separat speciem insensatam a sensata, ut intentionem odij a figura lupi. Quintus autem est esse eius in uirtute memoratiua, & est magis spiritalis. recipit enim medullam eius quod distinguit tres uirtutes a cortice. Hæc Cōmen. ex quibus patet distinctio uirtutum sensitiuæ

uarum interiorum, & dispositio propriorum organorum, & quomodo distinguatur memoria ab alijs, & ubi sitatur organum eius.

Nunc superest declarare textum Philosophi, super quē se fundauit prima opinio. Aduerte igitur cum dicit, memoria est per se primi sensitiui, non est uerum, nisi originatiue, & præsupsitiue. Nam (ut dicemus in cap. sequenti) memoratio originatur a sensu communi, quoniam supponit actum eius. Impossibile est enim quod recorder Socratis, nisi eius imago ad sensum cōmunem, & inde ad phantasiā deuenerit, unde sicut ista est uera, Augmētatiua & generatiua, sunt nutritiua, quia supponunt actum nutritiue ex secundo de anima: Sic ista est uera, Memoria est per se primi sensitiui, quia originatur a primo sensitiuo.

C A P. V.

Circa quintum caput, ut habeamus notitiam de actu memoriæ, qui dicitur memoratio, uel recordatio, dicemus quinque.

Primo quid sit.

Secundo quid supponit.

Tertio quot potentiae ad ipsum concurrunt, & quo ordine.

Quarto quomodo differunt phantasiari, & recordari.

Quinto quæ sunt conseruatiua memoriæ.

Quantum ad primum, aduerte duas diffinitiones, quarum prima trahitur ab Aristot. & est hæc, Memoratio est conuersio animæ ad imagines, & intentiones rerum prius sensatarum, cum prius factum fuerit tempus. Hæc diffinitio manifesta erit ex ijs, quæ dicemus in quarto puncto. Dicitur autem, cum prius factum fuerit tempus, quoniam inter primam apprehensionem factam per sensum exteriorē, & secundam factam per memoriā, necesse est mediare tempus. hæc enim supponit illam sicut posterior priorem. Secunda sumitur a Cōmen. in suo tracta. de memoria, & reminiscētia, & est hæc, Rememoratio est reuersio

in præfenti intentionis cōprehensæ in præterito, idest tunc memoratur animal, quando reuertitur ad considerandam rem quæ est, uel fuit ad extra quam prius apprehendit, reuertitur inquam ex intentione repræsentatiua rei conseruata in memorante, ut dicemus immediate.

Quantum ad secundum, dico q̄ memoratio supponit impressionem imaginum factam a sensibilibus in imaginatiua, mediante sensu exteriori, & sensu communi. Quæ quidem impressio fit sicut sigilli in materia bene conseruatiua imaginis. nam sicut si impressio sigilli fieret in materia fluida non appareret, nec conseruaretur imago, sic dato quod sensus exterior, & sensus cōmunis reciperent imagines sensibilibus, & non bene imprimerentur ac conseruarentur in imaginatiua, non fieret prius apprehensorum recordatio. Cuius signū est, quod qui sunt in plurimo motu, & ualde humidi, ut pueri, non sunt bene memores, quoniam superabundans humiditas prohibet firmam impressionem imaginum. Nec obstat, quod cum sumus adulti, uidemur optime recordari quæ in pueritia uidimus, aut audiuius. Id enim non est propter ordinariam bonam impressionem imaginum, quoniam complexio puerilis humida huic repugnat, sed est, quoniam cum pueri sint noui in mundo, admirantur de multis quæ uident. Admiratio autē propter fortem applicationem causat firmam impressionem in nobis, unde inquit Cōmen. in tractatu suo de memoria, & reminiscētia. Homo rememorat multoties quod sensit in pueritia bona rememoratione, q̄a in pueritia multum amat formas, & miratur multum in eis, quapropter figitur in aspectu earū, quapropter difficile amittit eas, hæc ille. Item qui sunt frigida & sicca complexionis, ut senes, non sunt bene memores, quoniā frigiditas, & siccitas multum indurant. Induratio autē excessiua prohibet impressionem. Inde uidemus decrepitos fieri incapaces rerum difficultium. Contingit tamē aliquos senes esse bene memores, si eis nō dominatur excessiua frigiditas, & accidentalis, siue

superflua humiditas. Nam ratione siccitatis sunt bene memores. unde dicit Cōmen. in tractatu suo de memoria, & reminiscencia. Quidam senes sunt bonæ memoriæ, quando ista cōplexio accidentalis, scilicet humida superflue non fuerit dominans in eis. Complexio enim naturalis senis est siccitas, & ideo senex inuenitur rememorans. hec ille. Item constituti in uehementi passione corporis, uel animæ non sunt bene memores, quoniam passio firmam impressionē imaginum prohibet, ut patet in infirmis, & in ebris, & in concitatis ad iram, & in commotis ad concupiscentias, & in constitutis in magno timore. Tales enim licet multa & magna uideant dum uexantur his passionibus, tamen sedatis passionibus parum de eis recordantur propter superficiale imaginum impressionem. Item, qui sunt uelocis & subitæ apprehensionis, non sunt bene memores, quoniam uelut in transitu recipiunt imaginum impressiones, & qui sunt tardæ apprehensionis ac multum difficilis, nō sunt bene memores, quoniam multum terrestres sunt, & ideo modicam habent impressionē. Terrestres enim duriores sunt, & (ut diximus) excessiua durities obstat bonæ impressioni. Qui autem sunt medijs ita quod non sunt multum humidi, ut pueri, nec multum sicci, ut senes, sunt bene memores, quoniam ratione moderatæ humiditatis bene recipiunt, & ratione moderatę siccitatis bene cōseruant, & tales sunt iuuenes. unde inquit Cōmen. in tractatu suo de memoria, & reminiscencia. Qui habent mediam complexionem habent bonam conseruationē, & bonam memoriā, & ideo bonitas memoriæ attribuitur iuuenibus, & obliuio accidit pueris & senibus. hæc ille. Patet igitur ex omnibus his quod memoratio supponit impressionem, & cōseruationē imaginum, siue phantasmatum in phantasia.

Hinc est quod (ut inquit Cōmen. in eodem loco) bene memorabilia sunt formæ multum corporeæ, & paucae spirituales. Difficilia autem ad memorandum sunt formæ paruæ corporeitatis & multæ spiritualitatis, quoniam formæ

multum corporeæ bene imprimuntur & conseruantur in phantasia: unde facile memoramur faciē Socratis, & quod nobis dixerit, aut fecerit, quando autem, & qua hora, & cuius filius sit, aut cuius patris, non facile recordamur. Nō solum autem supponit impressionem, & retentionem imaginum, sed & existimatiuam extra habentem intentiones non sensatas ex imaginibus quæ cōseruentur in memoria, puta quod existimatiua ouis extrahat ex imagine lupi speciem inimicitiae. nam si uideret lupum, & nō presentaretur sibi sub specie inimicitiae, non fugeret eum. quoniam igitur non sit perfecta memoratio, ut dicemus infra, nisi copulentur intentiones cum imaginibus, ideo utrunq; supponit.

Quantum ad tertium dicam primo quot potentiae concurrunt, secundo quo ordine. Quantum ad primum dico quod omnes sensus interiores concurrunt, sed diuersimode, quoniam aliqui concurrunt suppositiue, siue anteceder, aliqui essentialiter. Suppositiue quidem concurrunt sensus cōmunis, ut recipiens imaginem ab extrinseco, mediante sensu exteriori, & phantasia recipiens ac retinens imaginem, ut diximus in præcedentibus, & existimatiua, siue cogitatiua extrahens intentionem non sensatam ab imagine, quæ retinetur in memoria. nam secundum doctrinam Albertus in libro suo de memoria, & reminiscencia. Sola imago nō sufficit ad complete memorandum, nam cum multa sit similitudo in figuris aliquarum specierum, ex sola figura non memoraremur distincte huius individui, huius speciei magis, quam illius, uerbi gratia, sit canis penitus similis lupo. Contingit enim canem generatum ex lupo assimilari lupo. uiderit ouis hunc canem, & uiderit lupum sibi simile, si sola figura sufficeret ad distincte & perfecte memorandum, ouis uidens lupum similem cani nō magis fugeret lupum, quam canem. Necessesse est ergo ut sua existimatiua eliciat speciem inimicitiae inter seipsam & lupum, & cum uiderit lupum similem cani, memoria præsentante intentionem inimicitiae, fugiet lupum, & tamen non fugiet

canem, posito quod assimiletur lupo. ergo actus memorat-
tionis pendet antecedenter ab existimatiua, uel cogitatiua.
essentialiter autem concurrunt imaginatiua, siue phanta-
sia. (Sunt enim eadem potentia secundū Cōmen. & Bea-
tum Thomā) & existimatiua in bruto, uel cogitatiua in ho-
mine & memoria, ita quod postquam præparauerunt ma-
teriam memoratōis, scilicet imagines & intentiones, con-
currunt actualiter ad actum ipsum, ut declarabimus dicen-
tes quo ordine concurrunt.

Quantum igitur ad secundum, dico secundum doctri-
nam Cōmen. in suo tractatu de memoria, & reminiscētia,
quod sic concurrunt. Primo imaginatiua profert imaginē
rei memorandæ, ut est repræsentatiua imaginati. Secundo
memoria profert intentiones non sensatas extractas ab exi-
stimatiua, uel cogitatiua. Tertio existimatiua, uel cogitati-
ua copulat intentiones, quas separauerat simul cum imagi-
ne, qua copulatione facta conuertit se animal, uel homo
ad ea quæ prius uidet, aut alio sensu sensit, q̄ conuersio dici-
tur memoratio, ut diximus supra, uerbi gr̃a, uolo recordari
patris mei, aut uiui, aut mortui. Primo necesse est, ut phan-
tasia proferat figuram suam cum alijs circumstantijs mate-
rialibus, puta uidi eū in tali loco tali tēpore, taliter agentē,
taliter loquentem: hæc omnia impressa sunt in imaginati-
ua mea. Secundo memoria profert intentionem paternita-
tis, & filiationis, & amoris, & solitudinis erga me. Tertio
cogitatiua copulat has intentiones cū imagine patris mei,
& tunc immoror in consideratione patris mei, quomodo
me enutrit, quomodo curauit, quomodo blanditus est
mihi, quomodo me castigauit, & in hac consideratione im-
moror, ac si res prius apprehensæ circa me, & patrē meum
essent in præsentī. Et propterea diximus supra secundum
Cōmen. quod rememoratio est reuersio in præsentī inten-
tionis apprehensæ in præterito. unaquæq; autem harū po-
tentiarum agit quod est sibi proprium, ad imperium appe-
tus, animal autem est ipsum memorans. Actiones enim

sensitiua licet sint potentiarum, ut principiorum: tamen sunt totius coniuncti ut agentis. nam uisio non est pupillæ, nec uisus ut quod, sed est animalis uidentis. Ex his patet quod potentia, & quo ordine concurrunt ad rememorationem. Et aduerte quod licet ad hunc actum essentialiter concurrant tres dictæ uirtutes, tamen denominatur memoratio a memoria, quoniam ex oblatione intentionum completur memoratio in singulari, & non ex sola præsentatione imaginum, ut diximus supra, & adhuc dicemus in puncto sequenti, & quoniam intentiones seruantur in memoria, & ab ea proferuntur, ideo dicitur memoratio a memoria, & non imaginatio aut existimatio, uel cogitatio. Et hac de causa dixit Auicen. memoriam respicere intentionem, ut imaginatio respicit formas.

Quantum ad quartum, dico quod sicut se habet homo considerans picturas in pariete, sic se potest habere quando conuertit se ad imagines depictas in phantasia sua, quas accepit a sensatis adextra. nam circa picturas in pariete, puta circa imaginem Pompeij dupliciter potest considerare, primo ut illa imago quædam res est constans ex talibus lineis & coloribus, & tantæ magnitudinis, nulla habita relatione ad Pompeium, & talis consideratio non est imaginis ut imago, sed ut res est. Et ad hanc considerationem nulla sequitur læticia, aut compassio de imaginato apud considerantem. Secundo ut est imago repræsentatiua Pompeij, uel Cæsaris, & tunc consideratur imago, ut imago est, & per ipsam considerat considerans de Pompeio ac si præsens esset Pompeius, qualis fuit, quam liberalis, quam strenuus, quam infelici sorte agitarus in extremis, & ad hanc considerationem sequitur tristitia in cōsiderante, quoniam terminatur ad Pompeium ac si uideretur in calamitate cōstitutus. Similiter potest homo considerare imagines impressas in phantasia sua dupliciter. Primo in quantum sunt quoddam simulacrum habens esse intentionale, & non naturale, & in quantum non sunt denudata a conditionibus

singularibus, & in quantum ab eis potest abstrahi species intelligibilis per uirtutem intellectus agentis. Secundo in quantum sunt imagines representatiuæ eorum a quibus sumptæ sunt, puta hæc imago est representatiua patris mei, & illa matris meæ, cum conditionibus & proprietatibus suis. Prima consideratio dicitur phantasiari, uel imaginari, uel speculari. Secunda dicitur memorari, adiunctis intentionibus non sensatis per existimatiuam, ut diximus. Ex quibus constat quod non est de ratione phantasiantis, aut imaginantis, quod per imaginem tendat nec conuertat se ad imaginatum: est autem de ratione memorantis, unde memorari proprie dicitur tendentiam in memorabile, ac si esset nobis præsens. Hinc est quod imaginantes ut sic, non delectamur nec tristamur imaginato. Memorantes autem sic, quoniam per imaginem memorabilis conuertitur ad ipsum, secundum statum suum realem, ueluti positum ante oculos nostros, unde recordantes chari defuncti ingemus scimus: Recordantes autem miseriam, & casus inimici nostri lætamur. & quod diximus de delectatione, & tristitia consequente ex memoracione concordat cum Cōmen. in tractatu suo de memoria, & reminiscencia: ubi inquit. Dicamus igitur quod rememorans delectatur per rememoracionem rerum, quæ non sunt in actu, quia illa quæ induxerunt ipsum ad memorandum, scilicet imagines impressæ, & intentiones non sensatæ præsentia actu sunt, & necessario similia rebus memorandis, quia igitur simile rei est cōprehensum in actu, ab eo accidit rememoranti delectatio, & contristatio, quod accideret ei si illa res, scilicet memorata esset in actu. hæc ille. Et intendit quod ideo memorans delectatur, quia per similitudinem memorati tendit in ipsum eo modo quo tenderet si esset memoratum in actu, & præsens memoranti. Patet igitur quomodo differunt phantasiari, & memorari.

Quantum ad quintum dico, Primo de conseruantibus ex parte memoriæ. Secundo ex parte organi. Quantum

DE MEMORIA

77

ad memoriam, dico cū Aristō. quod meditationes, id est frequentatæ considerationes circa ea, quorum uolumus memorari, faciunt & firmant memoriam. Nam experimur quod si raro de amico absente cogitamus, tandē eius obliuiscimur. Si autem frequenter, etiam nobis non aduertentibus occurrit memoriæ, & tantum possemus occupari in eius cogitatione quod semper uideretur nobis esse ante oculos nostros, & ratio huius est, quoniam frequentati consimiles actus firmant, & faciunt habitum, ex consequenti idem contingit circa memoriam. unde qui uolunt memoria retinere quæ didicerunt, aut sæpe considerant ea, aut docent alios, aliter euanescent. Propterea dixit Aristō. Meditationes memoriam seruant in reminiscendo. Hoc autem non est aliud quam multoties speculari.

Quantum ad organum, dico quod moderata siccitas necessaria est, ut bene conseruet, & quæcunque impediunt moderatam siccitatem nocent ei. Impedit autem paucitas dormitionis, quoniam non purgatur caput superabundanti humiditate. unde qui non debite dormiunt uidentur obtusi. Item cibi uaporosi, & legumina, & caules, & uinum magnum, quod dicitur uinosum, nisi moderatissime sumatur, inde uidemus ebrios fieri immemores eorū quæ agunt dum ebrii sunt, & communiter experimur quod post cibum difficultatem patimur in considerando, & memorando subtilia propter fumos uaporosos, multum humectantes caput. Item immoderata frigiditas nocet organo. inducit enim constipationem & nimis indurat. ex consequenti prohibet impressionem intentionum, quas diximus requiri ad actum memorandi. & potest esse tanta frigiditas, quod ex toto memoriā destrueret. & propterea consulunt medici, tempore excessiuæ frigiditatis, posteriorem partem capitis fouendam esse exunctione facta ex castoreo, uel ex oleo ipsius. Hæc de Memoria dicta sunt.

INCIPIT TRACTATVS SECVN-

cus eiusdem, qui est de Reminiscencia.



Vt^a ordinem datum a principio libri in hoc secundo tractatu agemus de reminiscencia, & diuidimus ipsum in quatuor capita.

Primo, quomodo differunt memoria, & reminiscencia, in quantum sunt potentia animæ.

Secundo, quomodo differunt memorari, & reminisci.

Tertio, quomodo sit actus reminiscendi.

Quarto, cui parti attribuitur reminisci, an intellectuæ, an sensitiuæ.

C A P. I.

Circa primum cap. aduerte quod dupliciter differunt. Primo, quia memoria inest homini & omnibus animalibus perfectis, quibus etiam inest phantasia. nisi enim recordarentur prius sensatorum, non mouerentur ad loca distantia, ut quærant sibi conuenientia, & diffugiant nociua: nec canis distingueret inter patronum suum, & alium hominem, nec esset aliquod animal disciplinabile. Reminiscencia autem inest soli homini, quoniam ut dicemus, non exit in actum suum nisi quodam discursu, & necesse est reminiscentem syllogizare, id autem est proprium homini. vnde inquit Aristo. Syllogizat reminiscens, & est ut inquit sitio quædam, hæc autem inest quibus, & deliberatiuum, id uero soli homini conuenit. Secundo, quoniam in homine memoria conuertitur super memorabile sine aliqua inquisitione. Reminiscencia autem cum inquisitione, unde se habet memoria in homine, sicut intellectus simpliciter apprehendens: reminiscencia autem sicut intellectus discurrens. Et propterea, sicut in homine non sunt duæ potentia distinctæ intellectus, & ratio: sic nec memoria, & reminiscencia, sed dicitur memoria pro quanto reuertitur ad memorabile

DE REMINISCENTIA 79

sine discursu: reminiscētia autem cum discursu. Tu tamē aduerte quod memoria, ut dicemus, aliquādo subsequitur reminiscētiā, sicut terminus motus subsequitur motum: ideo enim reminiscimur, ut reuertamur ad memorabile, ali quando autem nec præcedit, nec subsequitur reminiscētiā, sed simpliciter sine discursu exit ad considerationem memorabilis, ut quando memoror patris mei defuncti, uel memoror cibi quem hodie mane gustavi. In ijs enim quæ memoriæ facile occurrunt, non indigemus reminiscētia, idest inuestigatione, sed solum ferri super imaginē coniunctam intentionibus nō sensatis, ut est imago rei memorandæ: modo quo supra declarauimus. Et propterea dicit Cōmen. in tractatu suo de memoria, & reminiscētia, Inuestigatio rememoratiua, idest reminiscētia est formæ difficilis reductionis, idest quam cum difficultate reducimus ad memoriā. Memoratio autem est formæ facilis reductio. nis. Hæc ille. Patet igitur quomodo differunt, in quantum sunt potentia animæ.

CAP. II.

Circa secundum caput aduerte quod Aristo. non solum ponit differentiam inter reminisci, & memorari, sed etiam ostendit quod reminisci non est reassumptio memorationis, nec est ipsum inuenire, nec ipsum addiscere, nec est iterato inuenire, nec iterato addiscere.

Et quidem q̄ differat a memorari, declaratur ex duobus. Primo reminisci est in solo homine, quoniam reminiscens syllogizat, ut declarabimus in tertio cap. Syllogizare autem conuenit soli homini, cum solus sit animal rationale, ergo &c. Memorari autem inest homini & brutis, ut patet in animalibus disciplinalibus, in cane, in equo, in elephāte, in auibus, quæ disciplinantur loqui lingua humana. unde dixit Aristo. in procemio suæ metaphy. Animalia imaginationibus, & memorijs uiuunt. Secundo reminisci in homine respectu difficultatis memorabilium se habet ad memorari, ut motus ad terminum motus, ex cōsequenti respectu

aliud necessario præcedit memorari. Nam sicut formamus demonstrationem, ut perueniamus ad notitiam conclusionis, sic volentes recordari difficultum recordabilem, discurremus ab uno memorabili occurrēte nobis ad aliud, & ab illo ad aliud, donec reducamus ad memoriam illud quod principaliter intendimus. Quod quomodo fiat, dicemus in cap. tertio. Patet igitur quomodo differunt reminisci, & memorari.

Quod autem differat a reassumptione memoracionis, declaro sic. Reassumere memoracionem est iterum memorari de eodem. Constat autem quod possumus bis & ter, & ultra memorari de eodem, maxime quod memoriæ facile occurrit, ut res chara & dilecta, non facta aliqua inuestigatione, quoniam in huiusmodi nō est difficultas memoracionis: reminisci uero non datur sine inuestigatione: est enim essentialiter inuestigatio, ut dicemus in tertio cap. Patet ergo qd reminisci nō est reassumptio memoracionis.

Quod uero differat ab inuenire, & ab addiscere, declaro sic, inuenire dicit acquisitionem cognitionis, uel scientiæ a se, idest sine adminiculo docentis. Cuius cognitionis inuentor nullum habet principium prius apprehensum, & in se retentū: sed hæc cognitio principium accipit a sensu a quo ortū habet omnis nostra cognitio. Sed reminisci supponit in reminiscēte aliquod principium, puta aliquod uisum, uel auditum, de quo recordatur, & ab illo incipit discurre, donec ueniat ad intentum memorandum, ut dicemus infra. ergo differt reminisci ab inuenire.

Addiscere dicit acquisitionem alicuius notitiæ adminiculo docentis, a quo addiscens accipit principia, talis notitiæ, & ex acceptis principiis deuenit in huiusmodi notitiā: sed reminiscens non accipit principia reminiscendi ab alio, imo habet in seipso: recordatur enim alicuius prius sensari, & ab eo deuenit in recordationē alterius, & sic successiue donec reducatur ad memoriam, quod principaliter desiderabat memorari, ut manifestabitur in tertio cap. ergo &c.

Quod

Quod differat ab iterato inuenire, declaratur. Nam si uolens reminisci nō recordatur alicuius principij in memoria retenti, a quo incipiat inuestigare, non poterit reminisci, sed remanebit in mera obliuione. Qui autem acquisiuit aliquam notitiam a se, idest sine docente, posito quod deperdat omnia principia talis notitiæ, potest iterum acquirere uia sensus eadem principia, per quæ iterato deuenit ad deperditam notitiam, & sic iterato inueniet eam. Cum igitur reminisci impossibile sit nullo principio in memoria retento, non autem sit impossibile iterato inuenire, patet quod abinuicem differunt.

Eodem modo declaratur, quod differat ab iterato addiscere, quoniam qui iterato addiscit recuperat notitiam, quæ etiam quo ad principia omnia perdiderat, ex adminiculo docentis, & proponentis ei consimilia principia ut prius. Qui autem per reminisci deuenit ad rem prius oblitam, nō perdit omnia principia, imō ex aliquo retento incipit reminisci. patet igitur quō differt a memorari, a reassumptione memorationis, ab inuenire, & iterato inuenire, ab addiscere, & iterato addiscere. Hæc de secundo cap. dicta sunt.

C A P. I I I.

Circa caput tertium, ut uideamus quomodo sit actus reminiscendi, præpono aliqua, deinde declaro modum quo fit.

Primo præpono quod reminisci est inuestigare, siue uenari aliquid, quod a memoria recessit, ut ad memoriam redeat, puta, uellem recordari, quō die recessi a Roma.

Secundo præpono quod omnis inuestigatio supponit aliquod notum inuestiganti, a quo incipit inuestigare, aliter incerta esset, & frustratoria inuestigatio. Nā si piscator nesciret in hac aqua generari pisces, & quibus instrumentis piscandum esset, uane & casualiter piscaretur. Sic in proposito. Si uolens reminisci non retineret in memoria aliquod sibi notum, a quo inciperet uenari de re ad memoriam reducenda, uane laboraret.

¶ Tertio præpono quod sicut piscator antequam ad finem intentum deueniat, agit multos motus ordinaros, ita quod sequens supponit antecedentē, puta, primo inquit aqua, in qua pro certo sciat esse pisces. Secundo dat cibum eis, ut alliciantur. Tertio extendit rete in parte, ad quam uerisimile est decurrere pisces. Quarto complicat paulatim rete, extrahens id de aqua. Quinto accipit pisces. Sic uolens reminiscens reducere ad memoriam id quod excidit ab ea, necessario agit in seipso multos motus ordinaros, id est considerationes ordinatas super multa memorabilia, qui motus debent esse ita dispositi quod unus naturaliter, uel ex consuetudine considerantis sequatur ad alterum. Naturaliter quidem, uerbi gratia, si considero de Socrate, considero de homine, si de homine, ergo de rationali, quoniam, Socrates essentialiter est homo, & homo essentialiter est rationalis, ex consuetudine autē, uerbi gratia, consueuit Socrates quoties considerat de Aenea, considerat de Roma, & quoties considerat de Roma, considerat de Cæsare, & quoties considerat de Cæsare, considerat de Pompeio. Isti tamen motus non sunt necessario subordinati, quoniam non inconuenit considerare unum sine alio: sed in Socrate sic ordinati sunt, quoniam sic fecit in se consuetudinem. Et propterea reminiscentiæ sunt diuersimode in diuersis, secundū quod diuersimode consueuerunt ordinare motus super memorabilia. Et quidem quod reminisci fiat per ordinatos motus, id est considerationes, declarat Aristoteles, duobus signis, primum est, Experimur in nobis quod ciuissimæ, & perfectæ tunc sunt reminiscentiæ, quando incipimus in aliquo negotio iam peracto considerare a principio talis negotij, & discurremus ordinate per omnia acta in tali negotio, uerbi gratia, Plato defensauit causam Socratis in iudicio, & uult reminisci si iudex iuste sententiam tulit pro Socrate. Et incipit considerare, quomodo testes adduxit, deinde quomodo examinati sunt iuridice, deinde quomodo aduersarius defecit in defensione sui, deinde quomodo auditis partibus

sententiauit pro Socrate. factis his considerationibus ordinatis Plato firmiter ad memoriam reducit, sententiam pro Socrate fuisse iustam, secundum est quod ea sunt maxime reminiscibilia, quæ sunt bene ordinata, ut facile reminiscimur demonstrationum mathematicarum, quoniam una supponit aliam, ut patet in Euclide, & specierum numeralium & historiarum, quarum partes sunt ordinatæ. Quæ autem inordinata sunt, pessime sunt reminiscibilia, sicut orationes, & lectiones, quarum partes incontextæ, & inordinatæ sunt. patet ergo quod ad reminisci requiruntur ordinati motus ex parte reminiscentis, & ordo inter memorabilia, ut facile & perfecte ad memoriam reducantur.

Quarto præpono quod necesse est reminiscentem incipere ab aliquo principio, quod memoriæ teneretur & ab illo procedere ad aliquod memorandum. & ab illo ad aliud donec deueniamus ad principale quod desideramus ad memoriam reduci. Quod quidem principium aliquando est res memoriæ retenta, aliquando tempus, aliquando locus. Exemplum primi, uolo reminisci quis erat quartus discumbens in nuptiis, & incipio sic, recordor patrem sponsi fuisse in primo loco, in secundo loco sponsum, in tertio germanum eius, in quarto occurrit Socrates charissimus amicus sponsi, & tunc completur reminiscencia. Exemplum secundi, uolo reminisci, quod e constitutus in itinere fui Bononiæ, & incipio sic, heri fui Parmæ, nudiustertius Mutinæ, & illic per diem quieui, deinde itineratus sum, & non pernoctavi extra Bononiam: ergo quarta die iam elapsa fui Bononiæ. Exemplum tertij, uolo reminisci constitutus in itinere, in quo loco perdidit pecuniam, & incipio sic, in tali loco habebam pecuniam, quoniam solui coenam in hospitio, & in tali habebam, quoniam solui equitaturam, & in tali habebam, quoniam emi panes, in tali autem loco non habebam, quoniam non potui soluere in hospitio, ergo in tanta distantia cecidit bursa, & tunc facta reminiscencia incipio querere deperditam pecuniam.

Præpositis his, nunc declaro quomodo fiat reminisci, & dico quod sicut memorari fit a phantasia præsentante imaginem, & memoria præsentante intentionem, & existima-
tiua componente imaginem cum intentione, ut docuimus tractatu præcedenti, sic ad actum reminiscendi concurret phantasia plures imagines ordinatas præsentans, & memoria, plures intentiones ordinatas præsentans, & cogitativa incipiens componere, ordinate propriam intentionem propriæ imagini: deinde incipiens discurrere ab una imagine adiuncta propriæ intentioni tanquam a principio noto ad aliam subsequenter, & ab illa ad aliam, ut exempla posita sunt supra, ex parte rerum memorabilium, & loci, & tēporis, & sic successiue donec ad memoriam redeat quod exciderat. Ex quibus patet quod in reminiscendo syllogizamus, & discurremus, non quidem per propositiones uniuersales: id enim est proprium intellectus, sed per singulares: discurremus enim ab uno singulari memorato ad aliud memorando: & ideo fit a cogitativa, quæ dicitur ratio particularis apud Cōmen. Item patet quod sicut in discursu uniuersali incipimus ab aliquo principio uniuersali nobis noto, sic in discursu quo utimur reminiscentes incipimus ab aliquo singulari in memoria retento quod assumimus, ut ducamur in recordationem rei oblitæ. Item patet q̄ sicut habet conclusio ad præmissas, sic memoratio ad reminisci, sicut enim præmissæ sunt uia ad conclusionem, sic reminisci ad memoracionem, ex consequenti reminisci habet rationem motus, & memoratio rationem termini: ideo enim discurremus p̄ ordinata memorabilia, ut memoremur oblitæ. patet igitur q̄to fit actus reminiscendi, & q̄to differt a memorari. Hæc de tertio cap. dicta sint.

C A P. I I I I.

Circa caput quartum, dico quod ad partem sensitiuā pertinet, quæ tamē coniungitur intellectuæ: cognitū enim est quod discursus quo reminiscimur attribuitur cogitatiuæ, quæ ex unione, quam habet ad intellectum,

dicitur ratio particularis. Et quidem quod ad partem sensitiuam pertineat manifestat Aristoteles tribus signis.

Primo experimur quod quando laboramus in reminiscendo, & facimus magnum conatum, & non occurrit tandem quod ultimo quærimus, turbamur capite, & inquietudinem patimur: ergo signum est quod sit per potentiam apprehensiuam organicam, ex consequenti ad partem sensitiuam pertinet, & non ad intellectum: quoniam cum sit immaterialis, impassibilis, & inalterabilis est, unde dixit Aristoteles in tertio de anima, impassibilem oportet esse intellectum.

Secundo experimur quod quando laboramus in reminiscendo, & desperantes uenire ad intentum, etiam quod proponamus desistere a tali actu, non est in potestate nostra desistere, sed etiam nolentes occupamur in tali reminiscencia, ergo signum est quod cōmota sunt organa potentiarum per quas reminiscimur, & quando mota sunt ac agitata non est in potestate nostra, ut quando uolumus statim cesset motus, & accidit nobis sicut proijcientibus manu lapidem. nam antequam e manu exeat est in potestate nostra quies lapidis, postquam autem a manu exierit non est in potestate proijcientis quod statim cesset a motu. Item accidit reminiscenti cum labore sicut cōmoto ad iram, uel ad concupiscentiam, in cuius potestate non est ut statim sedetur, uel quiescat motus passionum, etiam quod uelit cessare ab ira, uel concupiscentia, sed per aliquod spatium temporis durat motus ille, quoniam appetitus sensitiuus est organicus. Item accidit ei sicut cantoribus, qui adeo consueti sunt cantare, quod inaduertenter etiam soli cantant, & ambulantes. Item accidit ei sicut illi, qui aliquibus diebus fuit in naui, & egressus adhuc uidetur sibi quod naui moueatur, & id quidem prouenit ex intensa impressione illius motus in imaginatiua.

Tertio experimur quod habentes tibias breues, & partes superiores corporis maiores, sunt malè memoratiui,

& reminiscitiui, quoniam multitudine humorum grauatür caput, nec bene retinent impressionem imaginum, sicut nec pueri propter superabundantem humiditatem, nec senes propter excedentem siccitatem causatam ex frigidityte congelante humores in sene. ergo manifestum est quod ad partem sensitiuam spectat, & confirmatur auctoritate Cōmen. in tractatu suo de memoria, & reminiscencia. vbi inquit, inuestigare autem per rememorationem est acquisitio cognitionis, & laborare, & facere cogitatuam laborantem in repræsentatione istius cogitationis. cōsideremus igitur quid est ista uirtus, & cuius ordinis est de uirtutibus animæ, & manifestum est quod est de uirtutibus comprehendentibus res particulares indiuiduas &c. ergo est de numero uirtutum sensitiuarum: sensus enim proprie fertur super indiuidua, & particularia. Et quoniam reminisci ad cogitatuam spectat, quæ est propinqua intellectui: memorari autem ad existimatiuam sine aliquo discursu: ideo patet ratio propter quā aliqui sunt bene memoratiui, & male reminiscitiui: aliqui autem male memoratiui, & bene reminiscitiui. nam qui bene retinent imagines, & sunt depressi ingenij ac rudis, sunt bene memoratiui, sed male reminiscitiui, quoniam sunt impotentes ex tarditate ingenij ad ordinate discurrendum ab uno memorabili ad aliud, per quod reducitur ad memoriam res oblita, ut diximus supra.

Qui uero sunt excitati ingenij, & apti ad addiscendum etiam q̃ male retineant imagines, ex consequenti sunt male memoratiui, tamen sunt bene reminiscitiui, quoniam uigore ingenij dummodo retineant in memoria aliquod memorabile, a quo ut a principio incipiant inuestigare modo quo supra diximus, reacquirunt memoriam eius, cuius obliti fuerant. & propterea dixit Aristoteles in principio libri, Non enim idem sunt memoratiui, & reminiscitiui. Sed ut frequenter memorabiliores qui tardi, scilicet sunt ingenio, reminiscibiliores autem, qui ueloces, idest excitati ingenio & bene addiscentes. Hæc de Reminiscencia dicta sint.

Reliquum est facere considerationem de motu locali animalium.

CHRYSOSTOMI IAVELLI

Canapitij Epitome, de causis motus

localis in animalibus.



Quoniam mouent se animalia localiter, manifestum est quod in seipsis habent principia, & causas huius motus. Inuestigandum est igitur in presentis consideratione de huiusmodi principijs, & quomodo ab illis fiat motus localis in animalibus. Et aduerte quod hic considerabimus de talibus principijs in uniuersali & absolute, non applicando ad genus aliquod uel speciem animalium: talis enim consideratio spectat ad scientiam de animalibus, quæ pertractatur in libro de generatione, & in libro de progressu animalium. Et distinguiamus presentem considerationem in duos tracta. In primo agemus de ueritate huius principij, Omnis motus localis in animalibus fundatur super aliquod immobile. Super hoc enim firmat Aristotele. totam intentionem suam in libro de motu animalium. In secundo agemus de principijs motus localis in animali tam principalibus, quam instrumenta- libus, & de motu uoluntario, inuoluntario, & non uoluntario.

Tractatum primum diuidimus in quinque capita. Primo, quod in animalibus omnis motus localis fundatur super aliquod quiescens, & fixum corporeum intrinsicum animali.

Secundo, quod ultra quiescens intrinsicum requiritur quiescens extrinsecum, ut fulcimentum.

Tertio, cum cœlum uideatur esse animatum (ut conclusum est in secundo cœli) inuestigandum est si in cœlo est aliquod immobile corporeum ipsi intrinsicum, super quod

fundetur motus eius, & aliquod extrinsecus, ut fulcimen-
mentum.

Quarto, si inanimata in motu suo locali indigent aliquo
quiescente intrinseco, & extrinseco, ut animalia.

Quinto, si animata non solum respectu motus localis,
sed etiam respectu alterationis, & augmenti, & generatio-
nis habent in se principium motus.

Capitulum V. C. A. P. I. V.

Circa primum caput, aduerte quod animal dicitur mo-
uere seipsum, non quidem primo, idest secundum se-
totum (hoc enim improbatum est in octauo Physico-
rum, quoniam idem ut idem esset in actu & in potentia) sed
dicitur mouere seipsum secundum partem, prout una pars
mouet aliam, & sic ratione partiū dicitur mouere seipsum,
unde in octauo Physico. probauit quod omne mouens se
ipsum distinguitur in partem mouentem, & partem mo-
tam. Sed aduerte quod in octauo Physico. accipit partem
uniuersalissimo modo, siue sit pars incorporea, siue corpo-
rea: & incorporea iterum duplex, uel improprie dicta, ut in-
telligentia applicata celo. cum enim sit substantia comple-
ta in specie, improprie dicitur pars, uel proprie, ut anima
quæ est pars essentialis in animali. Corporea autē est pars
quantitativa siue integralis. In octauo igitur Physico. cum
dicit omne mouens seipsum distinguitur in partem mouen-
tem, & partem motam, intēdit de parte mouente uniuerſa-
liter: unde tenet illic qd celum mouet seipsum, quoniam di-
stinguitur in intelligentiam, ut in partem mouentem, & in
corpus coeli ut in partem motam, & dicit animalia mouere
seipsa, quoniā anima est pars mouens, & corpus pars mo-
ta. De parte autem integrali manifestū est. nam pedes mo-
uent totum animal de loco ad locum. unde in quinto Phy-
sico. dixit quod homo mouet seipsum secundum partem,
& exemplificat de percutiente seipsum, prout per manum
percutientem percutit seipsum. In libro autē de motu ani-
malium restringit se ad partem corpoream, & intendit de-

clarare quod in animali una pars corporis mouet aliam, & tandem est deuenire ad primam, a qua pendet omnis motus localis in animali, & est cor, uel aliquid proportionale cordi.

Aduerte secundo quod Aristoteli. uolens naturali euidētia declarare motum localem in animali fundari super aliquod quiescens intrinsecum, quod est pars integralis in animali, assumit tanquam fundamentum, quod nulla pars in animali mouetur nisi innitatur, & colligata sit alteri parti, quæ quiescit, & stabilis permanet dum alia mouetur, ita quod stabilitas & fixio unius partis est causa quod moueatur altera. Et posito quod non omnino sit quæta & stabilis, tamē potest dici quæta in comparatione partis motæ, quoniam oportet ut uel lente, uel nullo modo moueatur, aliter impeditur motus partis motæ. Et manifestum est in nobis. nam si uolumus mouere digitum, necesse est manum firmari, & si manus mouetur necesse est brachium firmari, & si brachium mouetur firmatur humerus, & ideo ut una pars mota inniteretur alteri quiescenti. Author naturæ ingeluit inter membra, iuncturas per neruos, & colligamēta, ut essent quidem adinuicem approximata & colligata, sed non continuua, quoniam in continuo una pars nō mouetur sine alia, immo una parte mota totum mouetur, & præcipue quando continuum est solidum, sicut sunt membra animalis progressiui. Dico autem quando continuum est solidum, ut non potest moueri una pars baculi quin totus moueatur. in fluidis autem & mollibus, & flexibilibus id non est necesse. nam potest aqua in uase digito agitari in parte superiori, & tamen quiescet in fundo, sic in cera liquefacta, sic corrigia secundum partem potest flecti ad dextram, & ad sinistram, & tamen secundum aliam partem quiescet. id autem non contingit in membris solidis animalium, & ideo necessariae sunt iuncturæ, quibus una pars potest secundum diuersas differentias locales moueri, altera parte firmata, uel saltem nō mota tanta uelocitate. Et simile huic

esset si describatur circulus: cuius diameter sit B, C, & centrum A, & ponatur quod semidiameter, scilicet B, A, mouetur, alia semidiametro, scilicet C, A, quiescente, id quidē non esset possibile nisi utraque medietas discontinuētur in A, & tunc A, centrum est sicut iunctura. Patet igitur quod motus localis requirit parrem in animali quiescētem, & ut sic immobilem, uel omnino, uel respectiue, cui sit appulsa, & firmata pars mota. ex cōsequenti patet quod necesse est cōmunem motum localem in animali reduci ad aliquod immobile. Hæc de primo capite sufficiant.

C A P. II.

Circa caput secundo, declarandum est quod non sufficit pars intrinseca quiescens, sed necesse dari quiescētem extrinsecum, cui innitatur mouens, & motum. Et quidem quod in motu locali recto id sit necesse, probat Arist. hoc signo. Videmus enim qd si mures conantur per arenā minutam & siccam incedere, parum aut nihil ultra procedunt. Idem cōtingit in niue molli, & id prouenit, quoniam & arena, & nix cedunt pedibus. ergo in motu necesse est pedes firmari super aliquod quiescens omnino, uel respectiue. unde si aer de facili cederet aui uolanti, & aqua pisci natanū, & remo nauiganti, tardus esset omnium istorum motus. Requiritur ergo in motu locali recto quiescens extrinsecum, ut fulcimentum. Dico autem in motu recto, quoniā in motu circulari non requiritur aliquod quiescens ut fulcimentum, sed sufficit esse aliquod non motum circa quod est motus, & id est centrum. Dico extrinsecum, quoniam si tale quiescens esset intrinsecum mobili, nō proficeret ad motum, & signum huius uidemus in naui. nam ideo nauta facile mouet nauem a terra, quoniam firmat remum ad aliquod quiescens extrinsecum, puta ad arborem uel lapidem, cui innixus pellens mouet nauem. & si nauta existens in naui firmaret remum ad arborem nauis, non proficeret, quoniam arbor nauis est quid intrinsecū nauis, & si uenti non spirarent in uelum aduenientes ab intrinse-

co, puta ab arctico, nō impellerent nauem. unde uani sunt pictores, figurantes uentos egredi ex nauī, quasi sint illi intrinseci, & impellere nauim. id enim esset impossibile, sicut quando quis firmaret remum ad arborem nauis. Patet igitur quod in motu locali animalium requiritur non solum quiescens intrinsecum, sed etiam extrinsecum. Hæc de secundo sufficiant.

CAP. III.

Circa caput tertium inuestigandum est, si in cœlo datur aliquod quiescens corporeum intrinsecum cœlo, ut pars eius, super quam firmetur motus cœli: & ultra intrinsecum quiescens si datur extrinsecum cui innitatur motor cœli, sicut nauta inniditur terræ per remum, quando impellit nauem, & mouens totam pedibus innititur terræ stabili.

Et quantum ad quiescens corporeum intrinsecum ponitur conclusio negatiua, quoniam necesse esset huiusmodi quiescens esse partem cœli, sed impossibile est partem cœli quiescere, quoniam cum cœlum sit corpus continuum & solidum, necesse est hanc partē remanere continuam alijs, uel discontinuari. Si primo, ergo uel totum cœlum quiesceret ad quietem illius partis, uel pars quiescens mouebitur ad motum aliarum partium, quoniam (ut ad sensum patet) in continuo solido, si una pars mouetur totum mouetur: & si una pars quiescit totum quiescit. unde dicitur quod continua sunt, quorū est unus motus, uel una quies. Si secundo, ergo cœlum erit corruptibile. Impossibile est enim diuidi partem a toto sphaerico, & remanere sphaericum. Et propterea⁹ concludit Aristoteles quod necessarium erit, aut totum cœlum manere, idest quiescere, aut distrahi continuitatem ipsius.

Hinc patet error eorum, qui posuerunt motum cœli fundari super immobilitatem polorum, tanquam super quiescens intrinsecum ipsi cœlo, dixerunt enim motorem cœli inniti super duos polos intrinsecos cœlo: sunt enim aliquid

coeli, sed contra, cum poli sine puncta indiuisibilia terminantia axem, nullam habent magnitudinem, ex consequenti non sunt quid corporeum, nec apti quiescere. sicut enim omne mobile est diuisibile in sexto libro Physicorum. sic omne quiescibile, ergo &c. Præterea, cui innititur motor coeli in mouendo debet esse substantia, alioquin fundatur substantia motoris & coeli in accidente, quod est uanum dicere, sed poli non sunt substantia, cum sint duo puncta terminantia lineam diametralem: puncta autem sunt inquantitate reductiue, ergo &c.

Quantum autem ad extrinsecum quiescens corporeum cui innitatur motor coeli, ponitur etiam conclusio negatiua, quoniam omnis motor qui mouendo firmatur super aliquod extrinsecum a mobili, supponit ipsum ut prius, & ut a quo pendet motus, sed motore coeli nihil est prius cum sit motor primus, nec eius motus pendet ab alio, quoniam ut sic non esset omnino immobilis, nec omnino independens, cuius oppositum demonstratum est in duodecimo Metaphysicæ, & in octauo Physicorum. tenendum est ergo quod motor coeli non innititur alicui extrinseco immobili, sed tantum uirtuti suo inferiori, & immobilitati suæ, quæ sufficiens est sine labore, & discontinuatione mouere coelum motu æterno continuo, & regularissimo. uirtus autem sua est substantia sua, ideo non pendet ab aliquo extrinseco, & est ex se immobilis, & ideo nulla alia uirtute distincta ab eo potest remoueri ab immobilitate sua, & (ut inquit Aristoteles.) potest huic proposito adaptari illud Homeri cum dixit: Sed non utique amoueunt de coelo in terram Iouem omnium supremum, neque si ualde multum laborant apprehendere omnes Dii omnesque Deæ. Totaliter enim immobile a nullo contingit moueri.

Hinc patet error eorum, qui dixerunt illud quiescens extrinsecum, cui nititur motor coeli in mouendo ipsum, esse terram & finxerunt motorem esse Atlantem gigante[m] habentem pedes in polo inferiori fixos super terram, & caput

DE ANIMA.

92

in polo superiori, & brachium dextrum in oriente, & sinistrum in occidente uertentem cœlum ab oriente ad occidentem, & ab occidente in orientem.

Contra hunc errorem sic arguit Aristoteles. Quando mouens mouet aliquod mobile, ex eo quod innititur alicui quiescenti, necesse est illud quiescens esse maioris uirtutis in quiescendo, quam sit uirtus mouentis in mouendo. nam si maior sit uirtus mouentis in mouendo, mouebit quiescens de loco suo, & tunc uane inniteretur illi. Ergo si primus motor innititur terræ quiescenti, maior erit uirtus mouentis in mouendo, mouebit quiescens de loco suo, & tunc uane inniteretur illi. Ergo si primus motor innititur terræ quiescenti, maior erit uirtus qua quiescit terra, quam uirtus primi motoris. sed hoc est falsum, quoniam uirtus primi motoris infinita est ex duodecimo Metaphysicæ. grauitas autem qua quiescit terra est finita, quoniam terra est corpus finitum, ut probatum est in primo cœli, & in octauo Physicorum, in magnitudine finita non posse esse uirtutem infinitam. Ergo uanū est dicere motorem cœli inniti terræ quiescenti, ut moueat cœlum.

Sed contra hanc rationem arguitur sic, si maior est uirtus mouentis primi in mouendo, quam uirtus quiescentis in quiescendo, ergo de facto mouebit terram de loco suo, ex consequenti destruetur motus cœli. est enim circa terram ut circa centrum: remoto autem centro remouetur motus circa centrum. Ad hoc dicitur consequentiam non ualere, quoniam aliud est motorem mouere innitendo terræ, ut fingunt de Atlante, & mouere circa terram. nam in primo sensu consequentia aliquam habet apparentiam; in secundo autem non, quoniam primus motor non innititur terræ, sed suæ uirtuti infinitæ. Hac de tertio capite sufficiant.

CAP. IIII.

Circa quartum caput inuestigandum est, si quod dictum est de quiescente intrinseco, & extrinseco in

animalibus, saluatur in motu inanimatorum. Et quidem quantum ad quiescens intrinsecum, dico quod non, ideo enim animalia habent quiescens intrinsecum, super quod firmatur pars mota, quoniam habent principium actiuum intrinsecum sui motus, quo dicuntur mouere seipsa: sed inanimata non habent huiusmodi principium in seipsis, quoniam mouentur actiue a generante, ut declaratum est in quarto coeli, in seipsis autem habent principium passiuum, quo sunt apta moueri, ut grauitas in lapide, & leuitas in igne. præterea, ideo animalia habent partem quiescentem intrinsecam, super quam firmatur pars mota, quoniam habent iuncturas quibus discontinuantur partes, ut patet de digito, & manu, & bracchio. ideo non inconuenit unam partem moueri alia quiescente, ex quo sunt discontinuæ, sed inanimata carent iuncturis, & partes adinuicem continuantur, ut patet in lapidibus, & metallis: continuorum autem unus est motus. ergo impossibile est in inanimatis unam partem quiescere, & aliam moueri: immo ad motum unius partis totum mouetur. Et aduerte quod semper loquimur de inanimatis solidis, quoniam secus est in inanimatis fluidis, & flexibilibus, ut diximus in primo capite. Patet igitur ratio propter quam in re inanimata non ponitur quiescens intrinsecum.

Quantum ad quiescens extrinsecum dico, quod non est necesse mouens inanimata, quod est generans, firmari, nec inniti alicui fixo. Generans enim est cœlum, & aer, &c. & mouentur inanimata uirtute sibi impressa. Constat autem quod nec cœlum, nec aer alicui fixo innititur dum mouent graue. ergo non est eadem ratio de animatis, & inanimatis. Hæc de quarto capite sufficiant.

C A P. V.

Circa quintum caput inuestigandum est, si animalia solo moto locali mouent seipsa, uel etiam alterant se, & augmentant se, & generant se. Et quantum ad alteratio-

nem dico quod sic, quoniam nutriunt se, ut dictum est in secundo de anima. Nutritio autem alterationem supponit, scilicet decoctionem nutriment, quæ sit per calefactionem, cuius principium est calor naturalis intrinsecus animali. Cum ergo habeant in se principium suæ alterationis, sicut habent in se principium motus sui localis, eadem ratione possunt dici alterare seipsa, sicut dicuntur mouere seipsa localiter.

Quamtu ad augmentum dico, quod sic. nam fundatur in nutritione. idem ergo est principium augmenti, & nutritionis, diuersa tamen ratione, sed calor naturalis intrinsecus animali est principium nutritionis, ergo & augmenti. Eadem ergo ratione qua dicuntur alterare se, quia nutriunt se, possunt dici augmentare se. Quomodo autem idem calor naturalis sit principium nutritionis, & augmenti diuersa ratione, dictum est in secundo de anima. ubi & assignauimus idem obiectum nutritiæ, & augmentatiæ.

Quamtu ad generationem dico quod non, quoniam generans prius est genito, sicut omne mouens prius est moto. ergo si animal generaret seipsum, sicut mouet seipsum localiter, esset prius seipso. Præterea, nihil generat, nisi in quantum est in actu: & nihil generatur, nisi in quantum est in potentia. ergo idem esset in actu, & in potentia. Item idem esset, & non esset, quæ sunt impossibilia. ergo &c.

Et ideo dixit Aristoteles, quod nullum est sibi ipsi causa generationis, & corruptionis. Præxi-

stere enim oportet ei quod mouetur mo-

uens, & generans ei quod genera-

tur. nihil autem prius est ipsum

seipso. Hæc enim omnia

quantum ad quin-

tum caput no-

bis dice.

sure m-

sufficiant.

96
INCIPIT TRACTATVS SECVNDVS
deus, qui est de principijs motus localis in animalibus, ordinatus a Chrysostomo
lauello Canapitio.



In hoc tractatu secundo agendum est de principijs motus localis in animalibus, & diuidimus in sex capita.

Primo agemus de principijs principalibus uoluntarij motus.

Secundo, quomodo cōcurrunt & causant motum localem in animali.

Tertio, de principio organico.

Quarto, comparabimus motus qui fiunt ab anima in animali, motibus qui fiunt in ciuitate a Monarcha.

Quinto, agemus de principijs motus inuoluntarij, & non uoluntarij.

Sexto, quomodo motus in animali aliquando fit a principio ad partes, aliquando econuerso, aliquando ab una parte ad aliam.

C A P. I.

Circa primum caput, aduerte quod principale principium motus localis uoluntarij in animalibus est duplex. Quoddam est principium principale mouens non motum, & hoc est obiectum apprehensum sub ratione boni, ut dicemus. Quoddam est mouens & motum, & hoc iterum est duplex, scilicet phantasia, & appetitus, sed diuersa ratione, ut dicemus. Vt scias igitur quomodo principium principale mouens, & non motum sit ipsum obiectum appetibile, aduerte quod ideo appetitus incitat animal ad motum localem, quia sibi præsenteratur a potentia cognoscitiua obiectum appetibile: ideo autem sibi præsenteratur, quia potentia cognoscitiua apprehendit ipsum ut bonum, siue realiter bonum, siue apparens bonum: ideo autem apprehenditur a potentia cognoscitiua, quia per sui speciem

DE CAU. MOTVS LOC.

speciem siue sensibilem, siue intelligibilem actuatur & mouet potentiam cognoscitiuam ad sui apprehensionem. In hoc ergo ordine patet quod animal est motum, quod appetitus est mouens & motus, mouens quidem animal: motus autem a phantasia praesentante obiectum. & phantasia est mouens mota, mouens quidem appetitum, & mota ab obiecto quo actuatur: obiectum autem non habet quid prius in hoc ordine a quo moueatur. ergo est mouens phantasia ad sui cognitionem, & mediante phantasia mouet appetitum ad sui inclinationem & desiderium, & mediante appetitum mouet animal ad sui consecutionem. Ipsum autem a nullo priori in hoc ordine mouetur. ergo est principium primum mouens non motum motus localis in animali. Sed aduerte quod obiectum non mouet appetitum in quantum simpliciter cognoscitur, sed in quantum cognoscitur sub ratione conuenientis boni, nec in quantum cognoscitur sub ratione uniuersali conuenientis boni, sed sub ratione particulari, in quantum est hoc, uel illud bonum, quam uniuersale ut sic non mouet appetitum ad persequendum, uel fugiendum. Vnde dicit Arist. in tertio de anima, Semper autem motus, scilicet appetitus est prosequens, uel fugiens aliquid, scilicet particulare. Hinc est quod intellectu speculante delectabile, uel tristabile uniuersale, nec delectamur, nec timemus, nisi fiat speculatio applicata ad aliquod particulare. Item aduerte quod apud Arist. in textu cum dicit, Videmus mouere animal intellectum, & phantasia, per intellectum intendit intellectum practicum, nam ex tertio de anima, Speculatiuus nihil dicit de fugibili, aut prosequibili, & per phantasia intendit omnem uirtutem apprehensiuam rei sub ratione conuenientis, uel nociui tam in homine quam in bruto, ut cogitatiuam in homine, & existimatiuam in bruto, per electionem, & uoluntatem, & concupiscentiam intendit potentiam appetitiuam tam in homine quam in bruto, sed in homine est appetitus intellectualis dictus uoluntas, & sensualis diuisus in concupiscibilem, & irascibilem. In bruto autem solus sensualis,

sed quoniam intellectus practicus, & cogitativa, & existimatiua communi denominatione solent dici phantasia, & uoluntas, & sensualitas dicuntur appetitus: ideo omnia principia mouentia mota in animali respectu motus localis dicuntur phantasia, & appetitus, sed diuersa ratione. Nam phantasia mouet animal sub ratione indicantis quid bonum, uel malum. Appetitus autem mouet sub ratione imperantis. unde phantasia se habet ad appetitum sicut doctor consulens ad Regem consultum, qui imperat ut sibi consultum est, unde si fuerit bene consultus bene consulit, si male, male, sic accidit in homine. Sed de hoc considerare in particulari ad Philosophum moralem pertinet.

Ex dictis patet ratio, quare intelligentia applicata primo mobili mouet motu continuo uniformi, & sempiterno. anima autem mouet corpus localiter motu interpollato & difformi. Nam intelligentia mouet intellectu & uoluntate, pro quanto intelligit primum principium, qui est Deus benedictus, sub ratione summi appetibilis, & desiderati, & ex hac intellectiōe desiderat illi assimilari, & apprehendit non posse consequi hanc assimilationem nisi motu cœli, & hanc assimilationem esse quid optimum, & ultimam perfectionem eius, ideo incessanter, & uniformiter mouet. Anima autem mouet corpus ex apprehensione diminuti, & uariabilis boni, quale est in his inferioribus, in quibus experimur aliquod esse nobis bonum pro aliquo tempore, ut calefieri ad ignem tempore hyemis, quod nocuum nobis esset in æstate. Item aliquod est apparens bonum aliqua hora, puta insurgente concupiscentia, ut inebriari, aut fornicari, & alia hora, puta, insurgente ratione uidetur nobis malum, & ideo difformiter & nō cōtinue anima mouet corpus, quod totum prouenit ex diuersitate bonorum propter quæ mouet. unde si pro aliquo statu anima figeret apprehensionē, & appetitum in aliquo uniformi bono, & omni tempore sibi bono, & non posset consequi ipsum bonum sine motu locali, semper moueret ipsum corpus, modo esset aptum.

DE ANIMA.

99

corpus animalis moueri continue, & uniformiter. Manifestum est igitur quod principia principalia motus localis in animali sunt tria, scilicet obiectum appetibile quod est mouens non motum, & phantasia, & appetitus, quæ sunt mouentia mota. Hæc de primo capite sufficiant.

C A P. II.

Circa caput secundum, declarandū est quomodo principia mouentia & mota, quæ sunt phantasia, & appetitus, causant motum localem in animali. Sed antequam ultra procedamus, quoniam declarare intendimus propositum, præcipue in homine, aduerte quod per ly phantasiā intendimus intellectum practicū. Nam & in tertio de anima Aristo. idem sentit. Dicit enim, Videntur autem duō hæc mouentia, aut appetitus, aut intellectus. Si aliquis phantasiā posuerit uelut intellectum quēdam. Intellectus autem qui propter aliquid ratiocinatur, & qui practicus est. Primo igitur uidebimus quomodo intellectus practicus causat motum localem. Secundo, quomodo appetitus.

Quantum ad primum, dico quod intellectus practicus causat motum dirigendo, & indicando appetitui hoc esse agendum, uel non, & cum conditionibus requisitis ad bonitatem actionis. huiusmodi autem directio, uel ostensio fit per syllogismum practicū. Et ut uideamus distincte quomodo fit per syllogismum, dicemus tria. Primo, in quibus conueniunt intellectus speculatiuus, & practicus. Secundo, in quibus differunt. Tertio, quot modis contingit intellectū practicū syllogizare aliquid esse agendū, uel uitandū.

Quantum ad primum, dico quod conueniunt in quatuor. Primo, sicut intellectus speculatiuus nō semper actu speculatur, sic nec practicus semper actu practice syllogizat. Secundo, sicut in speculabilibus omnes conceptus reducuntur ad unum primū, qui est conceptus entis, qui supponitur omni alteri cōceptui, sic in practicis intellectus practicus omnia agibilia reducit ad rationē boni, & illud supponitur omni actioni practice. nullū enim intendens ma-

lum sub ratione mali operatur, & a ratione boni deducitur omnis syllogismus practicus, ut dicemus. Tercio, sicut in speculabilibus est deuenire ad aliquod primū principium cōplexum, ad quod alia reducuntur, & est sicut fundamentum primum ueritatis omnium aliorum cōplexorum, puta de quolibet est affirmatio, uel negatio uera: sic in practico est deuenire ad unum primum complexum, puta, bonum est appetendum, & malum uitandum. Quarto, sicut intellectus speculatiuus cum syllogizat accipit unam propositionem uniuersalem, sub qua assumit aliam, aliquando quidem uniuersalem, ut in Barbara, aliquando autem particularem ut in Darij: sic intellectus practicus cum recte syllogizat assumit propositionem uniuersalem, puta, honorandi sunt parentes, sub qua assumit particularem, uel singularem, puta, hic est parens meus, & ex his duabus infert conclusionem practicam.

Quantum ad secundū dico, quod in duobus differunt. Primo, intellectus practicus semper subsumit minorē particularem, & concludit conclusionem particularem: speculatiuus autem aliquando subsumit uniuersalem, aliquando particularem, & concludit eodē modo, & ratio huius differentie manifestabitur per secundam. Secundo, differunt in hoc, quod finis syllogismi speculatiui est cognitio conclusionis: finis autem syllogismi practici est ordinare conclusionem ad opus. unde conclusio semper est de aliquo agendo, & sic uel sic agendo, uel uitando: & propterea, conclusio intellectus practici semper est particularis, quoniam actio est circa particularia, cognitio autem potest esse circa uniuersalia, & particularia. & ideo cōclusio intellectus speculatiui potest esse uniuersalis, & particularis. Sed aduerte quod conclusio intellectus practici de aliquo agendo, uel uitando, semper supponit illud agendum esse bonum, uel saltem apparens, & possibile acquiri, aliter cessat syllogizare. nam si intellectus meus apprehendit, quod est bonum esse Pontificem, uel ascendere in cœlum, & apprehendit

non haberi media ad hæc, non concludet. ergo conandum est esse Pontificem, uel ascendere in cœlum, idem intellige ex parte mali uitandi.

Quantum ad tertium, dico quod tribus modis contingit ipsum syllogizare: aliquando enim concludit de agendo, uel uitando per unum syllogismum, aliquando per plures, aliquando per enthymema.

Exemplum primi, pauperi est benefaciendum, Socrates est pauper, ergo Socrati est benefaciendum.

Exemplum secundi, Medicina indigeo, rhabarbarū est medicina, ergo rhabarbaro indigeo. tunc ultra, quo indigeo emendum est, uel quærendum, rhabarbaro indigeo, ergo rhabarbarum emendum, uel quærendum est. tunc ultra, pro emendo parāda est pecunia, rhabarbarū est emendum. ergo pro rhabarbaro paranda est pecunia, & sic patet quod pluribus syllogismis deuenit ad id quod primo operandum, scilicet parare pecuniam, ut deueniatur ad primo intentum, & conclusum per primum syllogismum, scilicet rhabarbaro indigeo. Et hinc patet quod in agibilibus primum in intentione est ultimum in executione, & ultimum in intentione est primum in executione.

Exemplum tertij, Bonum est homini se exercere. ergo tu debes te exercere. hic tacetur minor, scilicet tu es homo, quæ supponitur syllogizanti ut manifesta. Et aduerte quod enthymema in agibilibus est periculosum, & causa erroris ac peccati, & qui ueloces sunt in agendis ac impetuosj, ut in pluribus utuntur enthymemate, & multoties male agūt, quoniam non subsumunt minorem, nec debitas circūstantias applicant, sed impetuose a principio uniuersali ad conclusionem feruntur, uerbi gratia sic arguit iracundus, De inimico uindicandum est, ergo de hoc uindicandum est. & tamen si fecisset minorem considerasset, scilicet hic est inimicus, & forte aduertisset quod non est cum ueritate inimicus eius. similiter incontinens sic arguit, hoc est delectabile. ergo eo fruendum est, & peccat, quoniam hanc singula-

rem obtulit sensus non proponente ratione recta suū principium uerum, scilicet honesto delectabili temperate fruendum est, & si incontinens subsumeret hanc minorem, hoc est honestū delectabile, scilicet meretrix, aduerteret ipsam esse falsam, & sic retraheret se. uerum quoniam statim concludit ex singulari non debire circumstantiato oblato sibi a sensu, ideo peccat, & hoc modo se habent homines in passionibus constituti, & ut sic, agunt ut bruta, quæ sola phantasia & existimatiua mouente in eis appetitum, impetuose agunt: propterea optimum est nobis assuescere ordinate syllogizare in agendis, ne uelut bruta, impetuose & turpiter, & iniuste agamus. patet igitur ex dictis quomodo intellectus practicus concurrat in agendis, & in motu locali, & quorū modis syllogizans indicat appetitui obiectum suū.

Quantum ad secundum, dico quod appetitus, siue intellectiuius ut uoluntas, siue sensualis causat motum localem in nobis imperatiue ultimare, modo sit factus in actu. Dico imperatiue, quoniam inclinatus in complacentiam, & desiderium obiecti boni ex præsentatione sibi facta ab intellectu practico, siue a phantasia, imperat membri corporis, ut moueantur ad acquisitionem talis obiecti. Dico ultimate ad differentiam intellectus practici, uel phantasiæ. nam licet proponant appetitui obiectum sub ratione boni, nisi appetitus acceptaret hanc proportionem, non sequeretur actio: si autem appetitus acceptat, nihil ulterius expectatur, sed remoto impedimento, sequitur actio imperata ab appetitu. Dico modo, sit factus in actu. nā sicut intellectus antequam recipiat speciem intelligibilem est in potentia ad intelligendum, & post receptionem ita actuatus est, quod potest ex seipso exire in actū intelligendi, sic appetitus ante præsentationem obiecti sibi factam sub ratione boni est in potentia ad appetendum, & imperandum consecutionem boni, post præsentationem autem iam est factus actu quoad actum primum. Quod enim facit species intelligibilis in intellectu, id facit cognitio boni præsentata appetitui in

appetitu: & ideo nullo alio expectato, & remoto impedimento, potest imperare motum localem in nobis: propterea dicitur apud Aristo. ultima causa motus localis factus in actu, aut per phantasiam, aut per intelligentiam, scilicet practicam. Ex his igitur patet quomodo duo principia mouentia & mora causant motum localem, & qua ratione. Hec de secundo capite sufficiant.

C A P. I I I.

Circa tertium cap. agendum est de principio organico motus localis in animali quod est una ex partibus corporis quę primo mouetur ab anima, & quę mota mouet alias partes corporis quodam ordine, & est deuenire ad ultimas partes quę mouentur, & non mouent alias cū sint ultimę, & non habeant sequentes, ut extrema manuum & pedum. Ad euidentiā igitur istius principij faciemus quatuor. Primo, quoniam artificiata uidetur esse nobis notiora naturalibus, ut sciamus quibus organis, & quo ordine anima mouet corpus localiter, comparabimus motum animalis motui currus, & declarabimus in quo sunt similes, & in quo dissimiles. Secundo, inuestigabimus in qua parte corporis, est principium primum organicū. Tertio, quale est. Quarto, quid inuenitur in hoc principio, quo possit mouere alia membra.

Quantum ad primum aduerte, q̄ sicut currus mouetur ab auriga, ut principali mouente, sic corpus animalis mouetur ab anima: mouet autem auriga currum hoc ordine. Auriga insidet equo, quem sua arte regulat in motu modo ad dextram, modo ad sinistram, equus alligatus est temoniconis, & alijs ligaturis: Temo colligatus est axibus rotarum: Rotę aliquę sunt minores, aliquę sunt maiores: Minores sunt quibus infixę sunt axes, & dicuntur modioli, & sunt uelut centra, circa quę mouentur maiores quibus infixi sunt radij. Auriga igitur primo mouet equum, equus mouet temonem tractu, temo mouet axes ad tractum axium mouentur rotę minores, quibus mox mouentur maiores,

ex omnibus istis mouetur totus currus, sic proportionaliter mouetur animal. nam in animali est anima, ut auriga, & est cor cui ut equo insidet anima per uirtutem motiuā, & sunt ossa, ut temo, & axes, & sunt iuncturæ ut rotæ, & sunt nerui ut chordæ, & sicut extensis, & cōtractis chordis diuersimode mouetur currus, sic extensis, & contractis neruis diuersimode mouetur animal. Patet igitur quomodo motus localis in animali assimilatur motui currus, & sicut in curru dantur duo prima mouentia, quorum principale est auriga, organicum autem est equus, qui quodam ordine mouet omnes partes currus: sic in anima i mouens primum principale est anima, organicū autem est cor, cuius uirtute mouentur omnes aliæ partes, ut dicemus.

Viso in quo ij motus sunt similes, declarandū est in quo sunt dissimiles. vnde aduerte q̄ in motu currus nō necessario alterantur partes, nec fiunt maiores, aut minores per alterationem, sed additione, aut ablatione, ut si apponantur ligna, uel chordæ, uel subtrahantur. In motu autem animalis necessario partes alterantur, & fiunt maiores, aut minores per dilatationem, & constrictionem, quæ proueniunt ex caliditate, & frigiditate alteratiuis. Ad cuius euidentiam aduerte, q̄ ut diximus, anima mouet corpus per phantasiam & appetitum, phantasia per apprehensionem, & appetitus per motum passionum concupiscibilis, & irascibilis, calefaciunt & infrigidant corpus. Quod declaratur primo quo ad phantasiam, deinde quo ad appetitum.

Quantum ad phantasiam, aduerte q̄ recipit, & conseruat species sensatas repræsentatiuas rerum tristabilium, & delectabilium, quæ quidem species cum sint effectus rerū adextra, & effectus sapiat uirtutem causæ aliqualiter, sicut res adextra statim q̄ obijciuntur sensibus, & apprehēduntur sub rōne cōuenientis alterāt corpus cōmouēdo ad calorem: ut patet in ueneris, & faciūt dilatationē circa aliquas corporis partes, & si apprehēduntur sub rōne disconuenientis alterant corpus p̄ frigiditatem cōstringendo aliquas partes,

& inducendo palliditatem ac tremorē, ut patet in uidentibus draconem, aut leonem: sic species sensata earundem rerum etiam in absentia rerum, si circa eas negotiatur phantasia, alterant eodem modo corpus, nō tamen ita intense, unde phantasticans circa speciem formosæ mulieris cōmouetur ad concupiscentias, & corpus incalescit: & phantasticans circa speciem uiri trucidati cōmouetur ad tremorem, & frigus per corpus discurrit, & confirmatur, ex his quæ didicimus in libro de memoria, & reminiscētia, ubi diximus quod memorię inducunt tristitiam, aut delectationem, ex consequenti alterant corpus, quoniam dum memoramur conuertimur per imagines repræsentatiuas super memorabilibus ac si essent nobis præsētia. Et propterea memorię calesciunt, & infrigidant corpus, secundum quod sunt circa delectabilia, aut tristabilia.

Quantum autem ad appetitum, id maxime experimur. nam per uehementē desiderium, & spem circa desideratum sensibilibiter calefit totum corpus, & per gaudium cor dilatatur ex calefactione ac diffusionē spirituum. unde letantes dilatantur in facie, & tristātes cōstringuntur, & palleſcunt. pallor autem est ex frigiditate, & constrictione spirituum. In passione irę id manifestissimum est, & in passione timoris. nam dum irascimur accenditur sanguis circa cor, dum timemus constringitur. constriction autem est per frigiditatem. patet ergo quod cum anima moueat corpus per phantasiam, & appetitum, quorum actiones admixtæ sunt alterationi, ut declarauimus, quod non mouet sine alteratione, & dilatactione, & constrictione partium, & in hoc dissimilatur motus animalis a motu currus & cuiuscunque artificiatī. hæc de primo dicta sint.

Quantum ad secundum dico, quod est in medio partis dextræ, & sinistræ superioris, & inferioris, anterioris, & posterioris, ex consequenti est in medio totius corporis, sumendo corpus non consideratis extremis, ut capite, brachijs, & cruribus, sed consideretur a collo ad crura. Et

declaratur propositum multiplici uia.

Primo sic. Quando aliqua plura situata in oppositis sitibus simul mouentur, & contrarijs motibus localibus, necesse est quod uniantur in aliquo uno tanquam in medio a quo sumant uirtutem mouendi, sicut plures riuuli sumunt aquam ab uno communi fonte: sed brachium dextrum, & sinistrum situantur in oppositis sitibus, ut patet, & possunt simul moueri: non enim est necesse moto brachio dextro quiescere sinistrum, & motibus contrarijs, ut dextrum ad dextram, & sinistrum ad sinistram. Idem dico de capite & cruribus: possum enim inclinare caput, & eleuare crura simul, & semel. Idem dico de parte anteriori, & posteriori, ut pectore & dorso: possunt enim simul moueri per pulsionem, & retractionem, ut patet dum restringimus, & dilatamus scapulas. Ergo necesse est omnes has partes uniri in aliquo uno, ut in medio situato, a quo sumant uirtutem simul mouendi, & hoc est cor situatum in medio corporis, sicut situatur sol medius inter planetas, sicut fons luminis.

Secundo sic. In eodem situ uidetur esse principium motuum, & sensitiuum, quoniam motuum supponit sensitiuum, sed principium sensitiuum est in medio animali. Nam cor est principium sensitiuum tanquam origo spirituum, per quos sensus sentiunt, ut diximus in libro de somnio, & uigilia, & dicemus infra, & cor est in medio animalis: ergo principium motuum est in medio animalis.

Tertio sic. Videmus quod parua alteratione facta circa cor, impedimur a motu, & a sensu: ut patet in apoplectico, & epileptico: & parua perturbatione facta circa cor fit magna alteratio in cæteris partibus, ut in capite, & alijs extremitatibus, aut tremore, ut in constituto in periculo, aut calore æstuante, ut in febricitante. Ergo signum est quod cor constitutum in medio animalis est primum principium organicum motus localis. Et ut inquit Aristo. se habet cor in animali, sicut gubernaculum in naui, quod si uel modicum transponatur ad dextram, uel ad sinistram, magnam trans-

mutationem causat in tota trauis. sic accidit in animalibus, nam facta aliqua passione circa cor, uidemus totum corpus perturbari, & faciem mutari modo in ruborem, modo in pallorem, modo in tremorem, & in horum contraria. Manifestum est igitur quod primum principium mouens organicum situm est in medio animalis.

Quantum ad tertium, dico quod est diuisibile, & est mobile, & quiescens, quiescens quidem, quoniam semper stat affixum determinate parti in corpore, & est mobile motu pulsus, & tractus, ex consequenti, oportet ipsum esse gibbosum & concauum. Nam in quantum gibbosum dilatatur pulsus, & in quantum concauum constringitur tractu. Et quidem quod moueatur pulsus, & tractu manifestum est ad sensum, & hic quidem motus naturalis est cordi, & conseruatiuus animalis. Cum enim sit compositus ex pulsus, & tractu, est sicut motus circularis, qui componitur ex pulsus, & tractu, pulsus quidem per semicirculum superiorem: tractu autem per semicirculum inferiorem. Motus autem circularis qui est primi corporis celestis conseruat, & uiuificat inferiora, sic & motus cordis qui est per eleuationem, & depressionem ab eodem ad idem, uiuificat, & conseruat animal. patet igitur quale est primum mouens organicum, & quo motu mouetur a uirtute motu animæ insidete ei sicut auriga equo.

Quantum ad quartum, dico quod in hoc principio primo organico quod est cor, uel proportionale cordi est spiritus in eo coplantatus a principio generationis, quo mouetur cor pulsus, & tractu, & spiritu emisso a corde mouentur alia partes, & debilitato spiritu debilitatur motus, & subtracto spiritu subtrahitur motus, & si reuocatur omnino spiritus ad cor, tantum cor mouetur: cetera autem membra languida remanent, ut patet in apoplectico, & in constituto in ecstasi, & de propinquo morituro. Quod igitur huiusmodi mouens cor, & alia membra sit spiritus, declaro dupliciter. Primo sic, illud est mouens cor, & alia membra, ut exit a corde, quod inter omnia corporea subtilissimum, & maxime

penetratiuum, & de facili diffusiũ est : cum enim mouens & motum debeant esse simul, necesse est, ut motiũ cor-
dis, & aliorum membrorum penetret cor, & ad alia mem-
bra de facili transmittatur : id autem non posset facere nisi
subtile, & penetratiuum esset. sed istę conditiones inter cor-
porea conueniunt spiritui : unde & uentus dicitur spiritus,
quoniam ex subtilitate, & penetratione habet naturalem
uirtutem qua de facili impellitur, & impellit alia. ergo mo-
tiũ cordis, & aliarum partium est spiritus, qui nõ adue-
nit ab extrinseco, ut aer respiratus, & inspiratus, sed est ad-
natus cordi, & quandiu conseruatur, uiuit animal : conser-
uatur autem per restaurationem factam ex nutrimento (ut
dicemus in tractatu de morte, & uita) nam sicut humidum
substantificum continue deperditur per calidum, & restau-
ratur per conuersionem nutrimenti in substantiam nutritia
sic actione calidi consumuntur spiritus, & nutritione restau-
rantur. Quod ad sensum experimur. nam fatigatus exer-
cicio, uel itinere ad sumptionem modici uini fortificatur,
quoniam uinum est spumofum, & mulcorum spirituũ
generatiuum.

Et si quæras, utrum in tota uita remaneant idem spiritus
numero, uel tantum secundum speciem. Respondeo, quod
idem dicendum est de spiritu, quod de carne, quæ per nu-
tritionem regeneratur, quæ quomodo remaneat eadem, di-
ximus in libro de generatione. ubi declarauimus quod re-
manet eadem per æquiualentiam, uel secundum partes spe-
ciei, sed non secundum partes materiæ, quæ quomodo di-
stinguantur diximus in quæstionibus ordinarijs super pri-
mo de generatione in quæstione, qua queritur utrum aug-
mentum fiat secundum partes formales, uel materiales.
Secũdo sic, illud est mouens cor, & per illud alia membra,
quod facillime causat motum pulsus, & tractus, qui est na-
turalis cordi, & a corde ad omnes uenas pulsatiles extendi-
tur: sed spiritus eo quod est subtilis facillime causat motum
talem, nõ ex sua subtilitate de facili protenditur, & sic cau-

fat motum pulsus, & de facili retrahitur, & sic causat motum tractus. Exemplum habemus in uelis nauium, quæ extenduntur ad impetum uenti, & retrahuntur retrocessione uenti. patet igitur quod in primo principio mouente organico rationabiliter ponitur spiritus, ut causetur in eo motus pulsus, & tractus, & per quem cæteræ partes moueantur. Hæc de tertio capite dicta sint.

CAP. IIII.

Circa quartum caput, ut maior sit euidencia de principijs motus localis in animali, & quomodo ab illis procedit, aduerte quod motus localis in animali assimilatur ab Aristo. motui ciuitatis bene institutæ, & legibus ac consuetudinibus summatæ, in qua unusquisque operatur secundum auctoritatem, & legem datam sibi a principe, ut Milites defensant, Doctores docent, Iudices causas determinant, Artifices deseruiunt, Agricoltæ alimēta parant. Tu igitur considera quod quatuor sunt in ciuitate: Primo est princeps, habens in se uirtutem dominandi, & regulandi, & distribuendi quæcunque opera agenda, & opportuna ad conseruationem ciuitatis: Secundo sunt distinctæ, & ordinatæ partes in ciuitate, ut comites, nobiles, doctores, ciues, artifices, serui, milites: Tertio princeps cui libet parti imponit legem, & dat media operandi, ut decens est ad operandum per conseruationem ciuitatis, & bono principis: Quarto princeps datis legibus, & medijs unicuique parti, residet in loco uno ciuitatis, nec est necesse ut sit præsens cui libet parti quando operatur, quoniam uirtualiter præsens est ex lege, & medijs distributis unicuique secundum modum operandi proportionatum sibi. Consimiliter considera quatuor in animali moto localiter: Primo est anima ut princeps habens uirtutem cōseruandi, & regulandi omnes partes in animali, & distribuendi uarios motus ordinatos ad bonum totius, ut quod cor moueatur pulsu, & tractu, pedes incedāt, manus capiant, os & stomachus recipiant cibū, intestina recipiant superflua, & emittant: Secundo in

animali sunt distincte partes nobiles, & ignobiles, ut patet & una ordinatur ad alterā, ut os ad stomachū, stomachus ad hepar, hepar ad cor, & omnes ordinantur ad bonū totius animalis. Tertio anima dat cuilibet parti uirtutē operandi, & legem, & media, ut dat oculo uirtutem uisuiuam, & quod uideat per receptionem uisibilis mere spiritalem (ut dictū est in secundo de anima) & dat media, idest spiritus generatos in corde, & transmissos ad oculum, & ad quancunque aliam partem (ut diximus in libro de somnio, & uigilia, & in capite præcedenti huius tractatus) Quarto anima distribuit uirtutibus cuilibet parti, uelut princeps residet in corde, ut in fortalio, nec est necesse, ut exeat a corde, ut uadat ad manū quando mouenda est, nec ad pedes quando ambulandum est, sed sufficit quod ab ipsa existente in corde emanet uirtus operandi ad quancunque partem. Nā uerbi gratia pedes habent iuncturas, & nervos, & ossa sic disposita ad ambulandum, & anima existens in corde transmittit spiritus quibus pedes mouentur. patet igitur quomodo motus animalis, & motus ciuitatis assimilantur.

Sed aduerte q̄ quarta conditio nō uerificatur de anima, ut est forma substantialis: sic enim est in toto, & in omni parte, quoniam unius compositi per se est tantum una forma, que primo, & per se est perfectio totius: secundario autem cuiuslibet partis, sed uerificatur inquantum est motor, quoniam uirtus motiua residet in corde, ut in primo moto, & quo anima mouet alias partes ex administratione spirituum genitorum in corde. Hæc de quarto cap. sufficiant.

C A P. V.

IN supradictis cap. pertractauimus de principiis motus localis uoluntarij, in hoc cap. agendū est de motu inuoluntario, & non uoluntario, & dicam tria.

Primo, qui dicitur in nobis motus uoluntarij, & inuoluntarij, & non uoluntarij.

Secundo, quæ sit causa, & principium motus inuoluntarij,

Tertio, quæ partes corporis præcipue mouentur motu inuoluntario.

Quantum ad primum aduerte, quod motus localis in nobis uoluntarius est ille qui causatur ab intellectu practico indicante, & a uoluntate imperante, & a potentia motiua affixa organo. Primo, idest cordi exequente, quoniam motu cordis mouentur cæteræ partes, & ab illo pendet earum motus, uerbi gratia, uisitationis templi est motus uoluntarius, quoniã ratio practica concludit ex ueneratione Dei uisitandum esse templum, & uoluntas acceptat hanc conclusionem, & præcipit sic fieri. Motus inuoluntarius est ille qui contrariatur motui uoluntario, & causatur a phantasia præsentante aliquod sub ratione boni, quod tamen non est bonum secundum rectam rationem, ut frui muliere pulchra fornicaria, & concupiscibili acceptante, etiam repugnante uoluntate, & hoc motu ad apprehensionem phantasie, qua excitatur concupiscibilis, multoties mouentur genitalia, etiam repugnante ratione, & uoluntate, ut experientur continentes, & casti. motus non uoluntarius est ille, qui præuenit intellectum, & phantasiam, & uoluntatem, & appetitum sensitiuum, & causatur a principiis naturalibus intrinsicis, & extrinsecis, ut motus pulmonis per inspirationem, & respirationem, & motus potentie digestiue, & motus potentie expulsiue, & motus cordis, qui tamen aliquando causatur ex phantasia, & tunc erit inuoluntarius, uel uoluntarius, ut dicemus.

Quantum ad secundum, dico quod causæ motus inuoluntarii in nobis sunt species imaginatæ instabilium, & delectabilium retentæ in phantasia, circa quas negotiatur phantasia, & repræsentat irascibili, & concupiscibili, & quoniam (ut diximus in tertio capite) huiusmodi species uirtutem habent alterandi, calefaciendi, uel infrigidandi partes, & per consequens commouendi appetitum sensualem, ideo causant in nobis motus sensuales contra imperium rectæ rationis, ut motus iræ, motus timoris, motus ueneris. Nam man-

suetus nolet irasci sine causa. Nec fortis timere ubi de iustitia agitur: nec castus inhoneste cōmoueri, & tamen uelint nolint aliquando experiuntur oppositum. Causæ autē motus non uoluntarij, aliquando sunt extrinsecæ, ut caliditas, & frigiditas continentis: & aliquando sunt intrinsecæ, ut caliditas intrinseca est causa motus in genitalibus, & frigiditas est causa tremoris in intestinis.

Quantum ad tertium, dico quod partes quæ mouētur motibus inuoluntarijs, & nō uoluntarijs maxime sunt cor, & genitalia, quia cōparantur ad alias partes uelut quoddā animal parū ab eis distinctum: cor quidem, quoniam habet spiritum in se cōplantatum quo mouetur, & quo mouet alias partes: & propterea non inconuenit cor solum in animali moueri, cæteris partibus nō motis, sed nō econuerso. Genitalia autem quoniam continent humiditatem generiuam, quæ dicitur sperma, & habet uirtutem animalis, cū sit formatiua animalis, ex consequenti habet uirtutem motiuam: & propterea non inconuenit has duas partes habere motum contra imperium rationis, & etiam non concurrente phantasia, nec concupiscibili: ut patet in dormiente qui multoties patitur constrictionem cordis, de qua dicemus in tractatu de uita, & morte, & sentit motum in pudendis, nulla imaginatione interueniente. hæc de quinto capite sufficiant.

C A P. V. I.

Circa caput sextum, aduerte quod in nobis experimur motum aliquando incipere in partibus, & pertingere ad principium, id est ad cor, ut cōtingit alterari uisum in aspectu rei delectabilis, uel tristabilis, & ex motu facto in uisu alterari cor, secundum dilationem, uel constrictionem. Delectabilia enim dilatant cor, & tristabilia contingunt: contingit etiam alterari cor, puta ex humore melancholico: ut patet in patientibus passionem cardiacam. & alterato corde alteratur uisus, ita quod aliquando fit tenebrosus ex reuocatione spiritui ad cor. Aliquando motus incipit

pit ab una parte, & tendit ad aliam, ut contingit alterari uisum si uideat inimicum euaginato ense se inuadentē, & alteratur cor per timorem, & tremorē, quo alterato alteratur auditus, ita q̄ tunc nō audit clamantem, nec discernit quid tactu sentiat. Inde uidemus q̄ constituti in periculis, ut in submersione, quicquid eis porrigitur manu retinent, etiam si gladius acutissimus porrigatur, nec sentiunt dolorem in incisione manus, donec cordis alteratio cessauerit. Patet igitur, quomodo motus aliquādo incipit ab una parte, & tendit ad principium, aliquādo a principio ad partē, aliquando a parte ad partem, mediante principio alterato.

Postremo aduerte, q̄ cōtingit duos apprehendere idem delectabile, quo uterq̄ potest frui, & tamen unus mouebitur a delectabili, & alter non. Item cōtingit Socratē apprehendere idem delectabile, & uno tempore mouebitur ab illo, alio autem non. & ratio huius est uaria dispositio subiecti. nam non sufficit ad motum huiusmodi apprehensio delectabilis obiecti cum possibilitate possidendi, sed requiritur debita dispositio qua habilitetur ad prosequendum delectabile, puta complexio sanguinis, sanitas, quies in statu temporali, iuuentus &c. & quoniam hæc uariantur, nō est mirum, si delectabile non semper causat motum in apprehendente, nec in omnibus apprehendentibus. Hæc de sexto capite sufficiant, in quo terminatur præsens consideratio.

EPITOME DE MORTE, ET VITA

Chrysostomi Iauelli Canapitij.



Praeacta consideratione passionum conuenientium animali ratione animæ sensitivæ, nunc agemus de passionibus conuenientibus eidem ratione animæ uegetatiuæ.

Primo de Morte, & Vita.

Secundo de inspiratione, & respiratione.

Tertio de iuuentute, & senectute.

Quarto de longitudine, & breuitate uitæ.

Tractatus unicus de Morte, & Vita.

Prima consideratio erit de Morte, & Vita, & complectemur ipsam in uno tractatu, quē diuidimus in quatuor capita.

Primo, quid sit uita.

Secundo, quid mors.

Tertio, quæ sit causa mortis.

Quarto, quomplex est mors.

C A P. I.

Circa primum caput, aduerte quod Philosophus in libro de Morte, & Vita sic diffinit eam elicitiue: Vita est mansio nutritiue animæ cum calido sibi proportionali. Ad cuius euidentiam, aduerte quod uita dupliciter considerari potest, primo absolute, & sic ei non competit dicta diffinitio. nā in abstractis inuenitur uita, Deus enim & intelligentiæ nobilissimam uitam habent, ex duodecimo Metaphysicæ, in quibus tamen non est nutritiua anima. unde uita absolute dicta est existentia, uel operatio naturæ mouentis seipsam, sumendo motum non solum physice, sed etiam Metaphysice, prout intelligere, & uelle dicuntur motus, qui est actus perfecti. Dico autem existētia, uel operatio, quoniam uiuere ex secundo de anima, non solum significat esse, sed etiam operationem rei uiuentis. Secundo consideratur uita, ut est in uiuentibus inferioribus, quæ proprie dicitur uita naturalis corruptibilis, & ut sic consideratur, & diffinitur hic a Philosopho, & concordat his, quæ dixit in secundo de anima, ubi inquit, Vegetatiua anima, & alijs inest prima, & maxime cōmunis secundum quā inest uiuere omnibus, cuius opera sunt generare, & alimēto uti sed ut scias quomodo uerificatur hæc diffinitio, aduerte quod uita naturalis tripliciter potest sumi, primo pro ipsa anima, ut est uegetatiua, & ut sic non est formaliter permanentia,

DE MORTE, ET VITA 115

sed causaliter, in quantum est principium uiuendi, ex consequenti est causa permanentiæ caloris naturalis cum humido sibi proportionato, secundo pro existentia animæ in corpore, & ut sic hæc diffinitio est formalis. Illa enim permanentia est formaliter existentia, sicut uiuere formaliter est esse uiuentis, tertio pro operatione procedente ab anima ut uegetatiua, & ut sic hæc diffinitio non est formalis, sed ab effectu & a posteriori, sicut etiam est ista, phantasia est motus factus a sensu secundum actum: licet autem pro quolibet horum sensuum possit uerificari, tamen uidetur intelligenda in secundo sensu. Ratio enim quod Socrates uiuit est, quia anima uegetatiua permanet unita corpori mediante calore naturali coniuncto, & cōseruato in humido proportionali, cuius signum est quod, ut dicemus in secundo capite, & in tertio, defectus, & extinctio caloris per deficcationem humidi est causa mortis. quare autem dicatur cum calido sibi proportionali, declarabitur infra. hæc de primo capite sufficiant.

CAP. II.

Circa caput secundum, aduerte quod mors opponitur uitæ, ut priuatio habitui, & cum priuatio formaliter sit negatio habitus in subiecto apto nato ex quinto Metaphysicæ, ergo mors formaliter dicit negationem, uel remotionem uitæ in subiecto apto nato habere uitā. Ad hoc autem quod remoueat uitam, est necesse, ut destruantur ea in quibus fundatur, & cōseruatur uita. Hæc autem sunt anima nutritiua unita corpori, & calor naturalis cōseruatus in humido naturali, ut dicemus. Ex his potest sumi duplex diffinitio mortis, siue naturalis, siue uiolentiæ.

Prima est, Mors est negatio permanentiæ animæ nutritiue cum calido sibi proportionali. Et hæc diffinitio patet ex diffinitione data de uita, quoniam priuatio cognoscitur per habitum, ut obliquum per rectū. Secūda est, Mors est extinctio, siue corruptio, siue deficientia caloris naturalis in subiecto uiuente. Hæc diffinitio manifesta fiet ex his

quæ dicentur in capite sequenti.

CAP. III.

Circa caput tertium, aduerte q̄ cū uita fundetur in calido, & humido, ut dicemus in tractatu de longitudine, & breuitate uitæ, causa cōmunis ipsius mortis est extinctio, siue marcor caloris naturalis, & consumptio humidi naturalis, quod est subiectum eiusdem caloris, ut dicemus, sed aduerte quod necesse est huiusmodi extinctionē, & cōsumptionem fieri in particula in qua primo fundatur uita, quam diximus in libro de motu animalium, esse cor, uel proportionale cordi: unde stat omnes partes corporis frigescere, & tamē adhuc uiuet animal, stante calore in corde. hęc autem extinctio uniuersaliter fit propter defectum refrigerationis. nisi enim refrigeretur calor suffocatur, ut dicemus in tractatu de inspiratione, & respiratiōe. Defectus autem refrigerationis aliquando est ab extrinseco, ut a prohibente ingressum, & egressum aeris ad pulmonem, & ad cor, & huiusmodi prohibentia sunt suffocantia extrinseca, ut constringentia guttur, & aqua: & propterea strangulatio, & submersio inducunt mortem. Aliquando autem est ab intrinseco, ut a pulmone indurato, qui ut sic fit ineptus ad eleuationem, & depressionem, ex consequenti non potest attrahere, nec emittere aerem ad refrigerium caloris in corde. Induratio autem pulmonis aliquando fit longitudine temporis, ut in senibus. Nam cum calor naturalis continue agat in humidum, partes interiores, inter quas est pulmo, desiccantur. Desiccatio autem inducit indurationem. Induratio autem prohibet extensionem, & compressionē. Et quoniam longitudine temporis, ut in senectute qua diu egit calidum in humidum inducta est huiusmodi induratio in pulmone, ideo cum difficultate in sene refrigeratur calor cordis, & ideo tandem deficit uita, aliquando huiusmodi induratio causatur ex infirmitatibus, ut ex apostemate, in quo congregatur humidum indigestum, & crassum, cuius proprium est immobilitare membrum sibi propinquū, & ex

ulceratione pulmonis, ut in phthisi, & ex febribus accidentibus, ex spiritibus inflammatis, & humoribus crassiss. Nā hæc omnia inducunt ineptitudinem pulmonis ad elevationem, & depressionem pulmonis, ex consequenti inducunt mortem ex defectu refrigerationis.

Aduerte tamen, q̄ in ultimo senio non solū euenit mors propter defectum refrigerationis, sed etiam propter defectum caloris naturalis. Nam cum calor naturalis continue agat in humidum quod est eius obiectum, & non fiat competens restauratio propter nutritiuam debilitatam, consumendo humidum per accidens corrūpit seipsum, & sic continue minuitur, sicut continue cōsumit humidum, & ad tantā diminutionem deuenit, q̄ non potest amplius conseruari uita, & tunc senex quasi insensibiliter sine uolentia, sine tristitia, & modica ægritudine decedit. unde aduerte q̄ uita iuuenis comparatur lucernæ accensæ plenæ oleo puro quæ optime inflammatur, cuius calor optime nutritur oleo puro, & abundanti, nec extinguitur nisi forti impetu spirantis in eam. Vita autem senis comparatur lucernæ fumiganti ex paucitate, & impuritate olei, quæ leui motu, & sepe ex seipsa extinguitur: sic accidit seni, cuius uita ut flammula resoluitur. Et propterea inquit Aristot. in textu, paruis passionibus aduenientibus in senectute, cito moriuntur propter paruum esse calidum, uelut plurimum euaporatum longitudine uitæ. Si qua utiq; fiat molestia particulæ, idest cordi, cito extinguitur. Quemadmodum enim momentanea, & parua in ipso existente flamma propter paruum motum extinguitur, propter quod & sine tristitia est quæ in senectute mors. Nulla enim uolenta ipsis passione contingente moriuntur, sed insensibilis animæ absolutio sit omnino. Hæc Aristot. Hæc de causa mortis uniuersaliter dicta sint, de qua magis distincte agemus in tractatu de inspiratione, & respiratione, & in tractatu de longitudine, & breuitate uitæ. Hæc enim adeo annexa sunt, ut non ualeant perfecte manifesta esse, donec quatuor præpositos Tractatus cōpleuerimus.

Circa caput quartum, aduerte q̄ mors in uno sensu est una omnium: in alio autem est diuersa in diuersis. nā sumpta in sua ratione generica est una, quoniam sicut omnium uiuentium generatio est uia in substantiam uiuā, & corruptio est uia in non substantiam uiuam, sic uita est permanentia animæ, ut uegetatiuæ, cum calido proportionali, & mors est remotio siue absolutio animæ a corpore ex deficientia calidi proportionalis. sumpta autem in sua ratione specifica, dico q̄ sicut diuersorum specie est diuersa generatio, & corruptio specie, quoniam mutationes accipiūt distinctionem specificam ex termino ad quem, ex quinto Physicorū. sic diuersorum specie est diuersa uita, & mors specie. unde uita Leonis, & mors distinguitur specie a uita, & morte Equi. Aduerte insuper q̄ mors sumpta in eadem specie distinguitur in uiolentam, & naturalem. Violēta quidem est cuius principium est extra, ut interfectione interfectus moritur. Naturalis autē est, cuius principium est intra, & id contingit dupliciter. Primo, infirmitate, siue in toto, siue in parte principali, ut in capite, uel pectore, uel stomacho, uel pulmone. Secundo, senectute quę inducit mortem ex defectu caloris, & radicalis humiditatis, ut supra diximus.

Sed aduerte quod mors potest dici naturalis, uel ex parte materiæ, uel ex parte formæ. Ex parte quidem materiæ dupliciter, quoniam uel ex parte materiæ proximæ, uel materiæ primæ. Ex parte materiæ proximæ dicitur naturalis, quoniam huiusmodi materia, puta caro, ossa, nerui cōstant ex elementis contrarijs, ex consequenti corruptibilibus. Ex parte autem materiæ primæ, quoniam materia inferiorū, ut est sub una forma priuata est alia, ex consequenti est in potentia ad illam. Huiusmodi autem potentia uana esset, nisi aliquādo reduceretur ad actum secundum Philosophū, & ideo in secundo de generatione. posuit generationē æternam. Ex parte autem formę dupliciter, quoniam uel ex parte formæ secundum se, uel quo ad dispositiones, quibus in-

diget ut recipiatur, & conseruetur in materia. Ex parte forme secundum se nō datur mors naturalis, quoniam forma est principium essendi, & non sui oppositi. unde quantū sit ex se semper dat esse. Ex parte autem formæ quo ad dispositiones datur mors naturalis. nam sicut ad cōseruationem eorum stat forma unita materiæ, sic ad remotionem remouet forma, & hæc remotio uniuersaliter dicitur corruptio, in uegetatiuis dicitur auansis, in animalibus dicitur proprie mora. verum quoniam dispositiones se tenent ex parte causæ materialis, ideo proprie loquendo non datur mors naturalis, nec etiam uiolenta, nisi ex materia, & ideo Aristoteles in fine primi Physicorum egregie dixit formam esse quiddiuinum, & optimum pro quanto dat esse. Materia autem ut est sub priuatione, operatur ad maleficiū, quoniam est causa corruptionis, & mortis. Hæc de uita, & morte dicta sint, pro quanto spectat ad Philosophum naturalem.

TRACTATUS VNICVS DE EXPI-
ratione, & inspiratione, ordinatus per eundem
Chrysostomū Iauellum Canapitium.



Ostquam locuti sumus de uita, & morte, hic agere intendimus de expiratione, & inspiratione, quæ sunt causæ conseruantes uitam, & oppositum inducit mortem, & & hanc intentionem comprehendimus in quinque capita.

Primo, quod est primum fundamentum uitæ.

Secūdo, declarato quod sit calidum, manifestatur quod indiget refrigerio.

Tertio, quomodo in exanguibus sit refrigerium calidi.

Quarto, quomodo in habentibus sanguinē necesse est refrigerari calidum per expirationem, & inspirationem.

Quinto, quomodo differt motus expirationis, & inspirationis a motu saltus, & pulsus cordis.

Quantum ad primum caput, dico q̄ calidum adiun-
cto sibi humido proportionali est primum funda-
mentum uitę, quoniam eodem anima dat uitam,
& operatur opera uitę. Nam ad esse uitę sequitur operari
uirtualiter, sed anima uegetatiua qua primo uiuimus opera-
tur opera uiua, quę sunt nutrire, augere, generare per cali-
dum. Nutritio enim ex secundo de anima, nō fit nisi per de-
coctionem alimenti. Decoctio autem non fit nisi per cali-
dum, ut patet, & cum idem sit obiectum nutritiue, augmē-
tatiue, generatiue sub diuersa ratione, & augmentatiua, &
generatiua in opere suo supponant opus nutritiue: ut pa-
tet, & declaratum est in secundo de anima. manifestum est
animam uegetatiuam, qua primo uiuimus, operari omnia
opera sua per calidum, ex consequenti dare esse uiuum per
calidum. Cuius signum, q̄ morientia efficiuntur frigida,
ergo uiuentia uiuunt per calidum, quod quidem caldū ne-
cesse est primo inueniri in corde, uel sibi pportionali, quo-
niam cum alimentum de proximo conuertendum in sub-
stantiam animalis sit sanguis, & alimētum indigeat calido,
ut dictum est. idem erit fons, & principium sanguinis, & ca-
loris in animali. Constat autem cor esse principium sangui-
nis, quoniam omnes uenę procedunt a corde, ut canales
recipientes aquam a fonte, ut declaratur in anatome. ergo
cor est primum principium caloris. Cuius signū est, quod
in moriente ultimum in frigidatum est cor. ergo ipsum est
primo calidum.

Dixi autem adiuncto sibi humido proportionali, quo-
niam in animali humidum est pabulum caloris, & subie-
ctum suum quo sustentatur. unde sicut humidū pingue est
pabulum flammę in lucerna, & in eo sustentatur flamma,
sic humidum naturale, & nutrimentale est pabulum calo-
ris in animali, & sicut deficiente humido pingui deficit flā-
ma, & illuminatio, sic deficiente humido quod est subiectū
caloris naturalis deficit ipse calor, ex consequenti deficit

uita, unde senectus ad mortem properat, quoniam frigida, & sicca est. Et de his diffusius dicemus in tractatu de longitudine, & breuitate uitæ.

Dixi proportionali humido, quoniam non omne humidum in animali est subiectum, & pabulum caloris naturalis, sed humidum subtile digestum aereum, quale inuenitur in sanguine puro, nam sicut pabulum ignis non est humidum aqueum, immo tale mortificat ignem: sic in animali humidum aqueum, siue crassum indigestum, quale est in rheumate, non est nutrimentum caloris naturalis, immo debilitat ipsum, ut patet in his quorum stomachus repletur aquositate, & defluxu a capite, & in senibus abundantibus humiditate superflua ex debilitate digestiue, in quibus huiusmodi humidum deducit ad mortem utpote mortificatiuum caloris naturalis. Hæc dicta sint de primo uitæ fundamento.

CAP. II.

CVM declaratum sit uitam fundari in calido sustentato per humidum sibi proportionale, & quod hoc calidum in una particula primo inuenitur, ut in corde, a quo per totum diffunditur: manifestandum est quod huiusmodi calidum in quolibet uiuente indiget refrigerio pro sui conservatione, aliter suffocatur. Aduerte igitur quod naturale est calido coniuncto humido sibi proportionali augeri ex actione sua qua agit in humidum, sicut uidemus augeri flammam lucernæ ad appositionem olei, & secundum quod incrassatur papyrus, & quoniam calor cordis, siue alicuius sibi proportionalis intensior est indiget maiori nutrimento ceteris partibus. Nutrimentum autem eius diximus esse humidum subtile, ergo augetur calor cordis actione sua qua agit in tale humidum, sed si non refrigeratur per euentationem, adeo crassatur quod cito consumit humidum subtile, ad cuius consumptionem seipsum corrumpit, quoniam non potest conseruari sine nutrimento, sicut nec flamma in lucerna, unde accidit in hoc proposito sicut igni accenso in domo cooperta,

quæ nisi cito discoperiatur tota domus intrinseca comburitur. Adeo enim unitur calor in seipso, quod uel totum cōsumit, uel cito suffocatur. Propterea Placitus in Timæo dixit calidum conseruari motu, & uentilatione. nam carbonēs si comprimantur extinguuntur, ut patet si ponantur inter duas scutellas ad quas nō transeat aer, & quando operiuntur cineribus, nisi cineres essent porosæ, suffocarentur & ideo ad sensum patet quod necesse est omne calidum, siue extrinsecum, siue intrinsecū refrigerari, & exhalari, ne sua concentratione suffocationem patiatur.

CAP. III.

Quantum ad tertium caput, aduerte q̄ animalium quædam uiuunt in aqua, quædam super terram. Itē uiuentium tam in terra quam in aqua, quædam carent sanguine, quædam habent sanguinem. Item carentium sanguine, quædam sunt breuis uitæ, ut musca, & aranea, & formica, & uermes, & pulices, quædam sunt longioris uitæ, ut apes quæ dicuntur uiuere septem annis, & cicadæ, & alia quæ faciunt sonum, ut gryllus. Item habentium sanguinem quædam sunt magni caloris, ut animalia terrestria perfecta, & uolatilia perfecta: quædam sunt modici caloris, ut ranæ, tortuæ, delphini. Posita hac diuisione, declarandū est quomodo refrigeratur calor in animalibus exanguiibus. unde aduerte quod animalia exanguia quæ sunt breuis uitæ sufficienter refrigerantur a circumstantia sui continentis naturalis, & ab alimento, puta musca sufficienter refrigeratur aere circumstante sibi proportionato, & conchyliæ aqua circumstante: refrigerantur etiam receptione proprii alimenti, quoniam per ipsum restauratur humidū quominuitur acuitas caloris. & ad sensum experimur q̄ longo ieiunio acuuntur spiritus, & incalescimus, sumpto autem cibo refrigeramur. Ratio autem quare sufficienter refrigerantur ex adiacentia proprii continentis, & receptione alimenti est, quoniam cum sint exanguia, & breuis uitæ, sunt ualde modici caloris: modicus autem calor indiget refrige-

rio, ad quod sufficit continens, & alimentum. & hæc duo si militer sufficiunt ad refrigerandum calorem in plantis, quæ tamen magis indigent refrigerio alimenti quàm continentis. unde uidemus quod nisi tempore siccitatis adaquentur, exsic cantur propter carentiam nutrimenti, quod est humidum aqueum admixtum sicco terrestri.

Exanguia autem quæ sunt longioris uitæ, & refrigerantur per susceptionem proprii continentis adintra, non quidem per respirationem, quoniam cum sint exanguia carent pulmone quo fit respiratio, sed si sunt terrestria recipiunt aerem per motum cuiusdam pelliculæ quæ est in succinctorio, uel diaphragmate, ut manifeste patet in cicada, & ad motum illius pelliculæ faciunt cantum. unde cicadæ nõ cantant ore, sed frequentato motu pelliculæ sub alis. Ex receptione autem aeris per huiusmodi pelliculam sufficienter refrigeratur particula, in qua primo fundatur calor, & est proportionalis cordi. si autem sunt aquatica, ut pisces, refrigerantur per receptionem aquæ per os, & per emissionem eius per branchias. uidemus enim pisces cum suscipiunt aquam aperire os, & comprimere branchias, siue fauces: & quando emittunt aquam aperire branchias, & claudere os. & huiusmodi receptio ac emissio aquæ est uice inspirationis, & expirationis, & hoc refrigerium sufficit aquaticis exanguibus, quoniam cum sint complexionis aqueæ, calor eorum est ualde remissus, & ideo non indigent multo refrigerio. De aquaticis autem habentibus sanguinem alia ratio est, ut dicemus. nam quædam eorum indigent respiratione, licet nõ frequentata, ut delphinus, & uiculus marinus, & quædam aquatica quæ uiuunt in aqua, & in terra, ut tortuæ, quæ deprehenduntur respirare.

CAP. IIII.

Circa quartum capite, ut plena notitia habeatur, tria agenda sunt.

Primo, quod in habentibus sanguinem necessaria est inspiratio, idest receptio aeris frigidi exterioris usque ad cor,

& expiratio, idest emissio aeris attracti iam calefacti calore cordis.

Secundo, agendum est de instrumento inspirationis cuius figuræ sit, quomodo situatur in animali, & quo motu causat inspirationem, & expirationem.

Tertio, agendum est de diuersitate animalium respirantium.

Quantum ad primum dico, quod cum animalia habentia sanguinem sint multæ caliditatis in corde, necesse est ut multa, & frequentata sit in eis refrigeratio. ergo necesse est ut refrigerans pertingat usque ad cor, & sit de facili penetratum. hoc autem non potest esse aqua, quoniam ex intensa frigiditate sua potius mortificaret calorem cordis quam refrigeraret. Itē ex crassitie sua non de facili penetraret, nec de facili emitteretur recepta in præcordijs propter sui grauitatem. Aer autem non est ex se frigidus, est subtilis, est leuis. ergo necessario fit in animali habente sanguinem refrigeratio per attractionem, & emissionem aeris, quod inspirare, & expirare dicimus.

Quantum ad secundum dico, quod organum inspirationis, & expirationis est pulmo. Nam (ut inquit Aristot.) dicitur pulmo quasi suscipiens aerem idiomate græco. Grece enim pulmo dicitur πνεύμων. ut autem de facili aerem attraheret, & emitteret Author naturæ dedit ei quasi figuram folliis, & cum habeat duas alas, & utraque eleuetur, & deprimatur, gerit vicem duorum follium. sic autem dispositus est, & colligatus cordi, quod cor stat in medio duarum alarum pulmonis, ut ab utraq; per attractionem aeris refrigeretur, quem necesse est esse frigidum, uel non notabitur calidum, aliter parum refrigeraret. unde in æstate calida, & in locis æstuantibus laboramus non inuenientes refrigerium, & si quis diu permanserit in uase clausus suffocabitur propter aerem calefactū. Ad hoc autem q̃ attrahat aerem, & emittat mouetur motu dilationis, siue eleuationis, & ad hoc q̃ emittat mouetur motu constrictionis, siue

depressionis, & propterea quęcunq; indurant pulmonem, ut apostemata intrinseca, & febres acutę, & ulcerantia pulmonem, impediunt debitam cordis refrigerationem, qm̄ induratus pulmo cū difficultate eleuatur, & deprimitur.

Quantum ad tertium aduerte, qđ animalium respirantium quędam uiuunt in aquis, ut rana, tortuca, crocodilus, delphinus, & uitululus marinus, & omnia aquatica extollentia caput per aliquam moram super aquas. Hęc quidem respirant cum habeant pulmonem, & sanguinem, sed rara indigent respiratione propter frigiditatem complexionis. unde aer attractus, & emissus ter aut quater sufficit eis per notabile spatium temporis quo possunt uiuere sub aquis: ita tamen qđ trāfacto illo tempore necesse est, ut emergant capite super aquas ad attrahendum aerem. unde sæpe uidentur delphini saltantes in mari. De rana, & tortueis manifestum est. Quędam autem uiuunt in aere super terram, ex quibus aliqua sunt terrestria, aliqua uolatilia, & quidem terrestria perfecta, ut equus, leo, canis, homo, cum sint calidę complexionis, & intensus sit eorum calor in corde, indigent frequentata attractione, & emissionē aeris, quę si per notabilem moram impeditur, suffocatur animal. Inter omnia autem animalia homo indiget frequentata refrigeratione propter abundantiam caloris in corde, quā declarat sua statura recta. unde senes incuruantur ex diminutione caloris. Propterea homo breui mora strangulatur, & in aqua cito suffocatur, uolatilia etiam frequentatissima indigent refrigeratione ex intrinseco calore. unde constricta sub alis cito moriuntur, quoniam ex cōstrictione impeditur eleuatio, & depressio pulmonis. Hęc de quarto capitē sufficiant.

C. A. P. V.

AD euidentiam trium motuum qui accidunt circa cor, dico quatuor. Primo quod licet uideantur habere eandem naturam, tamen non habent, quoniam motus saltus est innaturalis cordi, ut declarabitur. Motus autem pulsus, & respirationis sunt naturales. Itē non sunt ab eisdē

causis, ut declarabitur. Item respiratio non est immediate a corde, sed a pulmone existente circa cor. Motus autē pulsus, & saltus sunt subiectiue in corde, ut declarabitur. Secundo, dico q̄ secundum Philosophum in libro de morte, & uita, Motus saltus cordis est constrictio calidi existentis in corde, proueniens ex infrigidaione superflua, & mortificatiua circumsistente ipsum cor.

Ad cuius euidentiam aduerte, q̄ (ut diximus in Meteoris) unum contrarium circundatum ab alio contrario uniatur, & fortificatur in seipso, & facit conatum ac impetū ad expellendum aliud contrarium, ita ut aliquādo scindat corpus in quo circuncluditur, sicut uidemus in æstate uaporē siccum ignitum arctatum in nube ex frigido circumsistente nubem, quod scindit nubem, & magno strepitu exilit: sic in proposito, quando frigidum pertingit ad cor constringitur calor in corde, & occupans minorem locū ex sui unionē fortificatur, & fortificatus quærit exitum ad propellendum frigidum circūstans mortificatiuum, & quoniam hic exitus est impetuofus, ideo causatur saltus in corde, sicut saltat castanea ex igne non incisa. frigidum autem mortificatiuum pertingit ad cor pluribus ex causis, præcipua autem est timor, ut inquit Aristot. nam timentes infrigidantur in exterioribus, ideo pallent, & tremunt: ex frigido autem reuocatur calor, qui in corpore erat diffusus ad cor, ut ad principium suum, quem frigidum insequitur, & cōstringit in corde, & si accadat q̄ præualeat frigidum super calorem extinguitur calidum, & tunc moriuntur animalia. unde & multi constituti in magnis timoribus sine spe euadendi mali imaginati moriuntur, qui autem sunt magni animi conatum faciunt ad propellendum malum imminens, & calor cordis saltum facit ad propellendum frigidum circūstans cor, ut diffundatur per membra ut prius, quo reddantur apta ad sui defensionem, & expugnationem contrarij. Bene igitur dicit Aristot. q̄ motus saltus cordis est constrictio &c.

Sed aduerte q̄ motus saltus non formaliter, sed casuali,

ter est constrictio calidi. causatur enim ex constrictione caloris, sicut scissio nubis causatur ex compressione uaporis, & agitatione eiusdem, ut declarauimus in Meteor. agentes de fulgure, & tonitruo. Aduerte igitur quod in predicta diffinitione tanguntur tria, scilicet subiectum saltus, & est calor cordis. ratio ipsius saltus, & hæc est constrictio caloris. nam quia calor cōstringitur ideo saltat. efficiens, & hoc est frigidum circumstans cor, quia enim cōstringit calorem ideo facit ipsum saltare, sicut cōstringens aquam in uesica facit ipsam impetuose egredi. Si igitur uis diffinire formaliter saltum cordis, dicas quod est uiolentus, & innaturalis motus in corde causatus a frigore innaturali, & mortificatio circumstante ipsum cor, & constringente calorem cordis. Patet igitur quid sit, & quomodo causatur saltus cordis.

Tertio dico secundum Aristotem, quod motus pulsus in corde causatur a calore naturali agente continue in humidum alimentum. Vnde aduerte quod sicut in apostemate quod causatur ex congregatione humidi indigesti donec maturescat & conuertatur in saniem, fit motus pulsus a calore naturali extraneo agente in humidum indigestum, digerendo, & resoluendo aliquid in spiritum, qui spiritus mouetur ad superiorem superficiem apostematis ex sua leuitate, & subtilitate, deinde ingreditur ad interiorius, & sic causat motum pulsus in loco apostematis ex sui elevatione, & depressione. eodem modo calor naturalis agens in humidum alimentum, quo continue nutritur cor (cum enim a corde transmittatur alimentum ad alia membra, necesse est ipsum maxime, & continue nutriri) digerit, subtiliat, rarefacit ipsum. Alimentum autem rarefactum causat tumorem. unde eleuatur ad superiorem tunicam cordis, & non potens ultra progredi, reprimatur ad intra, & sic per elevationem, & depressionem huiusmodi causatur motus pulsus in corde, sicut in ebullitione humidi conclusi in uase causatur eleuatio & depressio humidi actione caloris agentis in ipsum. Hinc patet ratio quare motus pulsus maior est in iuvene quam

in fene, & quare omnes uenę pulsant. Ratio enim primi est quoniam in iuvene intensior est calor, & intensius agit in alimentum digerendo, & subtiliando, & resoluendo in spiritum, qui eleuatus, & depressus causat motum pulsus, qui diuersificatur sicut diuersificatur calor, ut patet in febricitante, & sano, in laborante, & quiescente, in ieiuno, & cibato. Ratio secundi est, quoniam omnes uenę oriuntur a corde, & manifestum principium habent a superiori parte cordis, quę ex eleuatione spirituum generatorum ex cōtinuo alimento subtiliato in corde, eleuatur & deprimitur, ex consequenti omnes uenę orientes ab ea patiuntur eundē motum pulsus ex spiritu eleuato, & depresso. Patet igitur quomodo causatur motus pulsus in corde, qui tamen principaliter est ab anima. instrumentaliter autem est a calore naturali, sicut digestio nutrimentī. Est enim anima primum principium operationū uitalium, sicut dicitur in secūdo de aīa.

Quarto dico secundum Aristotē. q̄ motus inspirationis, & expirationis fit per eleuationem, & depressionē pulmonis, qui est ad modum folliis, ut diximus supra, inter cuius alas siue pennulas situatum est cor. pulmo autem eleuatur & deprimitur ad eleuationem cordis, & depressionē, quoniam cordi colligatur. cor autem eleuatur augmentato calido ex humido quo nutritur cor. Cū enim a corde ad alia membra transmittatur nutrimentum, quod est sanguis, necesse est ipsum maxime, & continue nutriri, ut diximus supra. Eleuato autē pulmone eleuatur pectus, quoniam pulmo est sub pectore, & colligantiam habet ad illud. Eleuato pectore necesse est attrahi, & ingredi aerem, quoniam pulmo porosus est, & multas cōtinet uacuitates, ideo cum eleuatur dilatatur; quo dilatato si non ingrederetur aer daretur in eo uacuum. Ingreditur igitur aer ad eleuationē pulmonis, sicut quando eleuantur folles, qui aer existens frigidus refrigerat calorem cordis, & hęc est causa finalis proxima inspirationis. Causa autem expirationis, idest emissio nis aeris attracti est depressio pulmonis, quę causatur a diminutione

minutione caloris. sicut enim uidemus in igne flammam eleuari augmentato igne, & eandē deprimi diminuto igne. sic eleuatur cor augmentato calido, & deprimitur diminuto calido. ex consequenti deprimitur pulmo colligatus cordi, & deprimitur pectus, & per compressionem (sicut uidemus in folle) emititur aer calefactus calore cordis, & iterū eleuatur pulmo, & pectus ad eleuationē cordis, & nouus aer frigidus attrahitur, ut successiue refrigeretur calor cordis. Hoc igitur modo causatur motus inspirationis, & expirationis. & sic patet quomodo distinguuntur motus salutaris cordis, & motus pulsus, & motus inspirationis, & expirationis.

TRACTATVS VNICVS DE IUVEN-
tute, & Senectute, ordinatus per Chryso-
stomum Iauellum Canapitium.



Onsiderationem de iuuentute, & senectute complectemur in uno tractatu, quem distinguimus in quatuor capita.

Primo, quid iuuentus, & senectus.

Secundo, quo tēpore terminatur iuuentus, & incipit senectus.

Tertio, quæ sunt conseruantia iuuentutis profectum, siue perfectionem acquisitam, & quæ accelerantia defectum senectutis.

Quarto, quæ sint proprietates iuuentutis, & senectutis.

C A P. I.

Circa primum caput, aduerte q̄ iuuentus alio modo sumitur a cōmuniter loquētibz, & alio modo a Philosophis. nam apud illos dicit ætatem, siue statum uitæ, qui immediate sequitur adoleſcentiam, quæ sensibilibz terminatur in tertio septennio, insensibilibz autem potest extendi usque ad quartum septennium completum. post iuuentutem ponunt uirilitem, quam dicunt esse statum

consistentiæ, in quo animal nec proficit, nec deficit in perfectione naturali. Apud Philosophum autem dicit totam gratiam qua a sui principio animal tendit de imperfecto ad perfectum secundum uirtutem, & perfectionem naturalem sibi debitam secundum propriam speciem. Adepta autem perfectione naturali sibi debita cessat iuuentus, & incipit senectus, licet non sensibiliter. & sic apud Philosophum iuuentus continet in se infantiam, pueritiam, adolescentiam, quoniam in quolibet horum statuum tendit homo de imperfecto ad imperfectum. Scite hac declaratione, aduerte quod Aristoteles in libro de morte, & uita, sic definit eam. Iuuentus est primæ refrigeratiuæ particulæ augmentatio. Ad cuius euidentiam scito quod huius augmentatio non sumitur secundum quantitatem, sed secundum perfectionem. nam proficit animal secundum uirtutem sibi debitam etiam postquam acquisiuit debitam quantitatem, ut patet in homine, qui est magis perfectus in trigesimo anno, quam in uigesimo primo. Item aduerte quod huius primæ particulæ refrigeratiuæ, non sumitur simpliciter pro pulmone, uel corde, sed quantum ad calorem sibi intrinsicum, & naturalem: ut sit sensus quod iuuentus est totus ille status uite, quo tendit naturalis calor ab imperfecto ad perfectum gradum debitum unicuique animali secundum propriam speciem. nam cum uita fundetur in calido, & animal operetur per calorem, & spiritus genitos a calore agente in humidum nutrimenti, necesse est secundum quod proficit in calore proficiat in uirtutibus, & actionibus sibi debitis. Manifestum est igitur quod iuuentus est augmentatio perfectiue caloris existentis in corde, quo augmentato augetur perfectiue uirtus debita animali tam nutritiua quam generatiua, & sensitiua, & motiua, & appetitiua, & in homine intellectiua, non secundum se, cum sit inorganica, sed ratione maioris perfectionis in uirtute phantastica, & cogitatiua. Adepto autem termino perfectionis naturalis cessat iuuentus, & in quo tempore cesserit in homine, dicemus in capite sequenti.

Ostenſo quid ſit iuuentus, facile patet quid ſit ſenectus. nam cum ſint oppoſitæ diſſiniuntur per conditiones oppoſitas, ſicut igitur iuuentus eſt augmentatio caloris naturalis in corde, ſic ſenectus eſt defectus, ſive diminutio eiſdem in eadem particula, ad cuius diminutionem tendunt de perfecto ad imperfectum uirtutes naturales in operationibus ſuis. ut expreſſe uidemus. Diminuto enim calore naturali in ſene, diminuitur actio nutritiæ, & generatiuæ, ſenſitiuæ, appetitiuæ, motiuæ, intellectiuæ propter debilitatem phanſmatum. Propterea bene diſſinit Aristo. ſenectutem dicens, Senectus eſt huius, ſcilicet caloris, decrementum, quę quando incipiat dicemus in capite ſequenti. Hęc de primo capite ſufficiant.

CAP. II.

Circa ſecundum caput, aduerte q̃ Aristo. in ſecundo de generatione attribuit unicuiq̃ naturæ inferiori corruptibili propriam, & determinatam meſuram durationis ſuæ, quam appellat periodum: cuius primam medietatem deputat generationi, ſecundam autem corruptioni, non quidem ſumendo generationem, cuius terminus eſt forma rei, & corruptionem, cuius terminus eſt remotio formę rei a materia: ſed intelligendo generationem pro tendentia ad perfectionem naturalem: corruptionem autem pro reſſu a perfectione naturali, donec deſinit omnino eſſe. & quoniam omnis natura corruptibilis, & præcipue in animalibus in ſui principio eſt imperfecta, & quantitate, & uirtute, omne illud tempus incluſum inter primum inſtans, quo incipit eſſe, & ultimum quo terminatur acquiſitio ſuę perfectionis naturalis, dicitur eſſe tempus generationis. omne autem tempus incluſum inter inſtans terminans ſtatum perfectionis naturalis, & inter ultimum, quo res deſinit eſſe, dicitur tempus corruptionis. Hęc autem duo tempora ſecundum Philoſophum dicuntur eſſe æqualia. unde ſi natura equi durat per uiginti annos, decem attribuntur generationi, & decem corruptioni. & quoniam diximus

iuuentutem esse augmentum uirtutis naturalis, Senectutem autem esse eiusdem defectum. patet, quod sicut Aristo. attribuit omni nature corruptibili medietatem durationis generationi, & medietatem corruptioni: sic nos possumus diuidere totam uitam cuiuscunque animalis in duas medietates, quarum prima attribuitur iuuentuti, & secunda senectuti. vnde in homine apud Philosophum, & Cōmen. in secundo de generatione. Cum cōmunis periodus sit in sepruaginta annis, generatio & iuuentus tendunt a principio sui esse usque ad annum trigessimū quintum: senectus autem & corruptio a trigesimo quinto ad sepruagesimum, & hoc loquendo de homine secundum speciem. nam secundum indiuiduum non inconuenit dari longius tempus durationis, ut declarauimus in secundo de generatione, tum propter uariam cōplexionem, tum propter bonum uitæ regimen, tum propter uarias coniunctiones superiorum in sui conceptione. ex quibus patet q̄ cum augmentum perfectionis attribuat, uel fiat per totam mediam uitam, & decrementum per residuum uitæ, inter augmentum, & decrementum, ex consequenti inter iuuentutem, & senectutem non datur notabile tempus in quo sit animal in uero statu, licet secundum sensum appareat aliter, ut dicemus in capite sequenti. Dixi autem notabile tempus, quoniam cum augmentum & decrementum sint motus contrarij, non possunt esse continui, sed necessario cadit quies media, sicut etiam in motu reflexo, ut probatum est in octauo Physicorum. Implcat enim pro eodem instanti esse accessum, & recessum respectu eiusdem termini, non tamen est necesse huiusmodi tempus mensurans quietem esse notabile, & perceptibile sensui, ut patet in pila resiliente a pariete. Hæc de secundo capite sufficiant.

C A P. I I I.

Circa tertium caput, aduerte q̄ (ut diximus) licet non sit notabile spatium temporis inter iuuentutem, & senectutem, in quo realiter non proficiat, nec deficiat.

animal in uirtutibus naturalibus, tamen quoniam id non constat sensui, & Physicus iudicat a sensu ideo totum illud tempus, in quo sensibilibus animal nec proficit, nec deficit, Physicus appellat tempus status, siue consistentię, licet nō sit uere status, unde Aristo. in libro de morte & uita, postq̃ diffiniuit iuuentutem per augmentum, & senectutem per defectum, ponit horum medium in quo animal sensibilibus nec proficit, nec deficit. Hunc autem statum in homine dicimus uirilitem, & est a trigesimo quinto usq̃ ad quinquagesimum. In quinquagesimo autem incipit manifestari defectus perfectionis naturalis, & animalis. unde comparatur triplex status hominis triplici parti motus diurni in sole. nam a puncto sui ortus usq̃ ad nonam, manifeste ascendit. Ab hora nona usq̃ ad meridiem, & post meridiem per horam uidetur stare licet nō realiter quiescat. transacto meridie per horam, incipit manifeste descendere uersus occasum. sic in homine a principio sui ortus usq̃ ad trigessimum quintum annum manifeste ascendit in acquisitione uirtutis sibi debitę, & hęc est iuuentus. A trigesimo quinto usq̃ ad quinquagesimum nō ascendit, nec descendit manifeste, & hęc est Virilitas. a quinquagesimo usq̃ in finē uitę manifeste descendit, & hęc est senectus. declarandū est igitur quę sint conseruatiua consistentię, & quę accelerantia senectutem. Nā quidam sunt qui uidentur in trigesimo anno senescere, quidam autem uix in sexagesimo. aduerte igitur sex, ex quibus tria conseruant consistentiam, & tria accelerant senectutem. Primum est, temperantia cibi, & potus, & uenerorum. Intemperantia autem accelerat senectutem, & morbos inducit, quoniam cum uita conseruetur cō uersione alimentj debite digesti per calorem naturalem in substantiam nutriti: cibus & potus indebite sumptus, & quantitate, & qualitate, & tempore non congruo, non conuenienter decoquitur, sed remanens indigestus in nō uos uertitur humores, quibus naturalis calor debilitatur, & inducunt ægitudines, ex consequenti acceleratur senectus.

Intemperantia autem in ueneris exiccat humidum nutritiale quo conseruatur calor naturalis, sicut flāma oleo. est enim sperma superfluū alimenti, quod frequenter emissum est exiccatorium, ex consequenti accelerat senectutē, quæ fundatur in sicco, & frigido. Iuuentus autem in humido, & calido. Hinc uidemus ducentes uitam cæl. bē. & in uictu sobrios, sanioris, robustioris, & longioris uitę. Secundum est, moderatus labor siue temperatū exercitium. Nā sicut otio marcescit bona corporis dispositio, sic temperato exercitio uigoratur, quoniam excitatur & cōfortatur calor naturalis, sicut spiritu uentoso excitantur carbones pene extincti. Immoderatus autem labor inducit senectutē, quoniam nimis acuit calorem, qui nimis exiccat de humido naturali, ex consequenti inducit immoderatam siccitatem, quæ est dispositio ad senectutem. hinc uidemus uexatos continuis laboribus cito senescere. Tertium est, frequētes & moderatę letitię, quies enim animi cōseruat, & multiplicat spiritus naturales, & aīales, quibus optime pseruatur uita, unde inquit sapiens, spiritus hilaris ætatem floridā facit. Ex opposito, magnę & diurnę tristitię accelerant senectutem: sunt enim cōstrictiō cordis, & mortificatiō caloris naturalis, ex consequenti causant depauperationem spirituum, & inducunt frigiditatem quæ est dispositio ad senectutem, unde inquit sapiens, spiritus tristis exiccat ossa. hæc de tertio capite sufficiant.

C A P. I I I I.

Circa quartum caput, aduerte q̄ intendimus loqui de proprietatibus Iuuetutis, & Senectutis in homine ut magis manifestis.

Et primo, de proprietatibus partis uegetatię.

Secundo, partis sensitię.

Tertio, partis appetitię.

Quarto, partis morię.

Quinto, partis rationalis.

Quantum ad partem uegetatiuam, dico q̄ proprium

est iuventutis esse bene digestiuam, & augmentatiuam manifeste usq; ad tertium septennium, & bene generatiuam, quoniam actiones uegetiuz sunt ab aia mediante calore naturali, qui in iuuentute continue perficitur & abundat, in senectute autem continue imperficitur, ut diximus supra. & ideo senex male digerit non augetur quantitatie, sed potius minuitur, parum generat, & in senio efficitur penitus infecundus.

Quantum ad partem sensitiuam dico, q; iuuentus uiget sensibus: senectus autem deficit præcipue uisu, & auditu. Nam actiones sensitiue fiunt ab anima medianibus spiritibus generatis in corde per calorem naturalem agentem in nutrimentum, & transmissis ad organa sensuum, ut diximus agentes de somno, & uigilia. In iuuentute autem cum sit calor intensus, & bona digestio, copiose generantur huiusmodi spiritus quibus perfectæ fiunt actiones sensuum: in senectute uero, quoniam calor minuitur, & digestio imperfecta est pauciores, & debiliores generantur spiritus. ideo actiones sensuum debiliores sunt, præcipue auditus, & uisus qui inter sensus sunt magis spirituales: ut patet ex secundo de anima.

Quantum ad partem appetitiuam, cum diuidatur in appetitiuam sensitiuam, & appetitiuam intellectiuam, quæ dicitur uoluntas, loquentes de appetitiua sensitiua dico q; magis uiget in iuuentute, immo secundum eam uiuunt, & operantur iuuenes. quoniam nisi ratio forti imperio dominetur passionibus prævalent in iuuenibus. unde ualde sunt amatiui, & desideratiui, & delectatiui concupiscibilium. Et exponunt se periculis, propter huiusmodi sunt audaces, & magnæ spei, & uindictiui, & omnia hæc proueniunt ex abundantia caloris, ex copia spirituum naturalium, ex feruore, & claritate sanguinis. in senectute autem ex causis oppositis, huiusmodi passionibus remittuntur. unde difficiles sunt senes ad conciliandum amicitias, sunt pauci desiderij, & uix in aliquo delectantur, immo quæ in iuuentute pla-

cuerunt non curant in senectute, sunt modica spei, quoniam spes respicit futurum: senex autem parum de futuro respicit ante se, cum se breui moriturum sciat. efficiuntur timidi, non acceduntur ad uindictas, sed patienter ferunt, quoniam calor minuitur, & sanguis efficitur magis terrestris. Loquentes autem de appetitiua parte intellectiua, dico quod magis uiget in sene quam in iuuenē, & senex magis secundum eam uiuit, quoniam cum passionēs minuuntur, minus insurgunt, & perturbant rationem, & facilius eis uoluntas imperat. unde bene dixit Pindarus, senectus preclara est, quæ dominatur seruis, qui dominati fuere iuuentuti. Et dixit Aristoteles in primo Ethicorum, Iuuenem non esse fructuosum auditorem in moralibus, quoniam secundum passionēs uiuit, & proprio impetu.

Quantum ad partē motiuam, dico quod uiget in iuuentute. Nam, ut diximus agentes de principijs motus localis in animali. Anima causat motum localem in corpore, per spiritus adgeneratos in corde, & transmissos ad neruos, & musculos, qui renouantur ex nutrimento in quo agit calor naturalis. Cum igitur, ut diximus, in iuuentute abundant huiusmodi spiritus, manifestum est quod actiones partis motiue perfectiores sunt, unde apti sunt iuuenes laboribus, & praelijs: senectus autem utpote depauperata spiritibus, continuo debilitatur in motu locali, & labore. Et propterea inquit Tullius in eo qui de Officijs, Seni minuendi sunt labores.

Quantum ad partē intellectuam, cum sit duplex, scilicet practica quæ uersatur circa agibilia, & speculatiua, quæ uersatur circa speculabilia. Loquentes de practica, dico quod absolute perfectior est eius operatio in sene, requirit enim practica experientiam, quæ conficitur ex multis cognitionibus singularibus, quæ non habentur nisi longitudine temporis. & quoniam senex diu uixit, ideo ut expertus magis uiget intellectu practico, unde prudentiores, & bene gubernatores inueniuntur: iuuenes autem ex causis oppositis non uigent intellectu practico, & ideo expedit eos regi, & non

regere: esse executores, & non præceptores. Loquentes autem de parte speculatiua distinguendum est, uel quò ad ipsum addiscere, uel quò ad firmitatem, & iudicium, & ordinem in scientia: quò ad ipsum addiscere dico q̃ in iuvene perfectius inuenitur. Indigemus enim in addiscendo cognitione sensitiua, unde deficiente nobis aliquo sensu necesse est nobis deficere scientiam illius sensus, ut inquit Philosophus in primo Posteriorum. Cognitionis autem sensitiua, ut diximus perfectior est in iuvene quam in sene. Item indigemus sigillatione phantasmatum in phantasia, a quibus intellectus agens abstrahit species intelligibiles. Hanc autem impressionem prohibet senectus propter siccitatem, & frigiditatem suam, siccum enim & frigidum indurat. Induratio prohibet bonam impressionem, ut diximus agentes de memoria. Quod si in aliquo iuvene difficile sit addiscere, hoc erit per accidens, quoniam non ratione iuuentutis, sed forte quoniam nimis inseruit concupiscentijs deprimentibus intellectum, unde dixit Cōmen. in septimo Phisico. q̃ addiscentibus multum suffragatur castitas: senectus autem per se est difficilis ad addiscendum propter causas appostas, debilitatur enim cognitio sensitiua, laxantur organa imaginatiuæ, & cogitatiuæ, debilitatur memoria, ut diximus agentes de memoria. Quantum autem ad firmitatē, & iudicium, & ordinem in sciētia, dico q̃ in sene perfectius inueniuntur, quoniam frequentatis considerationibus, & longo usu habitus scientifici in arguendo, & respondendo firmatur scientia, & solidum iudicium fit ex ordinata resolutione conclusionum ad principia, & ordo in scientia statuitur cum deprehenditur quid prius, quid posterius considerandum sit, ut quoniam incipiendum est ab uniuersalibus, & descendendum ad minus uniuersalia &c. Hæc autem non perficiuntur nisi longo studio, & diuturnate temporis. propterea tempus addiscendi congrue deputatū est iuuentuti, tēpus autem speculandi senectuti. Hæc de iuuentute, & senectute dicta sint.

TRACTATUS VNICVS, DE LONGITUDINE, & breuitate Vitæ, ordinatus per Chrysostomū Iauellū Canapitium.



Ostremo agendum est de causis, quibus inter uiuentia quædam sunt lōgioris, quædam breuioris uitæ: & hanc considerationem cōplectemur in unico tractatu, quē diuidimus in tria capita.

Primo, de causis corruptionis, & difficilis, & facilis corruptionis.

Secūdo, de causis per se, & per accidens in generali, longioris, & breuioris uitæ.

Tertio, de causis in particulari longioris, & breuioris uitæ, comparando genus generi, & speciem speciei, & indiuiduum indiuiduo.

C A P. I.

Quantum ad primum caput, aduerte quod cum longior, & breuior uita pendeat ex tardiori, uel citiori corruptione, merito antequam descendamus ad causas longioris, & breuioris uitæ, prius cōsiderandum est propter quid aliquid est corruptibile, & aliquid difficulter, & aliquid de facili corrumpitur. ut igitur propositū pateat, in hoc cap. considerabimus quatuor.

Primo, de causa corruptionis in compositis naturalibus & artificiatis.

Secundo, de causa corruptionis in simplicibus.

Tertio, de causa difficilis, & facilis corruptionis tam in compositis, quam in simplicibus.

Quarto mouebitur dubium, & soluetur, scilicet utrum corruptibile possum in proprio loco de necessitate corrumpatur.

Quantum ad primum, quo ad composita naturalia, dico qd causa corruptionis eorum est, quia componuntur ex simplicibus contrarijs, quæ sunt quatuor elementa, quæ

sunt se inuicem alterantia, & corrumpentia (ut diximus in secundo de generatione.) Nam cum natura compositi pendeat ex natura partium componentium, si partes componentes sunt corruptibiles, & compositum est corruptibile. & ideo omne elementatum est corruptibile, quia elementa contraria sunt corruptibilia: si autem sunt incorruptibiles, compositum erit incorruptibile. & ideo cœlum est incorruptibile, quoniam forma cœli, & materia cœli cum nō sit subiecta priuationi, nec recipiat formam medianibus dispositionibus contrarijs, sunt incorruptibiles. quod si dicis, ergo homo est incorruptibilis, quoniam cōponitur ex materia prima quę est incorruptibilis ex primo Physicorum, & ex anima intellectiua, quam probauimus esse incorruptibilem, etiam ad mentem Aristo. in tertio de anima. Respondeo, negando consequentiam, quoniam ad hoc quod compositum sit incorruptibile non sufficit materiam primam, & formam esse incorruptibilem, sed quod materia sit elongata a priuatione. in quantum enim est sub priuatione, est in potentia ad aliam formā, & ut sic est principium corruptionis ex primo Physicorū, & nono Metaphysicæ. Item qđ dispositiones quibus introducitur forma non sint qualitates actiue, & passiue, quorum utrunque deficit in homine, & ideo non est incorruptibilis. Quantum ad artificia dico ideo esse corruptibilia, quia unumquodqđ compositum resolubile est in ea ex quibus cōponitur, ut nauis resolubilis est in tabulas, & clauos, ex quibus constituitur.

Quantum ad secundum, dico quod simplicia, quales sunt formę, & qualitates, dupliciter corrumpuntur. Primo a suo contrario saluato suo subiecto, ut frigiditas aquę a calore ignis non corrupta aqua, & scientia corrumpitur ab ignorantia prauę dispositionis, uel ab obliuione, non corrupto sciente: & uirtus iustitię ab iniustitia non corrupto subiecto, & sanitas ab ægritudine non corrupto animal. & hæc dicitur corruptio per se, quoniam unum contrarium per se agit ad corruptionem alterius contrarij. Secūdo cor-

rumpuntur ad corruptionem sui subiecti: corrupta enim substantia corrumpuntur omnia quæ sunt in ea, ut corrupta a qua corrumpitur forma eius, & quantitas, & qualitates eius. & hæc dicitur corruptio per accidens, quia corrumpuntur non secundum se, sed quoniam corrumpitur illud in quo saluantur. propter quod Aristo. deducit ex hac distinctione, quod si anima se habet ad corpus sicut scientia ad animam, contingeret animam dupliciter posse corrumpi, scilicet per se a suo contrario, sicut scientia ab ignorantia, & per accidens ad corruptionem corporis, uerum quia manifestum est non esse animam sicut scientiam, quoniam anima est actus substantialis, scientia uero accidentalis, ideo non corrumpitur per se, sed tantum per accidens, scilicet ad corruptionem corporis. Quod utique uerum est de sensitiua, & uegetatiua, de intellectiua autem alia ratio est, ut alibi diximus, nec Aristo. applicat se hic ad animam intellectiuam, sed solum loquitur de anima in uniuersali. unde sufficit dictum suum uerificari de anima uegetatiua, uel sensitiua.

Quantum ad tertium, dico quod transpositio localis est causa difficilis, & facilis corruptionis. Nam si animal sit secundum speciem suam longæ durationis puta homo, uel elephas, & generetur in regione temperata, deinde transferatur ad regionem æque, uel magis temperatam, diu conseruabitur, & cum difficultate corrumperetur: non tamē fiet æternus, quoniam omne habens materiam transmutabile est, aut secundum ubi, aut secundum quantitatem, aut secundum qualitatem, aut secundum substantiam. Cum igitur homo, & quodcunque animal habeat materiam subiectam priuationi, ex consequenti habeat in se qualitates contrarias, non durat in æternum: si autem transferatur ad regionem suæ complexionis difformem, de facili corrumperetur. nam si transferatur ad regionem excessiue calidam extraneabitur calor eius naturalis, & disponetur ad corruptionem, sicut calor febrilis disponit ad mortem: si autē trans-

feratur ad regionem excessiue frigidam, mortificabitur calor naturalis intensa frigiditate regionis. inde uidemus in plantis q̄ transplantatæ in loco difformi suæ naturæ, uel cito exsiccaniur, uel non fructificant. Locus enim naturalis, ex quarto Physico. conseruat & continet locatum, non naturalis autem aut corrumpit, aut non prodest locato.

Quantum ad quartum, aduerte q̄ ex dictis in hoc capite oritur dubium, utrum ignis positus in propria sphaera corrumpatur de necessitate, & pono casum quod sit pars ignis in medio suæ sphaeræ, aut in suprema parte, & nunq̄ recedat a loco suo, ita quod semper sit elongatus a suis contrarijs, puta humidis, & frigidis, & ratio dubitandi est, quoniam dictum est simplicia corrumpi, aut a contrarijs, aut ad corruptionem subiecti. Cum igitur ignis sit corpus simplex, necesse est q̄ si existens in medio, aut in supremo suæ sphaeræ corrumpitur, corrumpatur aut a contrario, aut ad corruptionem sui subiecti. nō a contrario, quoniam contrarium non agit in contrarium nisi approximatum, ibi autem per casum datum nulla est approximatio: non ad corruptionem sui subiecti, quoniam ignis non est in subiecto, cum sit per se existens, & posito quod dicatur habere subiectum hoc non erit nisi materia prima, quæ est incorruptibilis, ex primo Physico. ergo nunquam corrumpetur. In oppositum autem arguitur, quoniam omne habens materiam subiectam priuationi, necessario corrumpetur, sed ignis in quocunque loco ponatur habet materiam subiectam priuationi, sicut & omnia inferiora, ergo &c. Maior quidem probatur, quoniam cum materia subiecta priuationi sit in potentia ad formam qua priuata est, si semper esset sub forma quam habet, frustra esset sua potentia ad aliam formam: sed in natura nihil est frustra, ergo omne habens materiam subiectam priuationi necessario corrumpetur in quocunque loco ponatur. Ad hoc dubium respondet Aristoteles, & concedit quod corrumpetur, & a suo contrario, sed aduerte quod sibi conuen-

rium potest esse triplex. Primum est corpus contrariarum qualitatatum, ut aqua, & ab hoc quidem non corrumpitur nisi proximentur. Secundum est locus, siue continens contrariæ dispositionis, sicut enim continens consimilis dispositionis confortat & præseruat contentum, sic cōtinens dissimilis dispositionis, debilitat, & disponit ad corruptionem. unde locus calidus est conseruatiuus ignis, & corruptiuus aquæ. Tertium est superfluum, uel maius in eadem specie, sicut enim lux magna in cereo obumbrat lucē minorem in candela, & ut sic uidetur sibi contraria, quoniam impedit illuminationem minoris: sic maior ignis adiunctus minori est sibi contrarius, quoniam consumit paruum humidum, quo nutritur paruus ignis, quo cōsumpto corrumpitur paruus ignis ex defectu sui nutrimenti. ad dubium igitur propositum dicitur q̄ licet ignis locatus in medio, aut in supremo suæ spheræ non habeat primū contrarium sibi approximatum, nec secundum, quoniam est in suo loco naturali, habet tamen tertium: quoniam si ignis situatus in medio suæ spheræ sit decem cubitorum, circundatur superior, & inferior, & a latere ab igne decem milium cubitorum, qui ut superexcedens, & longe maior, & potentior cōtrariatur igni decem cubitorum, ex cōsequenti corrumpet ipsum existentem in proprio loco, sicut flamma maior corrumpit minorem modo iam dicto. Hæc est responsio Philosophi. Cui potest addi, q̄ corrumpetur a suo contrario sibi approximato, quoniam licet pro aliquo tempore pars si gnata ignis sit in medio, aut supremo suæ spheræ, tamen cū ignis sit in continuo motu, & partes ignis uicinæ suo cōtrario consumantur, tandem supremæ & mediæ partes ad inferiorem partem suæ spheræ deuenirent, & illic proximæ suis contrarijs corrumpentur. sicut etiam diximus alibi de partibus terre situatis circa centrum mundi. patet igitur quæ sit causa corruptionis, tam in compositis, quam in simplicibus, & quare aliqua sint facili, aut difficilis corruptionis, & a quo corrumpitur ignis, siue quodcunq; aliud ele-

mentum existens in proprio loco naturali.

CAP. II.

Circa secundum caput, dicemus tria.

Primo assignabimus causas apparentes longioris, & breuioris uitæ, quæ tamen non sunt ueræ, nec regulariter uerificantur in omnibus. Licet ut in pluribus uerificentur, ut dicemus.

Secundo, assignabimus ueras, & uniuersales causas p se.

Tertio, assignabimus ueram causam per accidens.

Quantum ad primum, aduerte tres causas quibus posset aliquis diiudicare longiorem, & breuiorem uitam.

Prima est, Magnitudo & paruitas corporis, ut scilicet magna corpore sint longæ uitæ, parua autem sint breuis: sed hoc non est uniuersaliter uerum. Nam equus, & bos, & bubalus sunt maiores homine, & tamen sunt breuioris uitæ, nec etiam paruitas est uniuersaliter causa breuioris uitæ. Nam apes sunt longioris uitæ, quā multa uolatilia maiora, deprehenduntur enim uiuere septennium.

Secunda est, Habere & carere sanguine, ut scilicet habentia sanguinem sint longioris uitæ, sed id non uerificatur uniuersaliter. Nam, ut diximus, Apes quæ sunt exanguis uiuunt diutius, quam passeris, & columbi, & causam in his dicemus infra.

Tertia est, Viuere in terra, & uiuere in mari, ut scilicet terrestria dicantur longæ uitæ, mariuma autem breuioris: sed hoc non est uniuersaliter uerum. nam multa terrestria in animalibus, & in uegetabilibus uiuunt tantum per annum: & multa in mari, ut balæna, & delphini, sunt ualde longioris uitæ.

Licet autem prædictæ causæ non uerificentur in omnibus, tamen ut in pluribus uerificantur, si bene combinentur. Nam quæ sunt maiora corpora, & sanguinea, & terrestria gressibilia, longioris uitæ sunt ut in pluribus, minoribus corpore, & exanguibus, & uolatilibus, & aquaticis: & causas assignabimus in capite sequenti.

Quantum ad secundum aduerte quatuor causas uniuersales, & infallibiles, quibus deprehendimus in quolibet genere uiuentium longiorem, & breuiorem uitam.

Prima est, humidum pingue.

Secunda est, multum humidum pingue.

Tertia est, humidum pingue proportionatum calido.

Quarta est, humidum non de facili exiccabile, nec de facili congelabile, nec superfluum.

Pro notitia harum causarum praepono duo, ut fundamenta. primum est, quod animal est calidum, & humidum, & propter haec duo inest sibi uita: secundum est, quod senectus est frigida, & sicca, & ideo est tendentia ad mortem.

Et quidem quod necesse sit animal esse calidum, probatur. nam ex secundo de anima in his inferioribus non datur uiuere sine nutritiuo, nutritium autem non nutrit nisi assimilet nutrimentum nutritio, haec assimilatio est per decoctionem, decoctio est per calorem, ergo necesse est animali inesse calorem, quo operetur actiones partis nutritiuae. Quod autem sit necesse ipsum esse humidum, probatur, quoniam calor animalis indiget pabulo quo conseruetur. Id autem est ipsum humidum. unde sicut pabulum ignis in lampade est oleum, quo deficiente deficit ignis, & flamma lampadis: sic humidum intrinsecum uiuenti est nutrimentum, & proprium subiectum caloris in uiuente. unde inquit Aristoteles. Oportet accipere quod animal est natura humidum, & calidum, & uiuere tale.

Quod senectus sit frigida sicca, probatur. nam cum iuuentus, & senectus sint status oppositi, ut diximus in tractatu de Iuuentute, & Senectute fundantur in conditionibus oppositis. Iuuentus autem fundatur in calido, & humido: diximus enim iuuentutem esse augmentationem caloris naturalis in prima particula, id est in corde. Calor autem naturalis non augetur nisi adsit sufficiens humidum quo sustentatur, sicut non augetur ignis nisi adsit sufficientia combustibilium. ergo senectus fundatur in frigido, & sicco: diximus enim quod senectus est defectus siue diminutio caloris, diminu-

tionem

tionem autem calidi sequitur frigidum, & est diminutio humiditatis, ad quam sequitur siccum. Bene ergo dicitur senectutem esse frigidam siccam, propter quod necesse est senectutia desiccari, & tam diu uita conseruatur, quam diu humidum naturale non desiccatur, nec de facili consumitur. His præpositis accedendum est, ad declarationem dictarum causarum.

Ad euidenciam primæ causæ, aduerte quod cum uita fundetur in calido humido, illud humidum quod difficulter excicatur, & difficulter putrescit, erit causa longioris uitæ, tale autem est humidum pingue. nam quoniam pinguedo, ut dictum est in quarto Meteororum, tenet partes adinuicem bene conglutinatas, ideo cum difficultate ab inuicem separantur, & per consequens cum difficultate excicantur. Inde uidemus quod sol de facili consumit aquam: non autem oleum, neque pinguedinem. Quod autem humidum pingue non de facili putrescat declaratur. nam in eo prædominatur aer, ut in oleo, & melle. Aer autem respectu aquæ, & terræ non putrescit: sicut enim ignis respectu aliorum elementorum non putrescit, sic nec aer respectu aquæ & terræ. unde quibus dominatur aqua de facili putrescunt, quibus autem aer, non de facili, quia igitur humidum pingue, ut pingue non de facili consumitur, nec de facili putrescit. ideo pinguis ut sic longioris sunt uitæ non pinguibus. nec obstat quod uidemus homines ualde pingues esse breuioris uitæ macilentis, id enim non provenit ex humido aereo, sed aqueo admixto, quo abundat in eis humor phlegmaticus facillimus ad putrefactionem.

Ad euidenciam secundæ causæ, aduerte quod si humidum pingue fuerit paucum etiam quod ut pingue non de facili consumatur, tamen quia paucum cito consumeretur, sicut paruum olei cito consumitur in lampade, ut igitur animal sit longæ uitæ non sufficit ipsum habere humidum pingue, sed & multum, & quoniam rationabile est animalia magna habere magis de humido, ideo ut in pluribus licet non uniuersaliter animalia magna sunt longioris uitæ animalibus paruis. similiter

plantæ quanto maiores, tanto longioris sunt uitæ.

Ad euidentiā tertiæ causæ, aduerte q̄ si humidum pingue fuerit multum, & calor naturalis paruus, uel calor de facili suffocaretur, uel humidum non bene regulatum a calido de facili congelaretur. Et ideo necesse est calidum esse proportionatum humido in quantitate, & qualitate, ut sint causa longioris uitæ, & propterea non inconuenit aliqua animalia esse longioris uitæ, quæ tamen sunt minora corpore, & minus habent de humido, sed habent calidum, & humidum bene proportionatū, & id seruatur maxime in homine propter temperatissimam complexionem suam: unde homo est longioris uitæ quā equus, & bos, & camelus, licet sit minor corpore, & inter homines, sanguineus est longioris uitæ, etiā q̄ sit minor corpore homine cholericus, uel phlegmaticus, uel melancholicus, ex causa dicta.

Ad euidentiā quartæ causæ, aduerte q̄ humidum est duplex, scilicet aereum, & aqueum. ad hoc q̄ animal sit longe uitæ, debet esse humidum aereum. nam quia aer calidus est, humidum aereum non est de facili infrigidabile, & quoniam subtilis est, humidum aereum non est de facili exiccabile, humidum autem aqueum ex natura aquæ quæ frigida, & crassa est, de facili est infrigidabile, & exiccabile, quoniam caret pinguedine prohibitiua exiccationis, & conglutinatione partium his de causis, ut dicemus infra, terrestria sanguinea sunt longioris uitæ, ut in pluribus, quā aquatica. Item humidum in animali duplex est quoddam proportionatum calido, quoddam superfluum, quæ habent humidum superfluum, sunt breuioris uitæ. unde homines excessiue phlegmatici sunt breuissimæ uitæ, quoniam calor naturalis debilitatur, & paulatim suffocatur ab humido superfluo, siue sit naturale, siue ægitudinale, siue sit diffusum per totum corpus, siue contentum in una ex partibus principalibus, ut in capite, uel in stomacho, ut igitur animal sit longæ uitæ debet habere humidum non de facili exiccabile, nec infrigidabile, aut congelabile, nec superfluum, sed constans, &

bene regulabile per calorem naturalem. Hæc de causis generalibus per se longæ uitæ, & brevis dicta sint.

Quantum ad secundum, aduerte q̃ secundum Aristotelem causa breuitatis uitæ per accidens est non susceptio nutrimenti, nã si uiuum per notabile spatium stet sine nutrimento calor naturalis non inueniens nutrimentum in quod agat, & quo nutriatur cōuertit se super humidum radicale quod est suum proprium subiectum, & consumit ipsum ad cuius consumptionem corrūpitur ipse calor: non enim conseruari potest consumptio suo proprio subiecto, sicut non potest conseruari flamma in lampade consumpto oleo, & sicut flamma maior corrumpit minorem per accidens pro quanto consumit humidum paruū quod erat nutrimentum minoris flammæ, ad cuius consumptionem flamma minor deficit. sic calor naturalis corrumpit seipsum cōsumens humidum radicale in quo sustentatur. Corrupto autem calore naturali deficit uita, quæ fundatur in calido, & calidum conseruatur humido. Hæc de secundo capite dicta sint.

CAP. III.

IN tertio capite, assignabimus causas in particulari longæ, & brevis uitæ.

Et primo, in animalibus.

Secundo, in plantis.

Quantum ad animalia dico cum Aristot. causas brevis uitæ esse quatuor, & sunt istæ.

Immoderatus coitus.

Labor.

Humidum aquosum.

Carentia sanguinis.

Causæ autem longioris uitæ etiam in eadem specie sunt duæ scilicet Masculinitas, caliditas regionis.

Ad euidentiā primæ causæ brevis uitæ, aduerte quod sperma est superfluum tertiæ digestionis quod est aptum immediate conueri in substantiam animalis. nam calor

naturalis agens in alimentum plus digerit quam sit necessarium ad nutritionem, & augmentum animalis, & illud quod superest natura ordinat ad generationem, & tractum ad uasa seminaria per coitum emittitur. Quando igitur animal utitur inordinato coitu deficiente superfluo alimentum, trahitur ad uasa seminaria illud humidum digestum necessarium ad nutritionem, & quodammodo uiolento coitu emittitur, ex quo sequitur quod non sit sufficiens conuersio nutrimenti in substantiam nutriti. Tunc exiccatur & macie attenuatur animal, & subtracto calido humido subtili in quo conseruatur uita, disponitur animal ad corruptionem. Hinc uidemus nubentes in semine cito deficere, & passeris masculi cito deficiunt citius quam foemellae, quoniam sunt multum coitui, & equus, & asinus sunt breuioris uitae, quam mulus ex quibus generatur, quoniam mulus non multum coit, & uniuersaliter in omni specie si masculi sunt inordinate coitui, citius deficiunt quam foemina, propterea inquit Aristoteles. Coitui & multa sperma cito senectum.

Ad euidenciam secundae causae, aduerte quod labor excitat, & acuit calorem naturalem, excitatus exhalat paulatim, & secum trahit humidum. Ad exhalationem calidi, & attractionem humidi sequitur exiccatio, ad exiccationem sequitur senectus, ad senectutem mors. Quoniam igitur labor est exiccatiuus, ideo animalia laboriosa cito senescunt, & sunt breuioris uitae, sed aduerte quod hic supponitur humidum esse proportionatum calido, & non esse humidum superfluum. Nam si calor naturalis sit tenuis, & insit animali humidum superfluum extraneum labor proficit, quoniam excitat calorem, & excitatus consumit humidum superfluum. unde multum phlegmaticis expedit labor. Attenuatis autem debilibus, & senibus non expedit, quoniam exiccat exhalatione caloris, & attractione humidi.

Ad euidenciam tertiae causae, aduerte quod humidum aquosum sapit naturam aquae: aqua autem licet sit humida est tamen frigida, frigidum autem contrariatur calido in quo

fundatur uita, aquatica igitur sunt breuis uitæ respectu terrestrium, non quia sunt humida, sed quoniam humidum aqueum est crassum, & de facili congelabile, ex consequenti de facili corruptibilia.

Ad euidentiā quartæ causæ, aduerte q̃ sanguis est humidus calidus, ideo est fundamentum uitæ. Quæ autem sunt exanguia habent humidum aqueum quod est frigidum. Ideo exanguia ut in pluribus sunt breuioris uitæ, quā habentia sanguinem. Nota ramen q̃ si aliqua exanguia, nutriantur nutrimento dulci, quod est humidum aereum, & ut sic calidum, erunt longioris uitæ aliquibus habentibus sanguinem, & hac de causa apes licet exangues diutius uiuunt aliquibus animalibus maioribus corpore, & habentibus sanguinem.

Ad euidentiā primæ causæ, longitudinis uitæ aduerte q̃ masculus, ut masculus est calidior fœmina, cuius signū maius est corporis robur, & uehementioris actiones: cum igitur uita fundetur in calido. Masculus in omni specie, ratione qua masculus, est longioris uitæ quam fœmina. Dixi ratione qua masculus, quoniā non inconuenit, ut diximus, ratione laboris, & inordinati coitus esse breuioris uitæ.

Ad euidentiā secundæ causæ, aduerte q̃ nō solum calidum intrinsecum est causa uitæ, sed extrinsecum temperatum, continens enim proportionatum contento cooperatur ad conseruationem eius. Cum igitur uita fundetur in calido, animalia genita in regione temperate calida confortata calore regionis sunt longioris uitæ, quæ autem genita in intemperate frigida sunt breuioris uitæ. frigidum enim intentum est mortificatiuum caloris, eadem causa in regione calida generantur animalia eiusdem speciei maiora corpore, in frigida autem sunt parue quantitatis, unde in mari rubro inueniuntur serpentes, & ranæ miræ magnitudinis, & ratio huius est, quoniam calidum dilatat humidū, ideo est causa maioris augmenti, frigidum autem cōstringit humidum, ideo est causa minoris augmenti. Tu ramen aduerte

quod in regione frigida non inconuenit inueniri particula-
ria loca calida, ut sunt aliquæ ualles, ualles enim adunatio-
ne radiorum solis calidiores sunt montibus, & loca circa
mare ex caliditate maris, & in his generantur animalia ma-
iora quam in reliquis locis regionis frigida ex causa dicta.
Hæc de causis longitudinis, & breuitatis uitæ in animali-
bus dicta sint.

Secundo quantum ad plantas dico duo. Primo quod mul-
tæ plantæ longioris uitæ sunt, quocumque animali inter quæ
est palma, & cypressus: durant enim ultra ducentos annos.
Secundo quod in plantis masculæ, & arborosæ sunt longio-
ris uitæ, ut quercus, nux, pinus &c.

Ad euentiam primi aduerte quod duplici de causa sunt
longioris uitæ, quam animalia. Primo quia habent humi-
dum minus aquosum, & uiscosa sunt: hac enim de causa
sunt inflammabilia, & sunt sicca terrestria non quidem siccitate
mortificatiua, sed repressiua humidi. Secundo quia plan-
te sæpe iuuenescunt: si enim exiccatur ramus, unus in alia
parte nascitur alius, & si exiccatur radix ex una parte, ger-
minat ex alia, & si exiccatur totus truncus stante radice ui-
ua, iterum pullulat, unde uidemus intenso frigore totam ar-
borem puta uitam, aut si cum congelari, & tamen radix ite-
rum pullulat. unde se habent plantæ sicut animalia annulo-
sa quæ decisa uiuunt: licet enim habeant unam animam
actu, habent tamē plures in potentia ex secundo de anima,
sic & plantæ, quoniam in nodis, & in partibus radicum ha-
bent uirtutem germinatiuam, ideo & transplantati rami
uiuunt, & efficiuntur arbores, hac de causa, quoniā scilicet
sæpe iuuenescunt longioris sunt uitæ quam animalia.

Ad euentiam secundi aduerte quod masculus, & foemina
non proprie inueniuntur in plantis. Masculus enim proprie
est qui generat in alio, foemina autem in qua aliquid gene-
ratur ab alio, sed dicitur in plantis ratione proprietatum. nam
masculus calidior, & magis fructificans est, foemina autem
frigidior, & minus fructificans, hac de causa masculi ha-

bent partes superiores crassiores, quoniam calidi est eleuare nutrimentum ad superius, ex quo augentur partes superiores, frigidi autem est reinere inferius, ex quo incrassantur partes inferiores, & quoniam masculi habent partes superiores, crassiores, & grauiores, ideo dum cadunt, cadunt primo secundum partes superiores, & cadunt ante, foeminae autem cadunt retro, & primo secundum partes inferiores utpote grauiores, quoniam igitur in plantis uidemus aliquas magis fructificantes, & aliquas habentes partes superiores maiores (sunt autem in plantis partes superiores radices, quoniam sunt loco capitis, & oris) & quae habent maiores radices trahunt multum alimentum, ex consequenti sunt multi caloris, quo mittitur multum alimentum ad truncum & ramos, & sunt arborosae, & has dicimus esse masculas, ratione proprietatis masculinae inuentae in animalibus, & istae inter plantas sunt longioris uitae. Haec dicta sunt de causis longitudinis, & breuitatis uitae, tam in animalibus, quam in plantis. Magis autem in particulari considerare de his spectat ad librum de animalibus, & uegetabilibus. hic terminatur consideratio nostra super paruis naturalibus Aristotelis, ad laudem & gloriam Dei misericordis.

TRACTATUS VNICVS, DE BONA

Fortuna, ordinatus per Chrysostomum

Iauellum Canapitium.



Terminata consideratione nostra super paruis naturalibus quae composuit Aristoteles, ut ordinate & complete traderet scientiam de animatis quam inchoauerat in libris de anima, & terminaturus erat secundum unamquamque speciem in libris de animalibus, & de uegetabilibus, intendimus hic facere considerationem super libello de bona Fortuna, quem composuit ut compleret considerationem de felicitate, de qua lo-

utus fuerat in primo, & in decimo Ethicorum, & in magnis moralibus. Nā sine bona Fortuna apud Philosophos nullus reputatur felix, quoniam apud eos putatur felicitas esse bona fortuna, uel non sine bona fortuna. Hanc autem considerationem complectemur in uno tractatu quem diuidimus in quinque capita.

Primo, quid sit bona Fortuna deseruiens felicitati.

Secundo, circa quā bona est hęc Fortuna.

Tertio, qui inter homines sint bene Fortunati.

Quarto, circa quos impetus sit bona Fortuna.

Quinto, quam rationabilia sint quę ab antiquis dicebantur de bona Fortuna.

C A P. I.

Circa primum caput, inuestigandū est prius quid non sit, deinde quid sit. Aduerte igitur q̄ alicui uideri posset bonam Fortunam esse intellectum, idest clarā intelligentiam, uel rationem, uel scientiam assequendi bona, circa quā est bona Fortuna pura dominium, honores, diuitias, gratias Principum, & tamen nullum horum est. Nam intellectus, & ratio, & scientia cui annectimus etiam sapiētiā, dicunt cognitionem, & prauisionem, & ordinem in agendis. Nam quęcunque fiunt intelligentia, & ratione, & sapientia, cognita sunt & prauisa, & ordinata, idest & considerata quo ordine agenda sunt. Euentus autem bonę fortunę, ut dicemus infra, sunt omnino non pręcogniti, non pręuisi, non ordinati, aliter non essent euentus boni fortuiti, sed a proposito & ex intentione quę conditiones repugnant fortunę, ut fortuna est, ex secundo Physicorū, ergo & bonę fortunę. unde cum fortuna & intellectus, idest clara cognitio boni consequendi opponantur, dicit Aristoteles propter quod ubi plurimus intellectus, & ratio, ibi minima fortuna, ubi autē plurima fortuna, ibi minimus intellectus. nam quanto aliqua sunt magis facta secundum rationem, & intellectum tanto minus contingunt pręter intentionē, ex consequenti tanto minus sunt fortuita. Aliqui autem ui-

debitur quod bona fortuna sit quaedam cura, & beneuolentia Dei cum aliquibus hominibus, ut magis sibi charis, quibus relictis alijs largiatur bona externa preter omnem industriam eorum, ita ut uideatur idem esse benefortunatus, & amicus Dei, sed id non decet attribuere Deo. Omnes enim recte sentientes de Deo, tenent ipsum esse dominum dignum, id est distribuentem bona hominibus ordinate & iuste, id est ut merentur, & digni sunt, sed bona euenientia a bona fortuna, non sunt data ordinate, & secundum merita. nam (ut dicemus infra) insipientes sunt multoties benefortunati, & melancholici quos constat non esse meritissimos apud Deum. si ergo dixerimus bonam fortunam esse Dei curam, & beneuolentiam, facimus ipsum prauum, id est non sufficientem iudicem, quoniam nesciret qui sint digni, uel indigni, quibus exteriora bona largiatur. Sufficientia autem iudicis stat primo in debita cognitione, uel posito quod sciat dignos, & in dignos, facimus ipsum iniustum. Nam ultra sufficientiam cognitionis debet iudex habere rectam uoluntatem, ut scilicet uelit dare bona dignis, & non indignis, uidemus autem aliquos malos esse benefortunatos, & multos bonos infortunatos. Cum igitur haec non deceant diuinam sapientiam, nec diuinam iusticiam, non est dicendum bonam fortunam esse curam Dei, nec eius beneuolentiam. Alicui uero uidebitur quod bona fortuna sit natura, id est quaedam naturalis forma congenita homini benefortunato, sicut congenita est grauitas in lapide, & uirtus attractiua in magnetem, qua tendit in bona externa consequenda, sed hoc non est uerum, quoniam natura ex secundo Physicorum, respectu eorum quorum est factiua, est factiua semper uel ut in pluribus, & per determinata media ut uirtus magnetis semper trahit ferrum non impedita, & determinatis medijs, id est stante debita quantitate ferri, & debita distantia uel propinquitate, sed bona fortuna ratione qua fortuna non est causa bonorum euentuum semper, nec in pluribus, nec ordinate. Est enim ex secundo Physicorum in his quae sunt raro,

& ut contingit non secundum intentionem, ergo sine ordine & inexcogitatis medijs. Non ergo hoc modo bona fortuna est natura, utrum autem sub alio sensu possit dici natura, considerabimus in sequentibus.

Viso quid non sit, cogitandum est quid sit.

Et primo, si est aliquid.

Secundo, si est natura.

Tertio, si est natura cum ratione, uel sine ratione.

Quantum ad primum, aduerte aliquos dixisse eam secundum ueritatem nihil esse, sed tantum secundum existimationem hominum, & ratio eorum est, quoniam quicquid sit, sit a causa per se & determinata, fortuna autem non est causa per se nec determinata. Cum igitur si fortuna aliquid est sit causa, & nulla sit causa per accidens, sequitur fortisnam nihil esse, uerum quia contingit nos uidere effectum, & saepe ignorare causam, opinio hominum dicit talem effectum esse a fortuna, sed hec opinio falsa est, licet enim omnis causa per se sumpta possit dici causa per se respectu sui effectus, tamen concursus plurium causarum ad aliquem effectum erit per accidens, uerbi gratia. Quod Socrates uadit in agrum habet causam per se, puta ut seminet. Quod lapis descendat habet causam p se, puta quia grauis. Quod autem ista duo concurrant, scilicet dum Socrates uadit in agrum lapis descendit, & franget caput Socratis est p accidens. Vnde dicimus fractionem capitis esse a fortuna, quoniam est a concursu duarum causarum, qui est p accidens. Cum igitur ad sensum pateat multos effectus fieri ex accidentali concursu plurium causarum, uanum est dicere fortunam nihil esse, nec ratio eorum ualeat. Nā dato quod nulla causa per se sumpta esset causa per accidens. Ex hoc tamen non sequitur quin plurium causarum cōcursus sit per accidens, ergo &c.

Quantum ad secundum, aduerte quod in uno sensu neganda est bona fortuna esse naturam, in alio, autem concedendum est. Nam sumendo naturam, ut diffinitur, in

DE BONA FORTVNA 155

Secundo Physicorum, quæ dicitur de forma, tam substantiali, quam accidentali, quæ est sufficiens principium semper, uel ut in pluribus & ordinate producendi effectus respectu quorum dicitur natura, ut calor in igne non impeditur ordinate, & semper calefacit calefactibile approximatum, bona fortuna non est natura, quoniam non operatur semper, nec ut in pluribus, nec ordinate, sed ut contingit. Sumendo autem naturam, ut accipit Aristotelis in primo Physicorum, cum dicit, natura hominis est esse animal civile, & esse uirtuosum uerum est bonam fortunam esse naturam. Nam sicut homini competit ex natura sua esse uirtuosum, quia est naturæ intellectualis, sic homini competit a superiori principio, de quo dicemus infra, sine præcognitione impelli, & inclinari secundum appetitum ad prosequendum aliqua sibi bona externa, & hunc naturalem impulsu dicimus bonam fortunam, ut declarabimus infra, & ab eo dicuntur benefortunati respectu bonorum effectuum. Qui enim operantur sequentes huiusmodi impulsus, consequuntur bonum, & sumendo naturam in hoc sensu non est necesse causam esse factiuam semper, nec ut in pluribus. Nam licet cõpetat naturæ hominis esse scientem, & uirtuosum, & beatum. Plures tamē sunt nescientes, uitiosi, miseri, quā scientes &c. Sic licet competat homini bona fortuna ex natura sua, pauci tamen sunt benefortunati, & plures infortunati. Item huiusmodi naturalis impulsus, non in omnibus, nec in pluribus, dato quod fiat in pluribus, est factiuus boni euentus, quoniam, ut dicemus infra, qui agunt secundum rationem, nō attendunt nec prosequuntur tales impulsus dato quod impellantur. Sumendo igitur naturam in hoc sensu, bona fortuna est natura, quia est naturalis, & non rationalis impetus causatus in anima nostra a primo principio qui est Deus. Quare dixerim naturalis, & non rationalis, declarabitur infra.

Quantum ad tertium, aduerte quod quando appetitus intellectiuus ordine naturali fertur in operationem, prout

mouetur ab intellectu præsentante bonum & ratiocinante, q̄ hoc est agendum & tali medio, dicitur esse motus siue impulsus factus in anima secundum rationem, idest secundum q̄ dicitur, & concludit ratio. Quando autem mouetur uoluntas ad aliquod operandum, & tamen ignorat homo quare sic moueatur, immo forte ratio dicitur oppositum, dicitur esse motus ad bonū factus in anima sine ratione, idest sine præcognitione, & prouisione, & talis motus dicitur esse bona fortuna. nam ut inquit Aristo. interrogatus patienteralem impetū, quare sic agat, respondet, nescio, sed sic mihi dicitur animus, & quoniā sic placet mihi, & dato casu quod ratio diceret oppositum, tamen sequens talem impetum assequetur bonum, quod non assequeretur sequens iudicium rationis. Iudicium enim rationis nostrę potest esse cū errore, sed ille impetus non, quoniam est a primo motore dirigente, in quo non est error. Dicemus igitur in hoc consistere bonam fortunam, quando sine ratione secundum naturalem impetum ferimur in aliquod optatum bonum, & consequemur optatum, non directi humana prudentia nec consilio immo aliquando dissuasi, & ratione dictate oppositum. patet igitur q̄ bona fortuna est natura, idest naturalis impetus factus in anima sine ratione ad aliquod optatum consequendum. A quo autem causetur hic impetus dicemus infra.

Sed aduerte q̄ hic non diffiniuimus bonam fortunam simpliciter, sed deseruientem felicitati. nam est duplex, quædam dicitur bona fortuna, a bono euentu casuali, in quem mere per accidens, & sine aliquo impetu, & sine dictamine cordis tendit operans, ut quādo quis habens mortuum fodit sepulcrum, & inuenit thesaurum, de hac bona fortuna locutus est Aristo. in secundo Physicorum, sub nomine eufortunij. & huiusmodi bona fortuna parum deseruit felicitati, quoniam & rara, & sine impetu, & directione particulari facta a primo mouente contingit, & hanc appellat Aristo. bonam fortunam discontinuam. Quædam autem

DE BONA FORTVNA 297

est cum impetu, & sine ratione, & sine humana prudentia, eo modo quo declarauimus, & hoc est annexa felicitati positæ a Philosopho, quæ est duplex, scilicet speculatiua, & politica, politicam posuit in actionibus uirtutū moralium, & præcipue in actionibus prudentiæ, ut bene regere, bene consulere, & bene prouidere sibi bona & alia, & uitare discrimina. Speculatiuam posuit in speculatione diuinorum, utranq; posuit indigere bonis externis, circa quæ est bona fortuna, ut dicemus. Nam quō quis bene reget populum, aut familiam, aut prouidebit, & quomodo magnificus, & liberalis, & iustus erit maxime iustitia distributiva, sine externis bonis. Similiter quomodo quis Philosophabitur sine externis. Neque enim, ut inquit Aristo. in decimo Ethicorum, Natura nostra sibi sufficit ad speculandum, sed indiget cibo, potu, & reliquo famulatu. Est igitur bona fortuna instrumentum ad utranq; felicitatem, sed magis ad politicam, quam & magis appetunt uulgares animi. Hæc de primo capite sufficiant.

CAP. II.

Circa secundum caput, dico quatuor.

Primo, quod bona fortuna non est circa bona moralia, quales sunt uirtutes.

Secundo, quod licet sit circa bona externa quæ possidemus, & tamen nō acquisiuimus ex actionibus nostris, non tamen principaliter.

Tertio, quod licet sit circa euitationem mali, non tamen principaliter.

Quarto, quod principaliter est esse bona externa quæ assequimur actionibus nostris.

Quantum ad euidentiam omnium præpositorum aduerte quod duo requiruntur ad hoc quod quis proprie dicatur bene fortunatus. Primo quod operetur sine ratione. Secundo quod ad operationem suam proueniat aliquod per se optatum sibi bonum.

Ratione primi non est bona fortuna circa bona mora-

lia, quæ dicuntur bona animi, quoniam huiusmodi bona sunt in potestate nostra, & subsunt uoluntati, & sunt secundum rationem. Nullus enim uirtuosus, nisi uoluntarius, & operatio uirtutis est secundum rationem. Operatur enim uirtuosus, ut oportet, & quando, & ad quem finem oportet. Bona autem circa quæ est bona fortuna, non subsunt potestati, nec uoluntati nostræ, nec rationi, quoniam diximus bonam fortunam esse sine ratione, & non est uolentis esse bene fortunatum, aliter paucissimi aut nullus esset infortunatus. Est igitur bona fortuna circa bona quibus dominatur fortuna. Quare, ut inquit Philosophus, iustum secundum quod iustum nullus dicet benefortunatum, neque fortem, neque totaliter ullum eorum, qui secundum uirtutem. Ratione secundi non est principaliter circa bona externa quæ non acquisiimus, sed prouenerunt nobis hæreditate maiorum, aut alia uia puta donatione. Nam ex hoc est aliquis benefortunatus, quando aliquid operatur, quo operato absque cognitione, & præuisione, & sine dictamine rationis ad illud sequitur quid desideratum, & per se uolunt, puta Socrates desiderat principatum. Ratio sibi dictat quod faciat sibi milites, & expugnet aliquam ciuitatem, sentit in se impetum, quo inclinatur ire ad hanc ciuitatem sine exercitu, & occulto habitu, & sic uadit, quando est illic inuenit quod a ciuibus uocatur, & eligitur in principem. Qui si cum exercitu fuisset fugatus, & confusus fuisset. Hic dicitur proprie benefortunatus. Quod si generet filium, & succedat patri in dominio, & diuitijs, hunc quidem dicemus nobilem, sumendo nobilitatem pro claritate sanguinis, & facultate diuitiarum, quam trahit a patre. Non tamen proprie & principaliter dicemus benefortunatum, quoniam non actionibus suis ad hanc nobilitatem deuenit, dicitur tamen in proprie benefortunatus, quoniam gratia maiorum hæc externa possidet.

Item ratione secundi, non est principaliter circa fugam mali, quoniam non per se optamus fugam mali, nisi quia per ipsum priuamur aliquo bono, quod optamus, ut desit.

DE BONA FORTVNA 199

dero uitare inimicum, quoniam si me comprehenderet priuaret, aut diuitijs, aut salute, aut uita corporali. Cum igitur bona fortuna sit circa aliquod per se optatum bonum, erit non principaliter circa fugā mali, dicitur tamen aliquo modo benefortunatus qui actione sua sine præcognitione effugit imminens sibi malum.

Ex dictis igitur concludendum est bonam fortunā principaliter existere circa bona externa, quæ actionibus nostris nobis proueniunt præter cognitionem, & præuisionē nostram. vnde inquit Aristo. Cui præter cogitationē acciderit aliquod bonum operari, hunc benefortunatum dicimus. Hæc de secundo capite sufficiant.

CAP. III.

Circa tertium caput, duo inuestiganda sunt.

Primo qui inter homines sunt benefortunati.

Secundo, unde est q̄ aliqui sunt benefortunati.

Quantum ad primum aduerte, q̄ ut in pluribus quatuor hominū genera sunt benefortunata. Primo rudes, & indociles solent esse benefortunati. Secundo insipientes, & ratio horum una est. nam dictum est supra, Bonam fortunam esse sine ratione, & benefortunatum qui sine discursu, sine prudentia, sine cōsilio, sed tantum impetu facto in anima, de quo nescit rationem reddere, consequitur aliquid optatum bonū, sed rudes, & indociles, & stulti sic tendunt in actionibus suis, ut patet, ergo &c. Hinc uidemus multos carentes ingenio, & prudentia saluare nauē in tempestate, postquam nauæ cum omni arte sua desperant, & stultum militem saluare exercitum deductum ad extremum discrimen, & dare uiam expugnādi hostem, quam rex cū omni cōsilio inuenire non potuit.

Tertio melancholici inter omnes alias complexionēs solent esse benefortunati.

Quarto agentes uitam solitariam, & simplices non de diu negotijs exterioribus. Et horum ratio una est. Nā benefortunato non sufficit pati naturales impetus ad bonū cō-

sequendum. Mouens enim primum, ut motor totius naturæ, causat huiusmodi impetus in multis quos tamen nō uidemus bene fortunatos, sed necesse est ut percipiant, & acceptent, & disponant se operaturos secundum huiusmodi impetus, etiam q̃ ratio dictaret oppositū, & quoniam melancholici cum forti impressione recipiunt huiusmodi impetus, & illi s̃ uelementer intendunt ac inhærent magis q̃ rationi humanæ, similiter non dediti actionibus exterioribus carentes humana prudentia, & solertia, agunt ut sentiunt se agit & impelli, ideo sequentes hos impetus inueniuntur bene fortunati.

Hinc uidemus aliquos, quos uulgariter dicimus capitosos, & suæ opinioni immobiliter hærentes, qui nulli attendunt rationi, nec consilio, sed contra cōmunem recte sentientium sententiam tendunt in operationibus suis, & consequuntur maxima bona, qui autem agunt secundum rationē, & consilium prudentium non consequuntur. Et propterea inquit Aristote. q̃ apud antiquos prouerbiū erat. Bene fortunatis nō expedit consiliari. sine ratione enim existentes adipiscuntur bonum. Ex his corollarie sequitur, q̃ qui omnia cum consilio, & præmeditatione, & prudentia agunt non sunt bene fortunati, licet enim impetus naturales patiantur, illos nō curant nec existimant, nisi rationi consonant, & temerarium existimant aliquid agere, nisi ratio dictet, propterea diuinos impetus extinguentes, nō sunt bene fortunati, immo inueniuntur infortunati. Quoniam diuini impetus infallaces sunt, ratio autem humana est defectiua. patet igitur qui sint bene fortunati. Quomodo autē differunt bene nati, bene custoditi, bene fortunati, non est præsentis negotij, sed id pertractat diuus Tho. in secundo libro contra Gentes.

Quantum ad secundum, aduerte q̃ bona fortuna non potest reduci nisi, uel in artem, uel in prudentiam, uel in Dei beneuolentiam, uel in naturam. nunc igitur speculandum est, & distinctius quam supra, a quo istorum quatuor di-

catur

catur quis benefortunatus. Et pono quatuor conclusiones, tres negatiuas, & quartam affirmatiuam.

Prima cōclusio, Nullus est benefortunatus propter quā cūq; artem habeat. Nam ars est recta ratio factibilium; ex sexto Ethicorum, & qui secundum artem operatur, ex premeditatione, & determinatis medijs, & ordinate procedit. Hæc autē repugnant bonæ fortunæ, quoniam diximus eam esse sine ratione, ergo &c.

Secunda cōclusio, Nullus est benefortunatus quacūq; humana peritia aut prudentia, quoniam prudētia est recta ratio agibilium, & qui ex prudentia operatur maturo consilio, & consideratione procedit. hæc autem nō conueniunt bonæ fortunæ, quoniam, ut diximus, nescit rationem quare sic operetur, sed operatur quia sic impellitur, ergo &c.

Tertia conclusio, Nullus est benefortunatus, quia ametur a Deo, & quia habeat Deum intra se, ut directorem, & gubernatorem optimum, sicut nauis non bene regibilis bene nauigat non propter seipsam, sed quoniam bonum habet gubernatorem. Hoc inquam nō potest dici, quoniam, ut dictum est in decimo Ethicorum, Deus illum amat, & illi bene facit, qui nititur illi assimilari, hic autem est sapiens, unde inquit illic Aristoteles. Sapiens amicus Deorum constituitur, & erit maxime felix. Sed dictum est quod sapientes, & prudentes non sunt benefortunati, immo insipientes & indociles, ergo &c.

Quarta conclusio, Qui sunt benefortunati id habent a natura, idest quia nascuntur sic dispositi, ut sequantur diuinos impetus, & secundum eos operentur. Aliqui autem sunt infortunati, quia nascuntur cum dispositione opposita: huiusmodi autem dispositiones trahunt a superioribus causis dominantibus in eorum genitura, sicut aliqui nascuntur oculis glaucis, aliqui oculis nigris, aliqui oculis subalbis. Hanc conclusionem probamus a sufficienti diuisione, quoniam benefortunatus aut est ab arte, aut a prudentia, aut

ab amicitia Dei, aut a natura. non ab arte, nec prudentia, nec amicitia Dei, ut probatum est, ergo a natura.

Sed contra, natura quorum est causa, est causa semper aut in pluribus, ut dicitur in secundo Physicorum, sed fortuna raro est causa, quoniam est ut in paucioribus ex secundo Physicorū. ergo nullus est benefortunatus a natura.

Hanc rationem soluimus supra in primo capite, cum declarauimus in quo sensu bona fortuna sit natura, & non sit natura. Patet igitur qui sunt benefortunati, & unde prouenit bona fortuna, Hæc de tertio capite dicta sint.

C A P. I I I I.

Circa quartum caput, inuestigandū est circa quos impetus dicatur esse bona fortuna, & dicemus tria.

Primo, q̄ impetus contingat esse in anima nostra.

Secundo, determinabitur circa quos est bona fortuna.

Tertio, si huiusmodi impetus necessitat nos in operando secundum eos.

Quantum ad primum, aduerte quod in appetitu sensitivo, & in uoluntate, & in intellectu potest esse duplex impetus siue motus, ut in appetitu sensitivo potest esse motus appetitiuus, & motus naturalis, & in uoluntate motus uoluntarius, & motus naturalis, & in intellectu motus rationalis, & motus naturalis. Quorum differentia sumitur ex differentia mouentium. Nam si appetitus sensituius mouetur a sensu, uel phantasia, uel cogitativa proponente sibi obiectum ut bonū delectabile, dicitur motus appetitiuus. Mouetur enim appetitus a sensu ratione qua appetitus, ut a proprio motiui. Si autem mouetur ad bonum, uel ad fugam mali non a sensu præcognoscente, sed ab auctore primo & motore omnis naturæ secundum modum suum, dicitur motus naturalis. Nam Deus gloriosus supplere potest uirtutem causæ secundæ, & sic mouet appetitum me-

diante sensu apprehendente bonum, ita potest mouere sine sensu faciendo impetum, & incitando ad aliquod operandum, ad quod sine præcognitione sequetur aliquod bonū ipsi appetenti. Similiter si uoluntas mouetur ab intellectu præsentante sibi bonum, dicitur motus uoluntarius. Proprium enim motum uoluntatis ut est uoluntas, est intellectus. Si autem mouetur a primo motore impellente ipsam ad bonū, dicitur motus naturalis. Mouet enim tunc Deus uoluntatem, non ratione qua uoluntas, quoniam ut sic respicit intellectum, sed ratione qua quædam natura est, similiter si intellectus mouetur ad intelligendum, uel ratiocinandum a seipso actuato specie intelligibili, dicitur motus intellectualis, uel rationalis. Si autem mouetur a primo & uersali mouente, dicitur motus naturalis, quoniam intellectus sic motus, est ut natura quædam subiecta auctori, & motori omnis naturæ modo conuenienti singulis naturis. nam alio modo mouet naturalia, alio modo cognoscit uia & intellectualia, ex his patet quod in anima nostra respectu appetitus, & respectu uoluntatis, & respectu intellectus est impetus siue motus naturalis, & impetus proprius qui nominatur nomine potentia.

Quantum ad secundum, dico quod bona fortuna non est nisi circa impetus naturales, nec dicitur benefortunatus, nisi quia sequitur impetus naturales, & secundum illos operatur. nam dictum est supra benefortunatum tendere in operationibus suis sine præcognitione, & sine discursu, & interrogatus nescit dicere, quare sic uelit operari, sed tantum quod cor sibi sic dictat, & sibi placet, sed qui operatur secundum motum appetitiuum, uel uoluntarium, non operatur sine præcognitione, quoniam uoluntas ut sic, & appetitus sensituius, ut sensituius non feruntur nisi in præcognitionem. Et intellectus, ut intellectus non intelligit nisi actus, nec concludit nisi ratiocinatione. Hæc autem omnia repugnant bonæ fortunæ, quoniam diximus eam esse natu-

ram sine ratione, ergo constat q̄ non est nisi circa impetus naturales factos in anima nostra a Deo, ut est motor omnis naturæ modo sibi conuenienti. Et confirmatur duplici signo. Primo, quoniam uidemus insipientes & male ratiocinantes esse bene fortunatos, quoniam operantur ut impelluntur, sicut bestię instinctu naturali, in quo non est error. Secundo, quoniam circa idem negotium uidemus eos, qui multa consideratione & multo consilio operati fuerint non consequi intentum, aliqui autem impetuose & improuise procedentes prosperantur. ergo bona fortuna uersatur circa impetus naturales factos in anima, siue in concupiscibili, siue in uoluntate, siue in intellectu.

Sed quæritur a quo principio sunt naturales motus, & impetus in nobis. Dico secundum Aristotelem q̄ a Deo, inquantum est motor uniuersalis. nam sicut ex sua perfectione continet, conseruat, & ad esse deducit omnia, ita q̄ nihil est extra ipsum quod nō contineatur in ipso, sic ex sua potentia mouet totum uniuersum, & omnem naturā quæ est in uniuerso in proprios fines, & in bonū eis conueniens. unde quantum sit ex parte Dei, cum sit primum bonum, omnem naturam impellit ad bonum, & in omni homine causat impetum ad bonum proprium, uerum quia diuersarum dispositionum, & complexionum, & natiuitatum sunt homines: ideo aliqui præcipiunt & acceptant hos impetus, & secundum eos operantur, aliqui autem non, uel quia nimis dediti exterioribus, uel quia suo ingenio metiri uolunt omnia, quodq̄ rationi sue non consonat, pro inconuenienti habent. hinc prouenit bona & mala fortuna.

Iterum quæritur si Deus est principium omnis motus in nobis, utrum sit principium intellectuum nostrarum, & consilij, & ratiocinationis, & uolitionis. Dico secundum Aristot. q̄ sic, respectu primæ intellectiōis, & primi consilij, & primæ ratiocinationis, & primæ uolitionis: & id declaratur quadruplici ratione.

Primo, quod aliquando est in potentia, aliquando in actu necesse est, ut reducat^r ad aliquod semper existens actu, quoniam nihil seipsum reducit de potentia ad actum. sed intellectus noster aliquando est intelligens in potentia, aliquando in actu, ideo potentialis uocatus est ex tertio de anima, ergo necesse est ut reducat^r de potentia ad actum intelligendi ab eo, qui semper est actu intelligens, & hic est Deus gloriosus. Id autem necesse est fieri respectu primæ intellectiōis, quoniam antequam primam intellectiōem habeat, est mere in potentia, ideo non potest seipsum reducere ad actum, postquam autem actuatus est prima intellectiōe, potest seipsum actuare respectu sequentium. conuenienter ergo prima intellectiō in Deum reduci^tur. unde inquit Aristoteles, Est aliquod principium, cuius non est aliud extra ipsum, & quia tale secundum esse, tale potest facere, id est & quia est actu semper intelligens potest facere intellectum nostrū actu intelligentem, & hoc est Deus.

Secundo, si intellectus noster consiliatur a se, ergo tenderet consilians in infinitum, cum enim sit consilians aliquando in potentia, aliquando in actu, si quæretur quare nunc consiliatur, & ante non, erit necesse respondere, quod nunc consiliatur, quia prius habuit consilium, quo factus in actu potest nunc consiliari, uel quia reductus est in actu a primo intelligente, qui est Deus non potest dici primum, quoniam quæretur de priori cōsilio quomodo habitum est, aut ab alio consilio, aut a primo intelligente. Si dicis ab alio, ergo uel procedes in infinitum, uel deuenietur ad primum, quod reduci^tur in Deum, sicut & prima intellectiō. unde inquit Aristoteles, Non enim consiliabatur consilians antequam consiliaretur, sed est principium quoddam, neque intellexit intelligens prius quam intelligeret, & hoc est in infinitum. non igitur eius quod est intelligere intellectus principium, neque consiliandi consilium.

Tertio, sicut se habet Deus in toto uniuerso, & totum

uniuersum ad Deum, sic se habet ad animam nostrā, & anima ad Deum, sed Deus est causa omnis motus in uniuerso, cum sit uniuersale mouens & primum. ergo est causa omnis motus in anima nostra, ex consequenti mouet intellectum ad intelligendum, ad consiliandum, & uoluntatem in bonum inclinat: sicut unumquodq; ens in proprium finem. unde inquit Aristoteles, quid motus principium in anima, palam quemadmodum in toto Deus, & omne in illud. Mouet enim quemadmodum omnia, quod in nobis diuinum.

Quarto, ratio non est primum principium rationationis, non eadem ratione qua intellectus, non est primum principium intellectus, sic nec ratio rationationis. ergo reducendum est ad aliquid melius ratione, ad quod se habet intellectus noster, ut organum motum ab ipso. Hoc autē melius nō est nisi Deus. unde inquit Aristo. Rationis principium nō est ratio, sed aliud melius, quid igitur erit melius & scientia, & intellectu, nisi Deus. uirtus enim intellectus organum, scilicet est Dei. Paret igitur quomodo nō solum imperus benefortunatorum reducuntur ad primum motorem totius naturæ, sed & nostra prima intellectio, primum consilium, prima uolitio, prima ratio in Deum reducuntur, ad quem se habet intellectus noster, ut organum, quoniam & ab ipso solo habet esse per creationem, & in ipso intellectu lucet diuina similitudo.

Quantum ad tertium, aduerte q̄ huiusmodi imperus naturales facti in anima nostra non necessitant nos, sed inclinant ad operandum, aliter cum sapientes, & prudentes patiantur huiusmodi imperus, ut diximus, ita operarentur secundum illas, sicut & insipientes, & essent benefortunati sicut illi, cuius oppositum uidemus. Dicendum est ergo q̄ huiusmodi imperus inclinant nos, sed non necessitant, quoniam Deus ut motor omnis naturæ unamquamq; mouet modo sibi conuenienti, ut scilicet moueat naturalia deter-

minate ad unum. Intellectualia autem liberè, ita ut possint in oppositum, unde se habent huiusmodi impetus in anima nostra, sicut longitudo, aut latitudo in taxillo. nam si taxillus sit in una parte longior, dum projicitur inclinatur firmari super parte longiore, non tamen necessitatur, quia potest firmari super partem aliam. Similiter si est in una parte latior inclinatur, non tamen necessitatur firmari super illa. sic accidit nobis quo ad huiusmodi impetus, unde inquit Aristote. Nō quia hos, scilicet impetus oportet sequi, sed quale uñque erit cubos super longa iacere. Hæc de quanto capite dicta sint.

CAP. V.

IN quinto capite, declarandum est quantum consonant supradictis, quæ de antiquis dicebantur de bona fortuna, & sunt quinque.

Primo, benefortunati sunt qui agentes secundum impetum diriguntur in bonum, existentes sine ratione.

Id consonat supradictis, quoniam impetus secundum quos operantur benefortunati non sunt rationales, sed naturales, ex consequenti non sunt a ratione sic dictante, sed a Deo, ut motore omnis naturæ.

Secundo, benefortunatis non expedit consiliari, id consonat supradictis, quoniam mouentur & diriguntur in bonū ab auctore naturæ, qui est melior omni intellectu & humano consilio. prudentiæ enim nostræ incertæ, motiones autem diuinæ certissimæ.

Tertio, ratio est impeditiua bonæ fortunæ, id consonat supradictis, quoniam ratio humana aut extinguit, aut facit quod non percipiuntur huiusmodi impetus, & si percipiuntur non curantur ab operantibus secundum rationē. Nihil enim operari dignantur, nisi ut eis sua ratio dictat, & ideo est impeditiua bonæ fortunæ.

Quarto, bona fortuna excedit sapientiam, & prudentiam hominis, quantumcunque sapientis, id consonat supradictis, quoniam humana ratio de futuris contingentiis parum, aut nullam diuinationem, & præcognitionem habet: bona autem fortuna futurum respicit, super quod est maxime diuinatiua, quoniam huiusmodi impetus sunt a Deo, qui (ut inquit Aristo.) per se, & bene uidet præsens, & futurum, & quod præterijt. quoniam igitur benefortunatus mouetur & dirigitur a Deo, cui nihil est incognitum, qui autem consultitur a sapiente, & prudente, mouetur a ratione humana parum cognoscitiua futuri, ideo bona fortuna excedit sapientiam, & prudentiam hominis, quantumcunque sapientis.

Quinto, bona fortuna magis uiget in illis qui rationem amittunt. propterea insipientes, melancholici, & simplices bene fortunati. id consonat supradictis, quoniam amittentes rationem agunt sicut aguntur. unde se habent sicut bestię ad instinctus naturales. Item magis percipiunt huiusmodi impetus illisq; intendunt, non distracti in agilibus. unde sicut ait Aristoteles, se habent ut cæci, qui amisso utpote sensu magis distractiuo, uirtuosius memorantur, sic homines amissa ratione uigorosius insequuntur diuinos impetus, & ideo sunt benefortunati.

Hæc de bona fortuna dicta sunt.

**EPITOME
CHRYSOSTOMI
IAVELLI CANAPITII
SVPER PROPOSITIONIBVS**

*Libri de Causis, & unicuique Propositioni
apposito Commento, ac etiam
Examina earundem.*

Propositio prima.



OMNIS causa primaria plus
est influens super causatū suū,
q̃ causa secunda uniuersalis.

Commentum.



VM Enim
remouet cau
sa secūda uni
uersalis uirtu
tem suā a re,
causa uniuer

salis prima non aufert uirtutem suam ab ea, quod est, quia
causa uniuersalis prima agit in causatum causæ secundæ
antequam agat in ipsum causa uniuersalis secunda, quæ se
quitur ipsum. Cum ergo agit causa secunda in causatum
quod ipsam sequitur, nō excluditur ipsius actio a causa pri
ma, quæ est supra ipsam, & quando separatur causa secun
da a causato quod sequitur ipsam, non separatur ab eo pri
ma quæ est supra ipsam, quoniam est causa ei. Et nos qui
dem exemplificabimus illud per esse, & uiuum, & hominē,

quod est, quia oportet ut sit esse in primis, deinde uiuum, postea homo, uiuum uero causa hominis est propinqua, & esse causa est longinqua, esse igitur causa est uehementius homini quam uiuum, quoniam est causa uiuo, quæ est causa homini, & similiter quando ponis rationale causam homini, esse est causa uehementius homini quam rationalitas, quoniam est causa causæ eius. Et illius quod dicimus signum est, quod quando tu remoues uirtutem rationalem ab homine non remanet homo, sed remanet uiuum spirans sensibile, & quando remoues uiuum ab illo non remanet uiuum, remanet tamen esse, quoniam esse non remouetur ab eo, sed remouetur uiuum, quoniam causa non remouetur per remotionem causati sui, sed esse est causa uiui, & uiuum est causatum eius. remanet ergo hominis esse. cum igitur non est indiuiduum homo est animal, & si non est animal, est esse tantum. Iam igitur manifestum est & planum, quod causa prima & longinqua est plus comprehendens, & uehementius est causa rei quam causa propinqua, & propter illud sit eius operatio uehementioris adhaerentiæ cum re, quæ operatio causæ propinquæ, & hoc non fit, nisi secundum hoc quod in primis res non patitur, nisi a uirtute longinqua, deinde patitur a uirtute quæ est sub prima, & causa prima adiuuat secundam causam super operationem suam, quoniam operationem quam secunda efficit, & prima efficit. Veruntamen efficit eam per alium modum altiore & sublimiorem, & quando remouetur causa secunda a causa suo, non remouetur causa prima ab eo, quoniam causa prima est uehementioris, & maioris adhaerentiæ cum re, quam causa propinqua, & non fingitur causatum causæ secundæ nisi per uirtutem causæ primæ, quod est, quia causa secunda non efficit rem, sed influit causa prima, quæ est super ipsam, super illam rem de uirtute sua, qua adhæret ei adhaerentia uehementi, & seruat eam. Iam ergo manifestum est & planum, quod causa longinqua uehementius est causa rei quæ causa propinqua quæ sequitur eam, & quod ipsa influit

uirtutem suam super eam, & seruat eam, & non separat ab ea separatione causæ suæ propinquæ, immo remanent in ea, & adheret ei adhærentia uehementi secundum quod ostendimus & exposuimus.

Propositio secundâ.

Omnino esse superius, aut est superius æternitate, & ante ipsam, aut est cum æternitate, aut est post æternitatem, & supra tempus.

Commentum.

Esse uero quod est ante æternitatem est causa primâ, quoniam est causa ei, sed esse quod est cum æternitate est intelligentia, quoniam est esse secundum unam habitudinem. unde non patitur, neque destruitur, esse uero quod est post æternitatem, & supra tempus, est anima, quæ est in horizonte æternitatis inferius, & supra tempus, & significatio quod prima causa est ante æternitatem ipsam, est quod esse in ea est acquisitum, & dico quod omnis æternitas est esse, sed non omne esse est æternitas. ergo esse est magis commune quam æternitas, & causa primâ est supra æternitatem, quoniam æternitas est causatum ipsius, & intelligentia apponitur, uel parificatur æternitati, quoniam extenditur cum ea, & non alteratur, neque destruitur, & anima annexa est cum æternitate inferius, quoniam susceptibilior est impressionis quam intelligentia, & est supra tempus, quoniam est causa temporis.

Propositio tertiâ.

Omnis anima nobilis habet tres operationes. nam ex operationibus eius est operatio animalis, & operatio intellectualis, & operatio diuina &c.

Commentum.

Operatio diuina est quoniam ipsa præparat naturam cum uirtute, quæ est in ea a prima causa. eius autem operatio intellectualis est quoniam ipsa scilicet tres per uirtutem intelligentiæ quæ est in ipsa. eius autem operatio animalis est, quoniam ipsa mouet corpus primum, & omnia corpore

ralia, quoniam ipsa est causa motus corporū, & causa operationis naturæ, & non efficit anima has operationes, nisi quoniam anima est exēplum uirtutis superioris, quod est, quia prima causa creauit esse animæ mediante intelligentia, & propter illud facta est anima efficiens operationem diuinam. postquam ergo creauit prima causa esse animæ, posuit eam sicut instrumentum intelligentiæ, quo efficiat operationes suas. propter illud ergo anima intelligibilis efficit operationem intelligentiæ, & quia suscipit impressionē intelligentiæ facta est inferioris operationis quam ipsa intelligentia impressione sua in id quod est sub ipsa, quia ipsa non imprimit uires nisi per motum, & quod est sub ipsa nō recipit operationem eius nisi ipsa moueat ipsum. propter hanc ergo causam fit quod anima mouet corpus. De proprietate namq; animæ est, ut uiuificet corpora, quando influit uirtutē suam super ea, & directe perducit eam ad operationem rectam. Manifestum est igitur nunc q; anima habet tres operationes, quoniam habet uirtutes tres, idest uirtutem diuinam, & uirtutem intelligentiæ, & uirtutem suæ essentia secundum q; narrauimus, & ostendimus.

Propositio quarta.

Prima rerum creatarum est esse, & ante ipsum non est creatum aliud.

Commentum.

Quod est, quia est supra sensum, & supra animam, & supra intelligentiam, & non est post causam primam latius, nec prius creatum ipso. propter illud ergo factum est superius creatis rebus omnibus, & uehementius unitum, & non est factum ita, nisi propter propinquitatem suam esse uni puro, & uni uero, in quo non est multitudo aliquorum modorum. Et esse creatum quāuis unum sit, tamen multiplicatur, idest ipsum recipit multipliciter, & ipsum quidem non est factum multa, nisi quia ipsum quāuis sit simplex, & nō sic in creatis simplicius ipso, tamen est compositum ex finito, & infinito, quod est, quia esse quod

ex eo, idest immediate sequitur causam primam, est intelligentia, quæ completa est in ultima potentia, & in reliquis bonitatibus, & formæ intelligibiles in ipso sunt latiores, & uehementius uniuersales, & quod est ex eo, idest immediate inferius, est intelligentia, uerū tamen est sub illo intelligentia in complemento, & uirtute, & bonitatibus, & non sunt formæ intelligibiles in illa ita dilatatæ, sicut est earum latitudo in illa completa intelligentia, & esse quidem primum creatum est in intelligentia totum, uerū tamen intelligentia in ipso est diuersa secundū modum quem diximus. Et quia diuersificatur intelligentia, fit illic forma intelligibilis diuersa, & sicut ex forma una. propterea, quod diuersificatur in mundo inferiori proueniunt indiuidua infinita in multitudine, sic ex esse causato primo, propterea, quod diuersificatur apparent formæ intelligibiles infinitæ, uerū tamen quāuis diuersificentur non seiunguntur ab inuicem, sicut est seiunctio indiuiduorū, quod est, quoniam ipse uniuertur sine corruptione, & separantur absq; seiunctione, quoniam sunt unum habens multitudinē, & multitudo in unitate. Et intelligentiæ primæ influunt super intelligentias secundas, bonitates quas recipiunt a causa prima, & intendunt bonitates in eis usq; quo consequuntur ultimū earū.

Propositio quinta.

Intelligentiæ superiores primæ, quæ sequuntur causam primam, imprimunt formas secundas stantes, quæ nō destruuntur ita, ut non sit necesse iterare eas alia uice. Intelligentiæ autem secundæ imprimunt formas decliues, & separabiles, sicut est anima.

Commentum.

Ipsa namq; est ex impressione intelligentiæ secundæ, quæ sequitur esse creatum inferius, & non multiplicatur animæ, nisi per modum quo multiplicatur intelligentiæ, quod est, quia esse animæ habet finem, sed quod ex eo est inferius est infinitum. Animæ igitur quæ sequuntur intelligentiam perfectæ sunt & completæ, paucae de

clinationis, & separationis, & animæ quæ sequuntur esse inferius sunt in complemento, & declinatione sub animabus superioribus, & animæ superiores influunt bonitates suas quas recipiunt ab intelligentia super animas inferiores, & omnis anima recipiens ab intelligentia uirtutē, plus est super impressionem fortior, & quod impressum est ab ea est fixum stans, & est motus eius æqualis & continuus, & illa in qua est uirtus ex ea intelligentiæ, minor est in impressione sub animabus primis, & est quod ab ea impressum est, debile euanescebat destructibile, uerū tamen quāuis sit ita, tamen permanet per generationem. Iam ergo ostensum est, quare factæ sunt formæ intelligibiles multæ, & nō est esse earum nisi simplex, & quare factæ sunt multæ animæ, quarum quædam sunt fortiores alijs, uel quibusdam, & esse earum est unum simplex, in quo non est diuersitas.

Propositio sexta.

Causa prima superior est omni narratione, & non desciunt linguæ a narratione eius, nisi propter narrationem esse ipsius, quoniam ipsa est super omnem causam, & non narratur nisi per causas secundas, quæ illuminantur a lumine causæ primæ.

Commentum.

Quod est, quoniam causa prima non cessat illuminare causatum suum, & ipsa non illuminatur a lumine alio, quoniam ipsa est lumen purum, super quod nō est aliud lumē. ex illo ergo sola prima causa facta est, cuius desinit narratio, & non est ita nisi quia supra ipsam nō est causa per quam cognoscatur, quia omnis quidem res non cognoscitur nisi ex ipsa sui causa. cum ergo res est causa tantum, & non est causatum, non scitur per causam primam, neque narratur, quoniam est superior narratione, neque consequitur eam loquela, quod est, quia narratio nō fit nisi per loquelam, & loquela per intelligentiam, & intelligentia per cogitationem, & cogitatio per meditationem, & meditatio per sensum. Causa autem prima est super omnes

res, quoniam est causa eis. propter illud ergo sit quod ipsa non cadit sub sensu, & meditatione, & cogitatione, & intelligentia, & loquela. non est ergo narrabilis. Et dico iterum quod res, aut est sensibilis, & cadit sub sensu, aut est meditabilis, & cadit sub meditatione, aut est fixa stans secundum dispositionem unam, & est intelligibilis, aut est conuertibilis destructibilis cadens sub generationem, & corruptionem, & est cadens sub cogitationem. Et causa prima est super res intelligibiles sempiternas, & super res destructibiles, quapropter non cadit super eam sensus, neque meditatio, neque cogitatio, neque intelligentia. Et ipsa quidem non significatur nisi ex causa secunda, quæ est intelligentia, & non nominatur per nomen causati sui primi, nisi per modum altiore, & meliorem, quoniam quod est esse causati, est esse, uerū tamen per modum sublimiorem, & maiorem, & meliorem, & nobiliorem, sicut ostendimus.

Propositio septima.

Intelligentia est substantia, quæ non diuiditur.

Commentum.

Quod est, quia si non est cum magnitudine, neque corpus, neque mouetur, tunc proculdubio non diuiditur, & iterum, omne diuisibile non diuiditur, nisi aut in multitudinem, aut in magnitudinem, aut in motum suum. Cum ergo res est sub hac dispositione est sub tempore, quoniam non recipit diuisionem, nisi in tempore, & intelligentia quidem non est in tempore, immo est cum æternitate, quapropter facta est altior, & sublimior omni corpore, & omni multitudine, quod si inueniatur in ea multitudo, non inuenitur nisi quasi res sit una. Cum ergo intelligentia sit penitus secundum hunc modum, diuisionem non recipit. Et significatio quidē istius est reditio sui super essentiam suā, scilicet quia non extenditur cum re extensa, ita ut sit una suarum extremitatum secunda ab alia, quod est, quia cum uult scientiam rei corporalis, non extenditur cum ea, sed ipsa stat fixa secundum suam dispositionem, quoniam est forma a qua

non pertransit aliquid, & corpora quidem non sunt ita, & significatio quod intelligentia non est corpus, neque diuiditur eius substantia, & operatio eius est quod utraq; sunt una res, & intelligentia quidē est multa propter bonitates quæ adueniunt ei a prima causa, & ipsa quāuis multiplicetur per hunc modum, tamen quia appropinquat uni est non diuisibilis, & ita intelligentia nō recipit diuisionem, quoniam est primū causatum quod causatum est a prima causa, & unitas dignior est quam diuisio. Iam ergo uerificatum est, qđ intelligentia est substantia quæ non est cum magnitudine corporali, neque corpus, neque mouetur per aliquem modum motus corporum, quapropter facta est supra tempus cum æternitate, sicut ostendimus.

Propositio c. x. a. u.

Omnis intelligentia scit quod est supra se, & quod est sub se, ueruntamen scit quod est sub se, quoniam est causa ei, & scit quod est supra se, quoniam acquirit ab eo bonitates.

Commentum.

ET intelligentia quidem est substantia intelligibilis. ergo secundum modum suæ substantiæ scit res quas acquirit de super, & res quibus est causa. ergo ipsa discernit quod est supra eam, & quod est sub ea, & scit quod illud quod est supra eam est causa ei, & quod est sub ea est causatum ab ea, & cognoscit causam suam, & causatum suū per modum qui est causa eius, scilicet per modum substantiæ suæ, & sui esse. similiter omnis sciens non scit rem meliorem, & rem maiorem, & rem inferiorem, & deteriore, nisi secundum modum substantiæ suæ, & sui esse, & non secundum modum secundum quem res sunt. Et si hoc ita est, procul dubio bonitates quę descendunt super intelligentiam a prima causa sunt in ea intelligibiles, & similiter res corporeæ sensibiles sunt in intelligentia intelligibiles, quod est, quoniam res quæ sunt in intelligentia non sunt impressiones ipse, immo sunt causæ impressionum. Et significatio illius est.

est, quod intelligentia ipsa est causa eorū quæ sunt sub ipsa, per hoc quod est intelligentia. si ergo est intelligentia causa rerum per hoc quod est intelligētia, tunc proculdubio causas rerum sunt intelligibiles in intelligentia. Jam ergo manifestum est quod res supra intelligētiā, & sub ea, sunt per uirtutem intelligibilem, & similiter res corporeæ in intelligentia sunt intelligibiles, & res intelligibiles cum intelligentia sunt intelligibiles, quoniam ipsa est causa esse earum, & quia ipsa non apprehendit nisi per modum substantiæ suæ, & ipsa quia est intelligentia apprehendit res apprehensione intelligibili, siue intelligibiles sint, siue corporeæ.

Propositio nona.

Omnis intelligentiæ fixio, & essentia eius est per bonitatem puram, quæ est per primam causam.

Commentum.

Et uirtus quidem intelligentiæ est uehementiori unitatis quam res secundæ, quæ sunt post eam, quoniam nō accipiunt cognitionem eius, & nō est facta ita, nisi quia causa est ei quod est sub ea, & significatio eius est illud cuius rememoramur, quia intelligentia est regens omnes res quæ sunt sub ea per uirtutem diuinam quæ est in ea, & per eam retinet res, quoniam per eam est causa rerum, & ipsa retinet omnes res quæ sunt sub ea, & comprehendit eas, quod est, quoniam omne quod est principium rebus, & causa eis est retinens illas res, & regens eas, & non euadit ab ipsis aliquid propter uirtutem suam. ergo intelligentia est princeps rerum quæ sub ea sunt, & retinens eas, & regens eas, & sicut natura regit res quæ sub ea sunt per uirtutem intelligentiæ, & similiter intelligentia regit naturam per uirtutem diuinam, & intelligentia quidē non facta est retinens res quæ sunt post eam, & regens eas, & suspendens uirtutem suam super eas, nisi quoniam ipse res non sunt uirtus substantialis ei, immo ipsa est uirtus uirtutū substantialium, quoniam est causa eis. Et intelligentia quidem comprehendit generata, & naturam, & horizontem nature, scilicet animam, nam

M m

ipsa est supra naturam, quod est, quia natura continet generationem, & anima continet naturam, & intelligentia continet animam. ergo intelligentia continet omnes res, & non est facta intelligentia ita, nisi propter causam primam quæ supereminet omnibus rebus, quoniam est causa intelligentiæ, & animæ, & nature, & reliquis rebus. Et causa quidem prima non est intelligentia, neque anima, neque natura, imo est supra intelligentiam, & animam, & naturam, quoniam est creans omnes res, uerū tamen est operans intelligentiam sine medio, & creans animam, & naturam, & reliquas res mediante intelligentia. Et scientia quidem diuina non est sicut scientia intelligibilis, neque sicut scientia animalis, imo est supra scientiam intelligentiæ, & scientiam animæ, quoniam est creans scientias. Et uirtus quoque diuina est supra omnem uirtutem intelligibilem, & animalem, & naturalem, quoniam est causa omni uirtuti. Et intelligentia est habens yliathim & formā, & similiter anima est habens yliathim, & natura est habens esse yliathim, & causæ quidem primæ non est yliathim, quoniam ipsa est tantū esse. Quod si dixerit aliquis, necesse est ut sit yliathim, dicemus yliathinæ, idest esse suum esse infinitum, & indiuiduum suum est bonitas pura, effluens super intelligentiam omnes bonitates, & super reliquas res mediante ea.

Propositio decima.

Omnis intelligentia est plena formis, uerū tamen ex intelligentijs sunt quæ continent formas minus uniuersales, & ex eis sunt quæ continent formas plus uniuersales.

Commentum.

Quod est, quoniam formæ quæ sunt in intelligentijs secundis per modum particularem sunt in intelligentijs primis per modum uniuersalem, & formæ quæ sunt in intelligentijs primis per modum uniuersalem se habent in intelligentijs secundis per modum particularem, & in intelligentijs primis est uirtus magna, quoniam sunt uehementioris unitatis quam intelligentiæ secundæ inferiores, & in

Intelligentiis secundis sunt uirtutes debiles, quoniam sunt minoris unitatis, & pluris multiplicatis, & est, quia intelligentiæ quæ sunt longinquiores ab uno puro, sunt pluris quantitas, & debilioris uirtutis, & quia intelligentiæ propinque uni puro, sunt minoris quantitas, & maioris uirtutis, & inde accidit ut formæ quæ procedunt ex intelligentiis primis processione uniuersali unita. Et nos quidem abbreviamus, & dicimus quod formæ quæ adueniunt secundis intelligentiis, ex intelligentiis primis, sunt debilioris processio nis, & uehementioris separationis, quod fit, quia intelligentiæ secundæ proijciunt inferius, idest debiliori modo suos uisus super formam uniuersalem, quæ est in intelligentiis uniuersalibus, & diuidunt eam, & separant eam, quoniam ipse non possunt recipere ipsas formas secundum unitatem, & certitudinem earum, nisi secundum modum secundum quem possunt recipere eas, scilicet per separationem, & diuisionem, & similiter aliqua ex rebus non recipit quod est supra eam, nisi per modum secundum quem potest recipere ipsum, & non per modum secundum quem est receptibile.

Propositio XI.

OMnis intelligentia intelligit res sempiternas quæ non destruuntur, neque cadunt sub tempore.

Commentum.

Quod est, quoniam si intelligentia est res semper, quæ non mouetur, tunc ipsa est causa rebus sempiternis, quæ non destruuntur, neque cadunt sub tempore, neque sub generatione, neque sub corruptione, & intelligentia quidam non est ita, nisi quia intelligit rem per esse suum, & esse suum sempiternum est quod non corrumpitur. cum ergo hoc sit ita, dicemus quod res destructibiles sunt ex corporeitate, scilicet ex causa corporea temporali, non ex causa intelligibili æterna.

Propositio XII.

Primorum omnium quædam sunt in quibusdam per modum quo licet ut sit unum eorum in alio.

Quod est, quia inesse sunt uita, & intelligentia, & in uita sunt esse, & intelligentia, & in intelligentia sunt esse, & uita, ueruntamen esse & uita in intelligentia sunt duæ intelligentiæ, & esse & intelligentia in uita sunt duæ uitæ, & uita & intelligentia inesse sunt duo esse, & non est ita, nisi q̄ unumquodq̄ primorum aut est causa, aut causatum. Causatum ergo in causa est per modum cause, & causa in causato est per modum causati. Et nos quidem abbreviamus, & dicimus quod res agens in rem per modum causæ, non est in ea nisi per modum qui est causa eius, sicut sensus in anima per modum animalem, & anima in intelligentia per modum intelligibilem, & intelligentia inesse per modum essentialem, & esse primum in intelligentia per modum intellectualem, & intelligentia in anima per modum animalem, & anima in sensu per modum sensibilem, quare redeamus, & dicamus q̄ sensus in anima, & intelligentia in causa prima sunt per modos suos secundū q̄ ostendimus.

Propositio XII.

Omnis intelligentia intelligit essentiam suam.

Commentum.

Quod est, quia intellectus & intellectum sunt simul. Cum ergo intelligentia est intelligens, & intellectū, tunc proculdubio uidet essentiam suam, & quando uidet essentiam suam scit quod intelligit per intelligentiam suam, & quando scit quod intelligit per intelligentiam suam, scit quod intelligit per intelligentiam essentiam suam, & quando scit essentiam suam, scit reliquas res quæ sunt sub ea, quoniam sunt ex ea, ueruntamen scit ea per modum intelligibilem. ergo intelligentia & res intellectæ sunt unū, quod est, quia si res intellectæ, & intelligentia sunt unum, & intelligentia scit esse suum, tunc proculdubio quādo ipsa scit essentiam suam, scit reliquas res, & quādo scit reliquas res, scit essentiam suam, & quando scit res, nō scit eas, nisi quia sunt intellectæ. ergo intelligentia scit essentiam suam, & scit

res intellectas simul, sicut ostendimus.

Propositio XIII.

IN omni anima res sensibiles sunt per hoc quod est exemplum eis, & res intelligibiles in ea sunt, quia scit eas.

Commentum.

ET non est facta ita, nisi quia ipsa expansa est inter res intelligibiles quæ non mouentur, & inter res sensibiles quæ mouentur, & quia anima sic est, fit quod imprimit res corporeas, quæ propter facta est causa corporum, & facta est causata ex intelligentia quæ est ante ipsam. res igitur quæ imprimuntur ex anima sunt in anima per intentionem, uel uirtutem exempli. scilicet quia res sensibiles exemplificatur secundum exemplum animæ, & res quæ cadunt supra animam, sunt in anima per modum acquisitum. Hoc ergo cum sit ita, redeamus & dicamus quod omnes res sensibiles sunt in anima per modum causæ, propter quod anima est causa exemplaris, & intelligo per animam uirtutem agentem res sensibiles, uerū tamen uirtus efficiens in anima non est materialis, & uirtus corporea in anima est spiritalis, & uirtus imprimens in rebus habentibus dimensiones, uel diuisiones, est sine dimensione, uel diuisione, & res intelligibiles in anima sunt per modum accidentalem, scilicet quia res intelligibiles quæ non diuiduntur sunt in anima per modum diuisibilem. ergo res intelligibiles in anima unitæ sunt in anima per modum qui multiplicatur, & res intelligibiles quæ non mouentur sunt in anima per modum motus. Iam ergo ostensum est quod res intelligibiles, & sensibiles sunt in anima, uerū tamen res sensibiles corporeæ motæ sunt in anima per modum animale spiritalem unitum, & res intelligibiles unitæ quiescentes sunt in anima per modum qui multiplicat motum.

Propositio XV.

OMnis sciens qui scit essentiam suam est rediens ad essentiam suam reditione completa.

Commentum.

QUod est, quia scientia non est nisi actio intelligibilis.

cum ergo scit sciens essentiam suam, tunc reddit per operationem intelligibilem ad essentiam suam, & hoc non est ita, nisi quoniam sciens & scitum sunt res una, quoniam scientia scientis essentiam suam est ex eo, & ad eum. Ex eo, quia est sciens essentiam suam. Et ad eum, quia est scitum, quod est, quia cum scientia est scientia scientis, & sciens scit essentiam suam, eius operatio est rediens ad essentiam suam. ergo substantia eius est rediens ad essentiam ipsius iterum, & non significo per redditionem substantie ad essentiam, nisi, quia est fixa stans per se, non indigens in sui fixatione, & sui essentia re alia regente ipsam, quoniam est substantia simplex sufficiens per seipsam.

Propositio XVI.

OMnes uirtutes, quibus non est finis, pendentes, sunt per infinitum primum, quod est uirtus uirtutum, non quia ipsa sit acquisita fixa stans in rebus entibus, immo est uirtus in rebus habentibus fixationem.

Commentum.

Quod si aliquis dixerit quod primum ens creatum, scilicet intelligentia, est uirtus etiam cui non est finis. Dicemus quod non est uerum, immo est uirtus quædam, & uirtus quidem eius non est facta infinita nisi inferius, & non superius, quoniam ipsa non est uirtus pura, quæ non est uirtus, nisi quia est res quæ non finitur inferius, neque superius. Ens autem primum creatum, scilicet intelligentia habet finem, & uirtuti eius est finis superius, secundum quem remanet causa eius. Ens autem primum creans est infinitum primum purum, quod est, quia si entibus fortibus non est finis propter suam acquisitionem ab infinito primo puro, propter quod sunt entia infinita, tunc proculdubio est supra infinitum. Ens autem primum creatum, scilicet intelligentia, non est finitum, immo dicitur quod est infinitum, neque dicitur quod est ipsummet quod est infinitum ens, & ens primum est mensura primorum entium intelligibilem, & entium secundorum sensibilem, scilicet quia ipsum est quod entia

creauit, & mensurauit ea, mensura conuenienti omni enti. Redeamus ergo & dicamus, q̄ ens primum creans est super infinitum, sed ens secundum creatum est infinitum, & quod est inter ens primum creans, & ens secundum creatum, est non finitum, & reliquę bonitates simplices, sicut uita, & lumen, & quę sunt eis similia, sunt causę rerum omnium habentium bonitates, secundum quod infinitum est a causa prima. Ens uero creans est causa omnis uitę, influens primo bonitates suas super causatum primū, quod est intelligentia, deinde descendunt super reliqua creata intelligibilia, & corporea, mediante intelligentia.

Propositio XVII.

Omnis uirtus unita plus est infinita quam uirtus multiplicata.

Commentum.

Quod est, quia infinitum primum creatum, quod est intelligentia, est propinquū uni puro, propter illud ergo factum est quod in omni uirtute propinqua uni puro, est infinitas plusquam in uirtute lōginqua ab eo, quod est, quia uirtus quando incipit multiplicari, tunc destruitur eius unitas, & quando destruitur eius unitas, destruitur infinitas eius, & nō destruitur, nisi quia diuiditur. Et illius quidem significatio est uirtus diuisa, & quod ipsa quāto magis aggregatur & unitur, tanto plus magnificatur, & uehementior fit, & efficit operationes mirabiles, & quanto magis partitur & diuiditur, minoratur & debilitatur, & efficit operationes uiles. Iam igitur manifestum est & planum, q̄ uirtus quanto magis approximat uni puro, & uero, q̄ fit uehementior eius unitas, & est infinitas in ea magis apparens & manifestior, & sunt operationes magnę, mirabiles, & nobiles.

Propositio XVIII.

Res omnes habent essentiam propter ens primum, & res uiuę omnes sunt motę per essentiam suam, propter uitam primā, & res intelligibiles omnes habent scientiam, propter intelligentiam primam.

Quod est, quia si omnis causa dat causato suo aliquid, tunc proculdubio ens primum dat causatis suis esse, similiter, uita dat causatis suis motum, quia uita est processio procedens ex ente primo quieto sempiterno, & similiter, intelligentia dat causatis suis scientiam, quod est, quia omnis scientia uera non est nisi intelligentia, & intelligentia est primum sciens, quod est influens scientiam super reliqua omnia. Redeamus autem & dicamus quod ens primum est quietum, & est causa causarum, & si ipsum dat omnibus rebus esse, tunc proculdubio dat eis per modum creationis, uita autem prima dat eis quæ sunt sub ea uitam, non per modum creationis, immo per modum formæ, & similiter intelligentia non dat eis quæ sunt sub ea de scientia, & reliquis rebus, nisi per modum formæ.

Propositio XIX.

Ex intelligentiis est, quæ est intelligentia diuina, quoniam ipsa recipit ex bonitatibus diuinis, quæ præcedunt a causa prima, per receptionem multam, & de eis est, quæ est intelligentia tantum, quia non recipit ex bonitatibus primis, nisi mediante intelligentia. Ex animabus est, quæ est anima intelligibilis, quoniam est pendens per intelligentiam, & ex eis est, quæ est anima tantum. Et ex corporibus naturalibus est, cui est anima regens ipsum, & faciens directiones super ipsum. Et de eis sunt, quæ sunt corpora tantum, non habentia animas.

Commentum.

Et hoc fit, quoniam non est intelligibilis tota, neque animalis tota, neque corporea tota, neque pendet per causam quæ est super eam, nisi quæ est ex ea completa, & integra, similiter quia non omnis intelligentia pendet per bonitates causæ primæ, nisi quæ ex eis est completa in primis integra: ipsa enim potest recipere bonitates descendentes ex causa prima, & pendere per ens ut uehemens fiat sua unitas, & similiter non omnis anima pendet per intelligentiam,

nisi quæ ex eis est completa & integra, & uehementius similis cum intelligentia, per hoc quod pendet per intelligentiam, & est intelligentia completa, similiter non omne corpus naturale habet animam, nisi quod ex eis est cōpletum integrum, quasi sit rationale, & sunt secundum hanc formā reliqui ordines intelligibiles.

Propositio XX.

Causa prima regit res creatas omnes, præter quod cōmiscetur eis.

Commentum.

Quod est, quia regimen non debilitat unitatem eius exhalatam super omne esse, neq; destruit eam, neq; prohibet eam essentia unitatis eius seiuncta a rebus quin regat eas, quod est, quia causa prima est fixa, stans cum unitate sua pura semper, & ipsa regit res creatas omnes, & influit super eas uirtutem uitæ, & bonitates secundum modū uirtutis earum, uel possibilitatem earum. Prima enim bonitas influit bonitates super res omnes una influxione, uerum tamen unaqueq; rerum recipit ex illa influxione secundum modum suæ uirtutis, & sui esse. Et bonitas prima nō influit bonitates super res omnes, nisi per modum unum, quia nō est bonitas nisi per esse suum, & suam essentiam, & suam uirtutem, ita quod bonitas, & uirtus, & esse, & essentia sunt res una, sicut ergo ens primum & sua bonitas sunt res una, sic fit q; ipsa influit super res influxione una, & diuersificantur bonitates, & dona, ex concursu recipientis, quod est, quia recipientia bonitates non recipiunt equaliter, immo quædam eorum recipiunt plus quā quædam. hoc quidē est propter magnitudinem suæ largitatis, & bonitatis. Redeamus ergo & dicamus, q; inter omne agens quod agit per esse suum tantum, & inter factum nō est continuator, nec alia res media. Et non est continuator inter agens & factum, nisi sit additio super esse, scilicet quādo agens, & factum sunt per instrumentum, & non facit per esse suum, & sunt cōposita, quapropter recipiens recipit per continuationē inter ipsum

& factorem suum, & est tunc agens seiunctū a facto suo. Agens uero inter quod & factum eius non est continuator penitus, est agens uerum, & regens uerum, faciens res per finē de coris, post quod non est possibile ut sit decus aliud, & regit factum suum per ultimum regiminis, quod est, quia regit res per modum quo agit, & non agit, nisi per esse suū. ergo ens suū tantum est regimen eius, quapropter fit quod regit, & agit per ultimū decoris, & regimen in quo non est diuersitas, neque tortuositas, & non diuersificantur operationes, & regimen propter causas primas, nisi secundū meritum recipientis.

Propositio XXI.

Primum est, diues per seipsum, & est diues magis.
Commentum.

Et significatio eius est unitas eius, non quia unitas eius sit sparsa in eo, immo est eius unitas pura, quoniam est simplex in fine simplicitatis. Si autem aliquis uult scire quia causa prima est diues, projiciat mentem suam super cōposita, & inquireat de eis inquisitione perscrutata, & inueniet compositum esse diminutum, indigens quidē aut alio, aut rebus quibus componitur. Res autem simplex una, quæ est bonitas est una, & unitas eius est bonitas, & bonitas est res una. illa ergo res est diues magis, quæ influit, & nō sit influxio super eam per aliquem modorum. Reliquæ autem res intelligibiles, aut corporeæ sunt non diuites per seipsas, imo indigent uno uero influente super eas bonitates, & omnes gratias.

Propositio XXII.

Causa prima est super omne nomen quo nominatur, quoniam non pertinet diminutio, neque complementum solum, immo est super omne complementum.

Commentum.

Quoniam diminutum est non completum, & nō potest efficere operationem completam, quando est diminutum, & completum apud nos, quāuis sit sufficiens

per seipsum, tamen non potest creare aliquid, nec influere aliquid a seipso omnino. si ergo ita est apud nos, tunc dicimus quod primum non est diminutum, neque completum tantum, immo est supra completum, quoniam est creans res, & influens bonitates super eas influxione completa, quoniam est bonitas cui non est finis, neque dimensiones, bonitas ergo prima implet secunda omnia bonitatibus. verum tamen omne secundum non recipit de illa bonitate, nisi secundum modum suae potentiae. Iam ergo ostensum est, & manifestum, quod causa prima est super omne nomen quo nominatur, & superior, & altior.

Propositio XXIII.

Omnis intelligentia diuina scit res, per hoc quod est in intelligentia, & regula per hoc quod est diuina.

Commentum.

Quod est, quia proprietas intelligentiae est scientia, & non est eius complementum, & integritas, nisi ut sit sciens. regens ergo est deus benedictus, & sublimis, quoniam ipse replet bonitatibus res, & intelligentia est primum causatum, & est plus similis Deo sublimi, & propter illud regit res quae sunt sub ea, quia sicut Deus benedictus excelsus influit bonitates super res quae sunt sub eo, similiter intelligentia influit bonitatem super res quae sunt sub ea, verum tamen quauis intelligentia regat res quae sunt sub ea, tamen Deus benedictus, & sublimius praecedit intelligentiam per regimen, & regit eas sublimiori regimine ordinis quam sit regimen intelligentiae, quoniam est illud quod dat intelligentiae regimen, & significatio illius est, quod res quae recipiunt regimen intelligentiae, recipiunt regimen creatoris, & intelligentiae, quod est, quia non refugit regimen causae primae aliqua de rebus omnino, quoniam uult ut faciat recipere bonitatem suam omnes res simul, quod est, quia non omnis res quae desiderat, intelligentiam desiderat, & tamen res omnes desiderant bonitatem ex primo, & desiderant ipsam recipere desiderio multo, & illo non est aliquis qui dubitet.

Causa prima existit in omnibus rebus secundum dispositionem unam, sed res omnes non existunt in prima secundum unam dispositionem.

Commentum.

Quod est, quia quamvis prima causa existat in rebus omnibus, tamen unaquæque recipit eam secundum modum potentiae suae, quod est, quia ex rebus sunt quae recipiunt causam primam receptione unita, & ex eis sunt quae recipiunt eam receptione multiplicata, & ex eis sunt quae recipiunt eam receptione aeterna, & ex eis sunt quae recipiunt eam receptione temporali, & ex eis sunt quae recipiunt eam receptione spirituali, & ex eis sunt quae recipiunt eam receptione corporali, & diuersitas quidem receptionis non fit ex causa prima, sed propter recipiens, quod est, quia recipiens diuersificatur. propter illud, ergo susceptum est diuersificatum, influens uero existens unum indiuisum influit super omnes res bonitates aequaliter, bonitas namque fluit super omnes res ex causa prima aequaliter. causa autem diuersitatis influxionis bonitatis super res sunt ipsae res. proculdubio igitur non inueniuntur omnes res in causa prima secundum unum modum. Iam autem ostensum est quod causa prima inuenitur in omnibus rebus secundum modum unum, & non inueniuntur in ea omnes res per modum unum. ergo secundum modum propinquitatis causae primae, & secundum modum quo res recipere potest causam primam secundum quantitatem illius potest recipere ex ea, & delectari per eam, quod est, quia non recipit res ex causa prima, nec delectatur in ea, nisi per modum sui esse, & non intelligo per esse, nisi esse & cognitionem. nam secundum modum quo cognoscit res causam primam creatam, secundum quantitatem illam recipit ex ea, & delectatur in ea, sicut ostendimus.

Propositio XXV.

Substantiae unitae intelligibiles non sunt generatae ex

alia re, omnis substantia stans per essentiam suam est non generata ex alia re.

Commentum.

Quod si aliquis dicat, possibile est ut sit generata ex re alia, proculdubio est substantia illa diminuta, indigens ut compleat eam illud ex quo generatur, & significatio illius est generatio ipsa, quod est, quia generatio non est nisi uia ex diminutione ad complementum. nam si inuenitur res non indigens in generatione sui, idest in sua forma & sua formatione, & alia, nisi se, & ipsa causa formationis suae est completa integra semper, & non sit causa formationis suae, & sui complementi, nisi propter relationem suam ad causam suam semper. illa ergo comparatio est formatio eius, & ipsius complementum simul. Iam ergo manifestum est quod omnis substantia stans per essentiam suam, non est generata ex re alia.

Propositio XXVI.

Omnis substantia stans per seipsam, non est cadens sub corruptione.

Commentum.

Si autem aliquis dicat, possibile est ut substantia stans per seipsam cadat sub corruptione. Dicemus, quod si possibile est ut substantia stans per seipsam cadat sub corruptione, possibile est ut separetur eius essentia, & sit fixa stans super essentiam suam sine essentia sua, & hoc est inconueniens & impossibile, quoniam propter ea quod est una simplex non composita, est ipsa causa & causatum simul. omnis autem cadentis sub corruptione, non sit corruptio, nisi propter separationem a causa sua. Dum uero permanet res pendens per causam retinentem eam, & seruauit ipsam, non perit, neque destruitur. Si ergo hoc ita est, substantiae stantis per essentiam suam, non separatur causa semper, quoniam est inseparabilis ab essentia sua, propterea, quod causa eius est ipsa in formatione sui, & non sit causa sui ipsius nisi propter relationem suam ad causam suam,

& illa relatio est formatio eius, & propterea, quia est semper relata ad causam suam, & ipsa est causa illius relationis, ipsa est causa sui ipsius per modum quem diximus, & non perit, neque destruitur, neque corrumpitur, quoniam est causa & causatum simul, sicut nuper ostendimus. Iam uerificatum est ergo, quod omnis substantia stans per seipsam, neque destruitur, neque corrumpitur.

Propositio XXVII.

Omnis substantia destructibilis non sempiterna, aut est composita, aut est delata super rem aliam.

Commentum.

Propterea, quod est substantia, aut est indigens rebus, ex quibus est composita ex eis, aut est indigens inflexione sua, deferente essentiam. cum ergo separatur deferens eam corrumpitur, & destruitur, quod si substantia non est composita, neque delata, est simplex, neque destruitur, neque minuitur omnino.

Propositio XXVIII.

Omnis substantia stans per essentiam suam, est simplex, & non diuiditur.

Commentum.

Quod si dixerit aliquis, possibile est ut diuidatur. Dicemus, si possibile est ut substantia stans per seipsam diuidatur, & est simplex, possibile est ut essentia partis eius sit stans per essentiam suam, iterum sicut essentia totius. si ergo possibile est illud, reddit pars super seipsam, & omnis pars eius est rediens super ipsam, sicut est rediens totum suum per essentiam suam, & hoc est impossibile, si ergo est impossibile hoc, substantia stans per seipsam est indiuisibilis, & simplex. si autem non est simplex sed composita, pars eius est melior parte, & pars illius uiliore parte. ergo res melior est ex uiliore, & res uiliore est ex meliore, quoniam est omnis pars eius seiuncta ab omni parte eius, quare est uniuersitas eius non sufficiens per seipsam cum indigeat partibus suis ex quibus componitur, & hoc quidem non est na-

natura rei simplicis, immo de natura rerum compositarum. Iam ergo constat, quod omnis substantia stans per essentiam suam est simplex, & nō diuiditur, & quoniam non recipit diuisionem, & est simplex, nō est recipiens corruptionem neque destructionem.

Propositio XXIX.

Omnis substantia simplex est stans per seipsam, scilicet per essentiam suam.

Commentum.

Nam ipsa est creata sine tempore, & est in substantia litate sua superior substantijs temporalibus, & significatio illius est, quia non est generata ex aliquo, quoniam est stans per essentiam suam, & substantiæ generate ex aliquo sunt substantiæ compositię cadentes sub generatione. Iam ergo manifestum est, quod omnis substantia stans per essentiam suam non est nisi in non tempore, & quia est altior, & superior tempore, & rebus temporalibus,

Propositio XXX.

Omnis substantia creata in tempore, aut semper est in tempore, & tempus nō superfluit ab ea, quoniam est creata, & tempus æqualiter, aut superfluit super tempus, & tēpus superfluit ab ea, quoniam est creata in horis temporis quibusdam,

Commentum.

Quod est, quia si creata sequuntur se adinuicem, & substantiam superiorem non sequitur nisi substantia ei similis, non substantia dissimilis, sunt substantiæ similes substantiæ superiori, & sunt substantiæ create, a quibus nō superfluit tempus, quę simulantur substantijs sempiternis, & sunt substantiæ abscisse a tēpore, causate a quibusdā horis temporis. non est ergo possibile ut cōtinuentur substantiæ create in quibusdā horis temporis cum substantijs sempiternis, quoniam nō assimilantur eis omnino. substantiæ ergo sempiternæ in tempore sunt illæ quę cōtinuantur cum substantijs sempiternis, & sunt medię substā-

tiæ inter substantias fixas, & inter substantias factas in tempore, & non est possibile ut substantiæ sempiternæ quæ sunt supra tempus sequantur substantias temporales creatas in tempore, nisi mediantibus substantiis temporalibus sempiternis in tempore, & istæ quidem substantiæ non factæ sunt mediæ, nisi quoniam communicant substantiis sublimioribus in permanentia, & cōmunicant substantiis temporalibus abscissis in tempore per generationem. Ipse enim quāuis sint sempiternæ, tamen permanentia earum est per generationem, & motum, & substantiæ sempiternæ cum tempore sunt similes substantiis sempiternis quæ sunt supra tempus per durabilitatē, & non simulantur eis in motu, uel generatione. similiter autem substantiæ sectæ in tempore nō simulantur substantiis sempiternis quæ sunt supra tempus per aliquem modū. si ergo non simulantur eis, tunc non possunt recipere eas, neq; tangere eas. necessariæ ergo sunt substantiæ quæ tangunt substantias sempiternas quæ sunt supra tempus, & erunt tangentes substantias sectas in tempore. ergo aggregabuntur per motum suum inter substantias sempiternas quæ sunt supra tempus, & substantiis quæ sunt sub tempore, & aggregabuntur per durabilitatē suam inter substantias quæ sunt supra tempus, & inter substantias quæ sunt sub tempore, idest quæ sunt cadētes sub generatione, & corruptione, & aggregabuntur inter substantias bonas, & inter substantias uiles, ut non priuentur substantiæ uiles a substantiis bonis omni bonitate, & omni continuitate, & non sit eis permanentia, neque fixio. Iam ergo ostēsum est, nunc ex hoc q̄ duæ sunt durabilitatis species, quarum una est æterna, & altera est temporalis, uerū tamen una earum durabilitatum est stans quieta, & durabilitas altera mouetur, & una earum aggregatur, & omnes eius operationes simul, neq; quædam earum est ante quamdam, altera est currens, & extensa, cuius quædam operationes sunt ante qualdā, & uniuersalitas, idest totalitas unius earum est per essentiam suam, & uniuersalitas alterius est per

per partes suas, quarum unaquæq; est seiuncta suæ compa-
ri per modum primum & postremum. Iam ergo manife-
stum est qd quædam sunt substantiæ sempiternæ supra tem-
pus, & ex eis sunt sempiternæ æquales tempori, & tempus
non superfluit ab eis, & ex eis sunt quæ abscissæ sunt a tem-
pore, & tempus superfluit ab eis, ex superiori earum, & infe-
riori ipsarum, idest a parte ante, & a parte post, & sunt sub-
stantiæ cadentes sub generatione, & corruptione.

Propositio XXXI.

Inter rem, cuius substantia & actio sunt in momento
æternitatis, & inter rem, cuius substantia & actio sunt
in momento temporis existens est medium, & est illud,
cuius substantia est ex momento æternitatis, & operatio
ex momento temporis.

Commentum.

Quod est, quia res cuius substantia cadit sub tempo-
re, scilicet quia tempus cōtinet eam, est in omnibus
dispositionibus suis cadens sub tēpore, quare & eius actio
cadit sub tempore, quoniam quādo substantia rei cadit sub
tempore, proculdubio eius actio cad t sub tēpore. Res autē
nō cadens sub tempore in omnibus dispositionibus eius se-
iuncta est a re cadente sub tempore in omnibus suis dispo-
sitionibus. continuatio autē non est nisi in rebus similibus.
necesse est igitur ut sit res alia tertia media inter utranq;, cu-
ius substantia cadat sub æternitate, & actio eius sub tempo-
re. Impossibile nanq; est ut sit res alia tertia, cuius substan-
tia cadat sub tempore, & actio sub æternitate. sic enim eius
actio maior esset eius substantia, hoc autē impossibile. Ma-
nifestum igitur est, quod inter res cadentes sub tempore cū
suis dispositionibus, & actionibus, & substantiis, & inter res
quarū substantiæ, & actiones sunt cadētes in momēto æter-
nitatis, sunt res cadētes sub æternitate p substantias suas, &
cadentes sub tēpore p operationes suas, sicut ostēdimus.

Propositio XXXII.

Omnis substantia cadens in quibusdam dispositionibus

suis sub eternitate, & cadens in quibusdam dispositionibus
suis sub tempore est ens, & generatio simul.

Commentum.

OMnis enim res cadens sub eternitate est ens ueræ, &
omnis res cadens sub tempore est generatio ueræ. si
ergo hoc ita est, tunc si res ueræ est cadens sub eternitate,
& tempore est ens, & generatio, non per modum unum, imo
per modum & modum. Iam igitur manifestum est, ex eo
quod diximus, quod omne generatum cadens per substantiam
suam sub tempore habet substantiam dependentem per esse
pulum, quod est causa durabilitatis, & causa sempiternarum
omnium rerum, & destructibilium. Necessarium ens est
unum, faciens adipisci unitates, & ipsum non adipiscitur, sed
reliquæ omnes unitates sunt acquisitæ. Et illius quidem si-
gnificatio est quod dico, si inuenitur unum faciens acquire-
re non acquisitum, & aliud faciens acquirere acquisitum, tunc
quæ differentia est inter ipsum, & primum faciens acquirere.
Non enim potest esse quin aut sit ei simile in omnibus dispo-
sitionibus suis, aut sit inter unumquodque differentia, in alio
superfluitas. si ergo est simile ei in omnibus dispositionibus
suis, tunc unum eorum non est primum, & alterum secun-
dum, & si unum eorum non est simile alteri in omnibus di-
spositionibus suis, tunc proculdubio unum eorum erit pri-
mum, & alterum secundum. Illud ergo in quo est unitas fixa
non dependens ab alio, est unum purum uerum, sicut osten-
dimus, & illud in quo unitas est inuenta ex alio, non est unum
pulum uerum, si ergo est ex alio, est ex illo primo acquisita
unitas. prouenit ergo inde ut uni puro uero, & reliquis unitis
sit unitas iterum, & non sit unitas iterum nisi propter pri-
mum uerum, quod est causa unitatis. Iam ergo manife-
stum est & planum, quod omnis unitas post unum
est acquisita creata, veruntamen unum uerum
primum purum est creans unitates, fa-
ciens acquirere non acquisitum,
sicut ostendimus.

Iauelli Canapitij, super Libro de Causis.



Ropositiones contentę in Libro de Causis, qui a pluribus asseritur compositus, a Philosopho Arabe, siue ab Algaçelle, siue ab Alpharabio, siue ab Auępace, multas continet ambiguitates, adeo qđ difficili est scire in quo sensu acceptandę, uel reprobāda sint plures ex eis. Propterea, decreui singulas examinare secundum quadruplicem uiam, scilicet secundum mentem Authoris, & Proculi Platonici, qui & librum cōsimilem cōposuit, quem nominauit Elementationes Theoricas, & Aristotelis, & Theologi, ut manifestum sit secundum quam uiam, unaquęq; uera, uel nō uera sit, & in quo sensu. Sed antequā descendam ad Examen, præpono duo. Primo, quod in libro de Causis cuilibet Propositioni apponitur proprium Cōmentum, quod iudicio meo æditum est ab eodem Auctore quicunq; fuerit. Nam quando Cōmentator alius est ab Auctore, aliquando nominat ipsum, referens se ad eum, nominat dico aut in indiuiduo, si habetur nomē eius, aut saltē in hoc titulo. Auctor huius libri &c. In hoc autem Cōmento, ut patet legenti, nunquam est relatio ad Auctorem, immo loquitur ut Auctor exponens dictum suum. Quapropter in Examine non distinguemus inter Propositionē, & Cōmentum, sed existimabimus quod dicitur in Cōmento dictum esse ab Auctore, & esse eiusdē ueritatis, uel falsitatis, uel ambiguitatis cum Propositione Cōmentata. Secundo, quod non intendo prosequi, nec exponere singula uerba, sed per modum resolutorium complecti paucis sententiam Auctoris, & deinde comparare eam doctrinæ Proculi, & Aristotelis, & Theologi.

Propositio prima.

Omnis causa primaria plus est influens &c.

Nn ii

IN hac prima Propositione intendit manifestare ordinē, & differentiam inter causas primas & secundas, & intendit tres conclusiones.

Prima est, omnis causa primaria plus est influens super causatum quam causa uniuersalis secunda.

Secunda est, cum remouet causa uniuersalis secunda uirtutem a re, causa prima uniuersalis non remouet uirtutem ab ea.

Tertia est, causa uniuersalis prima agit in causatum causæ secundæ antequam agat in ipsum causa secunda quæ sequitur ipsam.

Pars prima secundum mentem Auctoris, probatur quidem exemplo deducto ab esse, & uiuo, & homine, quod ut clarum relinquimus. probatur autē ab eodem ratione quæ consistit in hoc. Causa prima adiuuat causam secundam in actione sua, & non econuerso. Item quācūq; actionem habet causa super effectum suū habet & causa prima, quoniam in causis per se subordinatis, de quibus hic intēdimus causa media nō causat, nisi causante causa prima, est enim causa media ut mouens motum. ergo causa prima plus influit. nam causat a se. Secunda autem ut recipit a prima.

Secundum mentem Proculi, qui in libro suo de Elemē. Theore. talem Propositionem format. Omne productum a causis secundis, a prioribus & uniuersalioribus produci-
tur eminentius. sic probatur. Omnis causa secunda est effectus causæ primæ. ergo habet substantiam, & uirtutem acti-
uam a causa prima. ergo uirtus agendi maior, & nobilior est in prima causa quam in secunda, sed uirtus maior magis, & eminentius producit effectum, unumquodque enim agens agit secundum modum uirtutis sue. cum igitur idem sit effectus qui produci-
tur a causa prima, & a causis secundis subordinatis, magis & eminentius produci-
tur a causa prima quam a secundis.

Secundum doctrinam Aristo. aduerte q̄ licet formaliter non habeamus hanc propositionem, tamē fundamen-

taliter haberi potest ex primo Posteriori, cum inquit. Propter quod unumquodque & illud magis, sed in proposito, causa secunda agit propter primam, quia in uirtute primæ. ergo prima magis agit in effectum quā secunda. Item in duodecimo Metaphysicæ, tex. 34. inuestigans agens perpetuæ generationis determinat, quod quoniam agens se habens aliter, & aliter perpetuat generationē in uirtute primi agentis, id est motoris primi cœli semper eodem modo se habentis, illud primum agens dignius, & eminentius se habet in perpetuando generationem, quæ quidē determinatio fundatur super hoc, primum agens dans uirtutem secundo magis & dignius agit respectu eiusdē effectus ab utroque producti.

Secundum doctrinam Theologi aduerte q̄ cum omnes causæ secundæ sint a prima creatæ, cōparantur ad ipsam, sicut ministri ad Regē, & sicut organa ad principale agens, propterea mouet & inclinatur omnia in proprios fines, sed effectus productus a causa principali, & ab organica, magis & nobilius pendet a principali quam ab organica. unde digestio magis est ab anima quam a calore naturali qui agit in uirtute animæ. Præterea, causa prima agit a se, & independenter, cum non recipiat uirtutem ab alio. Causa autem secunda agit dependenter. ergo dignius & magis influit in effectum quam causa secunda. Hæc igitur conclusio acceptanda est secundum omnem sanam doctrinā, quoniam est simpliciter uera.

Pars secunda ad mentem Auctoris sic probatur. Causa prima uehementius influit in effectum, & in eo imprimere uirtutem suam quam causa secunda ex conclusione præcedenti. ergo uirtus primæ causæ magis inhæret effectui quā uirtus causæ secundæ. quod enim intensius imprimitur magis inhæret, sicut calor intensus causatus in aqua magis inhæret quam calor remissus, sed quod magis inhæret tardius remouetur ut patet de calore intenso. ergo uirtus primæ causæ tardius remouetur ab effectui quam uirtus causæ secundæ, ex consequenti non est necesse ad remotionem uirtutis

causæ secundæ ab effectu, remoueri ab eodem uirtutem primæ causæ.

Secundū mentem Proculi, qui in libro suo tenet impressionem primæ causæ ultimo recedere ab effectu sic probatur. Causa perfectior extensius & intensius operatur. Patet de sole, qui cum habeat lucem perfectissimam illuminat intensius & intensius, quoniam quantum sit ex se illuminat omnia, sed causa prima perfectior est causa secunda. Dat enim sibi uirtutem, & non econuerso. ergo intensius & extensius operatur, quoniam operatur in omnibus, ut dicemus infra. Sed huiusmodi operans tardius recedit ab operato, ut patet de sole, cuius lux cū sit intensæ & extensæ illuminans, ultimo cessat illuminare. nā extinctis siue remotis quibuscumq; illuminantibus particularibus, ut igne, luna, astris, adhuc lux solaris illuminat. ergo uirtus primæ causæ impressa in effectu, tardius remouetur quā uirtus causæ secundæ.

Secundum doctrinam Aristotelis sic probatur. Causa prima comparatur ad secundam, sicut causa prior ad Posteriores. cum enim non sit processus in infinitum in causis per se subordinatis ex secundo Metaphy. tex. 6. necesse est omnem causam secundam habere rationem mediæ, aut ultimi, ex consequenti esse posteriorem prima, sed non est necesse ad remotionem posterioris remoueri prius, quoniam non pendet a posteriori, & maxime in causis agentibus, de quibus nunc loquimur, & uerificatur in pluribus alijs. unde de Aristot. in octauo Physico. tex. 56. probat motum localem esse primū, quoniam nullus alius motus remanet motu locali remoto, sed bene econuerso. Et in secundo de aia, tex. 31. probat tactum esse primū sensum, quoniam remoto omni alio sensu, adhuc inuenitur tactus. unde inquit. Tactus quidem inest sine alijs. Multa enim animalium neque uisum, neque auditum habent, neque odoratus sensum. Cum igitur causa secunda posterior sit causa prima, non est necesse ad remotionem uirtutis causæ secundæ remoueri uirtutem causæ primæ.

Secundum doctrinam Theologi sic probatur. Causa prima proprie & principaliter est causa rei secundum esse, & secundum produci. Causa autē secunda proprie est causa secundum produci, ut patet in omnibus agentibus particularibus artificialibus, & naturalibus, licet enim sol & homo generent hominem, tamen homo genitus conseruatur a sole motu suo, & non ab homine generante, sed remota uirtute causæ in fieri, non est necesse remoueri uirtutem causæ in esse & in fieri, aliter completa rei productione statim desineret esse. ergo remota uirtute causæ secundæ non est necesse remoueri ab effectu uirtutem causæ primæ. Hæc igitur conclusio sicut, & præcedens acceptanda est secundū omnem sanam doctrinam, quoniam est simpliciter uera.

Pars tertia patitur difficultatem propter ly antequā siue prius, dupliciter enim potest exponi, scilicet prius in quo, & prius a quo. Si prius in quo, cōclusio erit falsa, sensus enim erit, prima causa pro aliquo instanti, uel tempore producit effectum causæ secundæ, pro quo nundum producitur a causa secunda, & id nō est uerum, quoniam secunda causa non ageret in effectum suum, si iam productus fuisset a prima, aliter productum produceretur, quod implicat, si autē sumatur prius a quo conclusio erit uera sensus enim est, prima causa agit a se in effectum causæ secundæ, sed secunda causa non agit a se. Exponatur ergo ly prius, uel antequam nō secundum durationem, sed secundum causalitatem. Et hæc quidem uidetur fuisse mens Auctoris. Nam sic eam probat, causa secunda nō agit in causatum suum, nisi quia prima causa influit uirtutem suam super eam, ergo causa prima facit ut effectus attingatur a causa secunda. Ergo prius attingitur a causa prima: patet autem hanc probationem non ualere, nisi exponendo ly prius causaliter, & originariue.

Secundum mentem Proculi, qui in libro suo talem propositionem format. Omnis causa ante causatum operatur, aliter probanda est, sed antequam probeatur aduerte quod

Proculus per ly omnem causam intendit causam quæ rati-
 tum est causa, & per ly causatū intēdit causam quæ est effe-
 ctus, & causa, qualis est causa secunda, quæ est effectus pri-
 mæ, & causa alterius, ut in his corporalibus, homo gene-
 rans est effectus, & est causa hominis geniti, per causam igitur
 Proculus intendit causam primam, & per causatum in-
 tendit causam secundam, sic autem probat eam, causa pri-
 ma est magis causa, quam causa secūda, ergo est perfectio-
 ris uirtutis, sed perfectior uirtus ad plura se extendit, ut pa-
 tet de luce solis, & prius aduenit ei in quod agit, ergo causa
 prima operatur antequam operetur causa secunda. Mani-
 festum est autem quod hæc probatio non concludit, nisi de
 prioritate causalitatis, quoniam de prioritate durationis hæc
 consequentia non ualet, causa prima est perfectioris uir-
 tutis, ergo prius duratione operatur in effectum causæ se-
 cundæ, quam causa secunda. Aliter idem effectus iam pro-
 ductus adhuc produceretur, uel causa secūda superflueret.

Secundum doctrinam Aristote. sic probatur qualia est
 ordo inter causas subordinatas, talis est inter earū effectus,
 quoniam unicuique correspondet proprius effectus. vnde in
 secundo Physico. tex. 35. docuit reducere effectus in cau-
 sas suas correspondentes, ut effectum particularem in cau-
 sam particularem, & effectum uniuersalem in causam uniu-
 uersalem, & priorem in causam priorem, & posteriorem
 in posteriorem, sed inter causam primam, & causam secun-
 dam, seruatur ordo prioris, & posterioris. nam cum sol, &
 homo generant hominem, sol est causa prior, quoniam uni-
 uersale prius est, & homo est causa posterior. ergo effectus
 causæ primæ est prior, & effectus causæ secundæ est poste-
 rior, & posito qd idem effectus sit ab utraque, comparatus
 causæ primæ fiet prius, & comparatus causæ secundæ fiet
 posterius, quod quidem prius intelligēdum est, ut diximus
 quo ad causalitatem, causa enim secunda non agit nisi præ-
 supposita receptione uirtutis a causa prima, ex consequenti
 quo ad causalitatem posterius agit, licet pro eodem instan-

si simul agant, causa autem prima agit non supposita receptione uirtutis ab alio priori, ergo &c.

Secundum doctrinam Theologi sic probatur, causalitas supponit esse, quoniam actio est existentis, cum unum quodque agat in quantum est actu, ergo sicut se habet esse causæ secundæ, ad esse causæ primæ, ita causalitas causæ secundæ, ad causalitatem causæ primæ, sed esse causæ secundæ, posterius est esse causæ primæ, quoniam est effectus causæ primæ, ut dicemus infra, ergo causalitas causæ secundæ, super effectum suum posterior est causalitate causæ primæ. Et aduerte hanc deductionem concludere de prioritate causalitatis, & non durationis, quoniam non repugnat dari effectum coeuum causæ agenti, & producēti sine motu, & ideo non est necesse quod esse, & causalitas causæ secundæ sint posteriora duratione esse, & causalitate causæ primæ. prædicta igitur tertia conclusio supra quo ad prioritatem causalitatis concedenda est secundum omnem sanam doctrinam, quoniam est simpliciter uera sicut & præcedentes, hæc dicta sint super primam propositionem Auctoris.

Propositio secunda.

OMne esse superius, aut est superius æternitate, & ante ipsam, aut cum æternitate, aut post æternitatem, & supra tempus &c.

In hac propositione intendit diuidere superiora entia in tria genera, primum conuenit Deo, secundum intelligentiæ, tertium animæ. Et aduerte quod per ly esse superius, intendit esse non subiectum tempori, nec motui, nec corruptioni, ac si dicat, omne esse rei perpetuæ, & immobilis.

Aduerte etiam qd huiusmodi esse diuiditur in tria, primum attribuit Deo, secundum intelligentiæ, tertium animæ. unde in hac propositione intendit tres conclusiones.

1. Prima Deus est supra, & ante æternitatem.

2. Secunda intelligentia est, cum æternitate.

3. Tertia anima est post æternitatem, & supra tempus, & in horizonte æternitatis.

Prima conclusio ad mentē Auctoris sic probatur, Deus est ipsum esse penitus abstractum, & illimitatum. ergo est causatiuum æternitatis, probatur consequentia, quoniam esse est magis cōmune quam æternitas. Nam omnis æternitas est esse, sed nō omne esse est æternitas, sed magis cōmune est causatiuum minus cōmunis, ergo esse abstractum quod est ipse Deus est causatiuum æternitatis, tunc ultra, ergo est supra, & ante æternitatem, quoniam causatiuum est supra, & ante causatum, Deus igitur est supra, & ante æternitatē.

Secundum doctrinam Proculi Platonici in libro suo de Elementationibus Theoricis sic probatur. Magis abstractum, & magis cōmune est prius minus abstracto, & minus cōmuni, unde prius est ens quam substantia, & substantia quam corpus, quoniam nō conuertitur subsistendi consequentia ut patet, sed esse est abstractius, & cōmunis æternitate. omne enim æternum est ens, non autē omne ens est æternum, ergo esse est prius æternitate, sed prima causa est ipsum esse, ergo est ante æternitatem, & alius, ex cōsequenti est supra, quoniam magis abstractum est superius minus abstracto. Aduerte quod nec probatio Auctoris, nec Proculi concludunt secundum ueritatem, sed tantum secundū nostrum modum intelligendi. Nam falsum est, omne magis cōmune esse causatiuum minus cōmunis, & productiuum realiter, aliter animal produceret hominem, & homo ut homo produceret hunc hominem, quod tamē est falsum, quoniam actiones sicut, & esse sunt singularum, præterea cum Deus sit suū esse, & sua æternitas, & omnis sua perfectio, aliter deperiret sua summa simplicitas, nō magis causatur sua æternitas quam suum esse, & quam ipse Deus. Et ideo non est uerum, quod dicit Auctor causam primam esse supra æternitatem, quoniam æternitas est causatum eius. Similiter probatio Proculi non concludit, licet enim magis cōmune secundum prædicationem sit prius minus cōmuni, quoniam non inconuenit remoto minus cōmuni inueniri magis cōmune, ut remoto homine adhuc potest esse ani-

mal, tamen in præfenti proposito fundamentum Proculi non ualeat, quoniam Deus non est esse commune prædicabile de omnibus, sed esse contentiuū omnis gradus essendi, quod est esse illimitatum, & de tali esse non conceditur q̄ sit prius quam æternitas, nisi forte secundum nostrū modum intelligendi prout prius intelligimus Deum esse, quā esse uiuentem intelligentem æternum, sed hic modus intelligendi nullam ponit prioritatem, realem autem distinctionem, aut causalitatem inter diuinas perfectiones.

Et ideo Aristo. non acceptaret hanc conclusionem, sed diceret q̄ Deus est sua æternitas, nam sicut in duodecimo Metaphy. tex. 39. dixit Deum esse uitam suā, & in tex. 49. esse suum intelligere sic diceret Deum esse suam æternitatem. vnde inquit in tex. 39. Quare duratio cōtinua, & æterna existit Deo, hoc enim Deus.

Et Theologus idem diceret, Nam secundū Dionysium in secundo cap. de Di. no. quicquid pertinet ad perfectionē bonitatis, & esse totum Deo essentialiter conuenit, ut scilicet sit essentia bonitatis, & uitæ, & sapientiæ, & æternitatis cæterarumq; perfectionum, non ergo prima causa est supra, nec ante æternitatem essentialiter sumptā, sed est ipsa æternitas. Nec obstat q̄ dicit Dionysius in decimo cap. de Di. no. Deus est ante eum siue æternum, quoniam non intendit de æterno essentialiter, sic enim solus Deus est æternus, sed de æterno participatiue q̄ conuenit substātijs imaterialibus. vnde Cōmentāns diuus Tho. hoc dictum in dicto cap. inquit Deum conuenit laudare cōmuniter per tempus, & eum quia ipse est causa temporalium, & æternorum. Et est supra æternitatem, & tempus prout æternitas, & tempus intelliguntur participata a creatura (& infra) ipse est prior non solum tempore, sed etiam euo, idest æternitate, prout participatur a creaturis, patet igitur conclusionem Auctoris non acceptari quo ad æternitatem essentialiter, sed tantum quo ad æternitatem participatā. vnde & diuus Tho. in prima parte, quæstio. decima, articulo secundo, ad

secundum adducens hoc dictum Auctoris nō soluat eū nisi in prædicto sensu, dicit enim Deus dicitur esse ante eternitatem prout participatur a substantijs immaterialibus, ex quibus habetur q̄ sumendo æternitatem essentialiter Beatus Tho. nec Dionysius acceptarent conclusionem dictā, unde nō est necesse q̄ a Theologo, & ab Aristo. p̄beatur.

Secunda conclusio ad mentem Auctoris sic probatur, intelligentis non destruitur secundū substantiam, quoniam est incorruptibilis, ut probabitur infra, & nō alteratur, quoniam non patitur uariationem, secundum uirtutem, nec secundum operationem, sed semper se habet secundum unā habitudinem, id est eodem modo & uniformiter, tam secundum substantiam, quam secundum uirtutem, & secundum operationem, ergo est cum æternitate, & parificatur ei. In hac probatione Auctor supponit antecedens ut cōmuniter concessum. Nam apud Philosophos uidetur ut principium q̄ omnis intellectus separatus immobilis est secundū substantiam, & uirtutem, & operationem. consequentiam uero reputat ueram ex diffinitione æternitatis quæ dicitur esse mensura rei indeficientis, & inuariabilis siue uniformis. unde tanto aliqua propinquant æternitati, & elongantur, a tempore, quanto reducunt a uariabilitate secundum substantiam, & secundum operationē, & tātō aliqua propinquane tempori, quanto subiiciuntur uariationi, aut secundum substantiam, aut secundum operationem.

Secundum doctrinam Proculi in libro suo probatur eodem modo, sic enim inquit, omnis intellectus, scilicet separatus substantiam, & potestatem, & operationem habet in æternitate.

Secundum doctrinam Aristo. probatur primo quod intelligentia habeat esse in æternitate. Nā in duodecimo Metaphy. tex. 30. inquit necesse est esse sempiternam aliquam substantiam, quoniam est motus gternus qui secundum locum, & circularis, ut probatum est in octauo Physico. Et in eodem duodecimo, tex. 44. cōcludit æternitatē substan-

nig in omnibus intelligentijs mouentibus celos, & dicit, pa-
lam, ita q̄ tot substantias esse necesse est natura sempiter-
nas. igitur quo ad indeficientiam substantiæ, patet Aristo.
sensisse intelligentiam ad æquari æternitati. Secundo proba-
tur quo ad immobilitatem propriæ operationis quæ est in-
tellectio, & optima dispositio secundum delectationem in
intelligendo primam causam. Nam in duodecimo Metha-
phy. tex. 39. dicit deductio autem qualis optima paruo tem-
pore nobis, sic enim semper illud est nobis quidem impos-
sibile, quasi dicat intellectus separatus intelligens, & deside-
rans primum principium, est semper in eadem delectabi-
lissima dispositione, quæ nobis pro semper est impossi-
bilis, ergo secundum propriam operationem est inuariabi-
lis, ex consequenti est in æternitate, propterea concludit in
tex. 41. Quod quidem igitur est substantia alia sempiter-
na, & immobilis separata a sensibilibus manifestum est: pa-
tet igitur quod Auctor, & Proculus, & Aristo. concordant
in dicta conclusione.

Secundum doctrinam uero Theologi præsens conclu-
sio omnino refutatur quo ad substantiam, & uirtutem, &
operationem, quoniam operatio supponit uirtutem, & uir-
tus substantiam, sed secundum Theologū nihil est ab æter-
no productum, uniuersitas enim creature incepit in tempo-
re, & solus Deus caret exordio, sed a parte post, idest post
intelligentiæ productionem, aliter tenendū est de eius sub-
stantia, & aliter de eius operatione. Nam de eius substantia
ratione indeficiente potest dici esse in æternitate, non quidē
essentialiter, quoniam idest proprium Dei, sed participati-
ue, de operatione autem distinguendum est, quoniam intel-
ligentiæ competit operatio naturalis, ut intelligere se, & alia
creata, & Deum ut principium sui esse, & uniuersalem cau-
sam omnium, & operari esse corpora mouendo ea applica-
tione suæ uirtutis, & competit ei operatio supernaturalis ut
uisio, & fruitio diuinæ substantiæ, quo ad operationē eius na-
turalem, nō potest dici esse in æternitate, qm̄ ut sic mutabi-

lis est, & secundum successionem intellectuum, & uotionum, & secundum uariam applicationem uirtutis suæ ad corpora, ut notat diuus Tho. in prima parte, quæst. decima articulo quinto. De operatione autem super naturali potest dici quod est in æternitate, quoniam secundum illam immobilis est & efficitur deiformis ex cōsequenti participat diuinā mēsurā, quæ est æternitas. Hæc igitur conclusio intelligentia est in æternitate, uel cum æternitate, uel parificatur æternitati nō acceptatur a Theologo nisi quo ad substantiam, & postquā producta est, & secundum operationem super naturalem, unde non adæquatur Deo in æternitate, Deus enim omnino & uniuersaliter æternus est. Et propterea Dionysius de diuinis no. cap. x. innuens hanc diuersitatem inquit quamobrem nō simpliciter coæterna Deo qui est ante suū censenda sunt quæ nominantur æterna, sed a sacratissimis eloquijs nusquam discedentes æterna, & in tēporalia iuxta cognatos suosque modos debemus accipere, & intēdit quod ea quæ dicuntur æterna in diuinā scriptura non sunt arbitrandā æterna simpliciter, & æqualiter simul cum Deo, qui est ante æternitatem participatam, sed sequendo intellectu sacri eloquiū oportet intelligere aliqua esse æterna secundum suos modos, id est in quantum existunt immutabiliter ut angelicæ mentes, & ut beatificatæ sunt.

Tertia conclusio antequam probetur declaranda est, quo ad duo.

Primo, quomodo sumitur ly anima.

Secundo, quare dicitur eā cōstitutā in horizonte æternitatis.

Quantum ad primum aduerte quod ly anima nō sumitur absolute, sed pro anima cœli quod supponitur animatum tanquam manifesta res, & cōcessa apud Philosophos Arabes, & præcipue apud Auicennam in libro nono suæ Metaphy. cap. 4. ubi inter cætera inquit, nos iam ostendimus quod anima cuiusque cœli est eius perfectio, & eius forma, nec est substantia separata &c. Et quod Auctor intendat de anima cœli, patet ex eo quod dicit, anima est supra tempus, quo-

animam est causa temporis, constat autem eandem esse causam temporis, & motus cœli, quoniam tempus consequitur motum cœli, ut primo mēsuratum, sed si cœlum est animatum, motus eius causatur ab anima cœli, ex consequenti ab eadem causatur tempus, quod non potest dici de anima humana, cū sit unita corpori corruptibili, cuius motus nō est continuus, nec uniformis, nec potest esse perpetuus.

Quantum ad secundum, aduerte q̄ ideo dicit animam cœli cōstitutam in horigonte æternitatis, quoniam sicut horigon terminat superius hemisphærium, & est principiū inferioris, ita q̄ ut medium de utroq; extremo participat, sic anima cœli media est inter intelligentiam, & corruptibilitatem. nam ratione esse incorruptibilis cōuenit cum intelligentia, & ut sic participat æternitatem, ratione autē motus cœli cuius ipsa est causa conuenit cū mutabilibus, & ut sic propinquat tēpori, posita hac declaratione aduerte q̄ Auctor sic probat conclusionem. Anima est subiecta, & esse indifferens, ut probabitur infra, & pro nunc supponatur, ergo quo ad substantiam, & esse annexa est æternitati, & propria operatio animæ cœli est motus cœli, qui sit in tēpore. ergo quo ad operationem. propinquat tempori, & ut sic dicitur annexa æternitati inferius, & inferiori modo quam intelligentia participat æternitatem, quoniam secundum Auctorem est susceptibilior impressionis quam intelligentia, quoniam intelligentia recipit impressionem solum a prima causa, sed anima recipit ab intelligentia, & a prima causa. Quod an sit uerum declarabitur infra. Aduerte tamen quod licet anima cœli propinquet tempori propter operationē suam quæ est motus cœli, tamen est supra tempus, quoniam causa est supra causatum, sed anima cœli est causa temporis sicut & motus cœli, quoniam est mensura motus cœli, & comparatur ad ipsum sicut proprietas ad subiectum. Eadē autem est causa, & subiecti, & proprietatis eius.

Ad mentem Proculi probatur eodē modo. nam, & Platonici ponunt cœlum animatum, ut patet in Timæo: ubi

inquit Plato, dicendum est hunc mūdum animal esse idē intelligens re uera diuina prouidentia constitutum. Et Proculus in libro suo, huiusmodi propositionē format. Omnis anima habens quidem substantiam æternalem, habet operationem aliam secundum tempus quæ est mouere corpus cui unitur, ex consequenti secundum Proculum media est inter æternitatem & tempus, quoniam secundum substantiam annectitur æternitati, secundum operationem propinquat tempori, & hac de causa dixit Auctor animam esse in horizonte æternitatis.

Utriusq; probatio secundum ueritatem nō concludit de anima cœli, quoniam illa nō datur, ut dicemus infra in probatione Theologi, sed concludit de anima humana, quæ secundum substantiam est indeficiens ut probabitur infra, & sua propria operatio est intelligere cōponendo, & diuidendo, & cum discursu donec unita est corpori, & mouere corpus localiter, quæ quidem operationes non absoluuntur a tempore, ut manifestabitur infra, ex cōsequenti secundum substantiam annectitur æternitati, secundum operationem propinquat tempori.

Secundum autem doctrinam Aristo. quo ad animam cœli dubium est quid dicendum. Nam secundum aliquos tenuit Aristo. cœlum esse animatum, & ut sic eodē modo probaret hanc conclusionē sicut Auctor, & Proculus.

Secundum alios autem tenuit oppositū, & quorū dicit cœlum animatum præcipue in secundo cœli, tex. 13. ubi inquit. Est autem cœlum animatum, & habet motus principium manifestum &c. Per animam intendit intelligētiam motricem quæ applicatur cœlo, ut motor proprio mobili, sicut anima suo proprio corpori a qua mouetur, & ut sic Aristo. nō acceptaret dictam conclusionem applicatā animæ cœli, nisi ut dixi sumatur anima pro intelligentia.

Quantum autem ad animam humanam, adhuc est dubium. Nam qui tenent ipsum sentire animam intellectiuā esse mortalem, ut Scotus, & Herueus, & quidam moderni dicerent

dicerent Aristo. negaturum hanc conclusionem. Qui autem tenent ipsum sentire ut ueritas est, animam nostrā esse immortalem dicerent Aristo. acceptaturum hanc conclusionem, & probationem Auctoris applicatam non animæ cœlesti, sed humanæ coniuncte, & ut euidentius pateat, assumo dictum suum in tertio de anima tex. 20. Separatus autē est solum in hoc quod uerū est, & hoc solum immortale, & perpetuum &c. Ergo intellectus humanus secundum substantiam est perpetuus, & æternus a parte post, & assumo dictum eiusdem in tertio de anima tex. 39. & cum speculatur necesse est phantasma aliquod speculari, sed phantasia ri, uel phantasma speculari non absoluitur a tempore cū sit actio uirtutis organice, & in duodecimo Metaphy. tex. 51. declarans primum principium non intelligere cōponendo aut diuidendo inquit, aut quodquidem cōpositorum habet in aliquo tempore &c. id est intellectus qui intelligit cōponendo, aut diuidendo habet suam perfectionem non semper, sed in aliquo tempore, sed anima humana coniuncta intelligit componendo, & diuidendo, & cum discursu. ergo secundum operationem suam nō absoluitur a tempore, & assumo dictum suum in secundo de anima, tex. 19. Anima est principium quo uiuimus, sentimus, intelligimus, mouemur secundum locum &c. Ergo anima quo ad motū causatum in corpore nō absoluitur a tempore. Igitur secundū doctrinam Aristo. humana anima cōstituta est in horione æternitatis, ita q̄ secundum esse annexa est æternitati, & secundum operationem rationalem, & animalem annectitur tempori. Nō tamen est supra tempus, ut causa eius, quoniam sicut non est causa motus cœli, sic non est causa temporis, nisi forte quo ad suū formale, ut dixit Aristo. in quarto Physico. tex. 131. Quod quō intelligendū sit, diximus in quæstionibus nostris super quartum Physicorum.

Secundum doctrinam uero Theologi, sumendo animā in suo proprio significato, quod est esse actum corporis uiuentis, & dantem non solum motum sed & esse, & appli-

cando conclusionem animæ cœli, non acceptatur hæc conclusio ab eo, quoniam nullus Theologorum ponit cœlum sic animatum, aliter huiusmodi anima illic frustra ponetur, quoniam anima ut forma unitur corpori ppter aliquā operationem per quam indiget corpore. Cōstat autem cū cœlum sit quintæ essentiæ in eo nō posse esse operationem uegetatiuam, neque sensituiam. Quantum ad intellectiua non indiget corpore cum sit non organica, nisi pro quantum phantasmata deseruiunt intellectiui quæ nō possunt esse in cœlo cum ad partem sensituiam pertineant. Quantum ad motum localem nō est necesse quod uniatur ut forma, sed ut motor tangens suum mobile tactu uirtuali. Ad hoc autē sufficit intelligentia applicata, & ideo uanū est ponere cœlū animatū anima informante, nec qui posuerunt ex Theologis cœlum animatum, ut Origenes, & Hieronymus intendebant de animatione anima informante, sed mouente more Platonico, ad quod ut diximus sufficit intelligentia applicata quæ si dicatur anima erit improprie dictū, & quoniam Auctor intendit de anima cœli sumendo animā proprie ut magis declarabitur in propositione sequente, ideo Theologus in hoc sensu nō acceptat hanc cōclusionem. Si uero applicatur animæ humanæ cōiuncte, acceptat & probat eam annexam æternitati quo ad esse. Nā est subsistens & incorporea, ut declarabitur infra, ergo habet esse per se, ergo esse suum nō pendet a corpore, ex cōsequenti nō corrumpitur ad corruptionem eius, sed habet esse incōsumptibile, unde inquit Dionysius cap. quarto, de Di. no. Animæ humane habent & bonitate diuina q̄ sint intellectuales, habeantq̄ uitā incōsumptibilē &c. Igitur quo ad esse annexa est æternitati quo ad operationem siue intellectualem, siue motiuam, non absoluitur a tempore, coniuncta enim cum discursu intelligit. Discursus autem est motus, omnis motus est in tempore ex sexto Physico. & motus localis corporis animati causatus ab anima necessario est in tempore, quoniam est inter terminos oppositos, ergo quo ad operā

tionem attingit tempus, utrum autem quo ad aliquā operationem participet æternitati dicā in propositione sequenti. hæc dicta sint pro examinae secundæ propositionis.

Propositio tertia.

Omnis anima nobilis tres habet operationes. nam ex operationibus est eius operatio animalis, & operatio intelligibilis, & operatio diuina &c.

In hac propositione intendit manifestare quomodo anima quæ est tertium genus entium superiorū participat operationem Dei, & intelligentiæ.

Aduerte q̄ hic Auctor loquitur de anima cœli sicut, & propositione præcedenti, quia nō dubitat cœlum esse animatum uere & proprie. Huic animæ attribuit tres operationes iuxta tres animæ uirtutes. Nam ut anima habet uirtutē uiuificatiuam, directiuam, & motiuam corporis, & ut sic attribuit sibi operationē animalem quæ est uiuificare, & mouere corpus cœleste, ut autem est naturæ intellectualis, habet uirtutem intellectualem, & ut sic attribuit sibi operationem intelligibilem, quid autem intelligat dicemus infra, ut est causatiua rerum inferiorum per motum cœli, cui supponitur omnis natura elementorum, & elementariorum habet diuinam uirtutē participatiue, quoniam sicut Deus est uniuersalis causa productiua omnium entium, sic anima cœli ex uirtute sibi impressa a prima causa producit influit ministrat omnia inferiora nō quidem per se, sed per motū cœli, & ut sic sibi attribuit operationem diuinam quæ consistit in causalitate, & administratione omnium inferiorum, quoniam in hoc imitatur primam causam.

Secundū mentem igitur Auctoris probatur. Primo q̄ habeat diuinam operationem. Nam imago & exemplum primæ causæ participat operationem eius, sed propria operatio primæ causæ est productio, & administratio omnium entium, ut dicemus infra. Cum ergo in anima cœli, sit impressa imago primæ causæ, quoniam est naturæ incorporeæ & intellectualis sicut prima causa participat eius operatio-

nem non quidē & qualiter, & uniuerſaliter, ſed ſuper ea que producantur motu cœli. ergo cōuenienter ſibi attribuitur diuina operatio. Secundo probatur q̄ habeat operationem intellectualem. Nam effectus participat uirtutem, & operationem ſuæ cauſæ uniuoce. vnde ſicut ignis calefacit ſic, & aqua facta calida calefacit, licet nō & que perfectæ, ſed anima cœli eſt effectus intelligentiæ. nam ſecundum Auctore prima cauſa creauit eſſe animæ mediante intelligētia, ergo anima participat operationem intelligentiæ. Hæc operatio eſt intelligere, quoniam intelligentiæ ut intelligentia eſt cōpetit intelligere, ſicut ſenſui ut ſenſus eſt competit ſentire. Hæc probatio quō ſit admittenda uel nō, dicam infra, cum adduxero ſenſum Theologi, & Ariſto. Tertio probatur q̄ habeat operationem animalem. Nam de proprietate, & natura animæ eſt ut uiuificet corpora, influendo ſuper ea uirtutem uiuificatiuā. ſi enim anima nō animat id cuius eſt anima, ceſſat eſſe anima, & ut moueat corpora perducendo ad operationes ſuas, ſed hoc eſt habere operationē animalem, ſiue uitalem. ergo ſi hoc eſt de proprietate animæ non eſt negandum ab anima nobili qualis eſt anima cœli.

Ad mentem autem Proculi, aduerte q̄ loco animæ nobilis dicit animam diuinam, & ſibi attribuit tres operationes cōformiter ut Auctor. vnde inquit in libro ſuo omnes diuinæ animæ triplices habent operationes has quidem ut animæ, id eſt operationes animales, has autem ut ſuſcipientes intellectum, id eſt operationes intellectuales, has autem ut Dijs cōiuncte, id eſt operationes diuinas. Huiusmodi autem animas dicit diuinas, ex maxima nobilitate, ſicut & cœlum dicitur diuinum corpus propter maximam excellentiam, & uirtutem cauſatiuū, & incorruptibilitatē, ut etiam teſtatur Ariſto. in ſecundo cœli, textu ſecundo, ubi inquit, ut cœlum ſit immortale, & diuinum habentium quidē motum &c. Diuinis animabus corporum cœleſtium Proculus attribuit primo operationē animalem, quoniam ut diximus. Anima ut anima habet animare id cuius eſt anima,

sicut scientia, ut scientia habet facere scientem eum eius est scientia. Attribuit operationem intellectualem, quoniam intellectu & desiderio mouent coelos. nulla enim potentia rum animæ conuenit his animabus præter dictas; carent enim organis quibus explentur operationes uegetatiue, & sensitiue. Attribuit eis diuinā operationem quæ est uniuersalis influentia, & causalitas, & productio rerum inferiorū, quoniam in hoc assimilantur primæ causæ quantum possunt. si enim in humanis præsidentes Reipub. dicuntur diuini homines multo magis huiusmodi animæ præsidentes toti mundo inferiori per motum cœlestem. In hac igitur propositione sic accipienda est mens Proculi, ut dictum est.

Secundum doctrinā uero Arist. supposito q̄ ponat cœlū animatum nō acceptatur in cœlo operatio animalis uiuificatiua, quoniam ex tertio de anima, tex. 61. in nullo corpore, siue generabili, siue ingenerabili nō mansiuo datur intellectus discretius sine sensu, sensus autem nō potest esse in cœlo, quoniam in eodem loco probat Arist. nullus corpus simplex posse esse organum sensus. Cōstat autem cœlum esse corpus simplex, ergo non est in eo sensitiuus gradus. Minus autem est in eo uegetatiuus, quoniam ut probat Arist. in primo cœli, tex. 21. neque alterabile, neque augmentabile, neque diminuibile est cœlum ex cōsequenti neq̄ uegetatiuus gradus in ei. Nam ex secundo de anima, tex. 35. Opera uegetatiui gradus sunt generare, & alimēto uti, quæ procul sunt a cœlo, quantumcunq̄ igitur Arist. poneret cœlum animatum nō admitteret animam cœli habere operationem animalem, præterea cum intelligere sit actio nō organica intellectiui, ut intellectiui nullius corporis est actus, ergo anima cœli, quæ si daretur esset tantū intellectiua, non habet operationem animalem, sumendo autem apud Arist. animam cœli, pro intelligentiam mouente attribuitur sibi operatio intellectualis, & ualde nobilis. vnde in duodecimo Metaphy. tex. 36. dicit q̄ primum mouens immobile mouet cœlum sicut appetibile, & intel-

ligibile, quod est sic intelligendum, quod intelligentia applicata primo cœlo, idcirco mouet cœlum quia intelligit primū principium, & appetit ei tanquam optimo assimilari. Præterea in text. 39. dicit in motore cœli esse nobilissimam delectationem quæ consequitur eius nobilissimam intellectiōnem. Item ad mentem Aristo. attribuitur sibi diuina operatio, quoniam ex duodecimo Metaphy. text. 34. intelligentiæ mouens cœlum motu diurno, causat perpetuam generationem in his inferioribus, & intelligentiæ applicatæ sphaeris planetarum mouentes planetas sub zodiaco causant alterationem generationis, & corruptionis per accessum, & recessum planetarum a nobis, cum igitur intelligentiæ motrices cœlorum habeant uniuersalem causalitatem super inferiora, & hic mundus inferior gubernetur lationibus superioribus ex primo Meteoro. manifestum est, quoniam secundum Aristo. habent operationem diuinam, quia scilicet assimilantur primæ causæ in causalitate, & regimine, ut etiam declarabitur infra.

Secundum doctrinam autem Theologi, quoniam negatur ut diximus cœlum esse uere animatum, nec per animā cœli intelligendum est aliud quam intelligentia non acceptat in anima cœli operationem animalem ea ratione quā adduximus super doctrinam Aristo. nisi quis extenso uocabulo nominet operationem animalem, uel uitalem motionem sui proprii mobilis, & directionem in proprium finem. sicut enim anima mouet corpus animalis localiter per determinata media indebitum, & desideratum finem sic intelligentia mouet cœlum secundum diuersa ubi ex quo motu prouenit generatio, & conseruatio, & transmutatio rerū inferiorum. Acceptat autem operationem intellectualem, quoniam cum sit substantia immaterialis per se subsistens patet q̄ est intellectualis. Immaterialitas autem est ratio intellectualitatis, & intelligibilitatis. Item acceptat operationem diuinam modo quidem altiori quam Auctor, & Proculus & Aristo. Nam apud Dionysium intelligentiæ dicun-

tur diuine mentes, & apud alios Theologos nō solum quia habent uirtutem super inferiora, sed quoniam diuinæ essentia per intellectiōem maxime uniuntur, quam intellectiōnem uocamus uisionem beatificam, qua efficiuntur deiformes, & eodem sensu animæ separatæ unitæ primæ causæ per essentialē uisionem merentur dici diuinæ animæ, in hoc enim consistit perfectior assimilatio ad Deum quā habere causalitatem super inferiora. Nam assimilatio secundum actionem immanentem, nobilior est assimilatione secundum actionem transeuntem, quoniam & actio immanens nobilior est, & iuxta hanc diuinam operationem, tam intelligentia, quā anima humana dicuntur participare æternitatem, qm̄ in hac operatione sunt omnino immobiles.

Sed aduerte, q̄ licet Arist. & Theologus attribuant animæ coeli, idest intelligentiæ motrici operationē intellectualem, non tamen acceptant rationem adductam ab Auctore quam supra formauimus. Non enim secundum doctrinam Arist. nec secundum ueritatem, prima causa producit animam intellectiuam, nec intelligentiam mediante alia intelligentia, quoniam cum sint substantiæ simplices non producantur ex materia, ex consequenti creantur. Creatio autem est solius primæ causæ omnino infinitæ. vnde Auctor in hoc uidetur sequi opinionem Auicēnæ in nono suæ Metaph. cap. 4. ubi creatricē potentia attribuit intelligentiis.

Sed dicunt aliqui Auctorem non intendere productionem animæ ab intelligentia quo ad esse, scilicet sibiipsi contradiceret, nam dicit infra, omnium entium principium, & primam causam esse bonum, sed intendit de productione secundum informationem intellectus, quia scilicet intelligentia influit, & imprimit formas siue species intelligibiles in intellectu animæ per quas intelligit.

Sed id non acceptatur ab Aristote. nec a Theologo, ab Aristot. quidem, quoniam in tertio de anima, tex. 17. ponit in intellectum agentem potentiam animæ illustrantē phantasmas, & productiuum speciei intelligibilis qua actuatur

intellectus possibilis, a Theologo autem quoniam esset homo inferioris conditionis cæteris animalibus. Quoniam habent in seipsis sufficientia principia operationum suarum, si igitur nō intelligeret homo nisi reciperet species ab intelligentia nō haberet in se sufficientia principia proprie operationis, ex consequenti esset deterioris conditionibus cæteris animantibus. Præterea posset intelligentia causare speciem caloris in intellectu cæci nati, & sic cæcus intelligeret calorem quod experimur impossibile, nō igitur pendet anima intellectiua ab intelligentia quo ad esse, nec quo ad informationem manifestum est ex dictis, q̄ hæc tertia propositio nō acceptatur ab Aristo. applicata animæ cœli, quo ad operationem animalem, applicata autem animæ humanæ, nō acceptatur a Theologo quo ad operationem diuinam nisi in sensu Dionysii, sed id non conuenit nisi animæ beatæ in diuina uisione. hæc de tertia propositione dicta sint.

Propositio quarta.

Prima rerum creatarum est esse, & non est ante ipsum creatum aliud &c.

Aduerte q̄ Auctor in hac propositione intendit assignare causam propter quam esse superius in secundo gradu, quod est esse intelligentiæ, ut expositum est in secunda propositione est multiplicabile. nam de primo gradu, id est de esse diuino, cum sit purissimus actus, & omnino infinitum, constat non esse multiplicabile.

In hac igitur propositione intendit quatuor conclusiones. Quarum prima est, ut fundamentum uniuersale de omnia creata, & nō solum in intelligentijs, licet Auctor intendat applicare intelligentijs.

Prima conclusio, rerum creatarum est esse.

Secunda cōclusio, esse est factum superius, & uehementius unum omnibus causatis.

Tertia conclusio, esse causatum licet sit unum, tamen est multiplicabile.

Quarta conclusio, intelligentia superior differt ab infe-

riori, quia est perfectioris naturæ formaliter, & quia intelligit per uniuersaliores species, & quia influit uirtutes, & bonitates in intelligentia inferiori.

Quantum ad primam cōclusionem, aduerte q̄ ly esse potest tripliciter accipi. Primo pro esse primæ intelligentiæ creatæ quæ est suprema creatura in ordine uniuersi. Secundo pro esse inuento in omnibus creatis, tam incorporeis, quam corporeis, quod supponitur omnibus alijs perfectionibus. Tertio pro esse per se existente separato, more Platonico, sicut per se homo, p̄ se leo, p̄ se uita, p̄ se bonitas &c.

Iuxta primam acceptionem, uidetur ab Auctore introducta prima conclusio. Nam intendens declarare propter quid intelligentia est multiplicabilis. Primo uoluit ostendere quem ordinem teneat in gradibus entium causatorum, & quoniam in intelligentia nō solum inuenitur esse, sed & uita, & intellectus, & aliæ perfectiones quæ omnes causatæ sunt a primo, ideo etiam intendit iuxta secundam acceptionem declarare ordinem ipsius esse intelligentiæ ad alias eius perfectiones. Iuxta igitur primam acceptionem inquit prima rerum creatarum est esse, idest in uniuersitate creatorum, primū creatum & nobilius fuit intelligentia, quoniam similior est primæ causæ, & propinquior in suis perfectionibus participatis. Iuxta secundam acceptionem, inquit, & nō est, ante ipsum creatum aliud, idest cum in intelligentia sint multi gradus perfectionum, scilicet esse uiuere intelligere uelle &c. Primus gradus ut basis, & fundamentum fuit esse causatum a primo ente in intelligentia, quoniam uiuere supponit esse, & intelligere supponit esse, & uiuere, & nō eōduerſo. Iuxta tertiam acceptionem consideratur a Proculo, qui in libro suo talem propositionem format participatum diuina proprietate, & deificatorū primum est ens, idest inter pprietas, & diuinas perfectiones participatas, idest productas prima est ens, idest ipsum esse separatum. vnde aduerte secundum doctrinam Platoniam, ut supra diximus magis cōmune ponitur productiuum minus cō-

munis. vnde Proculus est supra in propositione secunda, & Auctor probant æternitatem productā ab quoniam ens est cōmunius, & abstractius quam æternitas Plato autem inter transcendentia ponit bonum, & unum prius ente, quoniam bonum & unum secundum Platonem dicitur de ente, & de non ente, ut de materia prima, quam cōputabat inter nō entia propter admixtam priuationem, & tamen dicebat ipsam bonam, quoniam desiderat bonum, idest formam, & est una, quoniam ex se est indiuisua, & diuisionē recipit a quantitate & a forma, ens autem dicitur tantum de ente, quoniam nihil prædicatur de suo opposito. Iuxta igitur principium positum, scilicet q̄ magis cōmune sit productiuum minus cōmunis opinatur Proculus q̄ primum productum separatum sit ens, nō autem bonum nec unū, quoniam nō habent prius a quo producantur. vnde possit ad mentem Platonis Deum esse ipsum per se bonū, & per se unum in productum, primum autem creatum est esse, secundum est uita, tertium est intellectus, & sic procedebat in productione separatorum.

Verum quia uia Platonis in positione separatorum non acceptatur ab Aristotele, ut patet in septimo Metaphysici, & in duodecimo, & in primo Ethico, nec acceptatur a Theologo, nec principium Platonicum est uerum regulariter, scilicet q̄ magis cōmune sit productiuum minus cōmunis, ut diximus in secunda propositione. Nec bonum & unum est cōmunius ente, ut dicemus infra, ideo positio Proculi in expositione huius cōclusionis omnino refutatur, standum est igitur in prima, & secunda acceptione.

Secundum doctrinam Aristotele. præsens conclusio, licet uerificetur quo ad primam acceptionem, quoniam ex duodecimo Metaphysici. tex. 29. cum tres sint substantiæ, duæ quidem naturales ut corpora corruptibilia, & incorruptibilia ut cœlum, & tertia abstracta ut intelligentia, hæc est nobilior ex consequenti primum locum, & gradum continet inter producta, tamen proprie uerificatur quo ad secundam

acceptionem, prout esse participatur ab omnibus existentibus. Nam quod simplicius est, & ad quod omnia alia superaddunt uniuersalius est, & inter producta prius est, quoniā produci potest sine alijs, & nō econuerso, sed inter omnes perfectiones cōmunicatas a primo, esse simplicius est, primum enim quod de unoquoq; concipimus est ens, & est uniuersalius, cuicunque enim rei creatæ cōmunicatur esse, sed nō alię perfectiones, & alię perfectiones includunt esse, & non econuerso, ut patet in latitudine entium, ergo inter producta est primum, & ideo inuenitur res cui debetur solum esse, ut elementum, alicui esse, & uiuere &c. In nullo autem inuenitur uiuere, nec alia perfectio in quo non inueniatur esse, primum igitur inter producta est esse, sicut ad mentem Aristo. in secundo de anima, tex. 31. primus gradus in animatis productis, est uegetatiuus, quoniam cōmunis est omnibus animatis, & potest inueniri sine alijs, ut in planta, & nō econuerso. Quoniam igitur primum fundamentum omnium perfectionū est esse, sequitur contra Platonem q̄ unū, & bonū posteriora sunt ente, addunt enim in sua ratione formali super ens. nam unum addit in diuisionem. bonū autem addit respectum ad appetitum, ergo uanum est dicere bonum, & unum esse productiua entis, aliter productum esset prius productiuo, nec est uerum materiam primam esse bonam, nisi in ordine ad esse. Quoniam bonum & perfectum idem sunt, prima autē perfectio est esse quam ut diximus supponimus omni alij perfectioni. ergo materia prima eo modo est bona quomodo est ens, & quoniam est ens in potentia est bona in potentia, & quoniam ex se nunquam ex se est bona actu, hinc patet bonū esse minus cōmune quam ens, dicitur enim ens de ente in potentia, & de ente in actu. Bonum autem quoniam fundatur in esse, non dicitur nisi de ente in actu. vnde rosa generanda est ens, non tamen est bona.

Secundum doctrinam igitur Aristo. hæc conclusio est uera, prima rerum creatarū est esse, iuxta primā, & secundā

acceptionem. Non autem secundū tertiam, & a uia Aristot. in hoc non dissentit Auctor.

Secundum doctrinam Theologi, aduerte q̄ omnes conueniunt in uno, & discordant in alio, conueniunt quidem in hoc quod nullius eorum concedit ordinem, & distinctionē realem inter prima predicata abstracta siue uniuersalia, nō enim ponunt ens separatum distinctum a bono separato, nec a uiuo separato, nec ab intelligente separato, sed omnia idem sunt in primo, ut diximus in secunda propositione, ex consequenti ab eodem primo quē est Deus, producitur & esse, & bonitas, & omnis alia perfectio in creatura, differūt autē in ordine formali inter huiusmodi separata. Nā omnes Theologi sequentes uiam Aristot. dicunt q̄ licet Deus sit realiter ens uiuens intelligens bonus, tamen prius cōsideratur q̄ est ens quam uiuens, quam unus, quam bonus, quoniam inter omnes conceptus, cōceptus entis est simplicior ex consequenti est prior. Theologi autem sequentes uiam Platoniciā, ut Dionysius. dicunt q̄ licet Deus sit realiter omnia supradicta, tamen prius cōsideratur ut bonus, ut unus, quā ut ens, unde agens de diuino. prius agit de bono, sed si consideremus utriusq̄ opinionis motiuū, nulla est in re dissensio. Nam Theologi sequentes Aristot. cōsiderant hęc abstracta, ut ex natura rei conueniunt Deo, & ut sic prius uerificatur de Deo, ens quam bonum, quoniam bonum supponit esse. Sequentes autem Platonem cōsiderant hęc ut conueniunt Deo, sub ratione causalitatis, & ut sic prius ei conuenit bonum quam ens, quoniam bonum signat causam finalem, ens aut causam agentē, quoniam unumquodq̄ agens agit in quantum est actus, sed inter causas prima est causa finalis. ergo &c. Non igitur inconuenit ens secundum se esse prius bono, & tamen in ratione causæ esse posterius.

Et quoniam Auctor in hac cōclusionē prima rerū creatarum est esse, cōsiderat esse in ordine ad causam creatantem siue ad primam causam agentem, quæ est agens in quantum est ens, ideo omnes Theologi in hoc concordant quod pri-

mus effectus productus a primo ente est esse, & id quidem rationabiliter, quoniam effectus uniuersalissimus est a causa uniuersalissima, & prius cum sit fundamentum effectuum minus uniuersalium. Iuxta igitur primam, & secundam acceptionem conceditur hæc conclusio, a Theologo, & ab Aristotele. Iuxta tertiam autem omnino reprobatur. Hæc de prima conclusione dicta sint.

Quantum ad secundam conclusionem, aduerte quod ly esse sumitur proprie iuxta primam acceptionem, idest pro omne intelligentiæ, & ad mentem Auctoris probatur sic. Quod est propinquius summæ simplici, & puro uero quod est, & primum ens, est superius, idest excellentius, & altius, & magis unum omnibus causatis a primo. Effectus enim propinquior causæ, magis participat perfectiones causæ, sed intelligentia quo ad esse, & naturam suam est propinquior summæ simplici, & puro uero, cum sit eius primus, & immediatus effectus, ergo est altior, & simplicior inter creatura.

In hac conclusione, & in ratione adducta concordat Proculus, qui in libro suo inquit. Omnis intellectus separatus impartibilis est, ergo simplex. Item est sicut speculum diuine celsitudinis, ergo primum & nobilissimum gradum tenet in entibus, Aristotele. idem sentit. vnde ultimam partem suæ Metaphy. disponit in consideratione huius supremi gradus, & in primo cœli, tex. 100. declarat intelligentias esse inalterabiles, impassibiles, intransmutabiles, ex consequenti immateriales, & habentes uitam sufficientissimam in toto æterno, idest semper, ex consequenti nobilissimas in esse: Theologus licet distinguat inter intelligentias bonas, & malas ex uoluntate, tamen quo ad naturam excellentiores, & simplices ponit inter omnia creatura. Nam determinat esse substantias penitus incorporeas, immateriales intellectuales, quibus nobiliori modo impressa est imago diuinæ naturæ, quàm in anima humana. In hac ergo conclusione apud omnem ueram doctrinam non cadit ambiguitas.

Tu tamen aduerte quod hæc conclusio potest uerificari quo

ad secundam acceptionem. Nam esse participatū ab omni existente, superius est, idest uniuersalius quā aliæ perfectiones, in quolibet ei existente inuenitur, nō tamen in quolibet inueniuntur, aliæ perfectiones, ut patet, item est magis unā quoniam minus includit. Nam aliæ perfectiones addunt super ipsum, ut patet ergo &c. Hæc de secunda conclusionē dicta sint.

Quantum ad tertiam cōclusionem aduerte qd sūmendo ly esse applicatum intelligentiæ ad mētem Auctoris sic probatur. Esse intelligentiæ licet sit simplex, idest nō cōpositum ex partibus quantitatis, nec ex materia, & forma tamen cōpositum est ex finito, & infinito. ergo multiplicabile est, quod cōponatur ex finito, & infinito declaratur. nam, postquam intelligentia producta est, habet uirtutem ut sit semper, ergo secundum durationem est infinita, & suū esse, est participatum, ergo finitum & limitatum. Quod enim participat aliquam perfectionem nō participat uniuersaliter ut inuenitur in primo, sed particulariter, ut patet in participantibus lucem solis. Cōstat ergo ex potentia, siue uirtute sempiterna essendi, & ex esse limitato, ergo ex finito, & infinito. Quod autem cōsequentia sit uera declaratur sic, participato ut participato nō repugnat multipliciter participare, quoniam secundum nullum modum cōtinet uniuersalem perfectionem suam, aliter nō esset tale per participationem, sed per essentiam, sed esse intelligentiæ est participatum cum sit productum, ergo tali esse quauis sit simplex non repugnat multiplicari.

Secundum autē doctrinam Proculi, qui in libro suo talem propositionem format omne ens immobile, idest omne ens intransmutabile secundum substantiam, & tamē ens, idest a primo ente productum, ex fine est, & infinito, sic probatur. Esse productum immobile nō est esse abstractum, sed receptum in eo cuius est esse. Omne esse receptū multiplicabile est, secundum naturam recipientium. ergo cum esse intelligentiæ sit esse nō abstractum, sed receptum

in intelligentia, erit multiplicabile. Quod autem esse productum non sit esse abstractum, probatur, quoniam esse abstractum est esse ut esse, ex consequenti continet omnem perfectionem essendi, sicut albedo abstracta continet omnem perfectionem albedinis, sed esse productam non est esse ut esse, sed hoc uel illud esse, ex consequenti non continet omnem gradum essendi, quoniam omnis terminus productionis extra Deum est determinati generis, ergo non est esse abstractum. Quod autem omne esse receptum sit multiplicabile, probatur, quoniam cum non contineat in suo recipiente omnem gradum essendi potest recipi secundum diuersos gradus ex consequenti potest multiplicari, sicut albedo recepta in subiecto, quia recipitur secundum diuersos gradus, ideo potest multiplicari, posuit autem Proculus huiusmodi ens consistere ex fine, & infinito, eadem ratione quam supra assignauimus.

Secundum doctrinam Aristoteli, hæc conclusio acceptatur, & probatur eam in duodecimo Metaphysicæ, text. 43. ubi ex pluralitate motuum cœlestium concludit pluralitatem intelligentiarum, necesse est enim omnem motum æternum esse a motore immobili, & immateriali æterno, ut illic deducit Aristoteles. & licet non adducat rationem Auctoris, scilicet compositionem ex finito & infinito, tamen non negaret eam ad sensum suprapositum. Nam Aristoteles ponit has substantias æternas in duodecimo Metaphysicæ, text. 30. ergo infinitas duratione, & multiplicat eas, ergo non sunt infinitæ secundum esse intensiue, aliter darentur plura entia simpliciter infinita, quod est impossibile.

Secundum doctrinam Theologi, hæc conclusio acceptatur. Nam Dionysius inquit in cap. 14. cœlestis hierarchie. Multi sunt beati exercitus supernarum mentium, & ratio adducta hic ab Auctore admittitur, unde diuus Thomas in prima parte, quæstio. 50. articulo secundo, ad quartum adducens dictum Auctoris inquit, intelligentia est infinita inferius, quia non recipitur in materia, forma enim limitatur per mate-

riam, & extra materiam illimitata remanet, est autem natura superius quia habet esse a superiori. Hæc igitur cōclusio secundum omnes recte sentientes uera est.

Quantum ad quartam cōclusionem aduerte difficultatem eius cōsistere in hoc, quoniam difficile est inuestigare principium distinctiuum. Nō enim est materia, nec quantitas cum sint substantiæ incorporeæ, nec sola accidentia diuersa sufficiunt, aliter nō multiplicarentur essentialiter. Igitur sciendum est q̄ in substantiis creatis, duplex distinctio potest assignari, scilicet distinctio realis materialis, & hæc est per materiam siue in qua, siue ex qua, & distinctio realis formalis, & hæc fit per gradus essentialis perfectionales reperiibiles in natura distinguibili, uerbi gratia Socrates, & Plato distinguuntur in natura humana tantū materialiter, homo & leo distinguuntur in natura animalis formaliter, quoniam natura animalis partitur per gradus perfectionales in speciebus suis, quorum unus est superior ad alterum sicut in numeris, & inter eos datur primus per propinquitatem ad aliquod summū, & sequentes deficiunt a perfectione primi, secundum q̄ magis uel minus distant a primo, in proposito, intelligentiæ cum sint immateriales non distinguuntur nisi distinctione reali formali, pro quanto in earū natura dantur gradus inter quos est unus primus ex propinquitate maiori ad primum ens, & reliqui sunt ueluti potentiales, & imperfecti magis, & minus secundum maiorem, uel minorem elegationem a primo. His prepositis aduerte q̄ Auctor probat cōclusionem a priori, & a posteriori, a priori quidem sic, intelligentia prima que est immediate post primam causam est cōpleta in uirtute sua, & in reliquis bonitatibus, idest perfectionibus suis. Intelligentiæ autem subsequentes, licet sint intelligentiæ non sunt cōplete, idest nō participant æque perfectis gradibus uirtutem, & alias perfectiones &c. Ergo superior differt ab inferiori quia est perfectioris naturæ formaliter, cōsequentia nota, sed probandum est antecedens, arguitur igitur sic. Magis propinquū summæ

summæ perfectio participat perfectioni gradu, perfectiones illius, & minus propinquum imperfectiori gradu, ut patet in calefactibilibus respectu ignis, sed intelligētia prima est propinquior primæ causæ summæ perfectæ, & sequentes intelligentiæ minus propinquæ, ergo &c. A posteriori autē probat dupliciter, primo ab actione immanenti, secūdo ab actione transeunte, ab actione immanenti sic. Intelligentia superior intelligit per species latiores, & uniuersaliores, ergo intellectio sua est nobilior, ergo natura nobilior, quoniā actio nobilior est nobilioris agentis. Intelligentia autē inferior intelligit per species minus uniuersales, ergo &c. Aduerte q̄ uis rationis manifestabitur infra in propositione decima, ubi declaratur positio specierū magis uniuersalium in superiori intelligentia, & ex hoc cōcludetur nobilior natura intelligentiæ superioris, ab actione autem transeunte sic arguit intelligētia superior influit bonitates suas in intelligentia inferiori, & nō econuerso. ergo est perfectioris naturæ ex cōsequenti distinguuntur per gradus perfectionales sup̄ naturæ antecedens probatur, prima causa influit bonitates suas in intelligentia superiori tanquam in suo nobiliori, & propinquiori effectu, ergo cōsequens est ut in intelligentia superior influat in inferiori. superius enim influit in inferius per medium, ut ignis calefacit manū per medium aerem, consequentia autem sic probatur. Quod influit in aliud, respectu illius est actus, & illud est in potentia, quoniam agens actu est, & recipiens potentiale. Actus autem perfectior est potentia, ergo intelligentia superior est perfectioris naturæ, ergo &c. Constat igitur intelligentias distinguī, & multiplicari secundum gradus formales reperibiles in natura abstracta, penes quos gradus sumuntur in eis differentiæ specificæ nobis ignote.

Secundum doctrinam Proculi, hæc conclusio sic probatur, cum prima causa sit ipsa unitas propter omnimodam negotiationem cōpositionis, & multiplicatis, procedunt eo ordine intelligentiæ a Deo, quo & numeri ab unitate,

uidemus autem in numeris distinctionem, & multiplicatio-
nem assignari secundum minorem, & maiorem cōpositio-
nem. nam binarius ut propinquissimus unitati minus cōpo-
situs est, ternarius autem plus, & quaternarius plus, & sic
successiue, sic & in intelligentijs. natura primæ intelligētiæ
minime cōposita est, secundæ autem plus, tertiæ plus, quar-
tæ plus, & sic descendendo usq; ad animam intellectiuam,
quæ ut infimum gradum cōtinens in intellectualibus, mul-
tum diuersitatem habet in potentijs in proprijs operationi-
bus suis, igitur secundum uiam Platoniam quam sequitur
Proculus dicemus intelligētijs multiplicari secundū maio-
rem, & minorem simplicitatem substantiæ suæ.

Secundum doctrinam Aristot. hæc conclusio ea ratione
probat,ur qua & Auctor processit, scilicet ex gradibus for-
malibus naturæ abstractę. Nam in duodecimo Metaphy.
tex. 4.9. pro principio habet Aristot. quod primum mouens
nō potest plurificari numero quia caret materia. Omnis er-
go plurificatio in abstractis est formalis, idest specifica, q̃
cum nō possit sumi a materia cū sint immaterialia, necessa-
rio sumitur a gradibus formalibus, ut supra diximus. vnde
in octauo Metaphys. tex. 10. assimilauit naturas específicas
numeris in quibus est alia, & alia species additione, uel sub-
tractione unitatis sic in naturis specificis est uariatio addi-
tione, uel subtractione gradus formalis, & id uerificatur, tã
in naturis corporeis, quã incorporeis, licet enim homo mul-
tiplicetur in indiuiduis per materiam, tamen animal multi-
plicatur in speciebus, nō per solam materiam, sed per gra-
dus in quibus partitur natura animalis. Et ad insinuandum
distinctionem ac multiplicationem realem formalem, tam
in abstractis, quam in corporeis, dixit Arist. in primo cœli.
tex. 100. unde & alijs cōmunicatū est, scilicet a primo ente,
his quidem clarius, scilicet abstractis, his autem obscurius,
scilicet corporeis esse & uiuere, scilicet per diuersos gradus.
Declarauit etiam Arist. distinctionem in separatis a poste-
riori, scilicet ab effectu qui est motus. nam in duodecimo

Metaphy. tex. 44. inquit. Quod quidem igitur sint substantiæ, scilicet separatae, & harum quæ prima, & secunda, secundum ordinem eundem rationum astrorum palam &c. & intendit quod manifestum est, esse substantias separatas motrices cœlorum, inter quas est ordo dignitatis, & perfectionibus qualis est ordo in motibus, & in spheris cœlestibus, quasi dicat, quia prima sphaera nobilior est, & motus diurnus nobilior, intelligentia illi applicata nobilior, & perfectior est, & quia sphaera Saturni nobilior est sphaera Iouis, & minus nobilis, quàm sphaera prima, eodem modo se habet motus eius, & intelligentia applicata, & sic descende usque ad ultimam sphaeram.

Secundum doctrinam Theologi, eadem conclusio accipitur, probatur quod a priori eadem ratione quàm adduximus de mente Auctoris. vnde diuus Tho. in prima parte, q. 75. articulo septimo, assignans differentiam inter animam, & intelligentiam inquit de distinctione intelligentiarum. In substantiis in materialibus non potest esse diuersitas secundum numerum, absque diuersitate secundum speciem, & absque naturali, id est substantiali inæqualitate, quia cum non sint compositae ex materia & forma, sed sint formae subsistentes, manifestum est quod necesse erit in eis esse diuersitatem in specie, non enim potest intelligi quod aliqua forma separata sit nisi una unius speciei, sicut si esset albedo separata, non potest esse nisi una tantum. Hæc enim albedo non differt ab illa nisi per hoc quod est huius, uel illius, diuersitas autem secundum speciem semper habet diuersitatem naturalem, id est sit secundum gradus formales naturæ, sicut in speciebus colorum unus est perfectior altero, & similiter in alijs, & hoc ideo quia differentiae diuidentes genus sunt contrarie. Contraria autem se habent secundum perfectum, & imperfectum. principium enim contrarietatis sunt habitus, & priuatio ex decimo Metaphy. &c. Patet igitur quod differentia, & plurificatio in intelligentijs est per gradus essentielles formales naturæ abstractæ secundum perfectius, & minus per-

fectum, probat etiam Theologus eandem cōclusionem a posteriori, quoniam superior illuminat, & inferior illuminatur. Item quoniam superior intelligit per uniuersaliores species, ergo est perfectior &c. Verum de his loquemur infra & pro nunc supponantur, hæc pro examinatione quartæ propositionis dicta sint.

Propositio quinta.

Intelligentiæ superiores primæ, quæ sequuntur causam primam imprimunt formas secundas &c.

In hac propositione Auctor tractat de distinctione animæ intellectiue prout distinguitur secundum opinionem suam in animam coelestem, & animam humanam, & intendit declarare tria.

Primo, a quo imprimitur anima.

Secundo, quomodo multiplicatur.

Tertio, assignat differentias inter animam cœli, & animam humanam.

Quantum ad primum, ponit hanc cōclusionem anima est ex impressione intelligentiæ secundæ. Ad euidentiā huius cōclusionis aduerte, q̄ ibi impressio sumitur, pro productione in alio, sicut imago sigilli imprimitur in cera quia producit in ea, & quia de ratione animæ est ut animet corpus & moueat, & nō animat nec mouet corpus nisi sit intrinseca ei, ideo sua productio conuenienter dicitur impressio. Intendit autem Auctor sic arguere ad cōclusionem, intelligentiæ superiores primæ imprimunt, idest producunt formas secundas, idest intelligentias secundas, ergo intelligentiæ secundæ imprimunt animam. Cōsequentia uidetur ualere ex hoc quod si extremum est causa mediū medium est causa ultimi. In genere autem intellectuāli causato, prima intelligentia est extrema, secunda est media, & anima est ultima, quoniam obinet infimum gradū in intellectuālibus cum habeat rationem partis, antecedens autem Auctor habet pro manifesto, licet decipiatur ut dicemus.

Secundum doctrinam Proculi Platonici, qui tenet ad

uiam Platoniam effectum magis cōmunem esse a causa magis cōmuni, & minus cōmunem a causa minus cōmuni, cum in anima sit esse, & intellectualitas, dicendum esset, quod anima quo ad esse imprimitur a primo ente, siue prima causa quo ad intellectualitatem imprimitur ab intelligentia, ut unumquodq; producat a suo uniuoco, sicut calidum a calido, lucidum a lucido, uiuum a uiuo, intellectuale ab intellectuali, ens ab ente.

Secundum doctrinam Aristot. hæc cōclusio nō acceptatur nisi in sensu quem dicam. nam de anima cōlesti nō potest acceptari, quoniam ut diximus supra ad mentē Aristot. nō datur, nisi sumendo animam pro intelligentia, quod est improprie loqui, de anima humana non potest acceptari quo ad esse supponendo q̄ tenuerit eam immortalem. Nā ut sic creatur, creatio autē est opus solius agentis primi infiniti, ergo nō est ab intelligentia, si autem cōsideretur anima non quo ad esse, sed quo ad informationem uerū esset, q̄ imprimitur ab intelligentia nō quidē per se, sed per motum cœli, quo producit & disponitur corpus ad receptionem animæ. Nam sol & homo generant hominem, de anima autem bruti, nō est dubium quod quo ad esse producit ab intelligentia per motum cœli, quoniam educitur de potentia materię actione agentis naturalis attingentis essentiam animæ brutalis, uerum quia Auctor uidetur loqui tantum de animæ cœli, & humana, ideo hæc cōclusio quo ad totam substantiam animæ, & quo ad esse, & quo ad intellectualitatem, & omnem suam naturalem perfectionem negaretur ab Arist. & diceret q̄ sicut a primo ente habet esse habet omnem aliam perfectionem substantialem sibi conuenientem. Et ratio adducta pro Auctore nō ualet. Negaret enim Aristot. antecedens, sicut & negandum est. Similiter ratio adducta a Proculo nō ualet, quoniam illud assumptum, de causa & effectū magis & minus cōmuni, nō concludit distinctionem realem in effectibus, & in causis, sed tantum distinctionē formalem. Nam in quinto Metaphy.

docens Aristot. in cap. de causis, reducere effectum in causam dicit sanitatis causam esse medicum & artificem, non tamen distinguuntur realiter medicus & artifex, quoniam artifex est ut genus, & medicus species, sic in proposito licet in anima sit esse, & intellectualitas, & multe aliæ perfectiones, omnes tamen sunt ab una prima causa quæ in se realiter continet omnem gradum essendi, & omnem perfectiones.

Secundum doctrinam Theologi, hæc conclusio non accipitur, quoniam cum anima intellectiva sit per se subsistens per se habet esse, & per se producit, & non ex materia, cum sit immaterialis, ergo creatur, ergo est a solo Deo, & non ab intelligentia, quoniam cum sit uirtutis finite non agit nisi aliquo præsupposito, & ad rationem Auctoris, & Proculi responderet Theologus sicut responsum est ad mentem Aristot. Et aduerte sicut etiam diximus in tertia propositione uidetur Auctor in hac conclusione sequi uiam Auicennæ in lib. 5. sup. Metaph. cap. 4. ubi imaginatur animas coelestes produci ab intelligentiis, & animas humanas ab ultima intelligentia quam appellat datorem formarum, sed hæc imaginatio Auicennæ penitus irrationabilis est. Primo quia ponit coelos uere animatos sine necessitate, ad causandum enim motum localem, ut diximus supra, non est necesse motorem uniri ut forma, sed sufficit tangere suum mobile tactu uirtuali. Secundo quia creatricem potentiam attribuit creato, cum sit solius uirtutis infinite agere, nullo præsupposito. Tertio quia fundamentum suum non est uerum, scilicet quod ab uno in quantum unum non procedit nisi unum, hoc enim est uerum tantum in agente naturali, determinato ad unum. Non autem in agente intellectuali, quia agit per scientiam suam, quæ potest esse principium multorum, sicut ædificator per artem suam plura, & diuersa ædificia producit, hæc igitur prima conclusio ab omnibus secundum ueritatem relinquenda est.

Quantum ad secundum ponit hanc conclusionem. Non multiplicatur anima nisi per modum quo multiplicantur

intelligentiæ, & intendit sic arguere. Modus sine ratio per quã multiplicatur intelligentiæ inuenitur in anima, ergo eodem modo multiplicatur sicut intelligentia, cõsequentiã patet probatur antecedens. Ideo multiplicatur intelligentia, ut diximus supra, in propositione quarta, quoniam constat ex infinito & finito, infinito quo ad perpetuam durationem, & finito quo ad esse suum, quod est esse participatum cui repugnat esse infinitũ, sic & anima intellectiua de qua nunc loquimur cõstat ex infinito, quoniam est immortalis ut etiam probabitur infra, ex cõsequenti est infinite durationis, & suum esse est participatum cum sit causatum, ergo est finitum: patet igitur quod eodem modo multiplicatur sic intelligentia.

Quantum ad doctrinam Proculi sequentis uiam Platonis, hæc cõclusio clarius probatur, quoniam cum anima apud Platonem nõ sit forma, nec sit pars, sed completa in specie unita corpori nõ sicut actus, sed sicut motor, manifestum est qd si multiplicatur, multiplicatur ut intelligentia quæ est substantia cõpleta, & ratio de infinito & finito, ita uerificatur in anima sicut in intelligentia.

Quantũ ad doctrinam Aristot. hæc cõclusio nõ acceptatur nisi quo modum generalem, nõ autem quo ad modum proprium. Nam cũ intelligentia sit cõpleta substantia, multiplicatur sine habitudine ad corpus, & per gradus formales, ut diximus in quarta propositione, sed anima est actus receptibilis in materia, ideo multiplicatur per habitudinem ad materiam. Nam quilibet actus sit in propria materia ex secũdo de anima, tex. 26. Ratio igitur multiplicatiua anime est materia quæ est ipsum corpus, ex quo sequitur qd si corpora sunt diuersarum specierum, & animæ similiter, & si corpora sunt eiusdẽ speciei, & animæ similiter. Alio igitur modo multiplicatur intelligentia, & alio modo anima.

Secundum doctrinam Theologi, cum teneat animam intellectiuam esse formam dantem esse ei cuius est forma nõ est acceptanda nisi in sensu, quo acceptata est ab Arist.

Quantum ad tertium in quo intendit assignare differentias inter animas distinctas, aduerte q̄ secundum Auctore omnis anima intellectiua, aut ē celestis, aut humana. Coelestes appellat superiores, humanas appellat inferiores, inter eas ponit tres differentias. Prima est ex perfectionibus suis intrinsicis. Secunda ex influentia qua influit una super alterā. Tertia ex influentia qua influunt super propria corpora.

Quantum ad primam differentiam dicit, q̄ animæ superiores sunt cōplete perfecte paucē declinationis, & separationis, idest habent in se omnem perfectionem conuenientem animæ intellectiue, & præcipue secundum actum intelligēdi, quoniam in eo sunt paucē declinationis, idest mobilitatis, nō enim est necesse q̄ uenientur scientiam ex sensibilibus cum nō habeant potentias sensitiuas, & sunt paucē separationis, idest interruptionis quo ad actum intelligēdi, nihil enim impedit quin semper, & actu intelligant, animæ uero inferiores sunt in cōplemento, & declinatione sub animabus superioribus, idest tendunt ad cōpletam perfectionem intellectuālē ex sensibus, & continuo exercitio, & ideo sunt in declinatione, idest in motu quo ad actum intelligendi propter tres operationes intellectus, scilicet simplicium apprehensionem cōpositionem, & diuisionē, & discursum.

Quantum ad secundam differentiam dicit, q̄ animæ superiores influunt bonitates suas super inferiores, sed tu sub intellige, & nō econuerso, & huius ratio secundum Auctorem est, quoniam sicut se habent intelligentiæ superiores ad inferiores, ita se habent animæ superiores ad inferiores, sed ut dixit in quarta propositione intelligentiæ superiores influunt inferiores. Comparantur enim ad inferiores sicut actus ad potentiam, ergo animæ superiores influunt in inferiores cōmunicantes sibi bonitates, & perfectiones suas, sicut sol cōmunicat lucem suam lunę.

Quantum ad tertiam differentiam dicit, quod id quod est impressum ab anima superiori in corpore cœli est fixū, & stans, & motus eius est motus æqualis & cōtinuus, idest

anima cœli dat esse fixum stans, idest incorruptibile quia non unitur materiæ subiectæ priuationi, nec per qualitates cōtrarias, & causat in cœlo motum æque uelocem, & sine interruptione, quoniam nō est ei labor nec lassitudo in mouēdo, lassitudo enim prouenit ex organis alterabilibus quæ nō sunt in cœlo, cum sit in alterabile. Id autem quod est impressum ab anima inferiori in corpore humano est debile euanesceus, & destructibile. veruntamen permanet impressio per generationem, idest anima humana dat homini esse debile corruptibile quod paulatim deficit, quoniā corpus hominis ex cōtrarijs est, & anima ei unitur per qualitates contrarias, ex consequenti, quoniam organa lassabilia sunt nō mouet nisi motu irregulari, & interrupto. Tamen bonitate diuina licet esse hominis nō permaneat idem numero permanet idem successione per generationem.

Secundum doctrinam Proculi sequentis uiam Platonis tenentis cœlum animatum, ut diximus supra. Istæ tres differentiæ nō acceptantur, & præcipue prima, nec tertia. nam secundum Platonem in Phædro omnes animæ intellectuig siue superiores, siue inferiores creantur cōplete, & perfecte secundum habitus intellectuales, licet quæ uniuntur corpori terreno patiantur obliuionem, similiter nō acceptatur tertia differentia, quoniam secundū Platonem nō solum anima cœli, sed & anima humana nunquā deserit corpus cui primo, & per se unitur, quod nō est terrenum corruptibile, sed æreum subtile incorruptibile, huic autem terreno unitur quasi extraneæ, & est animæ ut carcer, secunda differentia aliquantulum acceptatur non solum quia animæ cœlestes influunt in animabus humanis, sicut corpora cœlestia in corpora inferiora, sed inter animas humanas, quædam sunt alijs excellentiores, quæ animabus debilibus præbent uiam recte intelligendi, & uiuendi.

Secundum doctrinā Aristo. apud eos qui sentiunt enim tenuisse cœlum uere animatum prima differentia acceptatur, cum enim anima cœli careat sensibus, & sit intellectuig.

ua oportet tenere eius intellectum cōpletum, & perfectū esse quo ad actum primū, & semper actu intelligere, quoniam intellectu & uoluntate mouet cœlū motu continuo, ex duodecimo Metaphysi. tex. 36. Animæ uero inferiores imperfecte sunt, quoniam ex tertio de anima, tex. 5. Intellectus humanus in sui principio est in mera potentia in genere intelligibilem, nec reducitur ad actum nisi paulatim, & per intellectum agentem quo est omnia facere, idest ex intelligibilibus in potentia facere intelligibilia actu, ex tertio de anima, tex. 13. Apud illos autem qui sentiunt Aristoteli tenuisse cœlum non esse animatum nisi æquiuoce sumendo intelligentiam pro anima. Hæc prima differentia nō habet locum, cum nō dentur animæ superioris. Cōparare autem intelligentiam humanæ animæ in ratione animæ, cum nō sint uniuoca, cōparatio impropria est, ex septimo Physico, ex cōsequenti licet intelligentia apud Aristoteli sit cōpleta & perfecta. Anima autem humana incōpleta, & imperfecta, tamen hanc cōparationem in ratione animæ non admitteret, sed in ratione substantiæ intellectuales, in qua & intelligentia, & anima humana conueniunt. Secūda autem differentia non acceptatur, quoniam siue sumatur anima cœli pro uera anima, siue pro intelligentia, negaret Aristoteli eam agere, uel influere in anima humana inquantum intellectiua est, quoniam in tertio de anima, tex. 13. tenet proprium & naturale actiuum eius esse intellectum agentem qui est potentia animæ, cuius actio supponit phantasmata, & hæc supponunt naturam sensitiuam. Tertia differentia, sustinendo cœlum esse uere animatum, acceptatur, quoniam ut sic dat cœlo esse perpetuum quo dicitur diuinum, & immortale corpus, ex secūdo cœli, textu tertio. Animam autem humanam clare esse corruptibilem constat, quoniam unitur materiæ cum dispositionibus alteratiuis. Sustinēdo autem cœlum nō esse uere animatum nō acceptatur, quoniam in intelligentia cum sit perfecta in specie nō dat esse cœlo neque incorruptibile, neque corruptibile.

Secundum doctrinam Theologi, negantis cœlum esse uere animatum, nulla harum differentiarũ acceptanda est, quoniam omnis differētia est entium differentium differentia. Cum autem nō detur anima cœli, nō est entium differentium. Si autem sumatur anima cœli pro intelligentia, ut dictũ est, cōparatio erit nulla. Hęc igitur propositio quinta apud recte sentientes nō acceptatur, ideo dimittatur.

Propositio sexta.

Causa prima superior est omni narratione, & non deficiunt linguæ &c.

In hac propositione intendit Auctor declarare quomodo causa prima est inenarrabilis, & indicibilis ab intellectu creato, & maxime ab intellectu nostro, & causa huius est, quoniam prima causa est uincens omnem scientiam nostram. Igitur proponit hanc conclusionem. Causa prima nō potest enarrari, ita q̃ deficiunt omnes linguæ a narratione eius. Quam quidem cōclusionem intendit sic probare. Esse & substantia primæ causæ nō potest narrari, id est explicari per propositionem affirmatiuam, ergo causa prima nō potest enarrari. Antecedens probatur. Si substantia & esse potest narrari, aut per causas priores, aut per causas secundas, non primo modo, quoniam est supra omnem causam, ergo nō habet causam priorem, nō secūdo modo, quoniam narratio eius per causas secundas deficiens, & diminuta est, nō enim per ipsas enarratur, nisi quia illuminatur, id est participant perfectiones primæ causæ, & ipsa nō illuminatur ab alio cum sit lumen purum, id est pura & simplex perfectio, sed per perfectiones participatas non sufficienter enarratur esse, & substantia primæ causæ, quoniam cum sint limitate & singulares, nō adæquate representant uniuersalem, & illimitatam, & simplicissimam perfectionem esse, & substantiæ primæ causæ. Secūdo arguitur sic, prima causa est incognoscibilis, ergo est inenarrabilis. cōsequentia patet, quoniam sicut intelligimus sic enūciamus, sunt enim uoces signa cōceptuum. Antecedens autē pro-

batur sic, quicquid cognoscitur aut cognoscitur *per causam*, aut per seipsum, aut per effectum, sed nullo horum modorum causa prima est cognoscibilis. nam si est cognoscibilis per causam, ergo ipsa est effectus, & ut sic habet causam priorem, ex cōsequenti nō erit prima causa, nec erit purum lumen, nec purus actus, omnis enim effectus habet actum admixtum potentiae, nec est cognoscibilis per seipsam. omnis enim res quę per seipsam cognoscitur, aut est sensibilis, aut imaginabilis, aut cogitabilis, siue opinabilis, aut intelligibilis, sed prima causa, cum sit omnino abstracta a materia, est supra omnia sensibilia, & imaginabilia, & cum sit immobilis est supra omnia cogitabilia, siue opinabilia, opinio enim est de his quę aliter se habere possunt, & cum sit supra ens causatum non est intelligibilis ab intellectu nostro. nam obiectum intellectus nostri pro hoc statu est quidditas rei materialis, nec est intelligibilis per effectum, quoniam si per effectum, ergo per effectum maxime similem illi. hic autem est intelligentia, sed nec per hunc intelligibilis est, nam licet Deus sit naturę intellectualis sicut intelligentia, tamen est excellentiori modo, & præterea nullus effectus adæquat uirtutem primę causę. ergo non est per ipsum intelligibilis, ex consequenti inenarrabilis, siue ineffabilis, & aduerte qđ Auctor intendit de perfecta cognitione, & enarratione, aliter ut patet ratio sua nō cōcluderet, item licet apud omnem intellectum creatum. prima causa sit in cognoscibilis perfecte ex puris naturalibus, & inenarrabilis, tamen Auctor intendit de homine pro hoc statu, cuius signum est qđ facit hanc deductionem narratio non fit, nisi per loquelam, & loquela per intelligentiam, & intelligentia per cogitationem, & cogitatio per meditationem, & meditatio per sensum, causa autem prima est super omnes has res, ergo est inenarrabilis. Manifestum est autem qđ hæc deductio non uerificatur in Angelo, quoniam caret sensu, ergo cum dicit causam primam esse superiorem omni narratione intendit proprie de narratione humana, licet ut dixi

uerificetur respectu cuiuslibet intellectus creati.

Secundum doctrinam Proculi eadem cōclusio acceptatur, format enim in libro suo talem propositionē omne ens ipsum quidem propter super substantialem unionem inducibile est, & incognoscibile omnibus secundis, a participantibus autem capibile est, & cognoscibile propter quod solum primum penitus ignotum tanquam amathecum ens, idest omne per se ens, ut idea hominis, equi, leonis, est inducibile, & incognoscibile ab omnibus secundis, idest ab omnibus alijs substantijs separatis subsequētibz, sed a participantibus est cognoscibile, & capibile, puta ab hoc homine cognoscitur per se homo, quoniam secundum Platonem ideæ sunt causa scientiæ nostræ, & generationis rerum singularium sub specie, sicut etiam sibi attribuit Aristot. in. 7. Metaphy. primū autem, idest prima causa est penitus ignotum, quoniam est ens amathecum, idest nulli posterius, sed primum simpliciter, ex consequenti excedit omne ens secundum q̄ est ens productum, sed aduerte q̄ Auctor format conclusionem solum de prima causa, & est uerissima, quoniam cum ex sua illimitatione excedat improporcionabiliter omnem intellectum creatū est per essentiam suam incognoscibilis, & ineffabilis. Proculus autem extendit cōclusionem ad omnem formam idealem, quæ cum nō sint illimitate, nec improducte nō inconuenit ab intellectu creato perfecte cognosci, & capi, q̄ autem dicit primū esse penitus ignotum, intelligendum est quo ad essentialē cognitionem, quoniam nulla creata species, nec substantia est sufficienter repræsentatiua illius diuine illimitationis. Hanc autem illimitationem obtinet diuina substantia, quoniam ut inquit Proculus, nulli est posterior, a quo possit limitari. Secundū doctrinam Aristot. conclusio acceptatur, dum modo applicetur primæ causæ, & intellectui humano coniuncto, sicut uidetur Auctor applicare. nā si apud Aristot. in secundo Metaphy. tex. primo, se habet intellectus noster ad notissima nature, idest ad substantias separatas, sicut ocu-

lus noctue ad lumen solis, multo magis deficiet in cognitione, & narratione primæ causæ, quæ est supremum intelligibile, supremum appetibile, & supremum bonum in natura ex duodecimo Metaphy. tex. 5. 1. Item si eleuatur intellectus noster ad separata per hæc sensibilia, manifestum est quod pro hac uita nullum separatorum quiditatiue cognoscere possumus ex cōsequenti, nec enarrare, ergo id lōge amplius uerificatur de prima causā.

Secundum doctrinam Theologi, determinantis primā causam penitus infinitam, & superexcedētem in infinitum quodcūq; creatum, acceptatur hæc cōclusio. vnde Dionysius in primo capitulo de Diui. no. inquit. Quem scilicet Deum neque cogitare possibile est, neq; dicere, neq; totaliter aliquo modo cōtemplari, propter quod ab omnibus est segregatus, & super ignotus, & super omnes cœlestes mentes incomprehensibili uirtute est collocatus &c. & infra in eodem capitulo, inquit. omnibus autem uniuersaliter est in cōprehensibilis, & neq; sensus eius est, neq; phantasia, idest imaginatio, neq; opinio, neq; nomen, neq; sermo, neq; tacitus, neq; scientia &c. Et tu intellige hæc omnia uerificari, quo ad infī tam essentiam suam, & a priori, siue quo ad cōgnitionem essentialem, & quiditatiuam, quoniam ad illam non pertingimus, nisi diuina essentia uniatur intellectui ut forma intelligibilis quod nō datur nisi lumen diuinum eleuet intellectum ad tantam celsitudinem, sed id nō est naturæ, sed gratiæ. Dionysius autem loquitur de uirtute naturę. De statu autem gloriæ inquit in eodem capitulo. Tunc autem quando incorruptibiles, & immortales erimus Christi formem, & beatissimum cōsequemur finem, semper cum Domino erimus uisibili quidem ipsius Dei apparitione in castissimis cōtemplationibus adimpleti, manifestissimis circa nos splendoribus refulgente, sicut circa discipulos in illa diuinissima transformatione &c. Sed dices si de Deo non est nobis naturaliter nōmen, neq; sermo, neq; scientia, quo modo de Deo uerificantur nomina sibi attributa, & quo

modo a nobis laudatur, & quomodo cœli enarrant gloriam eius.

Responsio secundum doctrinā Dionysii in eodem cap. per diuina nomina quæ nobis a sacra scriptura traduntur, duo cognoscimus, scilicet cōmunicationem diuersarum bonitatum, & perfectionū in creaturis, & ipsum principium cōmunicationis, uerbi gratia, cum dicimus Deum uiuentē cognoscimus cōmunicationem uitæ in creaturis, & principium huius cōmunicationis esse Deum, & hoc quidē principium nō cognoscimus per diuina nomina, sicut est, idest perfecte & essentialiter. nam ut sic indicibile est, & inscrutabile ex creaturis, & propterea cōcludit Dionysius, melior est omni sermone, & omni cognitione, & super mentē uniuersaliter, & super substantiam, idest super quodcūq; existens creatum collocatur. Omnis igitur diuina laus, & gloria sibi data, siue ab Angelis, siue ab hominibus, fundatur nō superfacilem uisionem, sed super cōmunicationem diuinarum perfectionum, & super negationem imperfectionum, per quam ut possumus cōfute circūloquimur intrinsecas Dei perfectiones, dixi, non superfacilem uisionem, quoniam nunc loquimur de cognitione, & enarratione naturali quā possit intellectus creatus habere de Deo, sed hæc cognitio pene nulla est similiter enarratio comparata illi diuinæ immensitati, patet igitur hanc sextam propositionem esse simpliciter ueram.

Propositio septima.

Intelligentia est substantia quæ nō diuiditur &c. In hac propositione, Auctor intēdit manifestare essentiam intelligētiæ, & quoniam a nobis quiditatiue cognosci nō potest, nec p. ppriam differentiam, ideo per negationes procedit, quibus circūloqui intendit eius substantialem perfectionem. Ponit igitur talem conclusionem, intelligentia est substantia quæ nō diuiditur, idest est substantia indiuisibilis, & impartibilis, quod sit substantia pro manifesto habet, quoniam cum sit producta, & finita in aliquo prædi-

camento locatur. Constat autem q̄ nō in prædicamento occidentis, aliter occidens esset nobilior pars uniuersi, tenet enim intelligentia supremam dignitatē post primam causam, ut patet ex propositione secunda. Continetur igitur in prædicamento substantiæ, & in hoc differt a prima causa, quæ & sua illimitatione nulli prædicamēto astringitur. unde nō debet dici substantia, sed supersubstantia, sicut superesse superuita superbonitas &c. Quod autem sit indiuisibilis, & impartibilis, probat dupliciter, primo a sufficienti diuisione, secundo a signo. Quantum ad primū sic arguit. Omne quod diuiditur, aut diuiditur, quia habet magnitudinem siue per se, ut linea uel superficies, siue per accidens, ut albedo extensa in superficie diuiditur ad diuisionem superficiē, aut quia est corpus, aut quia est sub motu, quoniam omne mobile est diuisibile, aut secundum multitudinem, & est illud quod in se continet multa quorum unū est separabile ab altero, sicut animal cōtinet sentire, uegetare &c. Et potest amittere ipsum sentire, stante ipso uegetare, ut patet in dormiente, & in epileptico &c. sed intelligentia nullo istorum modorum est diuisibilis, ergo &c. Minor sic uidetur probare. Omnis diuisio est in tempore, quoniam diuisio est progressus, siue motus ab unitate ad multitudinem, cum de ratione diuisionis sit pluralitas, sed omnis motus est in tempore. ergo omne diuisibile quādo diuiditur mensuratur tempore, sed intelligentia quo ad substantiam est in æternitate, ut dictum est in secunda Propositione. ergo nō est in tempore, immo est altior omni tempore.

Quantum ad secundum arguit sic. Quod reddit ad essentiam suam, scilicet intelligendo seipsum, non habet magnitudinem, neq̄ est corpus, ex cōsequenti nō est in motu, omne enim mobile, quantum est, & sic est diuisibile secundum magnitudinem, secundum corporeitatem, secundum motum, sed intelligentia reddit ad seipsam intelligendo essentiam suam, ergo &c. Minor probabitur infra. Major autem sic probatur. Omne habens magnitudinem & corpus, habet

habet partes, quarum una distat ab alia secundum situm, ergo nō potest ad seipsum redire, siue super seipsum cōuer- ti. ergo quod reddit ad essentiam suam, scilicet intelligendo seipsum nō habet magnitudinem, nec est corpus, nec est in motu. q̄ autem intelligentia indiuisibilis sit secundum mul- titudinem intrinsecam, idest quod licet in se contineat mul- tas perfectiones, puta esse, uitā, cognitionē, desiderium &c. tamen sunt abinuicem inseparabiles, ita q̄ nō potest remo- ueri cognitio, & remanere uita, ut fit in nobis, probatur sic. Intelligentiā maxime propinquat uni, idest primæ causæ quæ est maxime una. ergo habet perfectiones maxime uni- ras, ergo inseparabiles abinuicem. Prima cōsequentia pro- batur. nam ex eo q̄ propinquat uni, nobiliori modo habet in se perfectiones, sed nobilius est habere unitas quam sepa- rabiles, unitas enim dignior est diuisione. Cuius signū est, q̄ in prima causa omnes p̄fectiones sunt una simplex per- fectio, & inseparabiles, sed prima conditio nō potuit serua- ri in intelligentia, quoniam cum sit producta iam in ea ca- dit compositio. ergo conueniens fuit in ea seruari secūdam propter propinquitatem ad primam causam. Manifestum est igitur intelligentiam nullam habere magnitudinem, neq̄ corpus, neque motum corporeum, neq̄ multitudinem per- fectionum abinuicem separabilium, ex consequenti est sub- stantia indiuisibilis, impartibilis, non subiecta tempori, sed æterna, ut ostendimus supra.

Secundum doctrinam Proculi eadem conclusio acce- pratur. nam in libro suo hanc propositionem ponit. Omnis intellectus impartibilis est substantia, & sic probat. Omne partibile aut est partibile secundū magnitudinem, siue cor- poreitatem, aut secundum operationes, aut secundum mo- tum, aut secūdam multitudinem modo quo expositum est ad mentem Auctoris, sed intelligentia nō est partibilis se- cundum corporeitatem. est enim incorporea, quoniam cō- uertitur intelligendo se super substantiam suam, quod repu- gnat omni corporeo propter extensionē partium, & ut ma

gis declarabitur infra. neque secundum operationes, quoniam inquit Procu. Omnes operationes partibiles fiunt in tēpore, si enim partiuntur una sit post aliam, ex cōsequenti interuenit tempus, sed intelligentia est per omnia æternalis & secundum substantiam, & secundum operationem ad mentem Proculi, ut dictum est in secunda propositione, neq; secundum motum, quoniam partibile secundum motum uariabile est. intelligentia autē est inuariabilis, & immobilis cum sit æternalis, neq; secundum multitudinem intrinsecam, quoniam intelligentia impartibiliter habet multitudinem perfectionum ex propinquitate ad primum unum, & primam causam. Et aduerte probationem Proculi quoad impartibilitatem multitudinis coincidere cum probatione adducta secundum mentem Auctoris.

Secundum doctrinam Aristot. hæc cōclusio acceptatur, nam in duodecimo Metaphy. tex. 41. loquens de substantia intelligentiæ inquit. Verum sine parte indiuisibilis est. Et ratio quidem Aristot. est, quoniam in duodecimo Metaphysi. tex. 30. probauit eam immaterialem, quoniam eius substantia est actus, cum semper actu moueat. Si immaterialis, ergo nō quanta. Quantitas enim primo cōsequitur materiam. Si nō quanta, ergo impartibilis quantitatiue. Itē in duodecimo Metaphy. tex. 41. probat eam nullam magnitudinem habere, quoniam non magnitudinem infinitā, illa enim non datur, nec magnitudinem finitam, quoniam cum moueat tempore infinito, habet potentiam infinitam, quæ nō potest esse in magnitudine finita, ut iam probauerat in octauo Physico. tex. 78. & 79. Item in secundo Metaphy. tex. 35. Probat q̄ est mouens immobilis, quoniam si est mobilis est in potentia, si in potentia, ergo substantia eius nō est actus, si nō est actus, ergo poterit nō mouere, ex cōsequenti motus cœli, poterit esse nō cōtinuus perpetuus q̄ Aristot. pro inconuenienti habet, est igitur immobilis, ergo impartibilis secundum motum. Item in duodecimo Metaphysi. tex. 41. probat eam inalterabilem, & impassibilem,

ergo perfectiones sue intrinsece inseparabiles sunt, ergo est indiuisibilis secundum multitudinem. Hæc igitur cōclusio uera est secundum Aristo. & in se, licet fundamentum suæ probationis, scilicet motus æternus nō acceptetur a Theologo, ut dicemus.

Secundum doctrinam Theologi hæc cōclusio acceptatur, unde Dionysius in quarto capitulo de Diui. no. inquit. primæ creaturæ, sicut incorporales, ita & immateriales intelliguntur, ergo sunt impartibiles, secundum magnitudinem, & corporeitatem, & signum quidem carentiæ materiæ, & magnitudinis sumitur a sua propria operatione, quæ est intelligere, hæc enim cum nullius, sit organi corporei, si gnat intellectum esse immaterialem, & incorporeum, & cum non minus possit esse abstracta natura rei, quam eius potentia actiua, quoniam originatur potentia a natura rei; sequitur substantiam intelligentiæ esse remotam ab omni materia, & magnitudine. Item intelligentia ex eo quod est immaterialis, est immobilis, motu physico, omne enim mobile physicum habet materiam, & est quantū ut etiam probat Philosophus in sexto Physico. Si immobilis, ergo non est diuisibilis, secundum motum. Item omnes perfectiones impressæ a prima causa in intelligentia sunt cōnaturales, & ueluti proprietates suæ, ergo sunt inseparabiles, ex consequenti est indiuisibilis quo ad multitudinē perfectionū suarum, eo modo quo exposuimus etiam ad mentē Auctoris.

Tu tamen aduerte q̄ licet Theologus concordet cum Auctore, & Proculo, & Aristo. in conclusione, nō tamen in probatione. nam ut diximus supra, licet secundum substantiam mensuretur æternitate participata, nō tamen quo ad operationes suas naturales. nam in intellectiōibus, & uolitionibus, & applicationibus sue uirtutis ad corpora mouenda potest esse successio, & ut sic subiicitur temporī, dixi autem operationes naturales, ut secludam operationē beatificam, secundum quā mensurantur æternitate, patet ergo q̄ illa ratio Auctoris, & Proculi fundata super hoc quod

intelligentia est omnino æternalis nō concludit. Item ratio Aristo, fundata super motum æternum, non acceptatur cū ponat motum cœli, & tempus, & uniuersitatem creaturarum incepisse, secundum durationem, & de hoc loquemur diffuse in propositione undecima. Hæc de septima propositione dicta sint.

Propositio octaua.

Om̃is intelligentia scit, quod est supra se, & quod est sub se &c.

In hac propositione intendit declarare modum, quo intelligentia intelligit quod est supra se, id est causam primā, & quod est infra se, id est corporea, & materialia, & intendit hanc cōclusionem, intelligentia scit quod est supra se in feriori modo quam sit id quod est supra se, & scit quod est infra se altiori modo quam sit illud in se, quam quidem cōclusionem intendit sic probare. omnis sciens non scit rem meliorem, & inferiorem, & deteriorem, nisi secundum modum substantiæ ipsius scientis, & sui esse, & nō secundum modum, secundum quem res sunt, sed substantia, & esse intelligentiæ inferiora sunt, eo quod est supra se, id est prima causa, quoniam illa infinita est, hæc autem finita, ergo inferiori modo scit primam causam, quā sit prima causa. nam est infinitæ intelligibilis, & ab intellectu infinito cōprehensibilis, & tamen ab intelligentia finitæ intelligitur, nec a suo intellectu finito cōprehenditur, ergo imperfectiori modo cognoscitur ab intelligentia, quam sit prima causa in se, & substantia intelligentiæ, & suum esse, altiora & nobiliora sunt, quam res corporeæ, & sensibiles, quoniam actus sunt, & æternæ, & intellectuales ex toto, ergo altiori modo, & nobiliori sciuntur ab intelligentia, quam sint illa in se. Minor quidem huius rationis manifesta est, sed superest declarare maiorem. vnde aduerte q̃ sciens nō sit sciens actu, nisi in quantum actuatur forma rei cognite, quæ est cognoscendi principium, actuatur autem in quantum recipit eam, recipit autem secundum modum substantiæ sue, quia unum

quodq; recipitur per modum recipientis, puta si recipiens est nobile, receptum dato q; in se sit nō nobile, recipitur nobiliter, & si recipiens sit ignobile, receptum autem in se nō bile, recipitur ignobiliter, quoniam trahitur receptū ad naturam recipientis præcipue in ratione cognoscendi propterea entia abstracta in nostro intellectu habent ignobilius esse, entia uero materialia habent esse nobilius, quoniam immateriale, quia igitur sciens, sit sciens, quia recipit formā rei cognitæ, & recipit secundum modum suæ substantiæ, & nō secundum modum substantiæ rei cognitæ uerū est, q; omnis sciens nō scit rem meliorem, nec deteriore, nisi secundum modum substantiæ ipsius scientis. Vnde in proposito ad mentem Auctoris, cum intelligentia comparatur ad primam causam ut causatum, & ad res materiales inferiores, ut causa, quoniam per motum coeli causat eas, sequitur q; cum causatum sit inferius sua causa, sciet primā causam imperfectiori modo, quam sit in se, & sciet materialia perfectiori modo quam sit in se. nam & substantia sua est inferior prima causa, & est superior rebus materialibus. ¶

Tu tamen aduerte q; hic loquitur Auctor de modo cognitionis, ex parte cognoscentis, & non de modo, ex parte rei cognitæ. nam ex parte cognoscentis uerum est quod dicit, scilicet q; cognoscit secundum modum substantiæ suæ, & non secundum modum quo res sunt, puta primā causa est infinita in se intelligibilis, & tamen ab intelligentia intelligitur finita, quoniam sua substantia, & sua intellectualitas sunt finitæ, ex parte autem rei cognitæ intelligit rem sicut est, aliter falsæ intelligeret, puta licet intelligat primam causam finitæ, tamen intelligit eam esse infinitæ intelligibilem, & licet intelligat rem materiale imaterialiter, quia per speciem abstractam a conditionibus materiæ, tamen intelligit eam habere esse materiale. ¶

Secundum doctrinam Proculi acceptatur eadem conclusio. nam in suo libro ponit hanc propositionem, omnis intellectus, scilicet separatus est intellectualiter, quæ ante

ipsum, & quæ post ipsum, id est in suo intellectu sunt modo intelligibili, & superiora, & inferiora. nam sicut quæcunq; sunt in sensu, sunt modo sensibili, & quæcunq; sunt in materia modo materiali, sic quæcunq; sunt in intellectu, sunt modo intelligibili, & sicut quæcunq; recipiuntur in sensu, recipiuntur secundum uirtutem sensus, & quæ recipiuntur in materia, secundum dispositiones materiæ, ita omnia recepta in intellectu, recipiuntur secundum modum, & uirtutem ipsius intellectus, igitur sicut lux solis debiliter recipitur in uisu, quia excellentior est ipso uisû, & lux lampadis perfecte, quia uisus perfectior est, sic superiora entia debiliter recipiuntur in intellectu separato, & inferiora perfecte, & altiori modo, quam sint in se, & id totum fundatur super illud principium, cognitum dum cognoscitur proportionatur cognoscenti.

Secundum doctrinam Aristo. acceptatur eadem cõclusio. nam in tertio de anima, tex. 37. pro principio habet qd intelligibile in actu, quod in intellectu creato, non est uerũ per identitatem, nisi quando intelligens intelligit seipsum, quando autem intelligit alia a se, nõ est uera identice, sed receptiue uel informatiue spiritualiter. Vnde inquit illic Arist. lapis nõ est in anima, sed species lapidis, est igitur secundum Aristo. res intelligibilis ipse intellectus, quia recipitur in intellectu intelligibiliter, sed quod recipitur in aliquo modificatur in eo, quia recipitur secundum uirtutem, & capacitatem siue habilitatem recipientis, ergo quando superius recipitur intelligibiliter in intelligentia, modificatur in ea, ergo inferiori modo, quam sit in se, & quando inferius recipitur in ea, recipitur altiori modo, quam sit in se, ex quibus sequitur qd dum intellectus recipit superius, intellectus quidem sit dignior, sed superius quodammodo sit indignius, & quãdo recipit inferius est opposito modo. Vnde Aristo. in duodecimo Metaphy. inuestigans, in tex. 51. quid Deus intelligat dicit, qd dignissimum, & honorabilissimũ intelligit, id est seipsum, & nõ transmutatur, scilicet ad intelligendũ aliud,

Indignius enim, quasi dicat. Cum omne extra Deum sit indignius Deo, si transmutaretur ad intelligendum aliud, intellectus eius uilesceat, quoniam scilicet reciperet indignus, propterea cōcludit seipsum, ergo intelligit, siquidem est potentissimum, quomodo autem alia intelligat, ita q̄ enim intellectus nō uilesceat, nō est opus nunc discutere.

Secundum doctrinam Theologi, eadem cōclusio accipitur, & ratio sua est, quando intelligentia intelligit intelligentiæ naturali, id quod est supra se, id est primam causam, intelligit eam per sui substantiam, & per alia creata quæ in infinitū deficiunt a diuina perfectione repræsentanda, ergo non intelligit eam, sicut est in se intelligibilis, ergo intelligit eam imperfectiori modo, quam sit in se intelligibilis, & nō solum intelligentiæ naturali, sed etiam beatificæ, quoniam dato q̄ prima causa efficiatur forma intelligentiæ, tamen non comprehenditur ab ea, quoniam inadæquatur sibi, cū sit limitata, quæ autem sunt infra intelligentiam ut corpora, & materialia intelligit altiori modo, quā sint in se quoniam intelligit ea per sui substantiam quæ est mobilioris gradus cū sit immaterialis, & intellectualis, & intelligit ea per species cōgenitas de quibus loquimur infra, sufficientissime repræsentatiuas in specie, & in singulari. verum ergo est dicere intelligentiam intelligere quod est supra se inferiori, & imperfectiori modo, quam sit illud in se, & intelligere quod est infra se, altiori modo q̄ sit illud in se, & aduerte q̄ semper loquimur de modo cognitionis, ex parte cognoscentis. Hæc de octaua propositione dicta sint.

Propositio nona.

Omnis intelligentiæ fixio, & essentia eius est per breuitatem puram, quæ est causa prima.

In hac propositione intendit manifestare quid est supra intelligentiam, a quo dependet, & a quo habet esse perpetuum, & intendit hanc conclusionem, omnis intelligentiæ fixio, id est esse fixum, & indeficiens est a prima causa effectiue, quæ est pura bonitas, & hanc conclusionem probat

dupliciter. Primo ex operatione intelligentiæ. Secundo ex cōditione primæ causæ ibi, & quia causa quidē prima &c.

Quantum ad primum aduerte duo. Primo q̄ licet prima causa multas habeat actiones, scilicet immanentem, & transeuntem, tamen dicitur prima causa, quia mouet con- ducit seruat, regit & dominatur omnibus, ideo nominatur Princeps Rex Dominus vniuersorum. Secūdo licet intelli- gentia applicata cœlo, habeat multas actiones, utpote in- telligens desiderans mouens influens &c. tamen hic consi- deratur ab Auctore ut influit in cœlo, & per motum suum influit in generabilibus, tam simplicibus, quam mixtis, & ordinat motus, & generationes, & permutationes inferio- res, & regit, & disponit inferiora per tempora, & uariatio- nes temporum & retinet, & conseruat res inferiores modo eis conuenienti, & applicat causas particulares effectibus suis, ut ignem ad comburendum arborem ad fructifican- dum, hominem ad generandum, ita q̄ cessante intelligentiā a motu cœli, deperiret in mundo inferiori omnis naturalis actio, & ordo, & dispositio propter quod sicut prima causa est uniuersalis princeps, & moderator totius entis, sic intel- ligentia mouens cœlum est domina, & regulatrix, & prin- ceps mundi inferioris, esse igitur dominatiuum, & guberna- tiuum conuenit primo, & essentialiter primæ causæ, partici- patiuæ autem, & modificate conuenit intelligentiæ. His sup- positis sic arguitur ad conclusionem, quicumque participat propriam operationem alicuius, necesse est ut pendeat ab eo. nam quia luna participat operationem solis, scilicet illu- minare, necesse est ut esse luminosum insit sibi a sole, & si discipulus docet alium necesse est, ut recipiat doctrinam a docente, sed intelligentia participat propriam operationem primæ causæ, scilicet producere regere disponere continere entia non quidem absolute ut prima causa, sed modificate ut diximus, ergo necesse est ut pendeat effectiue a prima causa quæ est bonitas pura, quæ autem sint contenta, & gu- bernata ab intelligentia, inquit Auctor, & intelligentia cō-

prehendit generata, & naturam, & horizontem naturæ, sci-
licet animam, & per generata intēdit uniuersitatem rerum
generabilium, & corruptibilium quos cōprehendit, & con-
tinet, & disponit mediante motu cœlesti, & per naturam in-
tendit uirtutes naturales quæ sunt principium motus, &
quietis in corporibus naturalibus intēr quæ cœlum est pri-
mum corpus naturale, & per horizontem naturæ, intendit
animam cœli, quod secundum Auctorem est animatum,
quam dixit supra esse in horizonte æternitatis, quoniam se-
cundum esse est æterna, inquantum autem est principium
motus cœli propinquat tēpori. Hanc igitur dicit esse in ho-
rizonte naturæ, quoniam secundum naturam intellectu-
alem, se tenet cum intelligentia, secundum uirtutem motiuā
corporis se tenet cum formis naturalibus, dicit igitur Au-
ctor, ideo intelligentia continet, & disponit generationem,
quia est supra naturam, id est uirtutem corporis cœlestis, &
continet eam, & continet naturam, id est disponit uirtutem
cœlestem, quia est supra animam cœlestem cum intellē-
tia, sit substantia omnino abstracta, cum igitur sub intelli-
gētia, nō sint nisi anima cœli, & natura cœli, & hæc inferio-
ra generabilia, tam simplicia, quam mixta, sequitur quod
intelligentia cōtinet, & regit omnes res, & id obtinet intelli-
gentia, quoniam est effectus propinquissimus primæ cau-
sæ quæ supereminet intelligentiæ, & animæ cœli, & natu-
ræ, & omnibus inferioribus, sicut uniuersalissimū causans,
& regens, & disponens omnia, patet igitur a signo sumpto
ex operatione intelligentiæ, quomodo pendet a prima cau-
sa, quæ est pura bonitas.

Secundo Auctor probat eandem conclusionem, ex emi-
nentia primæ causæ. vnde nota q̄ cum prima causa obti-
neat primatum, & summitatem omnium perfectōnū, est
enim primum esse, primum bonū, prima uita, prima essen-
tia intellectualis, prima scientia, prima potētia motiua, pro-
ductiua, principiatiua, sequitur ex illo principio acceptato
apud quemcunq; recte sentiente, primum & maximum in

aliquo genere, est causa, & metrū omnium illius, q̄ prima causa sit creans omnes perfectiones inuentas extra ipsam; igitur cum sit supra intelligentiam, & animam, & naturā, sequitur q̄ ab ea pendet esse omnis rei naturalis, & esse, & uirtus animæ, & esse, & uirtus, & scientia, & potentia diuina, idest regitiua intelligentiæ, & ratio quidem propter quā prima causa supereminet omnibus, scilicet intelligentiæ, & animæ, & nature est, quoniam habent yliatim, idest aliquā compositionem materiale, ut naturalia quæ componuntur ex materia, & forma, uel per modum materiæ, ut anima, & intelligentia quæ componuntur ex esse, & essentia, & esse habet rationem actus, essentia autem rationem potentiæ, sed prima causa non habet yliatim, sed est summæ simplex, & est tantum esse, idest purus actus.

Sed forte dicet aliquis, si causa prima est tantū esse, ergo uidetur esse cōmunis essentia, quæ de omnibus predicatur, q̄ tamē est falsum, quoniam Deus esset uniuersale esse, cui ut uniuersali nō debetur aliqua operatio, agere enim est singularium, ex consequenti Deus non produceret intelligentiam, nec aliud.

Respōdetur negando cōsequentiam, dicitur enim Deus esse tantum, idest esse non limratum, nec receptum in aliquo, sed infinitum in se continens omnem essendi gradum, quod seipso distinctum est a quocunq̄ alio, & non per aliquod recipiens. nam abstracta seipsis sunt hæc, composita autem per materiam indiuiduantur. vnde sicut si daretur albedo separata, seipsa esset hæc, albedo autem recepta, sit hæc per materiam, sic Deus seipso in se indiuisus est, & distinctus a quolibet alio, in his comprehenditur intentio Auctoris in hac nona propositione.

Tu tamen aduerte q̄ duo hic dicta ab Auctore nō accipiantur ut diximus etiam supra, primo dictum de anima cœli. nam nō tenetur secundum ueritatem cœlum esse proprie animatum, secundo dictum suū, cum dicit Deum creare animam, & naturam, & reliquas res mediante intelligē-

tia, id enim reprobauius in propositione tertia.

Secundum doctrinam Proculi acceptatur eadem conclusio. nam in libro suo super hanc propositionem ponit.

Omnium entium principium, & causa prima, bonū est, & accipit ly bonum, p per se bono more Platónico, quod est purum, & per se subsistens bonum, & concordat cum Platone in Timæo, ubi inquirens rationem creandi mundum in Deo inquit. Dicamus igitur quam ob causam illæ rerum Auctor generationem, & hoc uniuersum constituit bonus erat, bonus autem nulla unquam aliqua de re inuidia tangitur, ergo cum lior ab eo alienissimus esset, omnia sibi quantum fieri poterant similia fieri uoluit, hic ibi, ratio autem Proculi, secundum doctrinā Platonis est, quoniam quod est tale per essentiam, causa est eius quod est per participationem, sed Deus est bonus per essentiam, quoniam est a se bonus, ergo est causa intelligentiæ, & omnium entium quæ sunt bona per participationem, quoniam sunt in æqualiter, & limitate, & pluraliter bona.

Secundum doctrinam Aristo. eadem cōclusio acceptatur. nam in secundo Metaphys. textu quarto, dixit unū quodq; maxime ipsum, aliorum dicitur, scilicet causa secundum quod est in alijs, puta ignis calidissimus, etenim est causa alijs hic caloris, ex hoc ergo principio deducitur ex doctrina sua, q; maxime ens, est causa omnis entis, & maxime bonum est causa omnis boni, cum igitur primā causa sit huiusmodi, ergo est causa, & intelligentiæ, & naturæ, & omnium entium, quod cōfirmat Cōmen. in secundo Metaphys. Cōmen. 4. ubi inquit, omnia entia non acquirunt esse, & ueritatem, nisi a primā causa, quæ est maxime ens, & alia sunt entia per ipsam, & Aristo. in duodecimo Metaphys. tex. 2. inuestigans qualiter hoc uniuersum habet bonum, assignat duplex bonum, scilicet intrinsecum quod dicit esse ordinem inter partes uniuersi, & extrinsecum, siue separatū, ad quod ordinātur omnia, sicut exercitus ad ducem, & hoc bonum cōcludit esse unum, & uniuersalem

Principem in uniuersitate entium. Ab hoc igitur bono, ut præposuerat in text. 19. ut a principio. Primo pendent coelum, & natura, id est superiora, & inferiora entia.

Secundum doctrinam Theologi eadem cōclusio acceptatur, nam Dionysius in quarto capitulo, de Diui. nomi. ostendens excellentiam huius nominis bonum in Deo inquit, & quoniam eo q̄ est bonum ut substantiale bonum, ad omnia existentia extendit bonitatem, etenim sicut noster sol, non ratiocinans, aut præeligens, sed per ipsum esse illuminat omnia participare ualentia lumine ipsius, ita quidem, & bonum omnibus existentibus proportionaliter immitit radios bonitatis &c.

Deinde in particulari declarat quomodo ex primo bono subsistunt substantiæ intellectuales, & animæ, & irrationalia, & corruptibilia usque ad materiam primam, & coelestia corpora. Ratio autem Theologi ad cōclusionem eadem est, cum ea quæ adducta fuit, secundum doctrinam Platonis, & Arist. Hæc dicta sint de nona propositione.

Propositio decima.

Omnis intelligentia plena est formis, uerū tamen ex intelligentijs, sunt quæ continent formas plus uniuersales &c.

In hac propositione intendit Auctor declarare quibus medijs intelligentiæ sciunt quæ sunt extra se præter causam primam. Dico autem quæ sunt extra se ad differentiam propriæ essentiæ, de cuius intellectione loquemur in propositione. xij. & dico præter causam primam, quoniam illa est maior omni narratione, & omni scientia creata, quo ad cognitionem perfectam, & essentialem, de qua hic intendit Auctor, in hac igitur propositione, ponuntur duæ cōclusiones ad mentem Auctoris.

Prima conclusio, omnis intelligentia plena est formis, id est speciebus intelligibilibus cōgenitis per quas perfecte intelligit, quæ sunt extra se.

Secunda cōclusio, omnis intelligentia quanto superior,

tanto per pauciores, sed uniuersaliores formas intelligit, & quanto inferior, tanto per plures, & minus uniuersales species intelligit.

Quantum ad primam cōclusionem, aduerte q̃ Auctor nō probat eam, sed ut manifestum ponit, quoniam principium intelligendi in intelligentia omnia alia creata, aut est sua propria essentia, aut species abstracte a rebus sicut abstrahit humanus intellectus, aut species impressie sibi a prima causa in sui creatione, nō propria essentia, quoniam cū sit limitata ad genus, & certam speciem nō est sufficienter repræsentatiua omnium generū, & specierum in entibus, sed id est proprium diuinæ essentiæ, ex sui illimitatione, & ex continentia omnis gradus essendi, nec species abstracte a rebus, ille enim supponunt uim imaginatiuam, siue phantasiā, & illustrationem phantasmatum ab intellectu agēte, quorum utrunq̃ Procul est ab intelligentia cum sit substantia mere intellectualis, ergo a sufficienti diuisione, necesse est ponere in ea species concreatas sufficienter repræsentatiuas rerum ab ea cognoscibilem.

In hac conclusionē cōcordat Proculus qui in suo libro. talē propositionem ponit. Omnis intellectus plenus est specierum, & ratio huius in uia Platonica est, quoniam Plato ponebat formas abstractas, ut per se hominem, per se leonem &c. Et sub his formis ponebat ordinē intellectiuū separatorum, & hos intellectus actuari illis formis abstractis, ut intelligant, necesse est enim intellectum informari forma sui obiecti inesse intelligibili, sicut informatur sensus specie rei sensibilis, hæc autem informatio fit per impressionem specierum, ergo necesse est in intellectu separato fieri impressionem formarum abstractarū quas Proculus hic uocat species.

Eandem conclusionem acceptaret Aristoteles. licet non habeamus eam expressam in doctrina sua, certum est enim quod in duodecimo Metaphysicæ. tex. 36. ponit cœlum moueri a motore suo per intellectum, & desiderium, quo

motu producit inferiora, secundum unamquamque speciem, ergo intelligit cœlum motum, & inferiores naturas, ergo necesse est, ut in intellectu suo habeat esse spirituale rerum naturalium producibilem, est enim intelligentia, ut artifex in cuius intellectu sunt formæ artificiatorum, ita quod sicut artificia habent duplex esse. scilicet in materia, & in mente artificis, ita formæ rerum productibilem motu cœli, duplex habent esse, scilicet naturale in materia, & spiritale in intelligentia, & id confirmatur per Cōmen, qui in duodecimo Metaphysicæ, text. 36. inquit, istæ enim formæ, scilicet rerum producibilem forte videntur habere duplex esse, scilicet esse in actu, quod habent in materia, & esse in potentia, scilicet actiua, quod habent in illa forma, scilicet intelligentia mouente, & dico potentiam quemadmodum dicimus, quod formæ artificiales habent esse in actu, in materia, & in potentia in anima artificis. unde hæc formæ videntur habere duplex esse, scilicet abstractum, & materiale, & hoc quidem est quod facientes formas uolunt dicere, sed non perueniunt ad ipsum. Hæc Cōmen, & per facientes formas intendit Platonicos facientes ideas, patet igitur quod ad mentem Aristoteli & Cōmen, intelligentia est plena formis, sicut intellectus artificis potentis producere artificia cuiuscunque generis.

Eandem conclusionem acceptant Theologi, præcipue Dionysius, qui inquit in quarto capitulo, de Diuini nominis intellectus super mundani intelligunt, & illuminantur, secundum existentium rationes, id est formas intelligibiles, & Augustinus, in secundo super Genesim, ad litteram tenet, rerum rationes, id est rerum producibilem essentias prius productas fuisse in mente Angelica, quam in materia. Ratio autem Theologi ad hoc, stat in cōformitate inter naturam corporalem, & spiritalem, uidemus enim materiam inferiorem non perfici, nec repleti forma quam habet, sed successiua receptione formarum sic in actu, materia uero superiorum penitus perficitur forma sua, nec est in potentia ad aliam, sic intellectus humanus non perficitur, nec completur aliqua

specie intelligibili, sed in principio est in pura potētia in genere intelligibilium, & uenatione sensuum, ac illustratione intellectus agēis, paulatim actuaturs speciebus abstractis, intellectus autem intelligentiæ, quia omnino separatus est a rebus materialibus, recipit ex influxu primæ causæ in sui creatione, formas intelligibiles quibus intelligit quæ sunt extra se, sicut & cœlum recipit formā, quia seruatur in esse perpetuo, & potest agere in inferioribus actione perpetua.

Quantum ad secundum cōclusionem Auctor intendit talem propositionem, quod est propinquius maxime, uni & perfectissimo enti est minus multiplex, & magis unum, & uehemētioris uirtutis, quod autem est minus propinquū est opposito modo. quoniam minus accedit ad cōformitatem illius primi, sed intelligentiæ superiores propinquiores sunt maxime uni, & perfectissimo enti cum sint altioris gradus in entibus, intelligentiæ autem inferiores minus propinquant, ergo intelligentiæ superiores sunt minus multiplices, & magis unæ, intelligentiæ autem inferiores sunt opposito modo, ex cōsequenti intelligentiæ superiores, & in substantia, & in intellectu, & in operatione minus multiplices sunt, & uehemētioris uirtutis, inferiores autem opposito modo, ita q̄ formę per quas superiores intelligūt sunt minus multiplicates, & magis perfectę, in inferioribus autem opposito modo. vnde aduerte q̄ accidit in intelligentijs, sicut in agētibz naturalibus, nam primum agens naturale, idest cœlum, quia superius, & perfectius est, una qualitate, idest luce multipliciter influit, & operatur in inferioribus. nam illuminat calefacit exiccat, mollicat generat. Agētia autē naturalia secundaria ut elementa, & elemētata multis qualitatibus multiplicantes actiones. nam ignis leuitate ascēdit, calore calefacit luce illuminat &c. Sic est in intelligentijs inter quas superiores assimilantur primo agenti naturali, inferiores autem secundarijs agentibus, & id totum prouebit ex maiori, & minori propinquitate ad purum unum. vnde cōcludit Auctor, q̄ formę intelligibiles, quæ ueniunt ex in-

telligentijs primis, ex intelligentijs secundis sunt debilioris processionis, & uehementioris separationis, idest multiplicatis, quoniam cum sint minus perfecte, secundum substantiam, nō possunt eas recipere in illa unitate, & uniuersalitate, secundum quā recipiuntur in primis. vnde se habent inferiores intelligentiæ ad superiores, sicut discipulus ad doctorem, qui recipere nō potest plurium cōclusionum noticiam, nisi per distinctas, & ordinatas, & dearticulatas propositiones a Doctore tradatur. Doctor autem uirtute ingenij, & sufficientia habitus scient. sicut ex uno principio deuenit in noticiam multarum cōclusionum, patet igitur, secundum Auctorem ratio propter quam intelligentiæ, quāto superiores, tātō per pauciores, sed uniuersaliores, scilicet in repræsentando plura, nō solum quo ad prædicata cōmunia, sed etiam propria, & specifica species intelligunt, inferiores autem, quāto inferiores, tanto per plures, & minus uniuersales species intelligunt.

Eadem cōclusio acceptatur a Proculo. nam in libro suo talem propositionem format, omnis intellectus plenus est specierum, hic quidem uniuersaliorum, hic autē particulariorum, & ratio quidem ad mentem Proculi est hæc uirtus intellectiua, quāto est altior, tanto est uniuersalius medium per quod intelligit, & quāto inferior, tanto est particularius medium, & id quidem patet, ex parte utriusq; extremi. nā quia diuinus intellectus altissimus, est ideo per unicum medium uniuersalissimum in repræsentando intelligit omnia, & illud est essentia sua, intellectus autem humanus, quia infirmus est, multiplicia, & particularia sunt media, quibus rerum naturas intelligit, intelligit enim unamquāq; naturam per propriam, & distinctam speciem, ergo intellectus inter medij, quāto magis propinquāt diuino intellectui, tanto per uniuersaliores species intelligunt, & quāto magis distant, ac propinquāt intellectui humano, tanto per particulariores species intelligunt.

Eadē conclusio, supposita prima, acceptaret ab Aristotele
nam

nam in duodecimo Metaphy. tex. 44. ponit excessum perfectionis, & dignitatis intelligētiarum, secundum ordinem sphaerarum mobile, & motuum, ut quia suprema sphaera est primum intelligētia illic applicata est perfectior, deinde aliæ, secundum ordinem motuum, sicut igitur intelligentia a qua est primus motus est perfectior, secundum substantiam, & uirtutem motiuam. est etiam perfectior, secundum uirtutem, & operationem intellectualem, quoniam mouet intelligens, & desiderans ex duodecimo Metaphy. tex. 36. Si est perfectior, secundum intellectionem. ergo perfectiori specie intelligit, perfectior autem species est uniuersalior, quoniam est principium cognoscendi plura intensiue, & extensiue, dummodo sit sufficienter representatiua in genere, & in specie ut nunc supponimus de speciebus non abstractis a rebus quales sunt in intelligentia, igitur intelligentia quanto superior, t̃to per uniuersaliores, & quāto inferior, tanto per particulariores intelligit, quoniam quanto superior, tanto uigorosior, & quanto inferior, tanto minus uigoroſa in mouendo, & intelligendo, idem cōfirmatur de intentione Cōmen. qui in duodecimo Metaphysi. cōmen. 144. assimilāt intelligentias motrices artificibus sibi mutuo deferuiētibz in uno artificio, in quo necessarij sunt multi artifices subordinati, qui tamen omnes ordinantur ad unum supremum, & dat exemplum de arte æquitandi, cui deferuit ars faciendi frena, & multæ alię artes, in quibus artibus, sic disponuntur artifices, q̃ quanto magis propinquant primo artifice, habent maiorem intelligentiam, & uniuersaliorē, quanto autem magis distant habent minorem, & particulariorem, sic est intelligendum inquit Cōmen. de istis corporibus, scilicet cœlestibus cum suis formis, scilicet intelligentijs a quibus mouētur, & de istis formis adinuicē, multum enim assimilantur artificijs quæ seruiunt sibi adinuicē, & quæ intelligunt adinuicē, sed differentia inter ista, & artificialia est q̃ formæ artificij mouentes artifices sunt in materia, istæ autem nō, quasi dicat, sed sunt in intelligētia

intelligibiliter, patet igitur ad mentem Aristo. & Cōmen. intelligentias superiores habere intellectiones uniuersaliores ex consequenti formas uniuersaliores, inferiores autem opposito modo.

Eadem cōclusio acceptatur a Theologo. nā Dionysius in duodecimo cap. de cōlesti hierarchia, inquit sanctorum Cherubin, ordō participat sapientiam, & scientiam altiorē, idest uniuersaliorē, sub ipsis autem essentiarū dispositiones, idest ordines spirituum dispositi sub Cherubin, participant quidem, & ipsæ sapientiam, & scientiam particularē, tamen ad illos, & subiectam. ratio uero Theologi ad hanc conclusionem est hæc, in uniuersitate entium, tanto aliqua sunt superiora, quanto sunt uni. Primo, idest Deo propinquiora, & similia. Deus autē plenissime intelligit omnia per unum uniuersalissimū medium, quod est essentia sua, ergo inter substantias intellectuales, quæ sunt superiores, ex cōsequenti similiores Deo, & propinquiores Deo, licet non habeant sufficientiam cognitionis per suam propriam essentiam intelligunt, tamen per pauciores, sed uniuersaliores species, & quæ sunt inferiores, ex consequenti minus similes, & propinque Deo, intelligunt per plures, & minus uniuersales species. Aliquis autem Theologi sumunt rationem a similitudine cōmunicationis luminis corporalis. nā sicut a sole, ut a fonte totius luminis, maius lumen procedit ad lunam, quam ad aerem, & aerem, quam ad corpora colorata, sic a primo lumine intellectuali, quod est Deus, procedit maior, & uniuersalior cognitio in primis intelligētīs, quam in secundis, & maior ac uniuersalior in secundis, quā in ultimis, & maior ac uniuersalior in ultimis, quā in intellectu humano, & maior in intellectu humano, quā in sensu. Hæc de propositione decima dicta sint.

Propositio XI.

OMnis intelligentia intelligit res sempiternas quæ non destruuntur neq; cadunt sub tempore &c.

In hac propositione Auctor intendit declarare, quid in-

intelligendo causet intelligentia, & quoniam omne caufatum, aut est incorruptibile, aut corruptibile, ponit hanc cōclusionem, omnis intelligētia intelligit, idest intelligendo caufat res sempiternas, quæ nō destruuntur, ut cœlum, & intelligentia, & anima intellectiua, neq; cadunt sub tempore; & hoc dicit propter motum cœli, qui licet sit sempiternus, secundum Philosophos, tamen mensuratur tempore, & hic motus, secundum Auctorem nō caufatur immediate ab intelligentia, sed ab anima cœli, ut diximus in tertia propositione, quam ponit distinctam ab intelligentia. Hanc autem conclusionem, sic probare intendit, intelligentia producit effectus suos, secundum suum esse, quia unumquodq; producit sibi simile. ergo quale est suum esse, tales erunt eius effectus, sed esse suum est sempiternum, & incorruptibile, & nō cadit sub tempore, sed parificatur æternitati, ut dictū est in propositione secunda. ergo eius effectus sunt res sempiternæ, quæ nō destruuntur, nec cadunt sub tempore. Ex hac cōclusionē ponit Auctor corollarium. ergo res destructibiles, ut elementa, & elementata, nō sunt immediate ab intelligentia æterna, sed ex causa corporea quale est cœlum, mediante motu, uel temporali; qualis est anima cœli mouens cœlum, quæ licet secundum substantiam sit æterna, tamen in quantum est causa temporis est temporalis. Hæc est intentio Auctoris in præsentī propositione, quæ quantā ueritatē contineat, manifestabitur in positione Theologi.

Hanc cōclusionem uidetur acceptare Proculus, nam in libro suo ponit duas ppositiones, quarum sensum Auctor in una perstrinxit. Prima est omnis intellectus, scilicet separatus perpetuorum est proxime, & intransmutabilium secundum substantiam substitutorum, idest omnis intelligentia proxime, & immediate intelligit entia perpetua, & imutabilia secundum substantiam sub se cōstituta. Secūda est, omnis intellectus intelligēdo instituit quæ post ipsum, idest omnis intelligētia intelligendo producit entia sequentia post ipsam, eiusdem tamē rationis, scilicet æterna, & incor-

ruptibilia, & ratio Proculi identificatur rationi Auctoris, scilicet quia intelligendo esse suum producit effectum, intelligit autem esse suum æternum, & indestructibile. ergo producit effectum æternum, & indestructibilem.

Tu tamen aduerte quod licet Proculus sit Platonicus, tamen in doctrina Platonis non admittitur hæc conclusio universaliter, sed tantum in prima causa. nam in Timæo postquam Plato docuit cœlos, & motores eorum, quos uocat Deos conditos a Deo æternos, & immortales intendens declarare quomodo hæc inferiora animantia producta sunt inter quæ uelut Princeps est homo, dicit Deum commisisse hanc productionem Dijs immortalibus ne si fierent hæc animantia a Deo essent immortalia sicut ipsi Dijs, & quoniam anima humana est immortalis dicit Plato Deum commisisse Dijs formationem corporum corruptibilium, ipse autem gignit animam, quoniam apud Platonem est hoc uelut principium quicquid a Deo sine media causa producitur incorruptibile, & immortale est. unde in Timæo introducit Deum dicentem, quæ a me facta sunt, me ita uolente indissolubilia sunt, & iterum. Hæc uero, scilicet animantia inferiora si a me solo, idest sine causa media fiant, uitæque donentur Dijs adæquabuntur, idest erunt æterna, & immortalia sicut Dijs, igitur ad mentem Platonis tenendum est quod solus Deus intelligendo producit res sempiternas, & incorruptibiles, quoniam esse suum est simpliciter, & ex se æternum, ceteræ autem intelligentiæ, cum non sint ex se æternæ, & immortales, sed quoniam a Deo immediate producte sunt, possunt producere corruptibilia compositione partium elementarium adinuicem. unde loquens in Timæo de formatione corporis humani facta a Dijs inquit, itaque accepto ab illo, scilicet a Deo mortalis animantis, idest hominis immortalis principio, idest anima, sui effectorem immitati, scilicet Dijs ignis, aeris, aquæ, terræ particulas quas rursus redderent mundo mutuabantur, easque inter se copulabant &c. Constat ergo quod uia Platonica, nec conclusio, nec corollarium

acceptandum est.

Secundum doctrinam Aristoteli. conclusio non est acceptanda, quoniam eterna incorruptibilia non procedunt in esse ex transmutatione materiae, sed uirtute creatiua, quae est solius causae infinitae, unde intelligentiae ex suo intelligere, nullius sunt causae nisi mediante motu caeli, propter quod opinatus est Aristoteles in duodecimo Metaphysicae. text. 48. nullam substantiam impassibilem quales sunt intelligentiae esse sortitam optimum finem, id est habere ultimam perfectionem nisi ex motu. & Comen. in duodecimo Metaphysicae. Comen. 48. inquit, nulla substantia abstracta est quae non moueat, quia tunc inueniretur in dispositione diminuta, id est non in optima, & debita perfectione, & breuiter apud Aristoteli. nisi mouerent caelestia corpora essent ociose, ex consequenti nullum esset ab eis causarum exterius, neque aeternum, neque generabile, propter quod dicendum est ad mentem Aristoteli. quod intelligentiae excepta prima causa nihil producant aeternum, sed producant generabilia, & corruptibilia non per seipsas, sed per causam corpoream, id est per motum caelestem, forma enim abstracta per se nihil imprimit in materia, sed necesse est accedere agens medium corporeum, sic diceret Aristoteles. & eius Comen. uerum quid ueritatis contineat doctrina Aristoteli. & Comen. declarabitur immediate sequentibus.

Secundum doctrinam Theologi, quo ad primam, & uniuersalem rerum productionem, nec conclusio, nec corollarium acceptandum est, processerunt enim omnia a prima causa, quoniam per creationem iuxta sacram doctrinam prodierunt inesse. Quantum autem ad successiuam generationem inferiorum, & conseruationem tenendum est corollarium quod scilicet generabilia producantur per causam corpoream, id est per caelum motum ab intelligentia, ita quod intelligentia est, sicut artifex, caelum autem est instrumentum, & in hoc acceptamus dictum Comen. in duodecimo Metaphysicae. Comen. 44. ubi inquit, dispositio corporum caelestium, id est motorum caelestium, simul cum mobilibus suis in iuuamento

adinuicem in creando entia quæ sunt hic, idest in causando inferiora, & conseruando ea, est sicut dispositio regentium bonorum, qui se iuuant adinuicem in regendo bonam ciuitatem &c. Nec ualet ratio adducta ab Auctore quæ etiam est Proculi, licet enim intelligentia habeat esse æternum saltem postquã producta est, & intelligat se habere esse æternum, & intelligendo operetur, quia est sicut artifex agens per intellectum, non tamen est necesse qd producat talem effectum, qualis est ipsa, quoniam distinctio est inter agens naturale, & agens per intellectum in hoc qd agens naturale agit talem effectum qualem potest, & quãdo potest, agens autem per intellectum, nõ agit iuxta posse, sed sicut decet, & sicut uult, & quando uult, nõ enim medicus dat tantum medicinæ infirmo quantum potest, nec semper, sed quantum & quando expedit, cum igitur intelligentia agat per intellectum, nõ est necesse qd agat effectum quale est esse suum, sed ut apprehendit esse decens in uniuerso, & quãdo expedit, & aduerte qd si hæc ratio Auctoris concluderet, Deus necessario produxit omnia ab æterno, & omnia perfectissima, quoniam esse diuinum est æternum, & perfectissimum.

Item aduerte qd licet Theologus admittat hæc inferiora produci ab intelligentia per motum cœli, ut etiam tenet Aristot. tamẽ nõ admittit fundamentum Aristot. quo opinatus est intelligentias fore ociosas, nisi mouerent cœlos, & non sortiri ultimam perfectionem, nisi ex motu. nam cum sine altioris ordinis, & excellentioris nature, quam corporea nõ inconuenit qd dentur aliquę intelligentiæ nõ proportionate motibus cœlestibus, sed nobilioribus officijs dedicate, ut assistere primæ causæ, nec etiam intelligentiæ applicatę cœlestibus corporibus sortiantur ultimam perfectionem ex motu, sed contemplatione primæ causæ. Nam secundum Aristot. in decimo Ethico. ultima perfectio nature intellectuales stat in actione immanenti, quæ est actio intellectus circa diuina. Manifestum est igitur ex prædictis qualiter non est acceptanda, hæc undecima propositio, licet acceptandum

sic corollarium modo exposito, & hæc de undecima propositione dicta sint.

Propositio XII.

Primorum omnium quædam sunt in quibusdam per modum quo licet, idest conueniens est, ut sit unum eorum in alio &c.

In hac propositione Auctor intendit declarare quomodo intelligentiæ, tam superiores, quam inferiores se inuicem intelligunt, & quoniam res intelligibilis intelligitur in quantum est in intelligentiæ, aut per essentiam suam, aut per formam intelligibilem, aut per suum simile, aut per suum oppositum, ideo Auctor proponit hanc propositionem, ut principium primorum omnium &c. Idest entia prima quales sunt intelligentiæ, ita se habent quod unum est in alio, secundum quod conuenit ipsum in esse, & hoc principium declarat per uniuersalia, & prima prædicata, quæ sunt esse uiuere intelligere, inter quæ uniuersalius est esse, quæcunque enim uiuunt, & intelligunt sunt, sed non econuerso. post esse uniuersalius, est uiuere, quæcunque enim intelligunt uiuunt, sed non econuerso. dicit ergo Auctor, quod inesse sunt uita, & intelligentia, idest gradus uiuendi, & intelligendi, & in uita sunt esse, & intelligentia, & in intelligentia sunt esse, & uita, & licet Auctor non declaret diuersitatem essendi, tu tamen considera, quod alio modo in esse, sunt uita, & intelligentia, quoniam sunt potentialiter, & in uniuersali radice, sicut homo, & leo, sunt in altero potentialiter ut in suo genere, & in uita sunt esse, & intelligentia, sed est in uita formaliter, quoniam uita in sua ratione formali includit esse, & intelligentia est in uita, ut in sua communi radice. nam quæcunque uiuunt quædam cognoscētia sunt quædam non, & inter cognoscētia quædam intelligunt, quædam non, ut bruta, & intelligentia sunt esse, & uita formaliter, quæcunque enim intelligunt formaliter uiuunt, & sunt. patet ergo quod prima prædicata sunt in se inuicem non eodem modo, sed unumquodque est in alio modo sibi conuenienti, sic in proposito cum intelligentiæ obtineant primum

gradum in entibus creatis superior est in inferiori, & econ-
uerso, modo sibi conuenienti, qui autem sint isti modi apud
Auctorem difficile est uidere propter obscuritatem uerbo-
rum quæ forte uiciata sunt ex defectu transferentium, & si
non sunt uiciata continent manifestam falsitatem, quo ad
duo. Primo cum dicit esse, & uita in intelligentia sunt duæ
intelligentiæ, & esse, & intelligentia in uita sunt duæ uitæ, &
uita, & intelligentia inesse sunt duo esse. nam si intendit di-
stinctionem realem cum dicit duæ intelligentiæ, duæ uitæ,
duo esse, nō potest sustineri, quoniam sequeretur q̄ intelli-
gentia quæ uere habet esse, & uiuere, & intelligere nō esset
unum per se, quoniam ex pluribus entibus in actu distin-
ctis realiter non fit unum per se, sed unum aggregatione. si
autem intēdit distinctionem formalem, potest admitti, quo-
niam alia est ratio esse, & uitæ, & intelligentiæ. Secundo cū
dicit, quia unumquodq̄ primorum, uel principiorum, aut
est causa, aut causatum &c. In hoc uidetur innuere q̄ intel-
ligentiæ cōparate adinuicem se habent, ut causa & causa-
tum, ita q̄ intelligentia superior est causa inferioris, ex con-
sequenti est in inferiori, ut causa in effectu, & intelligitur ab
inferiori, ut causa eius, & intelligentia inferior est in superio-
ri, ut effectus in sua causa, ex cōsequenti intelligitur a supe-
riori ut effectus eius, sicut artifex intelligit artificiatum, &
hanc doctrinam de causa, & causato inter intelligētiās Au-
ctor tenuit in propositione tertia, & in quinta, & reprobauit
eum, quoniam in hoc uidetur sequi uiam Auicē, ut
illic diximus in libro nono, suæ Metaphy. cap. 4. non ergo
uere dici potest intelligentias se mutuo intelligere, quia una
est in alia, secundum modum causæ, uel causati, sed secundū
aliū modum quem dicemus ad mētem Theologi. vnde
in hoc relinquimus Auctorem ut deficientem.

Secundum doctrinam Proculi acceptatur eadem pro-
positio. nam in libro suo, ponit consimilem in sententia, in-
quit enim omnia in omnibus, proprie autem in unoquoq̄,
id est omnia prima, sicut esse uita intellectus sunt in omni-

bus primis, sed unumquodq; est in alio proprie, id est secundum modum conuenientem, & exponens inquit, etenim in ente uita, & intellectus, & in uita esse, & intelligere, & in intelligere esse, & uita, declarans autem modum conuenientem, quo unum est in alio inquit, sed alicubi quidem intellectualiter, alicubi autem uitaliter, alicubi uero per modum entis, & intendit q; uita, & intellectus sunt in esse essentia-ter, sunt enim quidam modi essendi, & in uita sunt esse, & intellectus uitaliter, & in intellectu sunt esse, & uita intellectualiter, nam esse intellectus est esse intellectu-um, & uita intellectus est ipsa intellectio, uita enim proprie signat operationem propriam uiuentis, patet igitur quomodo secundum Proculum, unumquodq; primorum abstractiorum est in alio, secundum modum conuenientem, prima autem abstracta, & subsistentia per se, sunt esse, uita, & intellectus secundum uiam Platonis, sunt enim prima, & uniuersalia prædicata inter quæ magis uniuersale est esse, deinde uita ut minus uniuersale, & deinde intellectus ut adhuc minus uniuersale, uerum quomodo in doctrina Proculi ex his dictis una intelligentia sit in alia, ex consequenti una sit intelligens aliam, elici non potest, ideo uidendum est quid diceret Aristoteli. Deinde quid Theologus.

Secundum doctrinam Aristoteli. tenendum est quod intelligentiæ seinuicem intelligunt. nam dictum est in propositione decima, de mente Aristoteli. & Cōmen. q; intelligentiæ cognoscunt hæc inferiora quæ producunt per motum cœli, quoniam sunt ut artifices in quorum intellectibus, sunt formæ secundum esse spiritale suorum artificiatorum, ergo multo magis cognoscunt se mutuo. Maior enim est similitudo inter intelligentiam, & intelligentiam, quam inter intelligentiam, & hæc materialia. de modo autem quo una intelligit aliam, non est clarum in doctrina sua. nam aliqui uolunt ad mentem Aristoteli. q; una intelligat aliam per substantiam ipsius intelligentis tanquam per simile substantiæ ipsius intellecte, puta quoniam substantia intelligentiæ Saturni similis est

substantiæ intelligentiæ Iouis, per suam substantiam intelligit intelligentiam Iouis, sed id nō uidetur consonum. Nam cum omnes differant specie ex doctrina Aristoteli in duodecimo Metaphysicæ. text. 49. ubi inquit. Quæcunque sunt numero multa habent materiam, nō est similitudo inter eas nisi secundum genus. ergo mutua cognitio erit tantum in genere, ex consequenti cōfusa, & imperfecta. Alij autem uolunt unam ab alia cognosci per substantiam cognite. Arbitrantur enim q̃ substantia intelligentiæ cognoscendū uniatur intellectui intelligentiæ cognoscentis, ut forma, siue species intelligibilis eo modo quo dixit Cōmen. in tertio de anima intellectum agentem quem ponebat substantiam separatam intelligi ab intellectu possibili quādo intellectus agens unitur ei non solum ut efficiens, sed ut forma intelligibilis, sed nec id potest haberi ex doctrina Aristoteli. Nam secundum ipsum manuducimur in cognitionem separatorū quomodo intelligent, ex his quæ uidemus fieri in intellectu humano, siue in anima intellectiua. Dixit autem in tertio de anima, text. 37. Quod anima est quodammodo omnia, quoniam est sensibilia secundum sensum, & intelligibilia secundum intellectum, & in text. 38. declarans dictum suum inquit, necesse est autem aut ipsa esse, aut species, id est necesse est q̃ anima sit omnia, quia omnia habet in se realiter, aut quia est receptiua specierum repræsentantium naturas sensibiles, uel intelligibiles, & interimens primum inquit, ipsa quidem nō sunt, nō enim lapis in anima est, sed species lapidis, igitur proportionaliter intelligentia nō est in alia intelligentia, sed species repræsentatiua intelligentiæ. unde uidetur dicendum q̃ si in intelligentia sunt formæ rerum materialium, quas producant per motum, ut diximus in decima propositione, multo magis sunt formæ intelligibiles intelligentiarum per quas unaquæq̃ est alia secundum esse intelligibile, eo modo quo dixit Aristoteli. q̃ sensus in actu est sensibile in actu, & sensus in potentia est sensibile in potentia, & intellectus in actu est intelligibile in actu, & intelle-

ctus in potentia est intelligibile in potentia, sic uidetur tenendum ad mentem Aristo. quantum spectat ad hanc duodecima propositionem.

Secundum doctrinam Theologi tenendum est intelligē-
tias se mutuo intelligere cum sint substantiæ immateriales
ex consequenti intelligibiles actu, & sint eiusdem ordinis,
quoniam omnes sunt entia abstracta, ex cōsequenti adinui-
cem proportionata. nam ratio propter quā anima coniun-
cta nō intelligit abstracta quiditatiue est, quoniam ut exi-
stens forma corporis, sapit naturam materialium, licet quo
ad esse nō pendeat a materia, & ideo ut sic improporiona-
ta est substantiis abstractis, cum igitur hæc ratio cesset in
intelligētijs sequitur q̄ mutuo, & quiditatiue se intelligant.
De modo autem dicendum q̄ non se intelligunt, quia una
sit causa alterius, quoniam id non admittit Theologus, &
diuus Thomas in prima parte, quæst. 56. articulo secundo
ad secundum ubi introduxerat Auctorem libri de causis,
nō admittit eum in huiusmodi causalitate, nec se mutuo in-
telligunt per proprias substantias rationibus quas adduxi-
mus ad mentem Aristo. quas & Theologus admittit, sed
per species cōgenitas impressas diuino lumine in intellectu
cuiuslibet intelligentig. nam si intelligentia est plena formis
representatiuis naturarū corruptibilium quas producit mo-
tu cœli, multo magis est plena formis repræsentatiuis sub-
stantiarū immaterialium, quoniam inter eas maior, & qua
si sine proportionem est similitudo, & hæc fuit doctrina diui
Augustini qui super Genesim ad literam innuit duplicem
mundum, scilicet intelligibilem, & hic est intellectus sepa-
ratus, siue Angelicus in quo a diuino uerbo, ut prima arte
impreffe sunt omnes rerum species modo intelligibili sicut
si in oculo impreffe fuissent omnes colorum species secun-
dum esse intentionale, & mūdum realem, in quo producte
sunt secundum esse naturale, omnes rerū spiritualium, & cor-
poralium naturæ, quibus integratur uniuersum, & quæ in
intellectu separato intelligibiliter depicte fuerant, sicut in

corpori cœlesti seminaliter indite fuerunt omnes materiales formæ, tu tamē aduerte q̄ species repræsentatiue intelligentiarum inferiorum impressæ sunt in intelligentiis superioribus excellentiori modo, & species repræsentatiue intelligentiarum superiorum impressæ sunt in intelligentiis inferioribus deficientiori modo, quoniam ut diximus supra, unumquodque receptum proportionatur recipienti, & est simile de conceptu discipuli, qui nobiliori modo recipitur in intellectu doctoris, & conceptus doctoris defectuose, & obscure recipitur in intellectu discipuli. Hæc de propositione duodecima dicta sint.

Propositio XIII.

Omnis intelligentia intelligit essentiam suam &c.

In hac propositione intēdit Auctor declarare quomodo intelligentia intelligit seipsam, & se intelligens intelligit alias res, & intelligens alias res intelligit se. Intenduntur tres conclusiones quarum prima est. Omnis intelligentia intelligit essentiam suam.

Secunda, dum intelligit essentiam suā, intelligit alias res.

Tertia, dum intelligit alias res intelligit seipsam.

Quantum ad primam cōclusionem, aduerte q̄ substantia separata, ratione immaterialitatis intellectiua est, & est intelligibilis actu. Nam naturæ corporales, ideo sunt intelligibiles in potentia quia materiales, & nō fiunt intelligibiles actu, nisi per abstractionem a conditionibus materialibus uirtute intellectus agentis, ergo naturæ ex se immateriales, non indigent fieri intelligibiles actu, sed sunt ex se intelligibiles actu. Tunc ultra, ergo ab illo intellectu intelliguntur, cui sunt unitissime. Maxime autem uniuntur proprio intellectui, quoniam in eadem substantia conueniunt, ergo se ipsas nō solum intelligunt, sed & primo, & perfectissime, quoniam sua essentia est suum cōnaturale, & proportionatum obiectum, alio autem intelligunt in quantum uniuntur sibi per species intelligibiles impressas, & hanc rationem innuit Auctor cum dicit. Quod est, cum intelligens, & in-

tellectum sint simul, quasi dicat, ideo intelligentia intelligit
essentiam suam, quoniam eadem substantia est intelligens,
& intelligibilis actu, ergo est intellecta a seipsa, & subdit.
Cum ergo intelligentia est, intelligens, aut intellectum, scilicet
et a seipsa, tunc uidet essentiam suam, & quando uidet essen-
tiam suam scit, & intelligit, idest cognoscit se per intell gen-
tiam, idest per actum intelligendi &c.

Quantum ad secundam cōclusionem, aduerte quod in
essentia intelligentiæ, ut diximus in propositione decima, &
in propositione præcedenti, depicte sunt formæ intelligibi-
les repræsentatiue rerum immaterialium, & corporearum
sicut imagines in speculo, sicut igitur si speculum uideret se
ipsum, uideret omnia repræsentata in eo, quia sunt simul cū
eo, nō secundum esse reale, sed secundum esse repræsentati-
uum, sic quoniam intelligentia intelligit seipsam, cui sunt
unite aliæ res per modum intelligibilem, & nō secundum
esse reale, dum intelligit essentiam suam, intelligit alias res
repræsentatas in ea per species impressas, & id intēdit cum
dicit, & quando scit essentiam suam scit reliquas res quæ
sunt sub ea, quoniam sunt ex ea, & declarans qd nō sunt in
ea secundum esse reale, sed intelligibiliter inquit, uerūtamē
sunt in ea per modū intelligibilem, quia. s. per species intelli-
gibiles per quas intelligentia, & res intellecte sunt unum.

Quantum ad tertiam conclusionem, aduerte qd sicut ui-
dens res in speculo uidet speculum, utpote contentiuū ima-
ginum per quas uidetur imaginata, sic intelligentia intelli-
gens alias res per species impressas in essentia sua intelligit
essentiam suam, utpote cōtentiū huiusmodi specierum,
ex quibus omnibus sequitur, qd intelligentia eodem actu in-
telligit se, & alias res, & quoties intelligit alias res, intelligit
essentiam suam, sicut eodem actu uidetur speculum, & res
in speculo, & econuerso.

Secundum doctrinam Proculi eadem propositio acce-
ptatur. nā in libro suo talem propositionem format, omnis
intellectus, scilicet separatus intelligit seipsum, & ratio est.

quoniam cum inter anima creata sint propinquiore primæ
causæ similiores sunt eidem quo ad actionem intellectualem,
nō tamen ad æquantur ei, sed prima causa intelligit se
ipsam primò, & perfectissime, ergo intelligentia ut propin-
quissima intelligit seipsam. Dixi autem nō tamen ad æquan-
tur ei, quoniam prima causa intelligit se, & omnia alia per
essentiam suam, ut cōtinentiam omnium perfectionum, sed
intelligētiæ nō intelligunt perfecte nisi seipsas per essentias
suas. Alia autem intelligūt per species impressas, quoniam
eorum essentiæ sunt limitate, ex consequenti nō continent,
nec representant omnes alias perfectiones, nec id repugnat
secundæ cōclusioni supposite, quoniam aliud est cognosce-
re alias res, quia cognoscitur essentia ut in ea depicte sunt
species intelligibiles &c. Et cognoscere eas quia cognosci-
tur essentia, ut realiter contentiua omnium perfectionū, pri-
mum enim est uerum, & secundum est falsum.

Secundum doctrinam Aristo. acceptatur eadem propo-
sitio. Nā in duodecimo Metaphy. tex. 52. inuestigans quo-
modo primū principium intelligit se, & est sua intellectio,
dicit q̄ in nō habentibus materiam idem est intellectus, &
res intellecta, ubi inquit Cōmen. Declaratum est igitur q̄
omne carens materia, & intellectus, & intellectum in eo
idem est, & dicit infra, sic debet esse in alijs intelligentijs ab-
stractis, sed primus est simplicior earum. Cōstat autem q̄
omnes intelligentiæ sunt abstracte a materia, ergo in eis
intelligens, & res primo intellecta sunt idem, ergo primo
intelligunt seipsas.

Secundum doctrinam Theologi acceptatur eadem pro-
positio. Nam diuus August. in secundo super Genesim ad
literam dicit Angelum in sua formatione cognouisse, imo
semper seipsum cognoscit, quoniam si forma intelligibiles
actu, est unita intelligēti, intelligitur sicut si species albi uni-
ta est uisui, uidetur album, sed Angelus est forma intelli-
gi s actu cum sit substantia immaterialis, & est unita intelle-
ctui suo; quoniam in eadem substantia conueniunt, ergo

Angelus seipsum intelligit, ad hoc autem q̄ seipsum intelligat, nō est necesse in intellectu suo imprimi speciem intelligibilem, quoniam suamet essentia uniur intellectui suo, ut forma intelligibilis, dato q̄ sit per se subsistens. nā ad hoc q̄ forma sit principium actionis, nō est necesse quod inhæreat alteri. vnde si calor ignis per se subsisteret ita esset principium calefactionis, sicut inhærens igni. Hæc dicta sunt de. xij. propositione.

Propositio XIII.

IN omni anima res sensibiles sunt per hoc quod est exemplum eis, & res intelligibiles in ea sunt quia scit eas.

In hac propositione intendit Auctor declarare quomodo omnes res sunt in anima, sed aliter res sensibiles, & aliter res intelligibiles, & intendit tres conclusiones.

Prima res sensibiles sunt in anima ut in exēplo, uel exemplari, ex consequenti ut in causa.

Secunda res intelligibiles, idest immateriales, ut intelligentiæ sunt in anima, ut in sciente causas suas.

Tertia tam res sensibiles, quam intelligibiles aliter sunt in anima, & aliter in seipsis.

Quantum ad primam conclusionem, aduerte q̄ Auctor hic non loquitur de anima uniuersaliter, sed de anima coelesti. vnde inquit, & intelligo per animam uirtutem agētem res sensibiles, quæ quidem uirtus per motum coeli causat hæc sensibilia, ut diximus supra, Auctor opinatur coelos animatos anima distincta ab intelligentia, & motum coeli esse immediate ab anima, & nō ab intelligentia. De hac igitur anima dicit q̄ res sensibiles sunt in ea ut in exēplo, quoniam cum hæc anima moueat coelum, & producat sensibilia per intellectum, necesse est ut in se contineat similitudines, siue species exēplares ad quarum similitudines res sensibiles producuntur, & ut sic anima assimilatur artifici, de quo uerum est dicere anima artificata quorum est artifex, esse in artifice ut in exemplo, quoniam in mente sua continet similitudines artificatorum, & id intendit Auctor cum

dicit. Res igitur quæ imprimuntur, idest causantur ex anima sunt in anima per intentionem exempli, scilicet quia res sensibiles exemplificantur secundum exemplum animæ, idest producuntur secundum exemplum, & ideam quam habent in anima cœlesti, ut in efficiente per intellectum.

Quantū ad secundam conclusionem, aduerte secundū doctrinam Auctoris in propositione quinta, q̄ anima est causata ab intelligentia, & producta sibi similis, quoniam intellectualis ex cōsequenti anima est imago intelligentiæ, & intelligentiæ sunt in anima, ut imaginata in sua imagine, & ut causæ in suo simili effectu, & anima intelligens intelligentias, intelligit eas ut causas suas, & quomodo est imago earum, & habet esse acquisitū ab eis, & hoc innuit Auctor cum dicit, & res quæ cadunt super animam sunt in ea per modum acquisitum, idest ideo sunt in anima, quia anima scit eas esse causas suas, a quibus acquisiuit esse sicut imago ab imaginato.

Quantum ad tertiam cōclusionem, aduerte quod cum unumquodq; sit in alio secundum modum naturæ ipsius cōtinentis, & anima sit immaterialis, & incorporea res sensibiles sunt in anima modo immateriali, & incorporea, & uirtus animæ est immaterialis, & incorporea licet res sensibiles sint materiales, & corporeæ, & uirtus animæ est indiuisa, & sine dimensione, & tamen producit res sensibiles diuisibiles, & dimensionatas, & ratio huius est, quoniam anima non est ut agens naturale. Quod est agens per formā naturalem, sed per apprehensionem ut artifex, ideo sufficit, q̄ in se contineat effectus materiales, & corporeos, & dimensionatos secundum esse spiritale, & indiuisibile. Res autem intelligibiles, idest abstracte a materia cum sint in anima ut intellectum in intelligente, & nō ut in causa, sunt in anima modo quo intelligit anima. Anima autem intelligit cōpositione, diuisione discursu, ergo licet res intelligibiles sint in se simplices, & immobiles, & indiuisibiles, tamen intelliguntur ab anima, modo cōpositorum, & diuisibilium, & quodam

& quodam motu. Discursus enim motū importat. Et hoc totum innuit Auctor cum dicit. Iam ergo ostensum est, q̄ res intelligibiles, & res sensibiles sunt in anima, uerūamen res sensibiles corporeæ, & motę sunt in anima per modum animalem unicum, idest per modum immaterialem indui sum, & res intelligibiles unite, idest simplices, & indiuisę, & quiescente, idest immobiles sunt in anima per modum qui multiplicat motum, quia scilicet intelliguntur compositione, & discursu, ex cōsequenti quodam motu.

Secundum doctrinam Proculi acceptatur eadem propositio. nam in libro suo, talem propositionē format. Omnis anima est omnes res, exemplariter quidem, idest p̄ modum exempli sensibilia, iconice autem, idest per modum imaginis intelligibilia, & declaratur eodē modo apud Proculum sicut declaratum est in prima, & in secunda conclusione ad mentem Auctoris. Nam & apud Proculū anima cœlestis est causa productiua sensibilium per intellectum, ergo se habet ad illa ut exemplar, & similitudo, & est imago superiorum entium intelligibilium, quia simulatur illis, cum sit conueniens cum eis in natura intellectuali.

Secundum doctrinam Aristoteli acceptatur eadem propositio. Nam in tercio de anima, tex. 37. inquit omnia ea quę sunt quodammodo est anima, sed apud Aristoteli, alia ratione, quam ea quę est assignata ab Auctore, & a Proculo, immo Aristoteles nō acceptaret eam, quoniam nō est anima in cœlo nisi intelligentia, & causalitatem per intellectū mediante motu cœli super sensibilia, attributam ab Auctore, & Proculo animę cœlesti, Aristoteli attribueret intelligentiæ mouenti. Quod igitur Auctor attribuit animę cœlesti, Aristoteli attribuit animę humane, sed alia ratione. Nam dicit Aristoteli in tercio de anima, tex. 37. ideo anima est quodā modo omnia, quoniam entia, aut sunt sensibilia, aut intelligibilia, anima est omnia sensibilia secundum sensum, quoniam est receptius specierum sine materia, & intellectus est omnia intelligibilia, cū sit receptius specierum intelli,

gibilium. vnde sicut manus est virtualiter omnia artificia-
ta, quoniam cum sit organum organorum est effectiua di-
uerforum artificiatorum, sic anima ratione sensus, & intel-
lectus est quodāmodo omnia entia, dicit autem quodāmo-
do & non simpliciter, quoniam est omnia modo animæ, id
est spiritualiter & nō modo rerum, idest realiter, & essen-
tialiter, propterea inquit illic Aristo. lapis non est in anima,
sed species lapidis.

Secundum doctrinam Theologi hæc propositio appli-
cata cœlesti animæ non acceptatur, quoniam illa nō datur,
ut diximus supra, nec si daretur, acceptaretur secunda con-
clusio, quoniam apud Theologum anima nō est imago in-
telligentiarum, quoniam est originata a sola prima causa,
& dicitur facta ad imaginem eius. Applicata autem animæ
humanæ acceptatur q̄ omnia sunt in anima, & sunt aliter
in anima quā in seipsis, & ratio Theologi, nō est ratio Au-
ctoris, sed ea quam assignauimus ad mentem Aristote. cui
in hoc concordat Theologus. Hæc de. xiiij. propositione
dicta sint.

Propositio XV.

OMnis sciens qui scit essentiam suam est rediens ad es-
sentiam suam reditione completa &c.

In hac propositione intendit Auctor declarare, quomo-
do se habet anima ad seipsam quo ad intellectionē, & quo
ad substantiam, & intendit duas cōclusiones principaliter.

Prima anima scit essentiam suam, siue intelligit seipsam.

Secunda anima subsistit in seipsa, idest est substantia per
se subsistens, nō indigens inniti alteri.

Quantum ad primam conclusionem, aduerte q̄ Au-
ctor nō probat eam, forte existimans ab omnibus conces-
sam, ex eo q̄ dixit in ppositione præcedenti q̄ scit res sensi-
biles, & res intelligibiles quæ sunt distincte ab anima, ergo
multo magis scit seipsam, cū scit magis intrinseca sibi ipsi,
q̄ alia. Et quoniam dixit in propositione. xiiij. quod ideo in-
telligentia intelligit essentiam suam, quoniam cū sit imma-

terialis est intelligibilis actu, & cum sit intelligens, ergo intelligens, & intellectum sunt simul. Eandem rationem putauit Auctor forte uerificari de anima rationali cū sit immaterialis intellectualis, & per se subsistens ut dicitur imperfectiori, tamen modo quam intelligentia.

Eandē conclusionē tenet Proculus, & eius ratio est, quoniam si ex præcedenti propositione anima scit res intelligibiles, id est entia abstracta, per modum imaginis, ut declarabimus ad mentem Proculi, multo magis scit seipsam, quoniam est magis proportionata sibi ipsi quam entibus superioribus.

Eandem conclusionem tenet Aristoteles in tertio de anima, *tex. 15.* ubi inquit, Est autem ipse, scilicet intellectus intelligibilis sicut est alia, & rationē assignans inquit. In his enim quæ sunt sine materia, idē est intellectus, & quod intelligitur, sed intellectus est immaterialis, ergo &c.

Eandem cōclusionem tenet Theologus, ut patet apud diuum Thomam in prima parte, quæst. 1. articulo primo. Tu tamen aduerte quod licet omnes recipiant cōclusionem differunt, tamen in assignando modum quo anima seipsam cognoscit. nā ab Auctore modus nullus assignatur, licet applicando animæ cœlesti possimus dicere ex propositione præcedenti quod cognoscit seipsam in quantum cognoscit se esse exemplar inferiorum sensibilium, & se esse imaginem entium superiorū intelligibilium, uerum ut diximus in præcedenti propositione. Nec anima cœli, nec ratio adducta ab Auctore, acceptatur ab Aristotele, nec a Theologo, & de humana anima in propositione præcedenti nihil locutus est, ideo relicto eo, uideamus modum quem ad mentem Platonis assignaret Proculus. Tu igitur aduerte quod apud Platonicos omnes intellectus separati intelligunt, & intelliguntur a seipsis in quantum participant primum intellectum dictum intellectum idealem, cuius participatio tanta est quod se ipsos per essentias suas intelligunt in hoc imitantes primum intellectum, qui se per seipsum intelligit uerum, quia anima

est inferioris ordinis licet participet superiora entia, tamen non est tanta participatio, q̃ se per essentiam suam cognoscat, sed per participationem superioris luminis sibi naturaliter infusi a superioribus entibus abstractis. Vnde aduerte q̃ se habet primus intellectus, & alij intellectus separati, & anima sicut sol, & astra, & gemma. Nam sol ex se habet lumen, quia & illuminat astra, & ut ita dicam a seipso illuminatur, astra autem recipiunt lumē a sole quo, & illuminant inferiora precipue teresa, & polita corpora, & illuminantur. Gemma autem quia est corpus tersum recipit quidem lumen ab astris, sed debile, quo debiliter illuminatur, & debilius illuminat, sic & anima secundum Platonicos debiliter recipit lumen intellectuale ab intellectibus separatis, quo debiliter intelligit seipsam, & debiliter intelligit alia.

Secundum Aristo. autem in tertio de anima, tex. 5. quoniam intellectus noster est mere potentialis in genere intelligibilium nō est intelligibilis a seipso, nisi ut sit actu. Et pro hac uita cōnaturalis est sibi, ut fiat actu nō per participationem intellectuum separatorum, cum sit forma in materia, sed per species abstractas uia sensus, & illustratione intellectus agentis, ideo sicut per huiusmodi species intelligit alia a se, sic intelligit seipsum, non tamen eodē modo, quoniam intelligit alia a se directe, seipsum autem reflexe, puta intellectus directe per speciem lapidis intelligit lapidem, reflexe autem & conuersiue, intelligit se intelligere, deinde se esse intelligentem, deinde se esse substantiam intellectualem, ex consequenti immaterialem incorpoream independentem a materia per se subsistentem separabilem a corpore, ut perpetuum a corruptibili.

Secundum Theologum uero dicendum q̃ nō intelligit se per essentiam suam, quoniam cum tres sint intellectus, diuinus, Angelicus, humanus, primus est purus actus, ideo intelligit se, & omnia alia per essentiam suam. Angelicus autem est actus admixtus potentiae, & in quantum est actus intelligit se per essentiam suam, in quantum est in potentia

Intelligit alia per species impressas quibus reducitur de potentia ad actum, humanus uero est mere in potentia in genere intelligibilium, ergo necesse est ut intelligat se pro quāto reducitur ad actum. Reducitur autem per species abstractas a rebus, ergo nō per essentiam suam quæ est sicut materia in genere intelligibilium, sed per species abstractas intelligit alia & se, sed alia per species directæ, se autē per actū suum, percipimus enim nos habere animam intellectiuam ex eo qđ percipimus nos intelligere, nam ex actu intelligitur potentia, ex potentia essentia operantis. Hæc de prima conclusione dicta sint.

Quantum ad secundam cōclusionem, aduerte qđ apud Auctorem idem est animam per se subsistere, & animam redire, siue conuerti ad substantiam suam. vnde exponens se inquit, & nō significo per redditionem substantiæ ad essentiam suam, nisi quia est stans fixa per se non indigens in sui fixatione, idest permanentia, & sui essentia re alia regente ipsam, quod est quia substantia simplex est sufficiens per se ipsam, & ratio huius est, quia non per se subsistentia ut formæ naturales, & accidentia inquantum sustētantur per subiectum, uel materiam dicuntur conuerti ad aliud a quo ut a fundamento pendet sua permanentia, & suum esse, quæ ergo subsistunt in seipsis non initentia alteri dicuntur conuerti ad essentiam suam, & nō ad aliud. Patet ergo qđ idem est, rem per se subsistere, & ad suam essentiam conuerti, & habere esse per se, sic declarata cōclusionem, aduerte qđ Auctor intendit hanc probationem. Quicumqđ scit essentiam suam, scit eam scientiam quæ est actio intelligibilis, ergo scit se scire essentiam suam, ergo reddit uel conuertitur ad operationem suam intelligibilem, quoniam scit se scire, ergo per operationem intelligibilem reddit ad essentiam suam, quoniam, si rediret ad operationem suam, & nō ad essentiam, perfectior esset operatio sua quam essentia, quoniam conuersio sit ad perfectius, sicut accidens conuertitur ad subiectum, quoniam ei innititur, quicumque ergo conuertitur ad

essentiam suam, conuertitur conuersione completa, idest omnimoda, quia & secundum operationem, & secundum essentiam. Et cum dictum sit idem esse, conuerti ad substantiam suam, & esse substantiam per se subsistentem, ergo quicumque scit essentiam suam, est per se subsistens, sed per primam conclusionem anima scit essentiam suam, ergo est per se subsistens.

Secundum Proculum non solum hæc duæ conclusiones acceptantur, sed & alię plures quarum prima est. Omne ad seipsum conuersiuum, est incorporeum, hæc notificata est in propositione septima, ubi dictum est quod corpori repugnat conuerti super seipsum propter extensionem partium quarum una distat ab alia. Quod autem super seipsum conuertitur, secundum totum, & quodlibet sui super seipsum conuertitur. Hinc est quod repugnat potentie organice conuerti super seipsam, & super operationem suam, non enim sensus sentit se sentire. Intellectus autem quoniam in organicus est intelligit suum intelligere, patet ergo quod necesse est, omne ad se conuersiuum esse incorporeum. Secunda omne ad se conuersiuum habet substantiam separabilem ab omni corpore, quoniam cum repugnet corpori ad seipsum conuerti omne ad se conuersiuum habet operationem sine corpore. Quod autem habet operationem sine corpore potest esse sine corpore, quia unumquodque sicut se habet ad operari ita ad esse, ergo est separabile ab omni corpore. Tertia quę concordat cum secunda conclusione supposita. Omne ad se ipsum conuersiuum, est per se subsistens, quoniam unumquodque conuertitur ad id per quod sustentatur, ut accidens ad subiectum uitis ad arborē discipulus disputans ad Doctorem, ergo si aliquid ad seipsum conuersiuum est, per se ipsum subsistit. Quarta omne quod secundum operationem ad seipsum conuertitur, etiam secundum substantiam ad seipsum conuertitur, quoniam cum sit perfectionis conuerti ad seipsum, si conuertitur ad seipsum secundum operationem, & non secundum substantiam, ergo operatio sua esset perfectior quam substantia,

quod est falsum, quoniam illa est accidens, ergo &c. Quinta omne sui ipsius cognoscituum, est omni quacumque ad se conuersium, quoniam si cognoscit seipsum, est conuersium ad se secundum operationem, si secundum operationem, ergo secundum substantiam per conclusionem præcedentem, & non dantur plures modi conuertendi ad se, ergo &c. Sexta omnis anima est substantia incorporea, & separabilis a corpore, & tu intellige de anima intellectiua, quoniam cognoscit seipsam, ut uisum est in prima conclusione posita ad mentem Auctoris, & Proculi, ergo conuertitur super se ipsam, ut patet per conclusionem præcedentem. Ergo est incorporea per primam conclusionem Proculi, ergo est separabilis a corpore per secundam conclusionem eiusdem, patet igitur quomodo in hac. xv. propositione concordat Proculus cum Auctore.

Secundum doctrinam Aristoteli, uisum est quomodo acceptat primam conclusionem Auctoris, nunc uidendum est quomodo acceptat secundam, scilicet quod anima intellectiua est per se subsistens. Aduerte igitur quod in secundo de anima, tex. 12. docuit ex modo operandi uenari modum subsistendi. unde dixit si anima habet aliquam operationem per se, id est propriam sibi in qua non communicat corpus ut instrumentum, nec recipitur in corpore, separabilis est a corpore ex consequenti habet esse per se, & per se subsistit, & in tertio de anima, tex. 6. & 7. determinat quod habet operationem per se, quoniam intellectus est potentia non organica, ergo est potentia non coniuncti, sed propria animæ, ergo intelligere est proprium animæ, cuius enim est potentia eius est actio, ergo anima habet esse per se, ex consequenti per se subsistit, hæc fuit mens Aristotelis secundum recte sentientes, & improbationem eorum qui tenent oppositum diffusisse scripsimus in prima parte diui Thome in quest. 75. arti. 6.

Secundum doctrinam Theologi, acceptatur eadem conclusio, & suum fundamentum non discordat a doctrina Aristoteli, nam cum operatio sit existens, unumquodque operatur

sicut est existens si operatur per se, est existens per se, si non operatur per se, non est existens per se, sed anima operatur per se, quoniam intelligere est effectiue, & receptiue solius animæ. nam si esset alicuius potentie organice, esset determinatum ad aliquod genus entis, uideremus enim auditionem determinatam tantum ad sonum, uisionem ad calores, tactum ad qualitates tangibiles. Intelligere autem circa ens, & quodlibet genus entis, ergo non expletur per aliquam organicam potentiam, sed per solum intellectum, qui est potentia solius animæ, & non coniuncti. Ergo anima est per se existens, & id confirmatur dicto diui Augusti. in decimo de trinita. cap. 7. ubi inquit. Quisquis uidet mentis naturam, & esse substantiam, idest per se subsistentem, & esse incorpoream &c. Hæc de. xv. propositione dicta sint, in qua concordant omnes recte sentientes.

Propositio XVI.

OMnes uirtutes quibus non est finis pendentes sunt per infinitum primum, quod est uirtus uirtutum, non quia ipsa sit acquisita stans fixa in rebus entibus, immo est uirtus in rebus, entibus habentibus fixationem &c.

In hac propositione intendit declarare, quomodo omnes uirtutes infinitæ pendent ab una prima uirtute infinita, & aduerte quod per uirtutes infinitas, intendit intelligentias quæ dicuntur infinite non intensiue, sed extensiue propter durationem infinitam postquam productæ sunt, cum sint immateriales ex consequenti indefectibiles, per primam uirtutem infinitam intendit creatricem Dei uirtutem, quæ est infinita intensiue, & extensiue, & dicit quod est uirtus uirtutum, idest contentiua omnium uirtutum, & superior omni uirtute, & ad probationem propositi elicio ex Auctore quatuor fundamenta. Primo intelligentia non est uirtus absolute, & pure, sed est quedam uirtus particularis, & determinata ad talem gradum, quoniam si esset pura uirtus, & illimitata non plurifacarentur intelligentiæ, sicut albedo si esset separata in se continens omnem perfectionem albedinis esset impluri-

ficabilis. Prima autem uirtus infinita est uirtus simpliciter, & pure, & essentialiter. Secundo intelligentia est uirtus finita superius, qui cū sit quædam uirtus exceditur a supremo quod est uirtus pura, sicut calor in aqua exceditur a puro calore, & remanet infinita inferius, quia non exceditur, nec comprehenditur ab entibus quæ sunt post ipsam. Inferioris enim est excedi, & nō excedere, sed prima uirtus est infinita superius, quia cum sit prima non habet superius a quo terminetur, & est infinita inferius. Quoniam uirtus absolute non comprehenditur a particulari uirtute. Omnis autē uirtus post primam est particularis uirtus. Tertio ens primum est mensura entium intelligibilium, idest abstractorum, & entium sensibilibium, quoniam primū in unoquoque genere est mensura, ex consequenti entia intelligibilia, ut in intelligentiæ sunt mensurate a primo ente. Quarto ens primum ens supra infinitum, idest excellentius quocunque ente creato infinito. Ex his fundamentis probatur sic propositū. Omnis particularis uirtus, & quæ est infinita tantum inferius, & quæ ut limitata mensurata est, & quæ licet infinita, nō tamen est supra infinitum, pēdet a primo infinito quod est uirtus pura, & infinitum superius, & inferius, & mēsurā entium intelligibilium, & sensibilibium, & est supra infinitū, & tale primum est Deus creans, & mensurans unūquodque conuenienti mensura, sed omnes uirtutes quibus non est finis extensiuæ, scilicet intelligentiæ, sunt quædam uirtutes, ut declaratum est, & sunt infinitæ, tantum inferius, & sunt mēsurate a primo, & non supra infinitum cum non sint omnimodo infinite. Ergo pendent a primo infinito quod est uirtus pura &c.

Ex hoc primo, & principali proposito elicit Auctor corollarium quod est hoc, sicut primum infinitum est causa a qua pendent omnes uirtutes infinitæ, ut intelligentiæ, & quæcunque habent durationem infinitam, sic uita lumen bonitas, & reliquæ primæ perfectiones sunt causæ rerum omnium habentium uitam, & lumen, & reliquas bonitates.

unde primum uita, primū lumen prima bonitas sunt cause omnis uitæ, & luminis, & bonitatis increatis abstractis, & mediantibus illis descendunt in entibus corporeis. Et quoniam Deus est ipsa prima uita, prima lux, prima bonitas, ideo ab ipso descendunt istæ, & reliquæ perfectiones sicut omnis infinitas est a prima infinitate quæ est Deus.

Secundum Proculum acceptatur eadem propositio. unde in libro suo talem propositionem format. Omnis multitudo potentiarum infinitarū ab una prima infinitate exorta est, quæ nō ut participata potentia est, neq; in participantibus subsistit, sed secundum seipsam, & huius quidem probatio secundum doctrinam Platoniciā est, q; omne inuentum in pluribus reducitur ad unum primum quod est tale per essentiam, quod illa plura participant, quod non est ut participatū, nec in participantibus subsistit, sed est tale primo, & secundum seipsum, sed potentia infinita quo ad durationem inuenitur in pluribus, ut in intelligentijs, & in anima, & in coelo, ergo reducitur ad unum primū, cuius essentia secundum seipsam, & primo est infinita, hic autem est Deus, ergo &c.

Secundum doctrinam Aristo. aliqui tenent hanc propositionem nō esse acceptandam nisi in genere causæ finalis, arbitrantur enim q; licet secundum Aristo. detur in uniuerso unum primum ad quod ordinantur omnia, sicut exercitus ad ducem, ut habetur in duodecimo Metaphy. tex. 52. ubi dicitur, ad unum quidē omnia coordinata sunt. Et Cōmen. exponens inquit, apparet enim quod hoc cōmune est omnibus entibus, scilicet q; omnia sunt propter unum, & q; actiones eorum sunt erga illud unum, & est prima causa, quemadmodum omnia quæ sunt in domo propter Dominum domus sunt &c. Tamen dicunt Aristo. nō posuisse unum uniuersale efficiens, quoniam entia æterna necessaria permanentia ad differentiam motus cœli, non habent esse effectiue ab alio. Et huius opinionis uidetur Cōmen. & sequentes eum. Nam in duodecimo Metaphy. cōmen. 18,

reprobat creationem, & in cōmen. 41. arguens cōtra Ioan-
nes grāmaticum dicit, aliquod esse necessarium, & æternū
ex alio nō est uerum nisi in motu cœli tantū, quoniam mo-
tus habet esse a motore. Cōmentator ergo uult q̄ omne
ens permanens æternum, & necessarium ut sunt intelligen-
tiæ, nō habeant esse necessarium, & æternum ab alio, ex cō-
sequenti nō pendent effectiue a primo infinito. Alij autem
dicunt propositionem acceptādam secundum doctrinam
Aristo. in genere causæ efficientis, quoniam Aristot. sensit,
quodcunq̄ ens, & omnes modos entis esse effectiue a pri-
mo. Nam in secūdo Metaphysi. tex. 4. inquit unumquodq̄
uero maxime ipsorum aliorum dicitur secundum, q̄ etiam
alijs inest uniuocatio, puta ignis est calidissimus, & enim
est causa alijs hic caloris &c. Nec potest exponi de causa fi-
nali, quoniam exemplificat de igne ut calidissimo, quē con-
stat esse causam effectiuā caloris in alijs calidis. Et ipsemet
Cōmen. exponit de causa efficiente dicens, omnia enim en-
tia nō acquirunt esse, & ueritatem nisi ab ista causa, scilicet
a causa prima &c. Constat autem q̄ acquirere esse deno-
tat causam effectiuam, & hoc est ueritas, & nō est acceptan-
dus Cōmen. in hoc, & negandum est ei nullum esse neces-
sarium, & æternum permanens ex alio. Et quidem q̄ secun-
dum Aristote. detur creatiō contra Cōmen. discussimus in
duodecimo Metaphysi. Similiter q̄ nō inconuenit aliquod
necessarium permanens habere causam effectiuam. Nam
in secundo Metaphysi. de hīs quæstiones particulares feci-
mus, & hanc uiam contra Cōmen. tenet diuus Thomas, ut
fidelissimus Aristotelis expositor.

Secundum Theologum, acceptatur eadem propositio,
& totum corollarium, & ratio sua est hæc. Quod conuenit
alicui primo, & per se si inuenitur in alijs inuenitur in quan-
tum participant ipsum, ut patet de luce quæ quoniam pri-
mo, & per se conuenit soli, in quibuscunque inuenitur, ideo
inuenitur quia participant lucem a sole mediate, uel imme-
diate, sed esse, bonitas, infinitas, uita, lumen, intellectuale, &

reliquæ perfectiones primo, & per se cōuiunt primæ causæ, quoniam cum sit prima est penitus independens secundum omnem suam perfectionem, ergo in quibuscunq; huiusmodi perfectiones inueniuntur, tam in intelligibilibus, quā in sensibilibus inueniuntur, quia participant perfectiones primæ causæ. Est enim illa a qua in qua, & ad quā sunt omnia. Hæc de propositione. xvi. dicta sint.

Propositio XVII.

Omnis uirtus unita plus est infinita quam multiplicata &c.

In hac propositione intēdit declarare, unde sumitur maior infinitas, & minor in uirtutibus infinitis quas dixit in propositione præcedenti pendere a primo infinito, & ponit hanc conclusionem. Omnis uirtus unita plus est infinita quā multiplicata, idest cuicunq; uirtuti create competit infinitas, magis est infinita existens indiuisa quā multiplicata. Antequam probetur, aduerte quod ly infinitas nō sumitur secundū durationem, quoniam cum omnes intelligentiæ, & corpora coelestia, & animæ sint indefectibilia, sunt æqualis infinitatis quo ad durationem, licet non sint æque indiuisa, nec æqualis simplicitatis. Minor enim est unitas in intelligentia inferiori quā in superiori, cum intelligat per plures species, & adhuc minor in anima intellectiua propter pluralitatem potentiarum intellectiuarum, & sensitiuarum, & adhuc minor simplicitas est in corpore coelesti propter compositionem ex forma, & materia, & propter partes quantitatuas, sumitur ergo ly infinitas secundum perfectionem, & uirtutem, quæ licet absolute nō inueniatur nisi in prima causa, tamen secundum quid, & comparatiue inuenitur in ente abstracto pro quāto eius uirtus est minus sparsa, & efficacior, & uniuersalior est in operando. vnde pro rei ueritate propositio Auctoris sic intelligenda est. Omnis uirtus permanens unita, & indiuisa perfectior, & fortior, & uniuersalior est quam diuisa, & plurificata, & ad hunc sensum procedit probatio sua ex ratione assignata, ratione sic arguit, uirtus

permanens unita, & indiuisa propinquior, & cōformior est primo uni, idest primæ causæ quæ est maxime una, & simplicissima cuius uirtus est perfectissima, & absolute infinita, & uirtus diuisa remotior ac diuisior est ei, ergo uirtus permanens unita, & indiuisa perfectior est, & si aliqua infinitas conuenit ei, est plus infinita, & partita siue multiplicata imperfectior, & minus infinita est consequentia, patet quoniā unumquodq; aptum participare uirtutem alicuius summi, quanto magis propinquat ei tanto magis participat, & quāto magis distat, tanto magis imperficitur & minus participat, & magis finitatur ac arctatur. unde unitas est causa infinitatis, & diuisio causa finitatis.

Signo autem sic arguit, uirtus unita agit fortiores, & mirabiliores operationes, & quanto magis partitur tanto debiliores agit operationes, ergo unita est fortior, & pfectior, & magis infinita si qua infinitas ei competit, & diuisa est debilior, & imperfectior, & magis finita, consequentia patet, quoniam modus operādi declarat modum uirtutis, & hoc quidem signum ad sensum patet. Nam ignis unitus intense calefacit, diuisus autē debiliter. Mille homines uniti in exercitu superant quinq; millia dispersos &c. Propter quod cōcludit Auctor q; quanto uehementior sit unitas uirtutis est infinitas in ea magis apparens, & sunt operationes eius magnæ, & mirabiles.

Secundum doctrinam Proculi, acceptatur eadem conclusio. Nam in libro suo format talem propositionē. Omnis uirtus unitior existens est infinitior q̃ plurificata, & eadem est probatio Proculi, & Auctoris.

Secundum doctrinam Aristote. acceptatur eadem conclusio, sub hac forma, uirtus unita fortior, & perfectior est seipsa dispersa hanc declarat in primo libro Meteororum in capite de impressionibus humidis generatis in aere, ubi agens de grandine docet eam generari ex intensa frigiditate cōgregata, & unita in nube tempore calido, propter diffusam caliditatem in aere, quā ut sibi contrariam diffugiens

frigiditas, unit se, & unita mirabiles actiones facit, ut congelare guttas aquæ in tanta multitudine, & magnitudine, & tam breui tempore ut sæpe uidemus in grandine. Eadem causa inquit Aristoteli, frigida calent sub terra in hieme, quoniam ex frigidityte diffusa in superficie terræ congregatur, & quodammodo cōcentratur caliditas in uisceribus terræ, ex qua congregatione efficitur fortior, & ideo calefacit aquas subterraneas, & quoniā in estate fugata frigidityte ab aere, & superficie terræ, paulatim disgregatur caliditas prius unita, & euaporat ideo cessat calor ab aquis subterraneis, alia signa adducuntur ut de calce, cui, si super infundatur aqua feruet, quoniam partes ignite prius disperse per infusionem aquæ uniuntur, & fortiores effecte causant ebullitionem, quam causare nō possunt existentes disperse, manifestum est, ergo q̄ unitas, & fortificat uirtutem, pluralitas autem & diuisio debilitat, & si aliqua infinitas, siue uniuersalitas conuenit uirtuti, conuenit ei ut una, & non ut diuisa.

Secundum doctrinam Theologi, acceptatur eadē propositio. Nam apud eum est ut principium, q̄ uirtus quanto superior, & magis unita tanto ad plura se extēdit quod quidem declaratur in potentijs sensitiuis. Nam quia sensus cōmunis superior est ad sensus exteriores, unus existens apprehendit omnia obiecta sensuum exteriorū, & ultra hoc cognoscit differentiam inter ipsa obiecta. Item in potentijs intellectiuis. Nam quoniam intellectus est superior ad sensus exteriores, & interiores, ideo unus existens cognoscit corporea & incorporea, substantiam & accidentia, sensus autem tantum accidentia apprehendit. Item in substantijs separatis in quibus non est diuisio uirtutis cognoscitiue per intellectiuam, & sensitiuam. Intellectus earum existens unus cognoscit superiora intelligibilia, & inferiora sensibilia in uniuersali, & in singulari, ita quod ex sua indiuisione sortitur quandam infinitatem. Idem patet in forma cœli, & qualitate eius, scilicet luce, quæ una existens causat quodammodo infinitos effectus, unde quæ agun-

tur ab agentibus particularibus, plurificatis formis, & qualitatibus, aguntur a cœlo una forma, & una qualitate, manifestum est, ergo quod unitas est causa maioris uniuersalitatis, & infinitatis in uirtute in operando, & maioris perfectionis, diuisio autem & pluralitas causa est oppositorum. Hæc de propositione. xvij. dicta sint.

Propositio XVIII.

Res omnes habent essentiam propter ens primum, & res uiuæ omnes sunt motæ per essentiam suam propter uitam primam, & res intelligibiles omnes habent scientiam propter intelligentiam primam &c.

In hac propositione intendit declarare quomodo omnia pendent a prima causa, quo ad omnes gradus conuenientes eis secundum naturam suam, uerbi gratia, quoniam prima causa, est primum ens, & est prima uita, & est primum intelligens, siue prima intelligentia, idest primus, & purissimus actus intelligendi, ita quod existens simplicissima absque distinctione reali, est hæc tria, & omnis alia perfectio, & quoniam in creatis inuenitur triplex ordo, quoniam quædā tantum sunt, ut elementa, & elementata inanimata, & quædā sunt & uiuunt, eo quod mouent seipsa aliqua specie motus, uiuentia enim sunt quæ seipsa mouent. Et quædam sunt & uiuunt, & intelligunt ut intelligenti, intendit probare quod omnes res ut habent esse sunt a prima causa, ut est primum ens, & omnia uiuentia mouent seipsa propter primam causam, ut est prima uita. Et omnia intelligentia intelligunt propter primam causam, ut primum intelligens, siue prima intelligentia. Non tamen eodem modo, quoniam dat omnibus esse per creationem, sed dat uitam, & scientiam per modum formæ.

Primum quidem intendit sic probare. Cum omnis causa det aliquid suo causato in quo assimilatur causæ, causa prima in quantum primum ens dat rebus esse in quo assimilantur ei, ut est primum ens, & in quantum prima uita dat uitam, idest mouere seipsa, dat autem uitam in quantum pri-

ma causa est primum quietum sempiternum, idest primum mouens immobile, quoniam cum in mouentibus, & motis nō sit processus in infinitum, necesse est omnem motū reduci ad aliquod primum immobile. Et in quantum est primum intelligens dat omnibus intelligētibz scientiam, quoniam scientia in creatis intellectualibus est participatio primi intelligentis.

Secundum autem potest sic probari. Cum ens primum sit immobile, & sit causa causarum illud dat per modum creationis quod dat nullo præsupposito, hoc autem est esse quod ut fundamentum præsupponitur omni alij perfectioni, & ipsum nihil prius præsupponit, ut diximus in secunda propositione, ergo dat esse omnibus entibus per modum creationis. Illud autem dat per modum formæ, quod uideatur superaddi ipsi esse tanquā forma materiæ, hoc est uita, & scientia, siue intelligentia. Nam uidentur perficere ipsum esse, & qualificare. Vnde interrogati quale esse habet planta, respondemus esse uiuum, & quale esse habet homo, respondemus esse scientificum, uel rationale, & intelligentia habet etiam nobiliori modo esse intellectuale. Ergo prima causa dat uiuentibus, & intellectualibus uitā, & scientiam per modum informationis.

Secundum doctrinam Proculi, acceptatur eadem propositio. nam in libro suo talem propositionē format. Omnia quidem qualitercunque entia ex fine sunt, & infinito propter primum ens, & omnia uiuentia sui ipsorum sunt motiua propter uitam primam, omnia autem cognitiua cognitione participant propter intellectum primum. Sed aduerte qđ Proculus non tenet conclusionem hanc eo sensu, quo Auctor. Nam qđ entia creata constent ex finito, & infinito, nō uerificatur proprie nisi in rebus incorruptibilibus, ut in intelligentia, & in anima, quoniam ut diximus in propositione quarta, qđ participant esse sunt finitæ, & quia habent uirtutem, ut sint semper sunt infinite. Proculus autem extēdit cōstantiam ex finito, & infinito ad omnia qualitercunque entia,

entia, ex cōsequenti tam corruptibilia, quā incorruptibilia, & tamen de corruptibilibus, patet qđ nō sunt infinita in duratione nisi forte secundum speciem, quoniam apud Philosophos species rerum sunt eternæ. Item primum ens prima uita, prima intelligentia, siue primus intellectus apud Auctorem non distinguuntur realiter, quoniam prima causa existens simplicissima est hec tria. Apud Proculum autem distinguuntur realiter, quoniam primum ens est idea entis, & prima uita est idea uitæ, & primus intellectus est idealis intellectus. Et quoniam in hoc non bene sentit, cum sint in rei ueritate perfectiones primæ causæ, in qua nulla stat distinctio absolutorum, ideo in hoc relinquendus est, & tenendus est sensus Auctoris, cui concordat Aristo. & Theologus, ut manifestabitur infra.

Secundum doctrinam Aristo. acceptatur eadem propositio. Nam in duodecimo Metaphysic. tex. 13. & in septimo lib. tex. 30. dicit palam uero ex dictis, quia quodammodo sunt omnia ex uniuoco, idest ex sibi simili, ut homo ex homine, domus ex domo intellecta, calor ex calore &c. Ergo fit ens ex ente uita ex uita, intellectus ex intellectu. Et in libro decimo, docuit unoquoq; genere dari unum primum ut mensura, qua mensurantur omnia illius generis, & illud est causa mensuratorum, ergo omnia entia mēsurantur, & accipiunt esse a primo ente, & omnia uiuentia accipiunt uitam, & mouent se propter primam uitam, & omnis natura intellectiua accipit scientiam, & intellectum a primo intellectu, & in l. b. 12. tex. 39. docuit Deum esse uitam suam & intelligentiam suam, & cum sit primū principium. ergo est primum ens prima uita primus intellectus. ergo secundum Aristo. a prima causa, ut est primum ens omnia entia habent esse, & omnia uiuentia sunt mota inquantum est prima uita, & omnia intelligentia habent scientiam, & intellectum inquantum est primus intellectus.

Secundum doctrinam Theologi, acceptatur eadē propositio. Nam a duo Dionysio in libro de Diuino. cap. 5.

duo habemus. Primo quod hæc tria, esse uita sapientia in Deo sunt unum, nec aliquam distinctionem realem important. unde inquit. Non autem aliud esse bonum dicit, & aliud existens, & aliud uita, & aliud sapientia, neque multas causas, & aliorum alias productiuas deitates, sed unus Dei esse omnes bonos processus, & a nobis laudatas nominationes. Secundo quod Deus ut ens, siue existens, uerius autem superexistens est causa omnium existentium, & ut uita omnis uitæ, & ut sapientia omnis sapientiæ, & scientiæ, & cognitionis, de primo inquit in dicto quinto cap. omnis quocumque modo existentis præexistens est principium, & causa. Et omnia ipso participant, & a nullo existentium recedit, de secundo inquit in. 6. cap. Omnis uita, & uiuificatiuus motus est ex uita quæ est super omnem uitam, & principium omnis uitæ. De tertio inquit in cap. 7. Diuina sapientia omnis est mentis, & rationis, & omnis sapientiæ, & prudentiæ causa, & ipsa est omne cōsiliū, & ab ipsa, & omnis cognitio, & prudentia &c. Et hanc quidem causalitatem multiplicem manifestat Dionysius in eodem libro in cap. 5. conuenienti similitudine sumpta a sole, & inquit, si enim noster sol sensibilia substantias, & qualitates, & quidem multas, & differentes existentes, tamen ipse unus existens, & uniformæ lucendo superfundens lumē renouat, & nutrit, & custodit, & perficit, & discernit, & unit, & refluere facit, & germinabilia esse facit, & auget, & cōmutat, & collocat, & ex plāta prodire facit, & sursum mouet, & uiuificat omnia, & totorum unumquodque iuxta proprietatem suam eodem, & uno sole participat, & multorum participantium causas unus sol in seipso uniformiter præaccepit, multo magis in causa, & ipsius, scilicet solis, & omnium existentium, quæ scilicet est Deus, præexistere exemplaria, scilicet esse uitam sapientiam bonitatem secundum unam supersubstantialē unionem concedendum est, quoniam & substantias producit s̄m excessum a substantia, id est s̄m uirtutem qua excedit omnes substantias &c. Hæc de propositio. xviij. dicta sint.

Propositio XIX.

EX intelligentijs est, quę est intelligentia diuina, quoniā ipsa recipit ex bonitatibus diuinis quę procedunt a causa prima per receptionem multam &c.

In hac propositione intendit Auctor declarare, quomodo entia diuersimode participant diuinas perfectiones secundum quod magis, uel minus propinquant primę causę a qua pendet ex propositione præcedenti. Et quoniam in uniuerso sunt tres principales ordines, scilicet ordo intelligentiarum, ordo animarum, ordo corporū, ideo iuxta hos tres ordines ponit tres conclusiones.

Prima est. Inter intelligentias, quędam est intelligentia diuina, quędam est intelligentia tantum.

Secunda est. Inter animas quędam est anima intelligibilis, id est intellectualis, quędam est anima tantum.

Tertia est. Inter corpora naturalia, quędam habent animam, quędam sunt corpora naturalia tantum sine anima.

Pro euidencia haturum conclusionum, aduerte quod cum omnes isti ordines dependeant a Deo, ut declaratū est in propositione præcedenti, sic disponuntur quod supremum primi ordinis multum participat diuinam dignitatem, & uniuersalem causalitatem, & clarissimam ac uniuersalem per pauciora media omnium cognitionem propter propinquitatē ad primam causam a qua perfectius, & abundantius recipit diuinas perfectiones, & ideo supremę intelligentię ex hac propinquitate, & abundantī receptione diuinarum perfectionum, & multa similitudine ad primā causam, dicuntur nō solum intelligentię, sed diuine tanquam diuina simulacra, sicut primi existentes in hoc mundo inferiori apud regem nō solum dicuntur curiales, sed regij curiales. Et quoniam inferiores intelligentię huius primi ordinis, nō ita propinquant primę causę, ex consequenti nō ita perfecte recipiunt diuinam perfectionem, nec uniuersalem causalitatē, sunt quidem intelligentię, quoniam secundum se totas sunt intellectualis naturę, sed nō dicuntur diuinę intelligentię,

sed intelligentiæ tantum, sicut curiales secundarij dicuntur quidem curiales, sed nõ regij, quoniam nõ multam dignitatem, & auctoritatem recipiunt a rege in comparatione ad primiores. Eodem modo disponitur secundus ordo sub primo, q̃p supremum secundi ordinis ex propinquitate ad primum participat de natura primi quod est esse naturæ intellectuales. vnde in ordine animarum supreme, & magis perfecte, ut animæ humanæ nõ solum sunt animæ, sed ex propinquitate ad primum ordinem participant de intellectualitate, & dicuntur animæ intellectuales. Inferiores autem animæ ex distantia ad primum ordinem sunt quidem animæ. Quoniam cõmune est cuilibet animæ uiuificare dirigere, & cõseruare corpus. Eodem quoq; modo disponitur tertius ordo sub secundo, quod suprema corpora ex propinquitate ad animam secundum perfectionem nõ solum sunt corpora, sed sunt participantia animam & uitam, & dicuntur animata corpora, inferiora autem utpote multum imperfecta, & ex distantia ab ordine secundo sunt corpora tantum, idest habentia tantum esse naturale. Et in hac declaratione cõprehenditur intentio Auctoris in tota hac propositione.

Secundum Proculum acceptatur eadem propositio, cū tribus conclusionibus. vnde in libro suo talem propositionem format. Omnis intellectualis ordinationis, idest in ordine separatorum intellectum hi quidem sunt diuini intellectus, suscipientes Deorum participationes, hi autem intellectus solum, & omnis animarum ordinationis, hæ quidem animæ intellectuales sunt, ad intellectus suspense proprios; hæ autem animæ solum, & corporalis natura hæc quidem & animas habet astantes, hæ autem sunt naturæ solum, animarum expertes. Et aduerte q̃ in secunda, & tertia parte propositionis, scilicet quo ad animas, & corpora non discordat a mente Auctoris, sed in primo ordine discordat in hoc q̃ Proculus uult intelligentias supreamas dici diuinos intellectus ex multa participatione Deorum, idest primarū

formatum idealium, quæ sunt primum esse, prima uita, primus intellectus, quas more Platonico appellat Deos, & ponit distinctionem realem inter eas, ut diximus in propositione præcedenti. Auctor autem uult q̄ dicantur diuinæ intelligentiæ ex multa participatione tantum unius primæ causæ quæ realiter, & simplicissime est primum ens prima uita, primus intellectus, prima bonitas &c. Et quoniam mens Auctoris in hoc est consona ueritati, & concordat Aristo. & Theologo, ut dictum est in propositione præcedenti, ideo sensus Proculi relinquendus est, & secundū ueritatem loco eius quod dicit, suscipientes Deorum participationes, dicatur, suscipientes unius primæ causæ participationes &c.

Secundum doctrinam Aristo. acceptatur eadem propositio. Nam apud ipsum habemus hoc principium, quando aliqua plura ordinate ab uno primo procedunt, propinquo-
ra illi principio perfectiora, & magis illi similia sunt, ut patet de lumine procedēte ordinate a sole ad astra, ad elementum aeris, ad elementum aquæ, ad elementum terræ. nam perfectius recipitur in astris, imperfectius in aere, adhuc imperfectius in aqua, & imperfectissime in terra propter opacitatem, & multam distantiam. Constat autem quod in ordine intelligentiarum, quæ sunt superiores, propinquiores sunt primo principio, istæ autem sunt secundum Aristote. quæ sunt applicate superioribus sphaeris, inter quas prima in nobilitate, & perfectione, & causalitate est intelligentia octauæ sphaeræ quæ secundum Aristo. est primum mobile. Deinde intelligentia Saturni. Deinde Iouis, & sic descendēdo. Nam sic ordinat eas in duodecimo Metaphys. tex. 44. ubi inquit Cōmen. Quoniam uero ordinatio istorum mouentium a primo motore, oportet ut sit secundum ordinem stellarum orbium, manifestum est etiam q̄ prioritas eorū in loco, & in magnitudine facit eos priores in nobilitate &c. Si igitur propinquiora primo principio nobiliora sunt & perfectiora merito dicuntur diuina entia, & in proposito dicē-

tur diuinæ intelligentiæ. Habemus & aliud principium ab Aristo. in decimo Metaphy. tex. 23. q̄ medium retinet naturam extremorum. Cum igitur anima humana media sit inter intelligentias, & animas inferiores, quoniam secundū Aristo. in secundo de anima, tex. 22. uidetur alterum genus animæ esse, & hoc solum contingere separari sicut perpetuum a corruptibili, necesse est in quantum respicit intelligentias esse naturæ intellectiue, & in quantum respicit animas inferiores esse animā. Inferiores autem animæ sint animæ tantum. Item habemus ab Aristo. in octauo Physico. tex. 27. q̄ cū omne corpus naturale moueatur aliquo motu, aut mouetur a seipso, aut ab alio, si a seipso, est animatū, distinguitur enim omne animatum in partem mouentem, & in partem motam, cuius motus principium sit anima, siue motus sit alteratio, siue augmentum, siue decrementum siue motus localis, si autem mouetur ab altero est corpus in animatum. Ergo secundum Aristo. inter corpora naturalia quædam sunt animata, & corpora, quædam autem sunt corpora tantum.

Secundum doctrinam Theologi, acceptatur eadē propositio, & quidem q̄ supremæ intelligentiæ merito dicantur diuinæ intelligentiæ, quoniam propinquæ sunt primæ causæ, a qua recipiunt abundantius diuinas perfectiones testificatur Dionysius de cœlesti hierar. cap. 7. ubi exaltans primam hierarchiam inquit, pulchre igitur prima cœlestiū hierarchiarum, ab excellentissimis essentis sanctificatur, ordinem habens omnibus altiore, hoc est, circa Deum immediate collocatur, & primo operantes theophaniæ, idest diuinæ manifestationes, uel illuminationes, & perfectiones in eam tanquā proximam, idest Deo immediatam deferuntur, hæc illæ, ex quibus constat, q̄ cum prima hierarchia sit immediata Deo, & recipiat perfectiones, & illuminationes immediate a Deo, & sit altioris ordinis, & aliæ intelligentiæ recipiant perfectiones, & illuminationes mediantibus supremis, merito supreme dicuntur diuinæ, inferiores autem

dicuntur intelligentiæ tantum, similiter q̃ perfectiores animæ sint nō solum animæ, sed etiam intellectiue, imperfectiores autem sint animæ tantum, & q̃ perfectiora corpora sint nō solum corpora, sed etiam animata, imperfectiora autem sint corpora tantum, declaratur ex fundamento posito a Dionysio in libro de Diui. no. cap. 7. ubi inquit diuina sapientia est omnium effectiua, & super omnia cōcordans, & indissolubilis omnium concordationis, & ordinis causa, & semper fines primorum coniungens principijs secundorum, & unam omnium cōspirationē, & harmoniam pulchre operans, hæc Dionysius. Ex quibus habetur q̃ cū intelligentiæ sint in primo ordine entis, & animæ in secundo, & corpora in tertio. Intelligentiæ ultimæ, & primæ, idest perfectiores animæ debent esse coniuncte, ita scilicet quod participant de natura intellectuali ex cōsequenti nō solum sint animæ, sed etiam intellectuales, similiter animæ, & perfectiora corpora debent conuenire, ut scilicet non solum sint corpora, sed corpora habentia animam, & sic seruetur ut inquit Dionysius pulcherrima consonantia in ordinibus uniuersi. Hæc de propositione. xix. dicta sint.

Propositio XX.

Causa prima regit res creatas omnes, præter quod cōmisceatur cum eis &c.

Intendit Auctor in hac propositione manifestare modū quo prima causa regit omnia creata, absque diminutione perfectionis suæ quæ consistit in simplicitate, & unitate uirtutis sue, ita q̃ ex hoc uniuersali regimine nullam patitur distractionem uirtutis, & licet sua uirtus separata sit, & exaltata, tamen ex hoc nō impeditur perfectissimum regimen, & ad manifestationem sui propositi tendit ex tribus, primo q̃ prima causa regit omnia entia influendo in eis bonitates suas quas ex parte sui influit una influxione, & uno modo, secūdo q̃ licet prima causa ex parte sui influat uno modo, Et una influxione tamen res recipiunt huiusmodi perfectiones diuersimode secundum modum sue uirtutis, & sui esse.

Tertio q̄ omne regens præter causam primam regit diminute, & solum regimen primæ causæ est optimum, & pulcherrimum.

Primum sic manifestat, causa prima influit bonitates in rebus, nō per al quod accidens medium, sicut agentia creata quæ agunt per qualitates suas actiuas, sed influit p̄ essentiam suam, & suū esse quod est uirtus sua, ita q̄ essentiam, esse uirtus, bonitas, nō distinguuntur, cū igitur essentia esse uirtus in prima causa sint una res, sequitur q̄ ex parte sui influit uno modo, & una influxione super omnes res, sicut & sol quantum sit ex parte sui effudit uno modo lumen super omnia illuminabilia, & Doctor uno modo quantum sit ex se illuminat omnes discipulos, proponens omnibus eandē conclusionem per eadem media.

Secundum sic manifestat, recipientia diuersificantur in uirtute, & in esse ex cōsequenti diuersificātur in capacitate, & aptitudine recipiendi. ergo nō omnia sunt æqualiter receptiua, imo aliqua plus, & aliqua minus, quæ tamē diuersitas prouenit ex magnitudine largitatis diuinæ, & bonitatis, quæ ex immensitate sua, non potest recipi in rebus nisi multipliciter, & diuīsim, & inæqualiter, sicut quoniam nullum illuminabile est capax tante lucis, quanta est in sole, necesse est q̄ secundum plus & minus in diuersis recipiatur secundum diuersitatem naturæ, & esse earum.

Tertium sic manifestat, sicut omne agens creatū distat a suo facto, quia nō agit per essentiam suam, sed per instrumenta, & dispositiones quibus coaptat se facto suo, sic omne regens creatum distat ab eo quod regit, quia non regit per essentiam suam, sed per uirtutes medias, puta per scientiam per prudentiam &c. Sed ex eo q̄ agens creatum agit per dispositiones superadditas essentiæ suæ nō est purum, & sufficientissimum agens, ergo nec regens creatum, quia regit per uirtutes superadditas essentiæ suæ est sufficientissimum & uerum regens, cum igitur prima causa regat omnia per uirtutem quæ est essentia sua, ex consequenti est indistans

a rebus gubernatis sequitur regimen suum esse in fine decoris, & sine defectu & tortuositate.

Ex his probatur sic propositum. Regimen primæ causæ nō debilitat unitatem eius, nec distrahit uirtutem eius regit, ergo omnia absq; hoc q; cōmisceatur eis. Antecedens probatur. Prima causa regit omnia per essentiam suam quæ est uirtus sua, & nō per dispositiones medias sicut regētia creata, ergo &c. Nam ideo regimē regentis creati debilitat unitatem eius distrahit uirtutem, quia regit per dispositiones superadditas essentiæ suæ, cum igitur prima causa non regit, nec agat nisi per essentiam suam sequitur q; regimen eius nō debilitat unitatem eius, nec distrahit uirtutem eius. Consequentia autem prima declaratur sic. Nam ex alio prouenit q; regens immisceatur rebus rectis, nisi quia regit per instrumenta, & dispositiones superadditas quibus inclinatur & coaptat se rebus rectis ex qua coaptatione incurrit. Quādam compositionem siue cōmixtionem, cum igitur prima causa regat omnia per essentiam suam exaltatā super omnia, & per indiuisibilem uirtutē suam, sequitur q; regit omnia absq; hoc q; cōmisceatur eis. Hinc patet error Auer. in duodecimo Metaphy. cōmen. 37. qui abstulit a Deo regimen, & sollicitudinem indiuiduorum ut indiuidua sunt, ubi inquit sollicitudo circa indiuiduum tali modo q; nullus habeat cōmunicationem cum eo, hoc nō est fas bonitati diuine &c. Iudicauit enim Auerroes de regimine diuino, sicut de regimine humano, in quo quia regens regit per dispositiones medias, & coaptat se rectis ex qua coaptatione distrahitur uirtus sua incurrit quandam uilitatem ex qualitate eorum quæ regit, & imperficitur, sed hoc iudicium est penitus irrationabile, quoniam ut diximus Deus regit res per essentiam suam, absque hoc q; cōmisceatur eis. Item patet error Epycurei, qui posuit Deum ociosum de nullo ente curam habere credens esse impossibile Deum regere, & non distrahi uirtutem suam nec inquietari, quoniam uidebat in regimine humano regentes inquietari. Non regētes autem

gaudere quiete sua, sed ut diximus nō est similis ratio, quoniam Deus sua essentia quæ est exaltata super omnia, & quæ est uirtus sua, & uno influxu ex parte sui gubernat omnia. Regens autem humanum, per instrumenta, per uarias applicationes, & per dispositiones superadditas essentiae suæ regit, ideo inquietudinis distractiones multiplices patitur, & debilitatem uirtutis, nobilitatem, & uilitatem recipiens ex conditionibus eorum quæ regit, quoniam omnis humana actio qualificatur ex obiecto circa quod est, sicut & scientia recipit nobilitatem, & uilitatē ex obiecto, quod non contingit in diuina scientia, quoniam scit omnia in essentia sua, & ideo scit omnia, operatur in omnibus regit omnia, sine aliqua imperfectione sua, quoniam scit operatur regit omnia per esse suum.

Secundum doctrinam Proculi, acceptatur eadem propositio. nam in libro suo talem propositionē format. Omne diuinum, & prouidet secundis, & ereptum est ab his quibus prouidetur &c. Per ly secundis intendit entia corporea, tam animata, quā inanimata per ly diuinū intendit Deum summum, & substantias separatas quas Deos uocant Platonici. Nam secundum uiam Platonis triplex est prouidentia. Prima attribuitur summo Deo, qui principaliter prouidet substantijs intellectuales, & toti uniuerso quo ad genera, & species, & uniuersales causas. Secunda attribuitur Dijs secundis, qui prouident indiuiduis rerū generabilium, & corruptibilium. Tertia attribuitur dæmonibus qui prouident hominibus quo ad actus humanos. In hoc ergo quod Proculus dicit omne diuinum, intendit nō solum primum Deum, sed & Deos secundos, per ly ereptum, intendit ereptum, siue nō cōmixtum rebus prouisis eo modo quo exposuimus secundum Auctorem. Et ratio quæ adducitur secundum mentem Proculi est eadem cum ratione adducta ad mentem Auctoris, quia scilicet Dijs prouidentes, prouident per esse suum, & nō per aliquam habitudinem, siue dispositionem superadditam essentiae eorum, per quā apten-

tur, siue proportionentur rebus prouisi sicut faciunt regentes humano regimine, quos necesse est cōmisceri, & distrahi, quoniam diuersis prouident diuersis dispositionibus & medijs, ut pater familias, alia lege prouidet filijs, alia seruis, alia bestijs. Sed Dñs suo esse sua essentia quæ est uirtus, & lex eorum prouident rebus, ideo prouident, & tamen sunt erepti, id est nō cōmixti prouisis, nec patiuntur diuersificationem uirtutis ex suo regimine.

Tu tamen aduerte, q̃ ratio adducta ad mentem Proculi, non uerificatur nisi in prima causa, quoniam omnis uirtus actiua in creatis est quid additum essentia, & est accedens sicut actio sua. Nam in solo primo cui repugnat omnis compositio, & uirtus, & actio est essentia sua propter quod tenendum est intelligentias regere per dispositiones superadditas essentia, nec inconuenit eas pati diuersificationem uirtutis, & aliquo modo cōmixtionem cum his quæ reguntur, cum nō sint purum agens, nec eis repugnet potentia, & actus. Et ideo Auctor secundum ueritatem processit, qui regimen per esse suum, & propriam essentiam, & non per dispositionem superadditam attribuit soli primæ causæ, similiter triplex prouidentia secundum uiam Platonis, non est sustinenda, & improbabitur infra.

Secundum doctrinam Aristotele, acceptatur eadem propositio. Nam in duodecimo Metaphysice, duo habemus ab Aristotele, primo quod partes uniuersi habent ordinem adinuicem sicut partes ciuitatis, aut exercitus, & omnes habent ordinem ad unum primum distinctum & separatū, & uniuersalem principem, a quo est ordo in partibus uniuersi, unde inquit in tex. 52. Omnia uero ordinata sunt aliquo modo, & ad unum quidem omnia coordinata sunt, scilicet ad primam causam a qua ordinantur, & disponuntur sicut ab uniuersali regente, & principe, sicut partes familiæ disponuntur a Domino domus, ut inquit illic Cōmen. Et id manifeste concludit in tex. 55, ubi reprobans eos qui ponebant substantiam uniuersi in cōnexam, ita q̃ unum ens nō con-

fert alteri, ex consequenti ponebant plura prima principia dicit: Entia uero nolunt male disponi, pluralitas autem principatuum mala, unus ergo princeps, quasi dicat, totum unum uersum est sicut unum regimen, & dominium, ergo oportet quod ab uno principe ordinetur & regatur, consequentia patet, quoniam uidemus quod non stat bonitas regiminis cum pluralitate primorum regentium, unus ergo est regens omnia entia. Quod autem non commisceatur eis, nec distrahatur uirtus eius, patet ex secundo, quod habemus ab Aristotele in duodecimo Metaphysicorum text. 5. 1. ubi determinat quod primum principium est sua intelligentia, & ex consequenti omnis actio sua est substantia sua, ex quo habemus quod cum per intelligentiam, & scientiam suam regat entia, & producat (nostra enim scientia causata est a rebus, scientia autem Dei est causa entis, ut inquit Comenius in duodecimo Metaphysicorum comment. 5. 1.) & intelligentia sit essentia sua, sequitur quod regit res non per dispositiones medias, sed per essentiam suam, quæ cum sit exaltata super omnes res, non est commixtibilis cum eis, nec uirtus enim quæ est essentia sua est distrahibilis sicut, nec radius solis minuitur ex eo quod transit per uaria corpora. Et si tu bene consideras, ratio adducta ad mentem Aristotele non dissentit ab ea quam adduximus ad mentem Auctoris, utrum autem prima causa omnia regat in uniuersali, & particulari, & quo ad singulas actiones, tam in superioribus, quam inferioribus entibus ad mentem Aristotele non spectat præfati propositioni, de hoc uero locuti sumus in questionibus nostris super duodecimo Metaphysicorum.

Secundum doctrinam Theologi, acceptatur eadem propositio. Nam cum Deus sit causa creaturarum per intellectum, non solum quo ad esse creaturarum, sed etiam quo ad quodcumque bonum in eis repertum, & ordo earum indebitum finem sit bonum in eis, sequitur quod Deus sua intelligentia quæ est essentia sua ordinat, & dirigit omnia in debitum finem, sic autem ordinare, & dirigere, est regere, & quoniam eodem agit & dirigit, patet quod sicut omnium est causa effe-

Etia, sic est omnium causa ordinatiua, & propterea non admittit Theologus triplicem prouidentiam assignatam ad mentem Platonis. Tu tamen aduerte q̄ licet prima causa omnia ordinet, & dirigat in finem, tamen talem ordinem nō exequitur per se ipsum, quo ad omnia, sed per causas secundas, ut gubernat inferiora per superiora, idest per intelligentias, & corpora coelestia, ut dicemus in propositione. xxiiij. per seipsum autem gubernat naturas intellectuales, ut sibi similes. Hæc de propositione. xx. dicta sint.

Propositio XXI.

Primum est diues per seipsum, & est diues magis & c. In hac propositione intēdit Auctor declarare primā causam esse sufficientissimam ad regendū omnia, quæ sufficientia consistit in abundantia, & continentia omnium bonitatum, & perfectionū quas Auctor nominat diuitias, qui enim regit, & nō continet bona distribuenda subditis, dimittit nute regit, unde ad omnimodam sufficientiam regiminis, duo requiruntur: primo debita, & certa sapientia, qua sciat regens subditos dirigere, & ordinare in finem: secundo abundantia mediorum conferendorum subditis, ut consequantur finem. Quid enim prodesset Principi scire ordinare militem contra hostes nisi prouideret ei de medijs, ut de pecunia, & armis, & equis & c. Ad declarandam igitur sufficientiam regiminis in prima causa, in hac propositione intendit Auctor hanc consequentiam. Prima causa est diues per se ipsam, ita q̄ nullo extra ipsam indiget, & est magis diues, idest super omnia diues, ergo sufficientissime regit omnes res, cōsequencia patet, quoniam ex eo q̄ est maxime diues per seipsam continet in se omnia media conferenda rebus gubernatis, ergo sufficientissime regit. Antecedens uero probatur ab Auctore pro utraq; parte. Et primo q̄ sit diues per seipsam. Secūdo, q̄ magis diues quam omnia alia. Quantum ad primum arguit sic. Prima causa est unitas, & non sparsa in seipsa, sed pura unitas, quia omnino indiuisibilis, & omnino incompressa, cum sit simplicissime sim-

plex, aliter nō esset primum ens, quoniam omne cōpositū, tum posterius est suis cōponentibus, ergo est diues, & sufficiens per seipsam, probatur consequentia. Vnitas, idest simplicissime simplex, & cōpositum sunt opposita, quoniam cōpositum indiget cōponentibus, neque enim ex seipso est, simplicissime autem simplex, nullo extrinseco indiget, quoniam a nullo pender. ergo sicut omne cōpositū est diues per aliqua ex quibus est, & a quibus pēdet, sic simpliciter simplex est diues per seipsum, sicut habet esse per seipsum.

Quantum ad secundum sic arguit. Prima causa influit bonitates in omnibus rebus, & nulla influit in ea, imo omnes accipiunt ab ea, quoniam posterius accipit a priori, & non econuerso. ergo omnes res tam intellectuales, quam corporales nō sunt diuites per seipsas, imo sunt indigentes uno primo diuite influente super eas bonitates, & omnes gratias, ex consequenti est diues super omnia, & sic est sufficientissimum regimen eius.

Secundum doctrinam Proculi, acceptatur eadem propositio. Nam in libro suo format talem propositionē, Omne diuinum primū, & maxime est simplex, idest licet in entibus sint multa simplicia, intelligentiæ enim habent essentiam quæ nō diuiditur, ut dictum est in propositione septima, tamē ens diuinum est primo, & maxime simplex, quoniam nō compatitur secum aliquam minimam cōpositionem, neque ex his, neq; cum his, omne autem creatum cōpatitur secum cōpositionem saltem subiecti, & accidentis. deinde subiungit Procu. Et propter hoc, idest propter maximam, & primam simplicitatem est maxime p se sufficiens. Ad euidētiā huius dicti aduerte tria. Primo, quod dicit Aucto. per seipsum diues, dicit Procu. p se sufficiens, nam per seipsum diues nullo extra ipsum indiget. ergo solus sibi sufficit. Secundo, Procu. intendens ex simplicitate diuina probare sufficientiam suam per seipsam, prius probat eius maximam simplicitatem, & arguit sic. Prima cau

sa est prima unitas, sicut enim est primū ens, & prima bonitas, sic est prima unitas. ergo pura unitas. ergo maxima unitas sicut pura albedo est maxima, idest perfectissima albedo, si maxima unitas. ergo maxima simplicitas. nam simplicitas negat diuisionem in plura, & compositionē ex pluribus, ex consequenti simplicitas includit unitatem. qualis ergo est unitas in prima causa, talis est simplicitas. si ergo est prima, & maxima unitas, est etiam prima, & maxima simplicitas. Tertio, ex maxima & prima simplicitate intendit concludere primam causam esse per se sufficientem, sicut etiam conclusit Auctor. nam omnia cōposita indigent suis componentibus, & agēte uniente componentia simul. ergo nō sunt per se sufficientia. simplicia autē non indigent his, ergo sufficientiam suam habent in seipsis. cū igitur causa prima sola sit simplicissima in se unitissime, & indiuisibiliter continens uniuersalem bonitatem, sequitur quod est per se sufficiens.

Secundum doctrinam Aristo. acceptatur eadem propositio. Nam in quinto Metaphy. cap. de perfecto inter alios modos quibus dicitur perfectum assignans modū quo dicitur aliquid perfectum uniuersaliter, idest absolute, & non solum in aliquo genere inquit. Quædam scilicet dicuntur perfecta modo uniuersali, ita q̄ non deest eis nobilitas in unoquoque genere, & nihil est extra illa, scilicet quod non contineatur in illis, & Cōmen. ibi applicans dictū Aristo. inquit, & ita est dispositio primi principij, scilicet Dei. Deus igitur in se continet omnes bonitates, & nulla est bonitas extra ipsum, nisi ut participatio diuine bonitatis. ergo per se sufficiens est, & in duodecimo Metaphys. tex. 47. ponens correspondentiam, & proportionem inter intelligibilia, & appetibilia determinat q̄ sicut substantia simplex quæ est purus actus, ut Deus est primum intelligibile, ita & primū appetibile & optimum, ex consequenti est uniuersale bonū nō secundum uniuersalem prædicationem, sed secundum uniuersalem continentiam. ergo est per se sufficiens. Con

firmatur ex eius dicto in septimo libro Politic. ubi inquit. Testis est Deus qui beatus est, nō propter aliquod externum, sed per seipsum, quia talis est secundum naturam &c. sed apud Aristot. felicitas, & sufficientia omnium bonorum idem sunt. ergo si Deus per seipsum beatus est per seipsum sufficiens est.

Secundum doctrinam Theologi, acceptatur eadē propositio. nam secundum Diony. in libro de Diui. no. cap. 13. Deus est uniuersalissime perfectus, quia omnium perfectiones in se excellentissime continet, & in omnibus inluit bonitates suas incessabili largitione, vnde inquit. Perfectum autem rursus dicitur, & sicut inaugmentabile semper perfectum, & sicut nō minorabile, sicut omnia in seipso prehensens, & supermanens secundum unam impausabilem, & eandem, & super plenam, & imminorabilem largitionem, secundum quam perfecta omnia perficit, & propria adimplet perfectione &c. ergo ex uniuersalissima sua perfectione quæ a nullo extrinseco pendet, immo quæ cōmunicatur extrinsecis, manifeste concluditur, omnimoda & per se sufficientia diuina. Item secundum Diony. in eodem libro, & eodem cap. Theologia laudat omnium causam, unius nominatione propter excedētem totius diuinæ unitatis simplicitatem, in qua omnia singulariter cōgregata sunt, & superunita. super substantialiter ergo sicut ad mētem Auctoris, & Proculi ex diuina unitate, & simplicitate cōclusimus Deum per se sufficientem, ita quod sufficientia sua a nullo alio pendet, sic secundum Diony. eodem medio eandem conclusionem probare manifeste possumus. Hæc de propositione .xxi. dicta sint.

Propositio XXII.

Causa prima est super oē nomen quo nominatur &c. Intendit Auctor hic manifestare celsitudinem primæ causæ ex hoc signo quod est super omne nomen quod possit sibi attribui ab intellectu nostro. Et licet ex dictis in Propositione sexta, ubi probatum est quod est maior omni narratione

narratione & omni loquela, cum loquela, & narratio fiant per nomina, possit esse manifestum qd est maior omni nomine sibi attributo, tamē hic particularem propositionem format de diuina nominatione, quoniam intendit eam probare medio nō tacto in Propositione sexta. Intendens igitur probare primā causam esse super omne nomen, sic procedere uidetur, omne nomen a nostro intellectu inuentum aut est abstractum, aut concretum, quorum nullum proprie conuenit primæ causæ. ergo est super omne nomen. Antecedens probatur pro prima parte. Omne nomē significat ut quod, uel per modum formæ, & sic est abstractum, ut deitas, humanitas, albedo &c. uel significat ut quod, uel per modum cōpositi, ut Deus, homo, album &c. & sic est concretum. Pro secunda parte probatur sic. Nomē abstractum significat per modum diminuti, quoniam signatū nomine abstracto non est quod subsistit, nec quod agit, sed quo agens agit, nō enim humanitas subsistit, nec operatur, sed homo, nec calor calefacit, sed calidum, sed in Deo nulla est diminutio. ergo nomen abstractum nō proprie conuenit Deo. Nomen autem concretum licet significet ut completum, id est id quod est, & quod subsistit, & quod agit, tamen significat formam limitatam, uel ad subiectum, ut album, uel ad materiam, ut homo, ex consequenti nomen concretum apud nos uidetur significare naturam limitatam, id autem non competit Deo, quoniam cum sit agens creans, & influens bonitates suas in rebus influxione perfecta & una, licet res diuersimode eas recipiant secundum modum quo possunt recipere, necesse est diuinam bonitatem esse sine fine, & interminatam. ergo quocunq; nomine nominetur, imperfecte & quasi improprie nominatur, ergo est super omne nomen ab intellectu nostro inuentum.

Secundum doctrinam Proculi, & Aristo. & Theologi acceptatur eadem propositio, quoniam unumquodque eo modo nominatur quo intelligitur, cum nomina sint signa

cōceptuum, sed Deus & sua infinitate est super omnem scientiam, & cōceptum nostrum. ergo super omne nomē, & ideo bene dixit Diony. in primo cap. de Diui. no. Deus omnium quidem existentium cōprehensiuus, omnibus autem uniuersaliter est incōprehensibilis, & neq; sensus eius est, neque phantasia, neque opinio, neque nomen, neque sermo, scilicet declarans immensitatem substantiæ suæ, & infra in eodem cap. inquit exponens illud, quare interrogas nomen meum, quod est admirabile &c. Nunquid autem non hoc uere est mirabile nomen quod est super omne nomē, quod est innominabile, quod est collocatū super omne nomen quod nominatur siue in seculo isto, siue in futuro.

Propositio XXIII.

OMnis intelligentia diuina scit res per hoc q̄ est intelligentia, & regit eas, per hoc q̄ est diuina &c.

Quoniam non solum prima causa regit, sed etiam intelligentiæ. nam per motum cœli regunt inferiora, & regulant in motu quo ad uelocitatem, & tarditatem corpora cœlestia, ideo intendit in hac propositione declarare, unde habet intelligentia q̄ sit regens, & dicit tria.

Primo, q̄ non regit in quantum intelligentia.

Secundo, q̄ regit in quantum diuina.

Tertio, q̄ regimen primæ causæ sublimius est, & altioris ordinis quam regimen intelligentiæ.

Quantum ad primum, aduerte quod sicut essentialē est lucido lucere, calido calefacere, sic essentialē est intelligenti intelligere, & scienti scire. nō ergo est essentialē intelligentiæ in quantum intelligentiā regere, sed intelligere, & in hoc stat sua perfectio, & complementum, quoniam unumquodq; perficitur sua propria operatione.

Quantum ad secundum, aduerte quod cum principium regiminis sit auctoritas quæ consistit in uirtute regulatiua, & influentiā bonitatis super subditos, ex eo intelligentia est regens, a quo habet auctoritatem, & causalitatem influen-

tia bonitatis. hoc autem habet a Deo ut uniuersali Auctore & Domino, ex propinquitate & similitudine quam habet ad ipsum. est ergo regens in quantum participat uirtutem, & potentiam diuinam. ergo non in quantum intelligentia, sed in quantum diuina, quod enim participat actionem alicuius principalis agentis denominatur nomine principalis agēis, unde sicut lapis comburens participat actionem ignis, sic denominatur ab igne. dicitur enim lapis ignitus. igitur quoniam intelligentia participat actionem Dei, quæ est dominari, & regere, conuenienter dicitur intelligentia diuina, sicut lapis dicitur ignitus, non in quantum lapis, sed in quantum comburit, unde intelligentia quæ non regit non dicitur diuina, sed intelligentia tantum, ut dictum est in propositione. xix.

Quantum ad tertium, aduerte quod quadruplici ratione assignata ab Auctore regimen primæ causæ sublimius est. Primo, quia prima causa dat uirtutem regitiuam intelligentiæ, & non econuerso. Secundo, quia quæcunque reguntur ab intelligentia reguntur etiam a prima causa. nam (ut diximus in Propositione prima) quamcunque actionem habet causa secunda super effectum suum habet, & causa prima, quia non agit nec mouet nisi agente, & mouente causa prima. Tertio, quia prima causa sicut producit omnes res, sic etiam regit. intelligentia autem non regit omnia, sed tantum corporea, soli enim creatori natura intellectualis ut intellectus subijcitur. Quarto, quia omnia desiderant primam causam modo suo, quoniam est bonum uniuersale, in quo continetur omne bonum, & cum omnia appetant bonum sequitur quod desiderant illud, in quo & a quo est omne bonum, non autem omnia desiderant intelligentiam, cum sit particulare, & determinatum bonum. constat ergo regimen primæ causæ esse sublimius, & altioris ordinis, cum non habeat regimen supra, & sit uniuersalissimum.

Secundum doctrinam Proculi, acceptatur eadem pro-

positio. nam in suo libro talem propositionē format. Omnis diuinus intellectus intelligit quidem ut intellectus, prouider autem ut Deus. Vnde aduerte quod sicut proprium est sensui sentire, & uoluntati uelle, sic proprium est intellectui ut intellectus est intelligere, regere autem & producere nō est proprium intellectus, sed in quantum intellectus practicus actiuatus specie siue forma rei producibilis. puta intellectus ædificatoris est causa ædificandi, prout habet in se domum cognitam, cum igitur intellectus ut intellectus nō regat, id habet aliunde, puta quia efficitur Deus participatiue, recipiens a prima causa multam uirtutem, & auctoritatem ex propinquitate ad illam, ex qua receptione participat & formam, & actionem, & nomē primæ causæ, quæ sunt uirtus regitiua, regimen, Deus. nam & in humanis qui accipiunt auctoritatem regendi a primo domino, dicuntur dominari, & domini, ergo &c.

Secundum doctrinam Aristo. acceptatur eadem propositio. Et quidem quod intelligentia ut intelligētia intelligat secundum Aristo. manifestum est, quoniam sicut proprium est lucidi lucere, & calidi calefacere, & uisus uidere, sic intelligentiæ intelligere, & qui auferret ab intelligentia intelligere destrueret eam, unumquodque enim est propter operationem, & quod intelligentia ut intelligit non regat, patet quoniam inquit Aristo. in tercio de anima, tex. 58. Scientificum autem nō mouet, sed manet, id est intellectus in quantum intelligens speculatiue nō mouet, id est nō causat, non agit adextra, sed quiescit. ergo nō regit, quod autem regat ut accipit uirtutem, & auctoritatē a primo, patet, quoniam in duodecimo Metaph. tex. 51. assimilauit uniuersum exercitui, in quo propinquiore Duci accipiunt potestatem a Duce, & regunt inferiores. ergo in uniuerso entia propinqua primo, ut sunt intelligentiæ, accipiunt uirtutem, sicut & esse a primo, & regunt inferiora. Vnde dixit in primo Meteo. quod necesse est mundum inferiorem regi, & guber.

nari lationibus superioribus, idest motibus cœlestibus, si ergo motibus, ergo & motoribus causantibus motum quales sunt intelligentiæ. Nam pro tanto ista est uera a qua calefit calefactione, quia calor siue calidum calefacit. ergo a simili hæc est uera. Mundus gubernatur motu cœlesti, quia gubernatur motore influente &c.

Tu tamen aduerte, quod Aristoteli in hoc dissentit ab Auctore, quoniam non concedit intelligentias nisi secundum numerum motum cœlestium, ut patet in duodecimo Metaphysicæ. 49. ubi & Cōmen. inquit. Necesse est ut uia numerandi ista sit ex numeratione motum stellarum, ex consequenti apud Aristoteli omnes intelligentiæ mouent. ergo omnes regunt, ergo omnes sunt diuinæ, quia non dicuntur diuinæ, nisi quia regunt, in hoc imitantes primum. Apud Auctorem autem (ut patet in propositione. xix.) quædam sunt intelligentiæ diuinæ, ut supremæ, quædam sunt intelligentiæ tantum, ut inferiores, quoniam cum sint nobiliores tota substantia corporea, non est necesse omnes esse applicatas corporibus cœlestibus, sed deputari altiori exercitio, puta assistere primo, sed id ad Theologum spectat.

Secundum doctrinam Theologi, acceptatur eadē propositio. Et primo, quod intelligentia ut intelligentia non regat probatur, quoniam omnes regerent, cum omnes intelligant, sed secundum Theologos non omnes regunt, nec præsident rebus corporeis. nam secundum Dionysium in libro de cœlesti hierarchia, cap. sexto. Primæ & supremæ intelligentiæ assistunt circa Deum semper & attente, ipsi immediate ante alias unite. Quod autem ut diuinæ regant probatur, quoniam cum sint causæ secundæ, illis cōmunicatur uirtus regitiua, quæ essentialiter conuenit Deo, ut patet per Dionysium in libro de diuinis nominibus. cap. 12. & in quantum cōmunicatur intelligentiis dicuntur Domine, & rectrices, & Dii. unde inquit Dionysius in eodem cap. Sanctos autem & reges, & dominos, & Deos uocant eloquia

in singulis principales ornatus, per quos secundi ex Dei donis accipientes illorum distributionis simplicitatem circa sui ipsorum differentias multiplicat, idest diuina eloquia uocant illos Angelos sanctos & reges, & dominos, & deos siue diuinos qui tenent primos gradus in singulis ordinibus, quia recipiunt Dei dona, & uirtutem in maiori simplicitate, quoniam Deo magis assimilantur, in quo est simplex & uniformis bonitas, & uirtus, & sic per principales ex sua simplicitate distribuit illis, & huiusmodi dona multiplicantur in inferioribus secundum eorum differentias. Patet igitur quod intelligentiæ in quantum diuinæ, idest in quantum recipientes Dei dona, ut auctoritatem & potentiam regitiuam dicuntur regere, & dominari inferioribus, tam in ordinibus Angelorum, quam in naturis corporeis. Quod autem Dei regimen altius sit, & melius quam regimen intelligentiæ apud Theologum manifestissimum est. Nam inquit in eodem capite, laudare nos conuenit illum qui est infinitorum nominum, sicut sanctum sanctorum regem regnantium, dominum dominorum, & deum deorum &c. Et declaratis quid sit sanctitas regnum dominium deitas subdit. Igitur hæc quidem in causa excedente omnia laudare conuenit, & addendum est, ipsam esse excedentem sanctitatem, & regnum, & dominationem, & superpositam ac amplissimam deitatem, etenim ex ipsa est distributa omnis munda diligentia, & omnis sincera mundicia. Item omnis ordo rerum, ornatusque distinctus, in concinitatem, & inæqualitatem in congruentiam eliminans, & ad ordinatissimam identitatem rectitudinemque gestiens. Rursus omnium pulchrorum bonorumque perfecta possessio. Hæc de propositio. xxiij. dicta sint.

Propositio XXIII.

Causa prima existit in omnibus rebus secundum unam dispositionem, sed res omnes non existunt in causa prima secundum unam dispositionem &c.

In hac propositione intendit Auctor declarare quomodo entia diuersimode reguntur a prima causa. Reguntur autem in quantum influit in eis bonitatem suam, & in quantum entia recipiunt, & in hac propositione dicit duo. Primo quod prima causa existit, scilicet per influxum bonitatis in omnibus rebus secundum unam dispositionem, idest secundum unam actionem, quoniam diuina actio est uirtus, & essentia Dei, quæ non potest plurificari. Secundo quæ res omnes, non autem in prima causa influente secundum unam dispositionem, idest receptionem, quoniam quælibet recipit secundum modum naturæ suæ, ut quædam recipiunt unite, uel indiuisibiliter, ut substantiæ simplices, quædam recipiunt multipliciter, ut substantiæ compositæ, quædam recipiunt æternaliter, ut incorruptibilia, quædam temporaliter ut corruptibilia, quædam corporaliter ut materialia, quædam spiritualiter, ut immaterialia.

Hanc igitur propositionem Auctor probat sic. Quando agens est unum, & recipiens diuersum diuersitas receptionis prouenit ex parte recipientium, & nõ ex parte agentis, ut quoniam lux solis est una illuminat omnia una illuminatione actiua, non tamen omnia recipiunt lumen eodem modo, quoniam recipientia sunt diuersa, ut corpus tersum, corpus diaphanum, corpus terrestre, sed prima causa est unum, & simplicissimum agens, & sua uirtus, & sua bonitas est una, ergo ex parte primæ causæ non diuersificatur influxus bonitatis in rebus, sed ex parte recipientium quæ sunt diuersarum naturarum, & unaquæque recipit modo suæ naturæ temporaliter, uel æternaliter, & ut sic diuersificatur influxus diuinæ bonitatis. Quod si agens esset diuersum, & recipiens unum diuersitas receptionis proueniret ex diuersitate agentis, ut quoniam calidum, & frigidum sunt diuersa agentia, & aqua est unum recipiens, recipit a calido calorem, & a frigido frigiditatem, uerum cum in proposito causa prima agens sit penitus una, ex parte sua est in

omnibus rebus una influxione, sed quoniam res non sunt unum recipiens, sed diuersum, ex parte rerum non sunt in prima causa secundū unam receptionem bonitatis influxe.

Tu tamen, aduerte quod in hac propositione comparat Auctor primā causam ad res ut regentem, & non ut creatorem. Nam ut regens, & dominans supponit res in esse, quoniam cum regnum, & dominium sint relationes supponunt extrema actu ex consequenti ut regens influit bonitates suas in rebus existentibus quibus deducuntur in proprios fines, & quoniam sunt diuersae recipiunt diuersimode huiusmodi bonitates ut dedimus exemplum de luce solis, ut creans autem non supponit recipiens, quoniam creatio nihil supponit, unde si quæzratur, cum Deus creans sit penitus unus sicut & regens, & ut creans non supponat diuersitatem recipientium, unde prouenit pluralitas, & diuersitas creaturarum. Diceret Auctor quod id prouenit ex diuino intellectu qui in diuina essentia, ut cōtēntiua omnium graduū essendi cognoscit ad perfectionem uniuersi creandi, oportere esse plures, & inæquales gradus entium, unde sicut artifex una arte producit diuersa artificata, ut ædificator una arte domificatiua producit domum parua, & magnam, triangularem & rotundam &c. Sic prima causa una scientia sua adiuncta uoluntate producit diuersitatem entium.

Item aduerte quod Auctor ibi, ergo secundum modum &c. Ex eo quod dixit diuersitatem receptionis prouenire ex diuersitate recipientium elicit hoc corollarium entia secundum modum quo propinquant primæ causæ recipiunt bonitates eius, unde propinquiora perfectius, & abundantius recipiunt, & quoniam entia intellectualia propinquiora sunt, utpote similia, ideo perfectius recipiunt, & quoniam intellectualia cognoscunt bonitates receptas, ideo delectantur, & delectatio est secundum proportionem cognitionis bonitatis recepte, unde primæ intelligentiæ, per-

fectius recipiunt, perfectius cognoscunt, perfectius delectantur.

Secundum doctrinam Proculi, acceptatur eadem propositio. Nam in libro suo, hanc propositionē format. Omnis quidem Dijs adsunt eodem modo, non autem eodem modo omnia Dijs adsunt, sed singula secundum ipsorum ordinem participant illorum præsentiā, hoc quidem uniformiter, hoc autem multiplicatim, & hoc quidem perpetuo, hoc autem temporaliter, & hoc quidem in corpore, hoc autem incorporaliter. Quam propositionem non est necesse aliter declarare, quoniam patet ex declaratione facta ad mentem Auctoris, & corollarium elicitum ab Auctore consonat doctrinæ Platonice quam sequitur Proculus. Nam apud Platonem pro principio habetur quod entia secundum propinquitatem, & distantiam a primo bono, plus & minus recipiunt ab eo bonitates, & quæ sunt naturæ intellectuāles, quanto propinquiora sunt illi, tanto magis assimilantur illi in cognitione, & dilectione, & delectatione, sed primum bonum est maximus sui cognitor, & amator, & seipso maxime delectatur cum sit primum intelligibile, & primum appetibile, & sibi ipse maxime unitum. Ergo entia intellectuālia quanto propinquiora sunt primo bono, tanto magis cognoscunt, & amant, & delectantur bonitatibus ab eo receptis.

Secundum doctrinam Aristoteli, acceptatur eadem propositio. Nam in octavo libro Metaphysicæ. text. 11. quærens unde provenit diversitas rerum si materia est una omnium generabilium, & determinans concludit quod licet materia prima sit una omnium, tamen materiae proxime possunt esse diversæ. nam alia est materia phlegmatica, puta humidum frigidum alia materia cholericæ, puta calidum siccum, unde inquit Aristoteli. si agens est diversum, & materia proxima receptiva sit una, sunt res diversæ, ut ex ligno sit domus & sit navis, quoniam alia est ars ædificativa, & navificati-

ua, & posito quod esset eadem ars, & idem artifex realiter, tamen quia alia idea agit domum, & alia nauim dicitur diuersum agens formaliter, si autem agens est unum, & materia est diuersa, fit diuersitas rerum ex parte materiæ, ut idem artifex per eandem ideam facit duas fialas unam ex argento, aliam ex auro, si uero agens & materia sint diuersa ex parte utriusque prouenit diuersitas. Quod si agens est unum & materia una productum erit unum. In casu proposito prima causa regens est una, & entia recta sunt diuersa, ergo diuersitas receptionis bonitatem diuinarum, prouenit ex rebus diuersis, & diuersimode recipientibus, & non ex unitate primæ causæ influentis. Similiter corollarium positum ab Auctore acceptatur ab Arist. Nam in primo cœli, tex. 39. Loquens de entibus æternis habentibus sufficientissimam uitam, & quæ sunt extra cœlum dicit, unde & alijs cōmunicatum est his quidem clarius, his autem obscurius esse, & uiuere, id est cum a perfectissimo fiat deriuatio ad minus perfectā, & causa prima sit perfectissima sequens est, ut ab ea ad alia fiat deriuatio, & cōmunicatio esse, & uiuere non quidem æqualiter, sed his quidem clarius, scilicet propinquiorebus, his autem obscurius, scilicet magis distantibus, ut corruptibilibus. Quod autem propinquiore primæ causæ intelligentia, & desiderantia delectentur, manifestat Arist. in duodecimo Metaphy. tex. 39. ubi facit talem comparisonem. Si nos intelligentes eo modo quo possumus, & non semper diuinas perfectiones optime delectamur, multo magis entia intellectua æterna, ut intelligentiæ delectantur, quoniam illis est intellectio continua, & semper, ex consequenti eorum delectatio est sempiterna.

Secundum doctrinam Theologi, acceptatur eadē propositio. Nam cum propositio intelligatur non de productione rerum, sed de earum regimine, & gubernatione a prima causa, sumenda est diuersitas ex parte rerum, & non

ex parte regentis, quia una actione, una uirtute gubernat omnia. Nam regere est dirigere, & perducere rem per debita collata media in bonum finem, dirigere autem motus est, & motus cum sit actus mobilis a mouente, diuersitatem accipit a diuersitate mobilium, & non a mouente, stat enim unum agens causare plures passiones in distinctis substantiis. Nam ignis. A. potest calefacere plura calefactibilia, & licet calefactio actiua, ut est ab igne sit una, tamen calefactio passio diuersificatur, ut diuersificentur receptiua, sic est in proposito de diuino regimine in quo seruatur unitas ex parte regentis, & sumitur diuersitas ex diuersitate rerum recipientium diuinum regimen. Quod autem entia secundum maiorem, & minorem propinquitatem ad primam causam recipiant maiores, & minores perfectiones, patet apud Theologum, ratio, quoniam propinquus perfectissimo magis participat ipsum, sicut propinquius lucidissimo magis illuminatur, & minus propinquum minus. Et quod entia intellectualia delectentur in cognitione diuinarum perfectionum quæ sibi cōmunicate sunt a prima causa, & delectatio proportionetur perfectioni collate, & cognite, patet ratio, quoniam delectatio est de bono cognito præsentis, & unito ipsi cognoscenti. ergo delectatio graduatur secundum quod graduatur ipsum bonum cognitum, ut scilicet paruum bonum parum delectet, & magnum magis, & maximum maxime, unde Deus est infinite felix, quoniam cum sit bonum infinitum infinite delectatur in seipso. Hæc de propositione. xxiii. dicta sint.

Propositio XXV.

Substantiæ unitæ intelligibiles non sunt generate ex re alia, omnis substantia stans per essentiam suam, nō est generata ex re alia &c.

In hac propositione intendit manifestare quod aliquæ substantiæ ita disponuntur a primâ causa quod non indigeant generari ab aliquo generante, sumendo generans pro-

prie quod scilicet educit generabile de potentia ad actum per generationem Physicam quæ est terminus alterationis, sed huiusmodi substantiæ acquirunt simpliciter esse cōpletum a prima causa, sine præcedentia alicuius esse imperfecti, & potentiali, ponit igitur talem propositionem. Omnes substantiæ unitæ intelligibiles non sunt generatæ ex re alia, idest omnes substantiæ simplices intellectuales quales sunt intelligentiæ, & anima intellectiva, non sunt generatæ ex re alia, idest nec ex materia, nec ex aliquo generante proprie dicto, hanc sic probat. Omnis substantia simplex intellectualis est stans per essentiam suam, idest est subsistens secundum seipsam, ut in hoc distinguatur a re subsistente nō secundum seipsam, sed quia habet formam fundatam in materia, ut composita materialia. Omnis substantia subsistens secundum seipsam non est generata ex re alia modo exposito, ergo &c. Prima propositio fuit probata supra in propositione. xv. ubi declaratum est, quod omne sciens essentiam suam est rediens ad essentiam suam redditione completa, ex consequenti est per se subsistens. Secunda autem propositio probatur hic ab Auctore sic. Omnis substantia generata ex re, alia siue sumatur ly ex uerbo dicit materiam siue ut dicit causam efficientem tendit ab esse diminuto, idest potentiali ad esse completum, idest actuale. Nam generatio est uia a diminutione ad complementum, quoniam enim termini sunt oppositi, & terminus a quo habet rationem non esse, terminus autem ad quem habet rationem esse. Nam ex non calido fit calidum ex nō homine fit homo, idest ex homine in potētia fit homo actu. Res ergo generanda prius est subesse diminuto, & per actionem generantis disponētis materiam educitur de imperfecto ad perfectum, & quoniam omnis generatio adiuncta alteratione fit in tempore, sequitur qd omnis substantia generata ex re alia, prius tempore habet esse diminutum quam completum, sed substantia subsistens secundum se

ipsam nō prius habet esse diminutum postea completum, quoniam cum sit forma siue actus, & nō habeat materiam partem sui, quando producit totaliter producit, scilicet ex puro non esse, ex consequenti accipit suum esse completum a prima causa, in instanti non per generationem, sed per simplicem fluxum, & sua formatio siue productio, non est uia ab imperfecto ad perfectum qualis est generatio Physica, sed est comparatio siue relatio ad primam causam a qua in esse completo producit, nullo potenciali supposito, ergo omnis substantia subsistens secundum se ipsam nō est generata generatione proprie dicta ex re alia, idest nec ex materia, nec ex generante Physico. Licet acquirat esse completum a prima causa, non præcedente aliquo esse diminuto, uel potenciali.

○ Secundum doctrinam Proculi, acceptatur eadem propositio. Nam in libro suo talem propositionem format. Omne per se subsistens est ingenerabile, & accipit ly per se subsistens non absolute, quoniam indiuidua substantiæ, ut Socrates Plato cum sint per se subsistentes (nō enim innituntur alijs, sed habent esse per se, & completa sunt in natura sua) non essent genita, sed accipit ly per se subsistens in sensu Auctoris, scilicet subsistens secundum seipsum, & non quia habet formam in materia, ex cuius compositione resultat compositum subsistens, & sic ly per se subsistens est restringendum ad substantiam immaterialem quales sunt ideæ apud Platonem, & intelligentiæ, & animæ intellectuales. Et Proculus eadem uia probat, qua probauit Auctor, ideo recurre ad probationem suprapositam.

○ Secundum doctrinam Aristoteli, acceptatur eadem propositio. Nam in octauo Metaphysicæ. tex. 15. & 16. Quærens Aristotelis quid faciat diffinitionem esse quid unum, idest significatum diffinitionis quæ est essentia rei, ut propter quid natura hominis est quid unum, & natura equi, & natura intelligentiæ, & determinans dicit in rebus compo-

fitis in quibus est generatio, ideo res est una, quia una pars est potentia, scilicet materia, & alia est actus, & ex potentia, & actu sine alio medio fit unum, modo fit agens qui per generationem educat rem de potentia ad actum, unde inquit. Quid igitur causa huius est. Scilicet quod est potentia ens, actu fit propter faciens, in quibus est generatio, nulla namque est causa altera. In rebus autem non habentibus materiam, neque sensibilem, ut naturalia, neque intelligibilem ut mathematica statim, idest non per generationem, nec per educationem de potentia ad actum, nec receptionem formæ in materia, sed secundum se sunt unum sicut, & ens, unde inquit quapropter nulla est alia causa, scilicet intrinseca, nec extrinseca, faciens autem generans, unum essendi in his, neque essendi ens aliquid, statim enim, idest sine transitu ab imperfecto ad perfectum unumquodque est ens aliquid, & unum aliquid.

Tu tamen aduerte quod licet Aristoteli neget in his substantijs simplicibus generans, & educationem de potentia ad actum, non tamen negaret quin recipiant esse statim perfectum per simplicem actionem primæ causæ, a qua ut diximus supra in proposi. xvij. ad mentem Aristoteli omnia pendent effectiue, & id consonat dicto Comen. in duodecimo Metaphy. comen. 44. qui arguens quosdam ponentes agens in abstractis inquit, mos uero qui iam est inter modernos in dicendo quod a tali motore prouenit talis motor, aut consequitur, aut præcedit, aut talia uerba, non uere intelliguntur de istis principijs abstractis, omnia enim ista sunt dispositiones agentium superficietenus non uere. Ab agente enim nihil prouenit, ut diximus nisi extrahere illud quod est in potentia ad actum, sed illic non est potentia, idest esse potentiale: unde nec agens, quod scilicet agit actione quæ est motus, tantum enim est illic intellectus, & intellectum, & perfectum, & perficiens &c. Perficiens autem est prima causa, perfectum uero est substantia simplex, facta

in esse perfectio a prima causa non mutatione, sed sua scientia, & uoluntate, & simplici effluxu.

Secundum doctrinam Theologi, acceptatur eadē propositio. Nam cum omne generatum generetur ex materia in qua habet esse in potentia, & substantiæ subsistentes secundum seipsas sint simplices ex consequenti immateriales, sequitur quod nō generentur ab aliquo generante proprie dicto. Omnis enim motus, & mutatio physica supponunt materiā, & generans generat supposita materia, cuius actione quod erat in esse potentiali reduciur ad esse actuale, uerum non sunt entia nisi quod per participationem accipiunt esse perfectum, nullo supposito a primo ente perficiente. Hæc de propositione. xxv. dicta sint.

Propositio. XXVI.

Omnis substantia stans per seipsam non cadit sub corruptione &c.

Quia in propositione præcedenti probauit omnē substantiam subsistentem secundum seipsam non generari ab aliquo generante proprie dicto, ex consequenti in generabilem esse generatione physica in hac propositione ostendit eandem esse incorruptibilem corruptione proprie dicta, ut excludam annihilationem, & antequam ad probationem deueniam, aduerte quod ly per seipsam dupliciter potest exponi. Primo ut per ly per seipsam excludatur, omnis alia causa, tam extrinseca, quam intrinseca, & ut sic non uerificatur nisi de prima causa quæ a se, & ex se subsistit, ut primum ens penitus independens. Secundo ut per ly per seipsam excludatur causa intrinseca formalis, nam composita non subsistunt nisi quia forma per quam sunt actu, est in materia, & tandiu subsistunt, quandiu stat unio formæ, & materiæ, & causa corruptionis est separatio formæ a materia, & propterea non possunt composita dici subsistere per seipsam, idest secundum totam essentiam, sed per partem, idest per formam unitam materiæ, substantiæ autem

incōposite & immateriales, quoniam sunt formæ & actus dicuntur stare per seipsas, idest suas simplices essentias: ex consequenti si cadunt in corruptione non cadunt per separationem partis a parte, sed per separationem eiusdem simplicis essentiæ a seipsa.

Facta hac declaratione, aduerte probationem Auctoris consistere in hoc. Omne quod corrumpitur non corrumpitur nisi quia separatur a causa per quam est actu, ut homo corrumpitur quia separatur ab anima, & sic quodcūq; aliud corrumpitur, sed substantia stans per seipsam non potest separari a causa per quam est actu. nam est actu per suam simplicem essentiam, & non per formam in materia & non potest separari a sua essentia, aliter idem separatur a seipso, & præterea cum essentia sua sit causa subsistendi in hac simplici substantia, quoniam sua essentia est ens, & unum ex propositione præcedenti, hæc simplex substantia comparatur ad essentiam suam sicut causatum ad causam. Tunc sic. Quando causa & causatum sunt unum impossibile est causatum separari a causa, ut patet, sed substantia simplex est sua essentia, & subsistit per suam essentiam, & ut sic in idem coincidunt causa & causatum, ergo impossibile est eam separari ab essentia, & cū per essentiam suam sit actu semper erit actu, ergo non cadit sub corruptione.

Tu tamen aduerte q̄ ut dicit Auctor substantia stans per seipsam non est causa sui ipsius existendi actu nisi per respectum ad causam primam a qua producta est secundum esse perfectum, ut diximus in propositione præcedenti, ex quo sequitur quod licet respectu causæ formalis intrinsece non possit deficere, tamen respectu causæ primæ defectibilis est, existit enim conseruatione primæ causæ qua sub tracta tenderet in non ens.

Secundum doctrinam Proculi, acceptatur eadem propositio. nam in libro suo, talem propositionem format. Omne per se subsistens est incorruptibile. Et intendit per ly
per se

per se secundum seipsum, & secundum totam suam essentiam ad differentiam compositorum quæ subsistunt ratione patris, idest quia habent formam in materia. Et sic apud Proculum sicut etiam apud Auctorem, ly per se subsistens non uerificatur nisi de substantia simplici ut est intelligentia, & anima intellectiua, & hanc quidem propositionem probat Proculus eodem modo quo probauit Auctor, quare sufficit probatio Auctoris.

Secundum doctrinam Aristo. acceptatur eadem propositio. Nam in libro de longitudine, & breuitate uitæ: assignans causas corruptionis in compositis, & in simplicibus, dicit de compositis illa esse corruptibilia, quæ componuntur ex partibus corruptibilibus, ut elementata quæ constant ex elementis corruptibilibus. Quapropter si partes alicuius compositi sunt incorruptibiles, & ipsum erit incorruptibile sicut corpus cœleste, cuius forma non inest materię cum qualitatibus contrarijs, nec materia subest priuationi. Cum autem substantię simplices careant materia, & non insint eis qualitates actiue, & passiue, constat quod non possunt corrumpi, ut corrumpuntur composita, loquens autem de corruptione simplicium, quales sunt formę accidentales, & substantiales dicit quod dupliciter possunt corrumpi, scilicet per se & per accidens, per se quidem corrumpuntur a suo contrario, ut siccitas corrumpitur ab humiditate, & scientia ab ignorantia prauę dispositionis, per accidens autem corrumpuntur ad corruptionem sui subiecti cui innituntur, & a quo conseruantur, ut corrupta a qua corrumpuntur qualitates eius, & corrumpitur forma eius, sustentabatur enim in materia per qualitates eius, sed neutro modo substantię simplices possunt corrumpi, non quidem per se, quoniam substantię nihil est contrarium, nisi ratione, qualitatū contrariarum quæ non insunt substantijs simplicibus, cum sint extra naturam elementorum, nec per accidens, quoniam cum sint immateriales non sunt formę

Innitentes materiæ, ergo omni modo corruptionis sunt in corruptibiles, & propterea dixit Aristote. in primo cœli, tex. 100. de huiusmodi substantijs quod sunt entia in alterabilia, & impassibilia optimam habentia uitam, & per se sufficientissimam perficiunt toto æterno, idest non temporalem, sed æternam. Et in libro nono Metaphysic. tex. 19. dicit q̃ in eis non est malum, neque peccatum, idest defectus naturali, neque corruptio, etenim corruptio malorū.

Secundum doctrinam Theologi, acceptatur eadē propositio. Nam Dionysius sic loquitur de intelligentijs in capitulo de Diuini. nomi. Propter istos, scilicet diuinæ bonitatis radios, sunt uiuunt & uitam habent indeficientem, & immunem, a corruptione uniuersa. Morte materia, & generatione mundæ existentes. De animabus autem intellectiuis in eodem cap. sic dicit, post illas claras, & admirabiles, mentes animæ, & quæcunque sunt bona animarum, sunt propter bonitatem supreme bonam, quod scilicet intellectuales sunt, quod habent substantialem uitam incōsumptibilem, idest immortalem, & ratio quidē Theologi quæ probatur & intelligentiæ, & animæ incorruptibilitas est eadem cum ea quæ adducta est secundum Auctorem, & breuiter reassumpta stat in hoc. Cum intelligentia & anima ex propositione. xv. subsistant secundum seipsas, & non ratione partis, ut composita necesse est quod sint simplices essentia siue formæ. Igitur si corrumpuntur quod corrumpantur per se, quoniam nulli alteri innituntur, quæcunque autem subsistentia per se corrumpuntur, ideo corrumpuntur quia aliquid ab altero separatur, puta forma a materia. Hoc autem non potest esse in simplici forma subsistente, ut patet, ergo necesse esset, uel formam separari a seipsa quod est inimaginabile, uel esse separari a forma quod est impossibile, quoniam est proprietas formæ, forma enim dat esse, proprietas autem est separabilis ab eo cuius est, quare sicut habere tres est inseparabile a triangulo sic esse

est inseparabile a forma subsistente. Hæc de propositione, xxvi. dicta sint.

Propositio XXVII.

OMnis substantia destructibilis, aut est composita, aut est delata super rem aliam &c.

In hac propositione intendit ostendere causas, & conditiones propter quas substantiæ aliquæ sunt corruptibiles, & dicit id provenire ex altera duarum causarum, primâ est compositio, secunda est delatio, uel sustentatio super rem alteram, ex prima causa corrumpuntur, tam elementa, quam elementata, ex secunda corrumpuntur formæ accidentales quæ inniuntur subiecto, & formæ substantiales quæ inniuntur materiæ subiectæ priuationi, & propositum suum sic probat. Omnis substantia corruptibilis indiget aliquo quo stante habet esse, & quo remoto delinit esse. Illud autem non potest esse nisi, aut partes componentes, quibus stantibus unitis, stat compositum, & quibus separatis abinuicem destruitur compositum, ut patet de corpore elementato, & de artificiatis quæ resolvuntur in ea ex quibus constant, aut est subiectum deferens, & sustentans rem, quando enim subiectum est debite dispositum conseruatur res innixa subiecto, siue sit forma accidentalis, siue substantialis. Nam agens destruens aquam destruit accidentia aquæ, quæ inniuntur aquæ, & destruit formam aquæ, quæ sustentatur in materia. Et quoniam omnes formæ naturales rerum inferiorum præter animam intellectiuam inniuntur materiæ, ideo sunt corruptibiles, & transmutatione materiæ ad aliam formam. Patet igitur quod omnis substantia corruptibilis, ideo corrumpitur quia est composita ex partibus separabilibus abinuicem, aut quia sustentatur in esse per aliquod subiectum differens. Ex quibus corollarie sequitur quod si aliquod compositum constat ex partibus inseparabilibus abinuicem, ut corpus cœleste illud est incorruptibile non quia compositum, sed quia tali mo-

do compositionis est compositum. Item si aliqua forma sit non innitens materiæ, quia noneducta de potentia eius, sed est per se subsistens, talis nō est delata super materiam, & licet informet materiam, tamen non corrumpitur propter separationem a materia, ut est anima intellectiua, de cuius incorruptibilitate satis pertractauimus in prima parte diui Tho. in quæst. 75. super quintum articulum.

Secundum doctrinam Proculi, acceptatur eadem propositio, quam & ipse sententialiter ponit in libro suo, & probatio sua est conformis penitus probationi Auctoris, & præterea cum omnis corruptio fiat per separationem alius ab aliquo, necesse est quod hæc separatio fiat, aut ratione partium componentium, aut subtractione subiecti deferentis. ergo omnis substantia corruptibilis, aut est composita, aut delata super aliam rem.

Secundum Aristo. acceptatur eadem propositio. nam secundum in duodecimo Metaphy. tex. 29. materia est causa non essendi, & corruptionis. Vnde probans intelligentiæ esse immateriales dicit, sempiternas enim oportet esse, quæ si dicat, si habent materiam possunt non esse, ergo nō erunt sempiternæ. Omne igitur corruptibile habet materiam ex qua, uel in qua, si ex qua. ergo est compositum, si in qua; ergo sustentatur per materiam ut formæ accidentales, & substantiales, sustentari autem idem est quod differri. Ergo secundum Aristote. omnis substantia corruptibilis, uel est composita, uel delata super aliam rem.

Tu tamen aduerte quod licet materia secundum Aristotelem, sit principium non essendi, tamen ad hoc quod sit principium non essendi secundum substantiam, necesse est ut recipiat formā cum qualitatibus contrarijs, & quoniam id non contingit in cœlo, ideo in primo cœli probauit cœlum esse inalterabile ingenerabile incorruptibile, & tamen in cœlo posuit materiam. Quoniam in omni mutatione Physica, etiam secundum locum supponitur materia, ex

duodecimo Metaphy. tex. 6. Cum igitur cœlum mutetur secundum locum, patet quod in eo est materia uerum quia est alterius rationis a materia inferiori, non est principium non effendi in cœlo secundum substantiam, sed secundum diuersa ubi. Item aduerte ex doctrina quam dedit in secundo libro de anima, tex. 21. uidetur anima ut intellectiua esse alterum genus animæ ex consequenti non inniti materiæ sicut uegetatiua, & sensitiua, aliæ formæ materiales, & sic esse separabilem a corpore, ut perpetuum a corruptibili, cuius signum sumitur quia habet operationem in qua non cōmunicat corpus, ut organum, ex quo sequitur quod sicut in operando non innitur corpori sic, nec in essendo. Vnde inter omnes formas inferiores erit per se subsistens, & incorruptibilis. Ex doctrina igitur Aristotelis habemus quod omne corruptibile habet materiam ex qua, non simpliciter, sed subiectam priuationi, ut ex hoc excipiat corpus cœli, uel materiam in qua non simpliciter, sed ut deficiente, uel sustentantem, ut ex hoc excipiat anima intellectiua.

Secundum doctrinam Theologi, acceptatur eadē propositio. Nam cum generatio & corruptio sint opposite habent fieri circa idem, ergo omne corruptibile est generabile, sed generabile non est nisi compositum, & quod educitur de potentia subiecti, uel potentia materiæ, & omne tale innitur subiecto, uel materiæ, ex consequenti est sustentatum super rem aliam, ergo corruptibile non est nisi compositum, & quod de potentia subiecti, uel materiæ educitum est. Minor sic probatur, omne quod generatur, aut generatur per se, aut per aliud, idest ad generationem alterius. Si per se, ergo est compositum. In omni enim generatione per se subiicitur materia, ex qua per receptionem formæ constituitur compositum, & in hoc distinguitur generatio a creatione in qua nihil supponitur, si per accidens, ergo est educitum de potentia subiecti, ut dum sit aqua, ge-

neratur frigiditas, uel de potentia materiæ, ut dum agens disponit materiam educit formam aquæ de potentia materiæ. ergo omne genitum per accidens est delatum super subiectum, uel super materiam, ex consequenti cum omne corruptibile sit generabile, & eo modo corruptibile, quo modo est generabile sequitur omne corruptibile esse compositum, uel delatum, idest sustentatum super rem aliam, qua stante stat, & qua remota remouetur nisi corrumpatur a suo contrario, stat enim frigiditatem aquæ corrumpi a calore, & tamen aquam non corrumpi, ut diximus supra etiam ad mentem Aristote. Hæc de propositione .xxvij. dicta sint.

Propositio XXVIII.

OMnis substantia stans per seipsam est simplex, & nõ diuiditur &c.

Quia in propositione .xxvi. manifestauit substantiam existentem per seipsam esse incorruptibile, hic declaratur quomodo se habeat quo ad diuisionem, & compositionem, & intendit duas conclusiones, quarum prima est, substantia stans per seipsam non diuiditur, idest est impartibilis, & indiuisibilis. Secunda est, substantia stans per seipsam est simplex, idest non composita ex multis, sed antequam descendam ad probationes, aduerte duo, primo quod simplex & impartibile licet sunt idem re, tamen ratione differunt, quoniam impartibile formaliter excludit diuisionem, simplex autem formaliter excludit compositionem. Re tamen sunt unum, quoniam omne partibile quoddam totum est, & ut sic compositum est, ergo impartibile incompositum est, & omne compositum partibile est, & ut sic diuisibile, ergo omne simplex indiuisibile est. Aduerte secundo, ut etiam diximus in propositione .xxvi. non est idem, substantiam stare siue existere, siue subsistere per se, & subsistere per se ipsam, uel per essentiam suam. nam existere per se uerificatur de omni quod subsistit siue rationis partis, ut compo-

ita materialia quæ subsistunt ratione formæ unitæ materiæ, siue ratione totius essentiaæ ut intelligentiaæ quæ se totis subsistunt cum sint formæ complete non unibiles materiæ. Existere autem per seipsam, uel per essentiam suam nõ uerificetur nisi de substantia, quæ se tota, siue ex se subsistit, ut per ly ex se excludatur causa formalis intrinseca ad differentiam compositorum materialium, non autem excludatur causa prima agens aqua pendet, ut diximus in propositione. xxv.

His præpositis, aduerte probationem Auctoris propria conclusionem consistere in hoc, si substantia stans per se ipsam est diuisibilis in partes, ergo omnis pars est stans per seipsam quod est falsum, consequentia sic probatur, quod conuenit alicui secundum seipsum, idest secundum totum cuilibet parti eius conuenit si est diuisibile, ut si sol secundum se totum est lucidus secundum omnem partem est lucidus, & si mobile secundum totum mouetur secundum omnem partem mouetur, ergo si substantia stans per seipsam, idest secundum se totam diuisibilis est, omnis pars stabit per seipsam, falsitas autem consequentis sic manifestatur, si omnis pars stat per seipsam, ergo nulla innitetur alteri, repugnat enim aliquid per se stare, & inniti alteri, si nulla innititur alteri, ergo non constituent compositum, ergo aliquid quod habebit partes, & non erit compositum, quod est impossibile.

Secundam conclusionem sic probat Auctor, si substantia stans per seipsam non est simplex, sed composita, ergo quælibet pars stabit ex alia, quoniam cum stet secundum se totam quælibet pars pendet ex alia, sed hoc est falsum, quoniam cum in quolibet composito sit ordo partium in eo est, assignare partem meliorem, & uiliorem, ut in composito essentiali forma est melior materia, in composito elementato elementum prædominans, ut sic melius est. In composito quantitatio pars prior uidetur nobilior, si ergo

substantia stans secundum se tota est composita, & quælibet pars pendet ex alia, sequitur meliorem pendere a uiliore, & uiliorem a meliori. Quapropter infert Auctor substantiam stantem per seipsam esse incōpositam, quoniam per seipsam sibi sufficit, ex consequenti non indiget partibus, a quibus recipiat sufficientiam, sicut composita accipiunt sufficientiam, sicut & esse a partibus. Integratur enim totum ex partibus. Et quoniam est simplex & impartibilis, ideo est incorruptibilis, ut probatum est in propositione. xxvij.

Secundum doctrinam Proculi, acceptatur eadem propositio. nam in libro suo, talem propositionē format. Omne per se stans, idest secundum seipsum, impartibile est & simplex, probat autem sic, si omne stans secundum seipsum est partibile, cum stet secundum se totum, & non ratione partis, ut declaratum est, ergo stat secundum quamlibet partem, ergo quælibet pars fundatur in alia, unum quodque enim fundatur in eo per quod stat, si ergo stat secundum quālibet partem, quælibet fundatur in alia. Nam sic stans ratione partis, ideo stat quia una pars fundatur in alia, puta forma in materia, sic stans secundum se totum, ideo stat si est partibile, quia quælibet fundatur in qualibet, hoc autem est impossibile, quoniam fundans & fundatum se habent, ut causa & effectus, quæ cum sint opposita non possunt conuenire eidem secundū idem, nō ergo stans per seipsum est partibile, si impartibile ergo est simplex. Nam idē re sunt, ut diximus supra licet differant ratione.

Secundum doctrinam Aristoteli, acceptatur eadem propositio, & sufficienter probata est supra in propositione septima, quo ad intelligentias de mente eius. Nam hæc propositio, omnis substantia stans per seipsam &c. ut diximus in propositionem. xxv. non uerificatur nisi de intelligentia, & anima intellectiua, & quidem quo ad intelligentias quod sint indiuisibiles, & simplices, uide probationes factas in

propositione septima. Quod autem idem uerificetur de anima intellectiua, ut intellectiua est probatur ex eo quod dixit in tertio de anima, tex. 4. ubi inquit. Necesse est itaq, quoniam omnia intelligit immixtum esse, idest non habere aliquam naturam corpoream, nec materialem, ex consequenti esse sine organo, quoniam si aliquod organum haberet sicut sensitiuum, iam non cognosceret omnia, sed suū obiectum esset determinati generis, sicut auditus circa sonum, & uisus circa uisibile &c. Et in tex. 12. inquit. Dubitabit autem utiq, aliquis si intellectus simplex est, & impassibilis, & nihil nulli habet cōmune &c. Vbi supponens intellectiuum principium esse simplex & impassibile, & in organicum quærit quomodo potest intelligere cum intelligere sit quoddam pari. Ex quibus dictis constat Aristo. cognouisse animam intellectiuam, ut intellectiuam, esse eleuatam super omnem naturam corpoream & materialem, ex consequenti esse simplicis & inextense, & indiuisibilis substantiæ sicut intelligentiæ, in hoc tamen differens ab eis quod est actiuatua materiæ, non tamen pendens ab ea. Et id cognouit Aristo. ex operatione intellectiua, quæ non expletur per aliquod organum, & suum obiectum nō est tantum unius generis, sed ens in quantum ens.

Secundum doctrinam Theologi, acceptatur eadē propositio, & quidem quod uerificetur de intelligētia, iam probatum est in propositione septima, ubi & adduximus dictum Dionysii. Quod autem uerificetur de anima intellectiua probatur, quoniam secundum Theologum est tota in toto, & tota in qualibet parte corporis, non quidem quoad totalitatem potentiarum, aliter omnes potentiæ animæ essent in pede, & in manu &c. Sed quo ad totalitatem essentiae. ergo essentia eius est omnino inextensa, & per se, & per accidens ex consequenti est omnino indiuisibilis, & incompressa, & signum omnimode in extensionis manifestatur per actum intelligendi, propria enim operatio formæ ex-

tense est circa singularia tantum, operatio autem animę in intellectu est circa uniuersale, & intellectus recipit speciem uniuersalem in representando, ergo constat animam intellectiuam secundum essentiam suam esse eleuatā super materiam, & non extendi in corpore extenso, sicut extenduntur per accidens forme substantiales materiales, & accidentales quę recipiuntur in quanto. Extenditur enim albedo ad extensionem superficię, ex consequenti anima intellectiua est impartibilis, & simplex, & per se, & per accidentia. Hęc de propositione. xxviij. dicta sint.

Propositio XXIX.

OMnis substantia simplex est stans per seipsam, scilicet per essentiam suam &c.

Pro euidencia huius propositionis, aduerte duo, primo quod cum propositio præcedens sit uniuersalis affirmatiua, & hęc sit uniuersalis affirmatiua. non uidetur hęc conuersio ualere, quoniam uniuersalis affirmatiua. non conuertitur nisi in particularem affirmatiua. ut hic, omnis homo est animal, ergo quoddam animal est homo. nam si dicatur, ergo omne animal est homo, patet consequentiam esse falsam, sic in proposito, licet hęc sit uera omnis substantia stans per seipsam est simplex, tamen hęc uidetur falsa, omnis substantia simplex stat per seipsam, quoniam aliquę substantię simplices, ut forme naturales, & omnes animę præter intellectiuam non stant, idest non subsistunt per seipsas, nec per alterum. Ad hoc igitur dicendum est, quod intentio Auctoris non fuit loqui de omnibus substantiis simplicibus, sed de his quę subsistunt, ueluti, si diceret, omnis substantia simplex stans, stat per se ipsam, & est uerum ad differentiam substantię compositę stantis, quę non stat per seipsam, sed ratione partis, ut diximus in propositione. xxviij. Et sic patet quod instantia adducta de formis naturalibus non ualet, quia non stant, ex consequenti non stant per seipsas, nec per alterum. Aduerte secundo quod licet Auctor hanc conuersionem faciat, & con-

uerfam probauerit quæ fuit propositio præcedens, tamen conuertentem non probat quæ est præfens propositio, & existimo id fecisse, quoniam in omni bona conuersione, ab una ad reliquam est manifesta consequentia, bene enim sequitur q̃ si nullus homo est lapis, nullus lapis est homo. Et in terminis conuertibilibus, patet uniuersalem affirmam conuerti in uniuersalem affirmam. ut si omnis homo est risibilis, omne risibile est homo, & quoniam ista duo sunt conuertibilia, substantia stans per seipsam, & substantia simplex stans, ideo bene sequitur, q̃ si hæc est uera, omnis substantia stans per seipsam est substantia simplex stans, etiam hæc est uera, omnis substantia simplex stans, est stans per seipsam, hanc puto esse rationem quare Auctor non probauit eam, uerum quia in cōmento ponitur alia propositio, quæ talis est, substantia stans per seipsam est causata sine tempore, & est in substantialitate sua superior substantijs temporalibus. Cui concordat Proculus formans talem propositionem, omne stans per seipsum est exēprum ab his quæ tempore mēsurantur secundum suam substantiam, & hæc propositio probatur in cōmento. & ex ea possumus elicere probationem propositionis posite ab Auctore, ideo primo formo probationem propositionis posite in cōmento, dein de elicio probationem posite propositionis ab Auctore, probatio stat in hoc, nulla substantia stans per seipsam est generata, ut probatum est in propositione. xxv. omnis substantia causata in tempore, & mensurata tempore est generata. Ex hoc enim mensuratur tempore, quia esse eius uariatur per generationem, & corruptionem. Vnde quia coelum secundum substantiam suam est incorruptibile, quo ad substantiam non mensuratur tempore, sed pro quanto est submotu. Ergo nulla substantia stans per seipsam est causata in tempore, ita scilicet q̃ ipsa secundum substantiam mensuretur tempore, sed est eleuata super omnia temporalia, ex hac probatione potest sic elici probatio propositionis

posita ab Auctore, omnis substantia simplex stans, est nō generata, nec mensurata tempore. ergo est incōposita. nam omne genitum, & mensuratum tempore est compositum. Genitum enim constat ex materia & forma, & mensuratum tempore est mobile, & omne mobile est diuisibile, ergo compositum. Tunc ultra si stat, & est incomposita, ut dictum est. ergo stat per seipsam, quoniam cum careat partibus non potest dici q̄ stet ratione partis. hoc enim est proprium cōpositorum, ut dictum est in propositione. xxviii.

Eadem propositio quoniam conuertens est præcedentis, & præcedens acceptatur a Proculo, & ab Aristo. & a Theologo, ut probatum est, ex consequenti & hæc acceptatur, nec indiget alia probatione, nisi ut probauimus, quoniam illa probatio procedit ex fundamento in quo conueniunt & Philosophus, & Theologus. Propositio autem posita in cōmento, scilicet substantia stans per seipsam causata & sine tempore, ita quod non mensuratur tempore quoad esse suū ultra hoc quod acceptatur a Proculo, ut uisum est acceptatur etiam ab Aristo. Nam cum sit immaterialis, ut dictum est supra, & incorruptibilis. Incorruptibilia autem sunt semper, & quæ semper sunt non continentur sub tempore, nec mensurantur, quoniam dicit Aristo. in. 4. Physico. tex. 117. est accipere maius tempus omni contento sub tempore, quare manifestum est, quoniam quæ semper sunt, secundum quod semper sunt, non sunt in tempore, neque enim continentur tempore, neque mēsuratur esse eorum sub tempore, signum autem quoniam nihil patiuntur a tempore, tanquam non entia in tempore hæc illæ. Et in primo cœli, tex. 100. inquit propter quod quidem, neque in loco quæ ibi apta nata sunt, scilicet extra cœlum, neque tempus ipsa facit senescere. patet igitur q̄ substantia stans per seipsam est superior omni tempore nec eius productio, cum non sit uera generatio, mensurantur tempore.

Eadem propositio acceptatur a Theologo. Nam Dio-

Dionysius de Diui. nomi. cap. decimo, assignans differentiam inter eum, & tempus dicit. Eum appellat, scilicet sacra scriptura, secundum quod & proprietas eui est, antiquum & inuariabile atque secundum totum ipsum quod dicitur esse metiri, tempus autem scriptura in generatione, & corruptione ponit aliasq; se aliter habens, idest sacra scriptura appellat eum illud quod est mensura esse antiqui, idest non incipientis de nouo, & inuariabilis, & mensuratur ab euo secundum totum, & non per partem post partem. Tempus autem ponitur mensura eorum quę generantur, & corrumpuntur, & aliter se habent, unde inquit illic Dionysius, quod pro hac uita mensuramur tempore, post hanc uitam autem erimus participes eui, quoniam facti erimus incorruptibiles &c. Ex his ergo habemus duo, primo quod substantia mensurata tempore habet principium, & finem in tempore, secundo quod esse mensuratum tempore est uariabile per generationem & corruptionem. Cum igitur substantia stans per seipsam sit incorruptibilis, ut probatum est in propositione. xxvi. sequitur quod non habet principium & finem in tempore, nec eius esse est transmutabile. Ex consequenti non mensuratur, nec continetur sub tempore, sed est altior omni re temporali. Hęc de propositione. xxix. dicta sint.

Propositio XXX.

Omnis substantia creata in tempore, aut est semper in tempore, & tempus non superfluit ab ea, quoniam est creata, & tempus equaliter, aut superfluit super tempus, & tempus superfluit ab ea, quoniam est creata in horis temporis quibusdam &c.

In hac propositione intendit declarare quod conuenienter in uniuerso create sunt duę naturę temporales quarum una adæquatur tempori, ita quod non fuit, nec erit aliqua pars temporis in quo illa non sit, ita quod si tempus est æternum adæquatur tempori æterno, & si tempus est finitum ante,

& post adæquatur toti tempori finito, ea ratione qua est temporalis, & hæc est natura corporis cœlestis. Dixi notanter ea ratione qua est temporalis, quoniam cœlum secundum substantiam, cum sit incorruptibile, & esse inuariabilis, nō continetur, nec mensurantur tempore, ut dictum est in propositione præcedenti. Cœlum autem ut motum mensuratur tempore, quoniam tempus est mensura motus, & prout est sub motu dicitur substantia temporalis quā Auctor dicit creatam in tempore inquantū, scilicet est sub motu, & non quo ad esse. Cœlum igitur ut motum, est natura temporalis adæquata tempori, quoniam tempus non fuit quin fuerit motus cœli, nec erit quin tunc sit motus cœli. Nam sic se habent quod posito uno ponitur reliquum, & remoto uno remouetur reliquum, ut magis declarabitur secundum doctrinam Aristoteli. Alia natura temporalis est in adæquata tempori, ita quod est dare tempus in quo illa non est, nec mouetur, ut natura omnium sub cœlo quæ dicuntur generabilia, & corruptibilia quæ aliquo tempore sunt & mouentur, & aliquo tempore non sunt nec mouentur. Hanc igitur conclusionem probabimus ad mentē Auctoris, deinde ponitur corollarium ad mentem eiusdē. Probatio conclusionis stat in hoc. Cum substantiæ incorporeæ æternæ, & substantiæ generabiles sint penitus dissimiles, quoniam illæ sunt semper, & sunt immobiles. istæ autem nō semper sunt, & sunt mobiles, non se consequuntur immediate, sed per aliquod medium, quod de utroque extremo participat. Nam hunc uidemus ordinem in rebus, quod similia seinui cem immediate consequuntur, dissimilia autem quodā medio, unde in elementis, quoniam aqua est dissimilis igni in utraque qualitate, non sequitur ad ignē immediate, sed mediat aer qui participat qualitates utriusque. nam est calidus, & ut sic assimilatur igni, & est humidus, & ut sic assimilatur aquæ, ut igitur hic ordo seruetur in substantiis creatis conueniens est, ut inter substan-

tias æternas immobiles, & substantias temporales nō æternas, & mobiles mediet substantia æterna temporalis mobilis. Nam in quantum habet esse æternum, idest inuariabile, assimilatur substantijs æternis immobilibus, & dissimilatur substantijs temporalibus non æternis, & in quantum est sub motu assimilatur his substantijs non æternis mobilibus, & quia est sub motu dicitur temporalis, ratione autem esse immutabilis dicitur æterna, & hæc est natura cœli, ut diximus, conuenienter, ergo datur natura causata in tempore adæquata tempori, & natura causata in tempore inadæquata tempori, sed prima est sub tempore non ratione esse, sed ratione motus: secunda autem est ratione utriusque, & ideo dicitur simpliciter temporalis.

Corollarium positum ad mentem Auctoris. Incipit ibi iam ergo ostensum est ex hoc &c. Et intendit q̄ cum duæ sint naturæ æternæ una simpliciter æterna, & nullo modo temporalis, ut substantia abstracta, alia æterna, & temporalis ratione motus ut substantia cœli, duæ sunt perpetuæ durabilitates. Nam & substantia abstracta, & substantia cœli, cum sint creatæ incorruptibiles in æternum stant, & tamen inter eas assignatur triplex differentia, prima est q̄ substantia abstracta est natura fixa stans immobilis motu Physico. Cum enim sit simplex, & indiuisibilis ex propositione. xxviij. est immobilis physicæ. Omne enim mobile est diuisibile, ut probat Aristot. in sexto Physicorū. tex. 39. Substantia autem cœli mouetur, ut patet, & ut sic instabilis est, secunda est quod substantia abstracta est tota simul non habens prius & posterius, substantia autem cœli non ratione esse, sed ratione motus habet quandam successionem, quoniam in motu una pars succedit alteri sicut & in tēpore, tertia est quod perpetuitas substantiæ abstractæ est per essentiam suam, idest per seipsam, & nullo modo ratione partium, cum sit simplex immobilis, perpetuitas autem cœli ratione esse, & ratione motus est existens per partes.

nam & compositum & mobile est, sed in quantum cōpositum, existit ratione partium permanentium, in quantum autem est mobile & mouetur, existit ratione partium sibi succedentium, quarum una est prior, altera posterior. Manifestum est igitur quod duæ sunt perpetuæ durabilitates create, & quomodo adinuicem differunt.

Eadem propositio acceptatur a Proculo, nam talē propositionem format. Omne quod secundum tempus existit, aut eo quod semper in tempore est, aut aliquando in parte temporis, hypostasim habens, idest omne temporale, aut est in omni tempore, ut cœlum, aut pro aliqua parte temporis ut inferiora generabilia, & quod hæc diuisio sit sufficiens sic inuestigat Proculus. Inter hæc duo extrema ens semper & immobile, ens non semper & mobile, possumus imaginari tria media. Primum sit, ens semper, & mobile semper. Secundum sit, ens non semper, sed mobile semper. Tertium sit, ens semper, & mobile, sed nō mobile semper, sed tantum primum est dabile, nam secundum implicat: cum enim motus supponat subiectum, impossibile est quod sit mobile semper, & non sit ens semper. similiter, tertium non est dabile. nam si est ens semper & mobile, mobilitas sequitur naturam eius, ex consequenti semper conuenit ei. Restat igitur quod inter ens semper & immobile, & inter ens nō semper & mobile, mediat solum ens semper, & mobile semper, sed hoc dicitur semper in tempore esse, ut cœlum, ergo sunt tantum duæ naturæ temporales, quarū una est pro omni tempore, & alia pro aliquo tempore.

Eādem propositionem acceptat Aristo. Nam in duodecimo Metaphy. tex. 5. dicit, Substantiæ uero tres. Una quidem sensibilis, cuius alia quidem sempiterna, alia corruptibilis, alia uero immobilis &c. & de hac sensibili diuisa in sempiternam, & corruptibilem, reassumens in eodem libro tex. 29. dicit. Quoniam autem tres erant substantiæ. Duæ quidem quæ physicæ, & una quæ immobilis &c.

ergo

ergo sensibilis sempiterna, ut cœlum est substantia physica. ergo mobilis, quia natura est principium motus. ergo temporalis ut mobilis. nam cum tempus sit numerus motus, omnis natura ut mobilis cadit sub tempore. corruptibilem autem esse temporalem clarum est. ergo concordat Aristo. cum Auctore duas, scilicet esse naturas temporales. unam adæquatam tempori, aliam inadæquatam.

Et aduerte, q̄ ratio adducta ad mentem Auctoris, scilicet q̄ omnino dissimilia non se consequuntur, nisi cum aliquo medio habente similitudinem cum utroque extremo, tangitur ab Aristo. in alio proposito. nam in octauo libro Physico. tex. 37. comparans mouens non motum ad motum nō mouens, puta animam mouentem ad lapidem motum, aduertens omnimodam dissimilitudinē inter ea, quia anima mouet & non mouetur, lapis mouetur & non mouet, ponit medium communicans cum utroq̄, scilicet mouens & motum, puta manum quæ mouet lapidem, & mouetur ab anima, & in quantum mouet similatur animæ ut mouenti, & in quantum mouetur similatur lapidi ut moto. Patet igitur q̄ rerum ordo exigit ut omnino dissimilia non immediate, sed cum aliquo medio se consequantur, & tu applica ad conclusionem positam ab Auctore.

Eadem propositio acceptatur a Theologo, sed alio quidem modo quam a Philosophis. vnde aduerte q̄ quo ad substantiam concordat cum Philosophis, tenet enim substantiam cœli perpetuam, & inferiorum corruptibilem sicut & Philosophi, quo ad adæquationem, uel inadæquationem temporis ratione motus discordat a Philosophis. nam licet Theologus, & Philosophus teneant cœlum motum adæquari tempori, inferiora autem inadæquari, tamen in hoc discordant, quod Philosophus credens mundum æternum ante, & post tenet motum cœli adæquari toti tempori, quod secundum ipsum est infinitum. Theologus autem tenet ipsum adæquari toto tempori, quoniam tempus cō-

sequitur ipsum, non solum ut mensura mensuratum, sed ut accidens proprium subiectum. primum enim mēsuratum a tempore est motus diurnus primi mobilis, & ipso mensuramus omnem motum, quoniam simplicissimus, & regulatissimus est, uerum quia secundum Theologum totum tempus est finitum, quoniam nō fuit ante, nec erit post motum cœli. Dicendum est quod cœlum ratione motus adæquatur toti tempori, quod tamen finitum est. inferiora autem secundum idem numero inadæquantur toti tempori infinito secundum Philosophum, & toti tempori finito secundum Theologum. Dixi autem secundum idem numero, quoniam nulla eadem pars elementi est perpetua, licet elementa per mutuam generationē remaneant perpetua, nec aliquod elementatum idem numero est perpetuum, licet successionē generationis perpetuetur in specie. cœli autem & specie, & numero perpetui sunt. Dicta sint hæc quo ad propositionem. xxx.

Propositio XXXI.

INter rem cuius substantia, & actio sunt in momento æternitatis, & inter rem cuius substantia, & actio sunt in momento temporis existens est medium, & est illud cuius substantia est ex momento æternitatis, & actio est ex momento temporis.

Sicut in propositione præcedenti, manifestauit duas esse naturas temporales. Vnam adæquatam tempori, ut cœlum motum. Alteram inadæquatam, ut corruptibilia, sic in hac propositione manifestat duas esse naturas æternas, siue perpetuas. Vna est omnino æterna, quoniam & substantia, & actio mensurantur æternitate, & hæc est intelligentia, quæ secundum Auctorem parificatur æternitati, ex secunda propositione. Altera est non omnino æterna, quoniam eius substantia mensuratur æternitate, & actio mensuratur tempore, & hæc est anima intellectiua, quam dixit Auctor in propositione secunda, esse constituta in horizonte

æternitatis, quod quō intelligendum sit illic exposuimus.

Sed antequā probetur propositio declaranda sunt duo.

Primo, quid significat *ly momentum æternitatis*, & *ly momentum temporis*.

Secundo, utrum hæc propositio possit ita uerificari de cœlo sicut de anima.

Quantum ad primum, aduerte quod *ly momentum* uidetur Auctor intelligere mensurationem. nam hanc propositionem traxit a Proculo, ut uidebitur, & Procu. loquitur manifeste de mensuratione. intendit ergo Auctor sic dicere. Inter rem cuius substantia, & actio mensurantur æternitate, & rem cuius substantia, & actio mensurantur tempore, cadit res cuius substantia mensuratur æternitate, & actio mensuratur tempore.

Quantum ad secundum, aduerte quod in propositione præcedenti, dixit cœlum esse naturam temporalem, quoniam motus eius est in tempore. Hic autem dicit dari naturam mediam inter rem penitus æternalem, & rem penitus temporalem, cuius actio sit in tempore, & substantia in æternitate. cum igitur actio sit agentis, & motus sit rei mobilis, est enim actus mobilis, & anima sit a qua est actio uerius intelligendum est de anima quam de cœlo, quoniam cœlum ut motum magis habet rationem passi quam agentis. Posito igitur quod intelligatur de anima, sic probat eam Auctor ex fundamento posito in propositione præcedenti. Ordo rerum requirit quod dissimilia se consequantur cum quodam medio, ut declarauimus supra, sed res æternæ secundum substantiam & operationem, & res temporales secundum substantiam & operationem sunt penitus dissimiles. ergo inter eas debet mediari res, cuius substantia sit æterna, & actio temporalis, uel res cuius actio sit æterna, & substantia temporalis, sed hoc secundum est impossibile, quoniam actio supponit agens. ergo subtracto agēte subtrahitur actio. ergo si agens non est æternū, actio non erit æter-

na. ergo datur primum, & hoc est anima intellectiua coniuncta corpori, cuius substantia quod sit æterna saltem a parte post, & eius actiones non absoluantur a tempore declaravi in propositione secunda. vide illic.

Eadem propositio acceptatur a Procu. nam talem propositionem format. Omnis eius quod omniquaq; æternale est secundum substantiam & operationem, & eius quod substantiam habet in tempore medium est, quod hac quidem, scilicet substantia æternale est. hac autem scilicet operatione tempore mensuratur, & eam probat conformiter Auctori sicut, & propositionem præcedentem.

Eadem propositionem acceptat Aristo. secundum saniores eius Expositores, qui ad mentem eius tenent animam immortalem, & pro hoc statu omnem operationem suam fieri in tempore, quod quomodo sit declaravi in propositione secunda. vide illic.

Eandem acceptat Theolo. cuius mentem diffuse declaravi in secunda propositione, ubi proposui utrum anima intellectiua non solum quo ad substantiam, sed etiam respectu alicuius suæ operationis sit æterna, & id determinavi in propositione tertia. Hæc de propositione. xxxi. dicta sint. nam totalis eius declaratio pendet ex propositione secunda.

Propositio XXXII.

OMnis substantia cadens in quibusdam dispositionibus eius in æternitate, & in quibusdam dispositionibus suis sub tempore est ens, & generatio simul.

In hac propositione Auctor intendit manifestare conditionem, & modum illius substantiæ, quam dixit in propositione præcedenti, quo ad substantiam mensurari æternitate, & quo ad actionem mensurari tempore, & dicit hanc substantiam esse ens, & est generatio simul. Sed antequam probetur declarandum est quid intendit per ly ens, & per ly generatio, & per ly simul.

Quantum ad primum, aduerte qd ly ens proprie signi-

Sic id quod est, sine aliqua uariatione per præteritum & futurum, & sine aliqua successione, ita q̃ existentia sua est tota simul, & est indefectibilis, unde ens penitus immutabile est simpliciter ens, & unumquodque quanto magis recedit ab immutabilitate tanto minus est ens, & quoniam res mensurata æternitate secundum substantiam, & operationem totaliter recedit a mutabilitate, & omni uariatione, id eo propriissime est ens, & est tantum ens.

Quantum ad secundum, aduerte q̃ ly generatio sumitur ab Auctore pro communissimo significato, ut omnis transmutatio, siue secundum substantiam, siue secundum qualitatem, siue secundum operationem dicatur generatio, unde in hoc sensu omnis substantia subiecta transmutationi, & quo ad esse, & quo ad operationem, nō meretur dici ens, quoniam non est permanens, sed generatio, quoniam & esse suum, & operationes uariationi subijciuntur, ex quo sequitur q̃ entia inferiora improprie dicuntur entia, sed proprie dicuntur generationes, idest uariationes entium.

Quantum ad tertium, aduerte q̃ iuxta declarationem nunc positam, aliqua res est tantum ens, ut quæ omnibus modis est æterna, & aliqua tantum generatio, idest omnibus modis subiecta uariationi, & aliqua secundum substantiam ens, quia ut sic est inuariabilis, & secundum operationem est generatio, quia ut sic uariabilis est, & hæc dicitur ens, & generatio simul.

Posita hac declaratione manifesta est probatio Auctoris, sic enim arguit. Res simpliciter æterna est uere ens, res simpliciter temporalis est ueræ generatio modo exposito, ergo res media quæ partim est æterna, & partim temporalis est ens, & generatio simul, non tamen uno modo, sed duobus. nam qua ratione est æterna est ens, & qua ratione est temporalis est generatio, idest in transmutatione posita.

Probata cōclusionē Auctor insert corollarium ibi. Jam ergo manifestum ex eo quod &c. in quo reducit naturam

simpliciter temporalem in causalitatem nature quo ad substantiam eternæ, & quo ad operationem tēporalis, & hanc reducit in causalitatem primi & supremi, qui est Deus. & hunc ostendit omnino in causatum, sed causam omnium. Intendit ergo sic dicere. Cum optima rerum dispositio requirat q̄ inferiora causentur a superioribus, & superiora a supremo, & illic sit status, ita q̄ supremum est tantum causa, consequens est ut res quæ sunt generatio, modo supra exposito, dependeant a re quæ est ens & generatio, quæ est anima cœli secundum Auctore. nam animæ cœlestes per motum cœli causant hæc generabilia, & animæ istæ pendent ab esse puro, idest a Deo qui est prima causa, a qua pēdet duratio omnium rerum sempiternarum, & destructibillium. Cum enim in se contineat omnes gradus essendi emi- nenter, est causa omnium graduum, & modorum entium. Quod autem Deus sit independens, & ab eo pendeant omnia, sic manifestat. Deus est unitas non acquisita, idest non acquirens esse ab alio, & omnes aliæ unitates, idest omnes aliæ substantiæ simplices sunt acquisite, idest acquirunt esse ab alio. ergo solus Deus est independens, & ab eo pendent omnia. Antecedens probatur sic. Cum Deus sit unitas prima, est unitas per essentiam. ergo si aliæ unitates nō essent acquisite, essent unitates per essentiam, & sic non differunt a prima tanquam per omnia existentes similes primæ, & si prima esset acquisita, iam non esset prima, quoniam omne acquisitum participat. participans autem supponit id quod participatur ut prius. sic ergo Deus esset unitas secunda sicut & reliquæ unitates, & sic auferetur ordo in entibus. ordo enim requirit unum primum a quo pendent alia. Cum igitur hæc sint inconuenientia manifestum est quod omnis unitas, præter unum uerum primum est acquisita & causata, & ipsum unum uerum primum est causans alias unitates, & faciens acquirere non acquisitum, idest faciens acquirere esse quod non habent ex se, & sic Auctor sicut incepit

librum suum a prima causa in propositione prima, sic in eadem terminat ipsum, qui est Deus gloriosus & sublimis.

Eandem propositionem acceptat Proculus. nam talem propositionem format. Omne quod hac quidem eternale, idest ratione substantiæ, & hac temporale, idest ratione actionis, est ens simul & generatio, & manifestat conformiter sicut Auctor. Item acceptat ultimum cōclusum, talem enim propositionem format. Omnis Deus participat, excepto uno. Pro quo aduerte quod ad mentem Plato. sicut Deus dicitur primum ens, primum unum, primum bonū, sic substantiæ abstracte quas Plato, uocat formas abstractas propter propinquitatem, & similitudinem ad Deum dicuntur Dī, & unitates secundæ, & quoniam omne post primum participat primo, & primum non habet prius quo participet, ideo dicit Procu, quod omnis Deus, idest omnis forma abstracta participat, quia communicantur eis perfectiones a primo, excepto uno, idest primo ente, & primo uno quo non datur prius. vnde omnia entia se habent ad Deum, sicut omnes numeri ad unitatem. nam omnes participant unitate ut posteriores, unitas autem non participat numeris, quoniam prior & independens est.

Eadem propositio acceptatur ab Aristo. nam secundū principia sua unumquodque est ens in quantum est actu, & tanto minus est ens, quanto magis est in potentia. unde materia primo ultimū gradum habet in latitudine entium, & successiua parum habent de entitate. nam non sunt nisi dum fiunt, ut patet de motu & tempore, ex quibus sequitur quod sempiterna sunt uere entia, quoniam in nono Metaphys. tex. 17. dicit Aristo. in sempiternis ut sempiterna sunt, nihil est potentiæ, quod enim est in potentia ut sic potest esse, & non esse. corruptibilia autem cum sint magis in potentia, quam in actu non sunt uere entia, sed potius uariationes entium quas & Procu. nominat nomine generationis, ergo quæ sunt sempiterna secundum substantiam, &

temporalia secundum actionem sunt simul entia, & uaria-
tiones entium. Quod autem ad mentem Aristote. omnia
pendeant a primo, satis diximus in propositione. xviij.

Eadem propositio acceptatur a Theologo. nam apud
ipsum quod est æternum est totum simul & perfectum, in
augmentabile & imminorabile secundum perfectionem,
quod autem est temporale secundum substantiam, & ope-
rationem nunquam habet esse fixum, sed pro tanto tempo-
re ad perfectionem tendit, & pro tanto a perfectione paula-
tim recedit donec deficiat, unde generabile potius est gene-
ratio & corruptio entis quam ens, existit enim in rota dura
tione sua sub motu acquisitiuo, & perdituiuo. quicquid ergo
est æternum est uere ens, & quod est temporale est potius
generatio & corruptio entis quam ens. ergo natura media
est simul ens & generatio & corruptio entis, quoniam eius
actiones sunt in generatione & corruptione, quoniam acce-
dente posteriori desinit prior. nam & in coelo accedente so-
le ad meridiem desinit esse in oriente, & anima transit a sim-
plici apprehensione ad compositionem & diuisionem,
& ab his ad discursum. Quod autem a primo uno
pendeant omnia, & ipse sit independens decla-

rauius in propositione. xviij. Et hic ter-

mino Examinationes nostras super li-

brum de Causis, ad laudem pri-

mi & uniuersalissimi Cau-

sa, quæ super omnia

exaltatur.

Amen.

CHRYSOSTOMI
IAVELLI CANAPITII
EPITOME
SVPER LIBROS

de Anima Aristotelis.

Numerus tractatuum super tres libros de anima.

Primi libri.

Primus tractatus super procemium Aristotelis.

Secundus tractatus super opinionem Platonis.

Secundi libri.

Primus tractatus de diffinitione animæ fm Aristotele.

Secundus tractatus de potentijs animæ in communi, & de uegetabilibus.

Tertius tractatus de sensibus exterioribus.

Tertij libri.

Primus de sensibus interioribus.

Secundus de intellectu possibili, & agente.

Tertius de potentia appetitiua, & motiua.



VPER Procemium Philosophi de anima formamus unicum tractatū, & relinque mus totum primū lib. in quo referuntur opi. antiquorum, quę parum nobis sunt utiles. Verum quidē est, q opinio Platonis est magni sensus. & ideo de ea composui particularem tracta. Nec recto sen.

Aaa

TRACTA. I.

tu improbatu ab Aristo. sed solum quo ad uerba, ut testa-
tur bea. Tho. in primo de anima. ideo improbatio Aristo.
non est magnipendenda. formamus ergo duos tracta. pri-
mum super procemium. secundum super opinionē Plato.



RAGTATVM. Primū diuidimus
in quinque capi.

In primo ostenditur dignitas scientiæ
de anima.

In sec'do ostenditur utilitas eiusdē sciæ.

In tertio ostēdit difficultas sciæ eiusdē.

In quarto ostēdit, qd physicus debet cōsiderare de aīa.

In quinto soluentur dubia quædam circa determinata.

CAPVT. I.

CIrca primum cap. ponitur hæc cōclusio inter omnes
scientias præter scientiam diuinam, quæ est metaphy-
sica, et theologia reuelata, sciētia de anima est melior,
& honorabilior. & per consequens nobilior. Anteq̃ pro-
betur præponuntur tria. primum est, omnis sciētia est bo-
na. nam perficit intellectum nostrum. ergo est bona, om-
ne enim perficiens alterum habet rationem boni. secundum
est, aliqua scientia est laudabilis, & aliqua honorabilis. pro-
batur, scientia practica est laudabilis, quia bonum laudabi-
le est illud, quod non quæritur propter seipsum, sed ppter
nostrum commodum, ut laudamus equum, quia defert
æquitatem, sed scientia practica non quæritur propter seip-
sam, sed propter opus, ad quod ordinatur, ut Politica quæ-
ritur propter regimen ciuitatis. ergo sciētia practica est lau-
dabilis. scientia uero speculatiua est honorabilis, quia bo-
num honorabile est illud quod propter seipsum quæritur,
& non ordinatur ad aliud, ut felicitas, quæ est summum, et
ultimum bonum, sed scientia speculatiua propter seipsam
quæritur. Non enim ordinatur ad opus, ut patet ex diffi-
nitione sua. ergo scientia speculatiua est honorabilis. ter-
tium est, una scientia speculatiua est nobilior altera duo-
bus modis. primo, quia est certior, et habet demonstratio-

nes certissimas, ut mathematicæ, quæ demonstrant ad scien-
 tum conclusiones suas. secundo, quia est de nobiliori subie-
 cto, ut astrologia est nobilior prospectiva. illa enim est de
 corpore coelesti, quod est nobilius linea uisuali, quæ si den-
 tur duæ scientiæ, quarum una sit certior, & de ignobiliori
 subiecto. alia uero sit incertior, sed de nobiliori subiecto. se-
 cunda dicitur nobilior prima, unde astrologia est nobilior
 geometria, quia licet sit incertior geometria. est tamen de
 nobiliori subiecto, quod est corpus cæli. & ideo bene dixit
 philosophus in lib. 1. 2. de animal. magis affectamus scire
 modicum de rebus altissimis, etiam si topicæ, & probabi-
 liores illud sciamus, quæ scire multum, & per certitudinem de
 rebus minus nobilibus. His tribus presuppositis sic proba-
 tur conclusio, scientia de anima est de nobiliori subiecto,
 anima enim est subiectum saltem speciale in hoc libro, &
 anima est nobilior inter creaturas inferiores, nec datur eis
 nobilior anima, nisi substantiæ separatae, & deus gloriosus,
 & scientia de anima est certior, quia habet demonstratio-
 nes certiores. ergo inter omnes scientias præter scientiã di-
 uinam scientia de anima est nobilior. Quomodo uero ha-
 beat demonstrationes certiores sic declarandum est. De-
 monstratio potest esse certior dupliciter. primo, quia pro-
 cedit ex propositionibus notioribus, quo ad nos, & quo ad
 naturam suam, ut demonstrationes mathematicæ. secun-
 do, quia procedit ex notioribus quo ad nos, in quibus non
 fallimur, ut quando ex effectu notissimo demonstramus
 causam. & dico ex effectu notissimo, sicut cum demonstra-
 mus hominem habere pulmonem ex hoc effectu notissi-
 mo, qui est respirare. et tales sunt demonstrationes libri de
 anima. nam per obiectum potentia nobis notissimum co-
 gnoscimus operationem potentia, pura per colorem, qui
 est obiectum uisus cognoscimus actum uiuendi, & per actum
 potentia cognoscimus potentiam, ut per uidere cognosci-
 mus uisum, & per potentiam cognoscimus ipsam substan-
 tiam animæ, ut dicemus infra. dicimus ergo quod scientia

libri de anima habet demonstrationes certiores, non quidem absolute, ut sunt mathematicæ, sed quia procedunt ab his, quæ sunt notissima nobis. quilibet enim in se experitur quod nutritur, quod augetur, quod sentit, quod appetit, quod intelligit, & ab his effectibus notissimis cognoscimus potentias animæ, & substantiam animæ, ut declarabitur in toto secundo lib. patet ergo quod hæc scientia est nobilior alijs. & licet non habeat demonstrationes certiores per causas, ut habet mathematica, tamen habet nobilius subiectum, per quod dicitur scientia nobilior, etiam si non sit adeo certa, ut sunt scientiæ mathematicæ. Nota tamen quod possumus dicere hanc scientiam esse nobiliorem, non quidem inter omnes alias, sed inter omnes partes scientiæ naturalis, puta quod est nobilior, quam scientia libri de cælo. & quam scientia libri meteororum. & quam scientia libri de mineralibus. & quia habet nobilius subiectum, & habet certiores demonstrationes. licet enim omnes partes scientiæ naturalis demonstrent ab effectu notiori, tamen scientia hæc demonstrat ab effectu non solum notiori, sed notissimo ad sensum, ut declaravi paulo ante. Hæc conclusio sic intellecta nullam habet difficultatem. Hæc sufficiant de primo capi.

CAP. V. T. II.

Circa secundum cap. ponit hæc conclusio. Scientia de anima est utilis cuilibet alteri scientiæ. probatur inducitur. primo est utilis logicæ, quia in hac scientia, ut dicitur in tertio lib. agitur de operationibus intellectus, quæ sunt simplicium apprehensio, compositio, & diuisio, & discursus a noto ad ignotum, sed circa hæc etiam versatur logica, nam in prædicamentis agitur de notitia terminorum incomplexorum. in libro Perihæresis agitur de compositione, & diuisione etc. hæc omnia habes in compen. ma. in principio prædicabilium, ubi assignatur diuisio logicæ. secundo est utilis scientiæ morali, ut patet in secundo Ethic. ubi inuestigatur in quibus potentijs animæ possit esse virtus, & uitium. et etiam in decimo Ethic. determinatur, quod se.

licitas consistit in cognitione intellectiua rerum altissimarum, sed in hac scientia tractatur de potentijs, & passionibus animæ, & de intellectu. ergo est utilis scientiæ. moralis. tertio est utilis scientiæ naturali, præcipue illis partibus, quæ tractant de corpore animato uegetabili, uel sensitiuo. non enim potest cognosci corpus animatum, nisi cognoscatur anima, quæ est principium omnium actionum rei animatæ. ergo est utilis scientiæ naturali. quarto est utilis metaphysiçæ, quia non possumus cognoscere, quomodo substantiæ separatæ habeant intellectum, & intelligat, nisi haberemus cognitionem de intellectu humano in hac scientia & per cognitionem intellectus humani deuenimus in cognitionem intellectus separati, & diuini. ultimo est utilis omnium scientiæ in communi, & omni habitui intellectuali, quæ sunt sapientia, prudentia, opinio etc. nam intellectus est ille qui causat omnes hos habitus, ut dicemus in tertio libro. cum ergo in hac scientia cognoscamus causam omnis scientiæ. sequitur quod est utilis omnibus scientijs, & habitibus intellectualibus. Hæc de secundo cap. sufficiant.

CAP. V. T. III.

Circa tertium cap. ponitur hæc conclusio. Hæc scientia licet sit utilis. est tamē ualde difficilis. probatur dupliciter. primo, difficile est diffinire quid sit anima. & hoc multipliciter. primo est difficile inuenire uiam diffiniendi, nam aliqui uolunt, quod omnis diffinitio inuestigetur per demonstrationem, sicut tenuit Hippocras. Aliqui dicunt, quod omnis diffinitio inuestigatur per diuisionem, sicut tenuit Pla. Aliqui autem per compositionem, quæ autē uia sit melior, dicemus in. 4. capi. Secundo, est difficile inuenire genus, quod ponitur in diffinitione animæ, utrū sit substantia, an accidens, an corpus, an actus, an potentia. Tertio, est difficile inuestigare, quomodo diffiniatur anima, an sicut unū genus, uel una species specialissima, uel una anima numero. nam Plato dicebat, quod anima separata, ut idea quæ erat causa animarum particularium, & de ea so-

la, ut de uniuerſali ſeparato detur diffinitio. ſecundum Ar-
 ſto. uero diffinitur anima in communi, quæ quidem nõ eſt
 quoddam uniuerſale ſeparatum, ſed ſolũ habet eſſe in hac,
 uel in hac anima. unde diffinitio quæ datur de anima de-
 bet competere cuilibet animæ. & dicit Arſto. contra Pla-
 to. quod uniuerſale, puta animal, genus aut nihil eſt, aut eſt
 poſterius ſingularibus, quod an ſit uerũ declarabitur in. 5.
 cap: Quarto, difficile eſt diffinire animam, quia difficile
 eſt inuenire unam diffinitionem de anima, per quam co-
 gnoſcamus etiam potẽtias animæ, & paſſiones ſuas. nam
 diffinitio ſubiecti debet eſſe medium ad demonſtrandum
 paſſiones de ſubiecto, ut diximus in primo Poſte. ſicut per
 diffinitionem hominis demonſtramus hominem eſſe riſibi-
 lem. ſimiliter quia difficile eſt cognoscere differentias eſ-
 ſentiales. & quoniam aliquando deſcribimus rem per ſua
 propria accidentia, ut cum deſcribimus aſinum per rudibi-
 le, neceſſe eſt q̃ cognoscamus accidentia propria animæ,
 ut per ea adiuuemur ad cognoscendũ quid ſit anima. nam
 inquit Arſto. accidentia magnam partem conferunt. ual-
 de utilia ſunt ad cognoscendũ quod quid eſt. i. diffinitio-
 nem, & eſſentiam rei, quod quomodo uerum ſit dicemus
 in quinto capite.

Secundò principaliter hæc ſcientia eſt difficilis, propter
 potẽtias animæ, de quibus nescitur, an ſint potẽtiæ ſolius
 animæ, an totius animati, ut uegetatiuæ, & ſenſitiuæ poten-
 tiæ, non enim ſola anima nutritur, nec ſentit, ſed ipſam ani-
 mal, ſimiliter potẽtiæ appetitiuæ, & paſſiones, ut eſt timor,
 & ira uidentur eſſe totius animalis, ſunt enim actus earum
 cum tranſmutatione corporis. Nam qui timet paleſcit, uel
 tremat, qui irasſcitur habet ebullitionẽ ſanguinis circa cor.
 Quod ſi quis dicat, propter quid hæc inueſtiganda ſunt.
 Reſpõdet philoſophus, ut ſciamus ſi anima intellectiua ſit
 incorruptibilis, & remaneat, poſtquam eſt ſeparata a cor-
 pore. Nam ſi nulla potẽtia, nec actio eſſet propria ſolius
 animæ, nõ remaneret ſeparata a corpore, tunc enim eſſet

otiosa in natura, si nullam operationem propriam haberet. Et cum nihil otiosum sit in natura, ut dicitur in secundo de celo, sequitur quod ipsa anima post mortem corrumpatur, ut ergo possimus sustinere, quod anima nostra est incorruptibilis debemus inuestigare, si aliqua ex potentijs, et operationibus animæ, sit propria solus animæ. patet ergo quò hæc sciētia est difficilis, hæc sufficiant de tertio capite.

C A P V T .

I I I I .

Circa quantum caput ponitur hæc conclusio, physicus debet considerare de anima, probatur sic, physicus debet considerare de potentijs, et operationibus anime, ergo debet considerare de anima. probatur cōsequētia, quia ut dicitur in primo poste. eadē sciētia considerat subiectum, & proprias passiones subiecti, ut arithmetica considerat numerum, & parem, ac imparem, ut passiones numeri, ergo si physicus considerat potentias animæ, quæ sunt uelut suæ passiones propriæ, etiam debet considerare de anima. antecedens uero probatur sic, potentiæ animæ diffiniuntur per materiam naturalem, ut diffinitur uisus sic, uisus est potentia affixa organo oculi, cuius obiectum est color, materia naturalis in qua est uisus, est oculus, tunc sic, ea quæ diffiniuntur per materiam naturalem, uel quæ habent esse in materia naturali, considerantur a physico, ut dictum est in secundo physicorū. sed potentiæ animæ saltem uegetatiue, & sensitiue diffiniuntur per materiam naturalem, ut patebit in secundo libro. ergo potentiæ anime considerantur a physico.

Verum quia de potentijs animæ solet dari duplex diffinitio, una per solam formā sine materia naturali, ut quando sic diffinitur ira. Ira est appetitus uindictæ propter malum illatum, aliquando diffinitur per materiam naturalem, ut quando sic diffinitur. ira est accessio sanguinis circa cor. dicit philosophus, quod prima diffinitio est logicalis, & insufficientis, quia non explicat sufficienter naturam rei diffinitæ, nam cum res diffinita puta ira, habeat esse in mate-

ria naturali. i. in corde, ex quo non ponitur in prima diffinitione materia naturalis, ideo est insufficiens. secunda uero diffinitio est melior, quia indicat rem secundum esse, quod habet in materia naturali. perfecta uero diffinitio fiet, si utraque diffinitio coniungatur, ut hic. ira est accensio sanguinis circa cor propter appetitum uindictę ex malo illato, sicut etiam si sic diffiniatur domus, domus est quid cōpositum ex lapidibus, & cēmēto, & tecto, ut nos defendat a pluuia, & ab æstu. Ex his ergo patet, quod diffinitio animę, & potentiarum, si debet esse sufficiens debet dari per causam formalem, & per causam materialem. & id studebimus obseruare in toto secundo, ac tertio lib. ubi sigillatim diffinimus, & animam, & potentias, ac passiones suas, q̄ sunt in appetitu sensitiuo. hæc de quarto cap. sufficiant.

C A P V T . V .

IN quinto cap. soluenda sunt quædam dubia, quę oriuntur ex prædictis.

Primo, queritur propter quid philosophus facit specialem librum de anima. Nam tractando de rebus animatis, in reliquis libris, puta de uegetabilibus, & de animalibus, etiā tractasset de aia cum sit forma rei uegetabilis, et aialis.

Ad hoc respondet bea. Tho. in principio sui commentii super lib. de anima sic. in qualibet scientia prius cōsideranda sunt communia, & seorsum, ne eadem sæpius repetantur, & inutiliter, deinde deueniendum est ad considerationem rerum particularium. cum ergo philosophus in lib. sequentibus habeat considerare de rebus animatis in particulari, ut in lib. uegetabilium, & in lib. de animalibus. primo debuit seorsum tractare de eis, quę sunt communia rebus animatis. hæc autem sunt anima, & potentię, & operationes suę. nam in quolibet animato est anima, & alie qua ex potentijs, & operationibus suis, ut dicitur in secundo libro. ergo conuenienter prius, & seorsum philosophus tradit scientiam de anima, & potentijs suis. Hunc ordinem seruauit etiā in libris de physico audi. in quibus tra-

stat ea quæ sunt communia cuiuslibet enti mobili, ut declaravi in primo tractatu super primum librū physici. In alijs autem partibus philosophiæ naturalis tractat de uario ente mobili, ut in tractatu eodem declaravi in diuisione uniuersali totius philosophiæ naturalis, ne ergo cogeretur Philosophus sæpius repetere cognitionem de anima, uoluit in libro particulari de ea pertractare.

Secundo quaeritur quod est subiectum adequatum in hoc libro. Respondeo secundum Alber. quod est ens mobile animatum simpliciter. Dico ens mobile quoniam subiectum totius physici est etiam subiectum in omni parte physici, sed ens mobile est subiectum in tota physica, ut patet in primo nostro tractatu in primo Physici. ergo est subiectum etiam in hoc libro. Dico animatum ut per hoc distinguatur hic liber a libris præcedentibus, ubi agitur de ente mobili simplici uel composito, sed in animato, ut patet in libro de coelo, & in libro de generatione, & in libro meteororum, & in libro mineralium. Dico simpliciter .i. non applicatū ad particulare genus entis animati, ut per hoc distinguatur a libris sequentibus quibus agitur de ente mobili animato secundū diuersum genus, ut in libro uegetabilium de ente mobili animato uegetatiuo. & in libro de animalium de ente mobili animato sensitiuo. Hæc conclusio probatur sic a sequentibus Alber. Idem est subiectum totius physici & cuiuslibet partis eius, quia tota scientia & quælibet eius pars ordinatur ad cognitionem unius rei, quia cognita sciens quiescit, ut tota logica ordinatur ad cognitionem entis, rationis, quo cognito secundum omnes modos suos logicus quiescit ergo idem est subiectum in tota una scientia & in omni parte sua, sed ens mobile est subiectum in tota physica. ergo & in hoc libro sub tali quidem ratione ut distinguatur ab alijs partibus physici. Ratio quidem talis est hæc, animatum simpliciter, quæ iam declarata est.

Nota tamen quod D. Ioan. Iandunus & D. Gaiera. dicunt quod anima est subiectum in hoc libro, & probant

sic declaratur. si uolo definire hominem primo sic distinguo, entium quoddam est substantia, quoddam est accidens, ecce prima diuisio, substantiarum quædam corporea, quædam incorporea, ecce secunda diuisio. Corporum quoddam animatum &c.

Item animatorum quoddam sensitium, quoddam non sensitium. Item sensitiuorum quoddam rationale, quoddam irrationale. Peractis istis diuisionibus postea per compositionem colliguntur partes diffinientes sic. Homo est substantia, quia non est accidens, & corporea, quia non est incorporea, et animata, quia non est inanimata, & sensitua & rationalis, quia non est irrationalis, ecce quomodo sola diuisio non est sufficiens, ut dicebat Pla. sed est necesse primo diuidere, secundo componere adinuicem partes diuidentes non oppositas, ut declarauimus in exemplo de homine.

Quarto queritur quomodo propositio inducta contra Pla. sit uera, scilicet uniuersale aut nihil est, aut est posterius singularibus.

Ad hoc dicitur secundum Bea. Tho. & Alber. & Egid. quod uniuersale puta animal sumitur tripliciter. primo consideratur secundum se & absolute, puta animal ut animal, & homo ut homo, non habendo respectum ad sua singularia, & sic uniuersale est prius suis singularibus, nam bene sequitur, Socrates est, ergo homo est, non tamen sequitur e conuerso, homo est, ergo Plato est, & sic patet quod homo est prior secundum se suis singularibus, quia ab eo non conuertitur subsistendi consequentia, sicut etiam dicimus quod unum est prius duobus, licet enim hæc sit bona consequentia, duo sunt, ergo unum est, non tamen sequitur, unum est, ergo duo sunt, secundo consideratur ut habet esse in suis singularibus, puta consideratur, homo ut est Socrate & Platone, & sic nec est prius, nec posterius suis singularibus, sed est simul cum eis, & generatur uel corrumpitur per accidens, sicut generatur uel corrumpitur sua singularia.

Tertio consideratur ut est sub intentione secunda, puta consideratur homo ut est species, uel in quantum prædicatur de pluribus differentibus numero, & sic dico quod est posterius suis singularibus, nam intellectus attribuit homini hanc intentionem secundam, postquam considerauit quod homo secundum suum significatum potest conuenire differenter huic & huic homini, & sic patet quod est posterius suis singularibus, & de uniuersali sic accepto dicit Auer. in undecimo libro Meteor. uniuersalia apud Aristotelem sunt collecta ex particularibus ab intellectu, quia accipit inter ea similitudinem, id est quia cognoscit quod conueniunt in una diffinitione communi, puta cognoscit, quod qui libet homo conuenit in hoc quod est esse animal rationale, & per talem conuenientiam, homo prædicatur de pluribus, quando ergo dicit Aristoteles contra Platonem, quod uniuersale aut nihil est, aut est posterius singularibus, accipit uniuersale tercio modo, quasi dicat homo ut species si accipiat separatiim a singularibus nihil est, quia non datur homo qui habeat esse extra omnes homines singulares, ut dicebat Plato. Si autem sumatur ut habet esse in intellectu, sic est posterius singularibus, prius enim intellectus considerat quod singularia conueniunt in una diffinitione communi quam format hunc conceptum, qui est prædicari de pluribus, & hæc est diffinitio uniuersalis sumpta tercio modo.

Quinto quaeritur quomodo accidentia magnam partem conferant ad cognoscendum essentiam rei.

Respondeo quod cognitio rei est duplex. Prima est cognitio per diffinitionem, ut cum cognosco quod homo est animal rationale. Secunda est per discursum, ut cum cognosco quod homo est risibilis per discursum, id est procedendo a noto ad ignotum syllogizando.

Quantum ad primam cognitionem dico quod accidentia propria sunt ualde utilia, tamen quia sæpe sumuntur per differentias essentialibus, quoniam ipsæ differentie sunt nobis incognitæ, ut cum in diffinitione equi ponimus hinnibile

quia nescimus propriam differentiam æqui qua distinguitur a quolibet alio animali, tunc etiam quia disponunt in intellectum nostrum ad cognoscendam propriam differentiam, nam in naturalibus procedimus ab effectibus proprijs ad proprias passiones a proprijs passionibus ad differentiam specificam, puta quia uideo hominem ridere cognosco quod est risibilis, ex hoc cognosco quod admiratiuus, ex hoc cognosco quod est rationalis, quæ est differentia specifica hominis, ecce quod hæc accidentia. scilicet ridere, esse risibilem, esse admiratiuum, suum ualde utilia ad cognoscendum differentiam specificam hominis, & sic patet quod accidentia propria sunt utilia ad cognitionem rei quæ habetur per definitionem.

Quantum ad secundam cognitionem quæ habetur per discursum dico quod accidentia propria sunt ualde utilia, præcipue in scientia naturali, in qua ut in pluribus probamus conclusiones per effectum proprios, & proprias operationes, & proprias figuras, nam per accidentia propria probamus rem habere esse, & esse talem, puta æternam, uel corruptibilem &c. ergo accidentia propria utilia sunt ad cognitionem rei, quæ habetur per discursum, probat antecedens sic per motum æternum et circularem probat Philosophus dari primum motorem, ut per suam propriam operationem, & non solum dari primum motorem, sed etiam esse æternum, & unum, & infinitum, & incorporeum.

Item per motum circularem, qui est proprius corpori celesti, probat Philosophus in primo cœli, corpus cœlestis non esse compositum ex elementis. patet ergo quomodo per accidentia propria cognoscimus, argumentando multa prædicata, præcipue rerum naturalium, & sic uerum est, quod accidentia magnam partem conferunt ad cognoscendum essentiam rei, siue per definitionem, siue per discursum. Hæc sufficiant pro primo tractatu super primum librum de anima.

14 **TRACTATA. I. VI**
TRACTATVS SECVNDVS SV.
per primum de anima, in quo exponitur opi-
nio Platonis secundum uerum sensum
quem habuit de anima.



N HOC secundo tractatu intēdimus
exponere opinionem Plato. de anima q̄
occultant in Thimæo sub metaphoris,
quasi indignum existimās quod uulga-
res & prophani secretum hoc apprehen-
derent, uelauit igitur sensum uerum sub
metaphoribus, ut soli sapientes ac depurati animi illum com-
plectantur, plebeis autem mētibus seruetur occultum, ut
igitur id philosophiæ archanum, studiosis elucescat, diui-
dimus hunc tractatum in quinque capita.

In primo refertur sententia Plat. de anima, ut habetur
in Thimæo.

In secundo declaratur de qua anima proprie loqui-
tur in Thimæo.

In tertio declaratur quot sunt numeri, ex quibus secun-
dum Platonē cōponitur anima, & quot pprietates habet.

In quarto declaratur quomodo tales proprietates repe-
riuntur in cœlo.

In quinto declaratur quomodo prædictæ proprietates
reperiuntur in anima cœli, & per consequens in anima nō
stra, & sic manifestum erit, quod opinio sua de anima, nul-
lum continet inconueniens.

CAPVT. I.

In primo capite declaratur quod dicebat Plat. de ani-
ma in Thimæo. unde nota quod Plat. tria considera-
bat in anima. Primo, quomodo comparatur ad corpus
Secundo, ex quibus principijs constituitur. Tertio, quo-
modo se habet ad operationes suas.

Quantum ad primum dicit Plat. quod anima compa-
ratur ad corpus, non quidem ut forma dans esse ipsi cor-

pori, sed ut mouens ipsum corpus, mouet autem corpus prout est connexa, id est colligata & applicata ipsi corpori, sicut manus mouet baculum, non quia dat esse baculo, sed quia est applicata ipsi baculo, ex quo sequitur secundum Plat. ut ipsemet testatur in libro qui dicitur Alcibiades de homine, quod homo non constat ex anima & corpore, uelut ex forma & materia, ut tenet Aristot. sed ipsa anima est totus homo essentialiter, corpus uero est instrumentum, in quo operatur, unde secundum Plat. sic diffinitur, homo est anima utens corpora. Quod autem opinio Plat. quantum ad hoc primum non sit uera declatur sic, Id quod est homo potest operari per se operationes quae sunt in homine, sed anima non potest operari per se operationes hominis, non enim potest per se sentire, quia expletur per organum corporeum, ut patet ergo anima non potest per se sentire, nec per se nutrire, ut patet, nec per se appetere bonum cognitum per sensum, appetitus enim sensitivus est in corde ut in suo organo, cum igitur anima non habeat aliquam operationem reperiendam in homine sibi propriam, nisi ipsum solum intelligere, ut dicitur in tertio de anima, sequitur quod homo non sit anima, sed potius quid compositum ex anima & corpore, ut tenet Aristoteles.

Quantum ad secundum dicit Plat. quod anima est constituta ex elementis, id est ex suis principiis quae secundum ipsum sunt numeri harmoniaci, id est consonantes ut habeat naturalem sensum harmoniae, & feratur secundum motus consonantes, id est operetur operationes concordantes & proportionatas, ut declarabimus infra.

Quantum ad tertium dicit Plat., quod anima operatur prius secundum aspectum rectum, quem aspectum rectum Deus reflexit in circulum, ordinauit enim Deus quod prius intelligeret alia entia, per rectum aspectum, & postea se ipsam intelligeret per modum cuiusdam circulationis & reflexionis. Diuidens quidem Deus unum circulum in duos circulos dupliciter ordinatos, scilicet unum circulum in

circulos ueluti essent cœli motus sicut animæ motus. Hic continetur enigmatica tota opinio Plat. de anima, quam quidem declarabimus sequendo intentionem Iamblicæ ac Marfilij Ficini.

CAPUT. II.

IN secundo caput. declarandum est de qua anima Pla. proprie loquitur in Tim. Vnde nota secundum expositores prædictos quod illic principaliter loquitur de anima cœli. Posuit enim Pla. cœlum ueræ animatum tanquam quoddam immortale animal, quæ quidem anima est intellectiua, & collocatur a Pla. in quarto gradu entium intellectualium. Nam Pla. posuit ut asserit Apule. in lib. de Deo Socratis. sex gradus entium intellectualium. In primo gradu posuit Deum gloriosum, quem nuncupauit per se bonum & per se unum cuius bonitas & unitas non dependet ab alia, hunc etiam nuncupat primum Deum patremque deorum. In secundo gradu posuit Deos secundos, quos dicit esse secundas bonitates & unitates, participantes immediate primam bonitatem & unitatem, quæ est in summo ac primo Deo. In tertio gradu posuit intellectus separatos, qui nullis corporibus sunt uniti, sed sunt substantiæ penitus separatæ, hos alij Philosophi dicunt esse intelligentias, & sacri Theologi dicunt esse angelos. In quarto gradu posuit animas cœlorum, quæ quidem, licet secundum suam naturam sint intellectuales, tamen sunt colligatæ corporibus cœlestibus, & quia corpora cœlestia sunt nobilissima corpora, ac perpetua ex uoluntate primi dei, ideo animæ cœlorum sunt nobilissimæ inter omnia genera animarum. In quinto gradu posuit animas Demonum, quas dicit esse intellectiuas, sed colligatæ sunt corporibus aeris, unde opinatur quod demones sunt animalia habentia corpus acreum, animam uero intellectiuam, ut testatur Apule. in libro de Deo Socratis. In sexto gradu posuit animas humanas, quæ licet sint intellectiue, tamen infimæ sunt & ignobiliore inter omnia entia intellectualia,

lectualia, cuius signum dicit esse, quod unitur ignobiliori corpori, quale est corpus humanum, terrestre, opacum, scitulentum, & corruptibile. Ex his igitur patet, quod in quarto gradu ponebat animas cœlorum. & de his gradibus entium intellectualium infra posui figuram.

Sex gradus entium intellectualium secundum Platonem.

Deus	Dñ se	Intelle	Ani	Ani	Ani
per se	cū di se	ctus se	mē cœ	mē dē	mē hu
bonus	cundæ	parari.	lorū.	monū.	manē.
	bonita				
	tes, &				
	unita				
	tes.				

Hanc igitur animam cœli posuit Plato esse cōstitutam ex numeris, & consonantijs harmonicis duplici de causa. primo, quia ut refert Aristote. in secundo libro de cœlo. & Macrobi. in lib. de somno Scip. Pythagorici, & Platonici dicunt, quod ex uario motu sphærarum cœlestium causantur soni maxime consonantes, & proportionati, quos quidem aures mortalium non audiunt, quoniam adeo assueuerunt audire strepitus improporcionales, qui causantur in his inferioribus, q̃ quasi surduerunt, sicut maleatores pœnæ surdi efficiuntur ex grandi, & frequentato ictu maleorum, & quia motus cœlestium sphærarum causantur ab animabus cœlorum, sicut a proprijs suis motoribus, ideo posuit Pla. animas cœlorum componi ex numeris harmonicis, ut possent causare motus harmonigatos, ac conso-

nantes. secunda causa est, quia unumquodq; delectatur in eo quod est sibi simile, & connaturale. cum ergo uideret Pla. quod anima delectatur in rebus proportionatis, puta delectatur uisus luce tēperata, offenditur autem a luce excellenti, ut patet dum intuetur solem, et delectatur auditus sono mediocri, & consonanti, ut patet in instrumentis musicis. tristatur autem in sono acuto, ut patet in tonitruo, opinatus est, quod harmonia, & consonantia essent de natura animæ, & quod componeretur ex numeris harmonicis. patet igitur quod in Timæo loquitur principaliter de anima cœli, & quoniam secundum Plato. anima humana imitatur animam cœli. ex consequenti secundum eum, & aīæ nostræ componuntur ex numeris harmonicis. Quod qualiter sit. dicam in cap. sequenti.

C A P V T. III.

IN tertio cap. declarandum est, qui sunt numeri, ex quibus componitur anima secundum Plato. & quot proprietates habent. Dico igitur, ut habetur in Timæo, q̄ isti numeri sunt componentes animam, 1. 2. 3. 4. 8. 9. 27. et continent in se quinque proprietates. scilicet consonantiam aspectum rectum, duplicem coordinationem, identitatem, & diuersitatem, reflexionem in circulum. primo continent in se consonantiam, nam in eis reperiuntur principales consonantiæ musicales, quæ quidem sunt sex. scilicet diapason, diapente, diatesserō, & diapason, & diatesseron composita, tonus ex diapason, & diapente composita. Quod prædictæ sex consonantiæ fiant ex prædictis numeris declaratur sic. Inter unum, & duo, est diapason, quia est proportio dupla inter. 2. & 3. est diapente, quia ibi seruatur proportio sexquialtera, inter. 3. & 4. est diatesseron, quia seruatur proportio sexquitercia, inter. 3. & 9. est consonantia composita ex diapason, & diatesseron, quia ibi seruatur proportio dupla superbipartiens. nam. 8. continet bis tria, & duas unitates inter. 8. & 9. est tonus. nam ibi seruatur proportio sexquipoctaua, nam. 9. continet. 8. & octaua in partem inter. 9. &

27. est consonantia composita ex diapason, & diapente, quæ ibi seruatur proportio tripla. nam ter nouem constituunt, 27. patet ergo, quomodo in eis numeris continentur consonantiæ musicales, quæ etiam dicuntur harmoniacæ, & earum figuram infra disposui, ut uides.




Secundo continent aspectum rectum in hoc sensu, quod posterior semper excedit priorem. patet enim quod. 2. excedunt. 1. & 3. excedunt. 2. & 4. excedunt. 3. & procedet usque ad. 27. hanc autem excedentiam intendebat Pla. per aspectum rectum.

Tertio continent duplicem coordinationem. unam parium, aliam disparium. nam ex uno latere possunt omnes pares figurari. scilicet. 2. 4. 8. & ex alio latere possunt omnes impares describi. scilicet. 3. 9. 27. & nota quod apud Plat. pares di-

tuntur numeri dupli. nam. 2. continent bis. 1. & 4. bis. 2. & 8. bis. 4. impares dicuntur tripli. nam. 3. continent ter. 1. & 9. ter. 3. & 27. ter. 9. Hęc duplex coordinatio patet in figura sequenti.

Quarto cōtinetur in eis identitas, & diuerſitas. nam est identitas ex parte numerorum imparium, & diuerſitas ex pte numerorum pariū. Qd sic declaratur. Si omnes numeri impares ordinati adinuicē cōponantur, ſemper reſultabit eadē ſpecies



numeri. ſ. numerus quadratus. Dicitur autē numerus quadratus ille, qui conſurgit ex ductu alicuius numeri in ſeipſum ſemel, ut. 4. eſt numerus quadratus duorum. nam bis 2. conſtituunt. 4. & 9. eſt quadratus trium. nam ter tria conſtituunt. 9. Quod igitur ex parte imparium, ſi adinuicem comparantur ſemper ſeruetur numerus quadratus declaratur ſic. Sumatur unitas cum primo impari, qui eſt tria, ex. 1. & 3. conſtituuntur. 4. qui eſt quadratus duorum. nam bis. 2. conſtituunt. 4. deinde ſumatur ſecundus impar. ſ. 5. & componatur cum ipsis. 4. conſtituuntur. 9. qui eſt quadratus trium. nam ter tria conſtituunt. 9. deinde ſumatur 3. impar qui eſt. 7. & componatur cum ipsis. 9. conſtituuntur. 16. qui eſt quadratus. nam quater. 4. conſtituunt. 16. deinde ſumatur. 5. impar qui eſt. 9. & componatur cum 16. conſtituunt. 25. qui eſt quadratus. nam quinquies. 5. conſtituunt. 25. & ſic procedendo, & ſumēdo impares ordinate, & apponēdo priori numero quadrato ſeruetur numerus quadratus, ut patet in figura ſequenti, in qua ordi-


nantur numeri quadrati, usque ad. 100. & potest augeri
in infinitum.

1	3	4	1	4
5	4	9	2	4
7	9	16	3	4
9	16	25	4	4
11	25	36	5	4
13	36	49	6	4
15	49	64	7	4
17	64	81	8	4
19	81	100	9	4

Quod autem ex parte parium sit diuersitas declaratur
sic. Si numeri pares ordinate adinuicem componantur, con
stituuntur diuersæ species numerorum, & non una, & ea
dem, sicut seruantur in numeris imparibus. nam si sumatur
primus par. s. 2. & secundus par. s. 4. & adinuicem compo
nantur constituunt. 6. qui dicitur numerus superficialis. Si
autem sumatur tertius par. s. 6. & componatur cum prio
ri. 6. constituitur. 12. qui dicitur numerus solidus. patet er
go, quod uariatur species ex compositione numerorum pa
rium adinuicem, & sic in eis continetur diuersitas. hic non
est necesse aliquam figuram describere.

Quinto in prædictis numeris continetur reflexio quasi

circularis. nam in eis possumus procedere a paribus ad imparia, et ab imparibus ad paria, quasi reflectendo, & hoc sic declaratur. Sumatur unitas, & addat binario fiet impar. scilicet ternarius. inde addatur quaternario. fiet impar, scilicet quaternarius. inde addatur octonario fiet impar. scilicet nouenarius. ex parte uero imparium si eis ordinate addatur unitas fiet processus ad paria. nam si unitas addatur ternario fiet quaternarius. & si addatur nonario fiet denarius, et si addatur. 27. fiet uigesimalis octonarius. Patet ergo quomodo fit processus a paribus ad imparia, & ab imparibus ad paria, quasi reflexione circulari, figura huius duplicis processus patet ibi.



CAPVT. IIII.

IN quarto cap. declarandum est, quomodo istę quinque proprietates reperte in predictis numeris, reperiuntur et per similitudinem in corporibus celestibus. primo igitur reperitur in cœlo consonantia, & proportio. & hoc est respectu motuum. nam uel ex motu cœlorum causantur soni consonantes, ut tenent Pythagorici, & Platonici, uel saltem secundum Aristot. & omnes astronomos sunt motus proportionales, pro quanto omnes sphaere mouentur

regulāri, & continuo motu, ut dictum est in octauo physifi.
& planetæ uarijs temporibus perficiunt motus suos in ꝑo
diaco, puta Sol in uno anno, Luna in mense, Mars in duo
bus annis, Iupiter in quinque, Saturnus in. 30. ut patet in
tracta. de sphæra. ex his igitur uarijs temporibus, ac moti
bus deprehenditur, quod in moribus cœlorū est mira ꝑo
portio. secundo est in eis aspectus rectus. nam ꝑropter ꝑo
los mundi imaginantur astronomi, quod quædam linea
recta, quam appellant axim ꝑertranseat ꝑer centrum ter
ræ, cuius extremitates pertingunt ad primum mobile, ue
lut duo puncta, quorum alterum dicunt esse polum arcti
cum, & alterum polum antarcticum, super hos polos mo
uetur primum mobile ab oriente in occidentem, & secum ra
pit sphæras planetarum. ꝑropter igitur hanc lineā rectā,
id est axim, & motum ab oriente in occidentem, dicitur esse
aspectus rectus in cœlo. tertio est in cœlo duplex coordi
natio ꝑropter polos qui alio, & alio modo ordinantur in
cœlo. nā poli mobilis primi. s. arcticus, & antarcticus sunt
illi, super quos mouetur primū mobile, & omnes alij pla
netæ motu. raptus ab oriente in occidentem in. 24. horis.
poli uero planetarum, super quos mouentur sub ꝑodiaco
motu ꝑroꝑrio, & opposito. s. ab occidente in orientem si
uantur in alia ꝑarte cœli, ut patet in tracta. de sphæra. nam
alter est in circulo arctico, & alter in circulo antarctico,
distātq; a polis primi mobilis fere. 24. gradibus, prima igi
tur ordinatio sumatur secundum situm polorū primi mo
bilis, & secundum motum ab oriente in occidentem. secun
da ordinatio sumitur sꝑm situm polorum planetarum, &
sꝑm motū ab occidente in orientē. quarto est in cœlo idēti
tas, & diuersitas, identitas qꝑdem ꝑꝑter primum mobile,
quod mouetur unico motu, & uelocissimo, & regulāri ab
oriente in occidentem in. 24. horis. secundo est diuersitas
ꝑropter planetas qui mouentur diuersis moribus. nam in
quantum rapiuntur a primo mobili mouentur ab oriente
in occidentem quolibet die, sicut primum mobile, inquan

tum uero contra nituntur mouentur sub signis zodiaci diuersimode ab occidente in orientem, ut Luna in mēse, Sol in anno etc. quinto est in eis reflexio circularis, imo est uera circulatio. probant enim Philosophus in octauo physici. & Astronomi, quod cœlum mouetur solo motu circulari, qui est ab eodem ad idem, non quidem per lineam rectam, nec per arcum, sed per duos semicirculos, superiorem, & inferiorem, ut declarauimus in octauo physico. de his feci figuram, in qua non deprehenduntur, nisi octo cœli. non enim plures posuit Aristoteles. nec Plato. & non deprehenduntur consonantia, & motus circularis. Hæc enim significantur in materia eleuata.

CAPUT. V.

IN quinto capi. declarandum est, quomodo hæc proprietates reperiuntur in anima cœli, & ex consequenti in anima nostra, & quomodo operationes animæ simulantur motibus cœlorum.

Circa primum dico, quod in anima est consonantia, & proportio respectu suarum operationum. nam omnes potentie animæ naturaliter feruntur in actus suos secundum consonantiam, ut patet in uisu qui ex tenebra, & ex intensa luce offenditur, delectatur uero in temperate lucido, uel colorato. Item intensus calor offendit tactum. similiter intensa frigiditas, & delectatur in medio modo se habere. idem patet ex experientia in omnibus alijs potentijs, quæ offendantur extremis, & delectantur in medijs proportionatis. propter quod sapienter dixit Hyparcus, quod anima habet sensum connaturalem harmoniæ.

Secundo in anima reperitur aspectus rectus respectu rerum cognoscibilium, quæ sunt extra animam, nam alia entia, præcipue sensibilia naturalia, anima cognoscit directe, prout causant species sensibiles siue intelligibiles in potentijs animæ per quas entia ipsa directe cognoscantur.

Tertio in anima reperitur reflexio quasi circularis respectu ipsiusmet animæ prout seipsam intelligit, nam anima

non intelligit se directe, sed reflexe. dicemus enim in secundo libro quod hic est modus naturalis ipsi animæ ut primo & directe cognoscat obiecta, secundo actus, tertio potentias, quarto essentiam ipsiusmet animæ. Quia ergo hæc intellectio incipit ab anima & tendit directe ad obiecta extrinseca, & postea ab omnibus extrinsecis reuertitur ad animam, prout anima postquam cognouit alia cognoscit etiam seipsam, dicitur reflexio. Et quia hæc intellectio incipit ab eodem & reuertitur ad idē, quia incipit ab aīa & reuertitur ad animam, potest dici reflexio, quasi circularis.

Quarto reperitur in anima duplex ordinatio ppter duplicem modum cognoscendi, qui est in anima, nā est modus sentiendi & modus intelligendi, qui distinguuntur in hoc, quod sensatio est a potentia organica & circa singularia, sed intellectio est a potentia non organica, & circa uniuersalia, ut declaratur in tercio libro in tractatu de intellectu, igitur hic duplex numerus cognoscendi potest dici duplex coordinatio.

Quinto reperitur in anima identitas & diuersitas propter uarias potētiās suas, nam in potentijs intellectiuis est identitas, sunt enim simplices immateriales & organice. In potentijs uero uegetatiuis, sensitiuis, appetitiuis sensitiuis; & motiuis executiuis est diuersitas. sunt enim organice extense per accidens & materiales. Ex ijs igitur patet quomodo in anima reperiuntur quinque proprietates, quæ sunt in prædictis numeris harmoniacis, & propter hanc similitudinem proprietatum dixit Plato animam componi ex prædictis numeris.

Circa secundum quomodo operationes animæ assimulantur motibus cœlorum secūdum Platonem, sic accipe. In cœlo duplex est motus, unus ab oriente ad occidentē, qui est primi mobilis, alius ab occidente in orientem, qui est proprius planetarum, hic motus planetarum diuiditur in septem motus, eo quod sunt septem planetæ, & quilibet mouetur suo motu proprio, sic accidit in intellectu.

In tertio agitur de poten. sensitiuis exterior.

Tactatum primum diuidimus in tria capita.

In primo inuestigatur diffinitio animæ, quæ datur per materiam in qua recipitur anima.

In secundo inuestigatur diffinitio animæ quæ datur per formam, & per hanc diffinitionem demonstratur quod prima diffinitio ueræ competit animæ.

In tertio inuestigatur quomodo diuersa principia uiuendi, ut est uegetatiuum, & sensitiuum se habeant ad animā.

C A P V T. I.

In primo capite inuestigatur quid sit anima in communi, diffiniendo ipsam per materiam, in qua recipitur, & ibi sunt tria.

Primo ponuntur quædam diuisiones.

Secundo ex istis diuisionibus colligitur diffinitio animæ.

Tercio declaratur quod ipsa diffinitio sit bona.

Circa primum sit hæc prima diuisio, entium quoddam est substantia, quoddam quantitas, quoddam qualitas &c. usque ad ultimum prædicamentum.

Secunda diuisio, substantia naturalis diuiditur in materiam, formam, & compositum, ut lignum diuiditur in materiam primam, & in formam receptam in materia ligni, & ipsum lignum quod est compositum ex materia & forma, inter quæ est differentia quod materia non est ens in actu, sed est in potentia, forma uero est per quam res habet esse in actu, compositum uero est illud quod est actu, ut Socrates compositus ex materia & anima est actu homo, & est hoc aliquid, i. singulare. Quot condiciones requirantur ad hoc aliquid, iam declarauimus in compendio minori in prædicamento substantiæ, & quia forma facit rem esse actu, ideo forma dicitur esse actus, & apud Græcos appellatur *Endelechia*.

Tertia diuisio, actus est duplex, scilicet primus & secundus. Actus primus est ipsa forma siue substantialis, siue accidentalis, quæ actuatur materiam in qua est, unde forma

ignis est actus primus, sed substantialis, quia facit materiā ignis esse actū, & calor in manu est actus primus, sed accidentalis, quia facit manum esse actū calidam. Actus secundus est operatio rei, cuius principium est ipsa forma; puta sentire est actus secundus, quia est a sensu qui est actus primus, & scire est actus secundus, quia est a scientia quæ est actus primus, cum sit forma accidentalis. Etenim, quod hæc tres divisiones posite sunt ad inuestigandum genus quod ponitur in diffinitione anime. Alias tres ponit Philosophus ad inuestigandum materiā in qua recipitur anima, cum enim anima sit forma, ut dicemus, inuestigandum est in qua materia recipitur.

Prima igitur diuisio est hæc, substantiarum quædam est corporea, ut cælum, & homo, & lapis &c. quædam est incorporea, ut intelligentiæ, & Deus gloriosus, inter quas est hæc differentia, quod substantia corporea cognoscitur per sensum, cum sit quanta & subiecta accidentibus corporeis, ut sunt colores, & sapes, & figuræ &c. substantia uero incorporea solo intellectu cognoscitur & non subiicitur sensui, cum in ea non sint accidentia corporea.

Secunda diuisio, substantia corporea est duplex, quædam est naturalis, ut supra illa quæ habent in se naturam, id est principium motus & quietis, ut declaravi in primo tracta. super secundum librum Physic. quædam est artificialis, ut sunt ille quarum principium est agens artificiale, ut domus, quæ est ab ædificatore, & gladius qui est a fabro, inter quas est hæc differentia quod substantia corporea naturalis est substantia quo ad materiā & quo ad formam, ut materia prima ligni est substantia, licet in potentia, & forma ligni est substantia, sed in artificialibus sola materia est substantia, forma uero est accidens, ut in gladio ferrum est substantia, sed figura quæ est forma gladii non est substantia, sed qualitate, & ponitur in quarta specie qualitatis.

Tertia diuisio, corporum naturalium quædam uiuunt,

quædam non uiuunt, illa uiuunt quæ nutriuntur & augmentantur, ut plantæ, & animalia, quod quomodo fiat declarabo in tractatu sequenti. illa non uiuunt, quæ nec nutriuntur nec augmentur, ut elementa, & lapides, & metalla &c. Et nota quod si inueniantur aliqua inanimata nutrirî & augeri, ut ignis qui uidetur nutrirî ex lignis combustis, & lapides, qui post longum tempus uidentur facti maiores, illud nutrirî & augeri est equiuocum & improprium, ut declarabo in sequenti tractatu. Nota etiam quod illa proprie uiuunt quæ mouent seipsa, ut diximus in octauo Physico, sumendo motum etiam metaphysicum, unde quæcunque mouent se motu locali, uel motu nutritionis & augmenti dñr uiuere, similiter quæcunque mouet se motu metaphysico, dato casu quod non moueantur, aliquo motu physico dicuntur uiuere & hoc modo intelligētiæ & Deus gloriosus dicuntur uiuere, quia licet non nutriantur nec augentur nec moueantur secundum locum, tamen intelligūt & uolūt qui sunt motus metaphy. & sic dicunt uiuere.

Secundo principaliter ex ijs diuisionibus sic colligitur diffinitio animæ. Anima est actus primus corporis physici organici potentia uitam habentis, hæc diffinitio declaratur quo ad singulas partes. primo dicitur quod est actus, et probatur sic, omnis substantia naturalis aut est materia, aut forma, aut compositum, ut dictum est supra, sed anima non est materia puta corpus, quia anima recipitur in materia puta in corpore, sed materia non recipitur in materia, nec corpus in corpore, immo potius materia in se recipit aliquid quam recipiatur in alio. ergo anima non est materia nec corpus, nec est compositum, quia compositum ex anima & corpore est illud quod uiuit, sed anima non est id quod uiuit, sed est id quo animatum compositum uiuit. ergo anima nō est cōpositum. ergo a sufficienti diuisione est forma, sed forma est actus, quia forma dat esse actu rei cuius est forma, ut anima facit Socratem esse actu hominem. ergo conuenienter dicitur quod anima est actus,

secundo dicitur quod est actus primus, idest substantialis & probatur sic, anima dat esse actu simpliciter rei animatae quæ solum erat in potentia. ergo est actus substantialis, probatur consequentia, quia hæc est differentia inter actum substantialem & actum accidentalem, quia actus, idest forma substantialis facit rem esse actu simpliciter, quæ prius erat solum in potentia, actus uero, idest forma accidentalis facit rem esse secundum quid, idest secundum aliud quod accidens, puta calor facit manum esse actu, non quidem absolute, quia iam est actu substantia, sed facit ipsam esse actu calidam. si ergo anima facit rem animatam esse actu simpliciter, cum solum in potentia esset sequitur quod est actus primus. i. forma substantialis, tertio dicitur corporis physici, quod probatur, cum omnis anima recipiatur in corpore ut forma in sua materia. ergo uel incipitur in corpore physico. i. naturali, uel in corpore artificiali, non in secundo, quia nobiliori corpori debetur nobilior forma, sed corpus physicum est nobilius artificiali, cum sit substantia quo ad materiam & quo ad formam, ut dictum est supra. ergo corpori naturali debetur nobilior forma, quæ est anima, est enim nobilior inter omnes formas receptas in materia, ut dicemus infra. ergo anima est actus primus corporis physici & non artificialis, quarto dicitur organici. unde nota quod corporum naturalium quædam sunt organica, quædam non. Corpora organica sunt illa quæ habent diuersa instrumenta & uarias partes propter exercenda uaria opera quæ competunt rei, ut corpus hominis est organicum, habet enim diuersa instrumenta ut diuersas operationes exerceat, puta habet oculos ut uideat, linguam ut loquatur &c. Corpora non organica sunt illa quæ non habent diuersas partes propter diuersas operationes exercendas, ut corpus lapidis, & terræ, & aliorum inanimatorum, probatur uero quod anima sit actus primus corporis physici organici sic, anima planetarum est in corpore organico. ergo multo magis anima sensitiua, consequens

tia est manifesta, quia si anima imperfecta, ut uegetatiua, est in corpore organico, a maiori anima perfectior, ut anima sensitua, est in corpore organico. Antecedens uero probatur sic, In plāta sunt diuersæ partes propter diuersa opera, ut sunt radices loco oris ut attrahat nutrimentum ex terra, & est cortex ut protegat truncum, & sunt folia ut protegat fructum. ergo anima plantarum est actus corporis organici. Vltimo dicitur uitam in potentia habentis quod sic declaratur.

Vita sumitur dupliciter, primo pro esse uiuo, secundo pro operatione uitæ, & audire, nutrire, uidere &c. Corpus physicum organicum habet uitam actu.

Sumendo uitam, [primo modo], quia actu uiuificatur ab anima. Si uero sumatur uita, secundo modo, sic nō semper habet uitam actu, idest operationem uitæ, non enim corpus animalis semper sentit, nec semper mouetur, sed potest sentire & se mouere, sic licet in oculo semper sit potentia uisua, non tamen semper actu uidet, ut patet dum animal dormit. Sic ergo intelligatur quod anima est actus primus corporis physici organici, idest habentis operationes uitæ in potentia, licet actu habeat animam, qua actu semper uiuificatur. Hæc diffinitio animæ sic declarata conuenit cuilibet generi animarum. Nam uegetatiua in plantis est actus primus corporis physici organici, quod est corpus plantæ, similiter anima sensitua est actus corporis organici, quod est corpus animalis, similiter intellectiua est actus &c. quod est corpus humanum. Quomodo autem distinguantur ab inuicem declarabimus in quarto capite. Hæc de primo capite sufficiant.

CAPVT II.

IN HOC secundo capite danda est diffinitio animæ per causam formalem, & per hanc demonstrabitur prima diffinitio data per materiam, & ibi fient tria. Pri-

mo ponitur, secunda diffinitio. Secundo per eam demonstratur diffinitio prius data. Tercio declaratur quod hoc conuenienter fit.

Circa primum ponitur talis diffinitio, anima est principium uegetandi & sentiendi, & mouendi secundum locum, & intelligendi. Hæc diffinitio declaratur sic. Genera uiuentium sunt .4. quædam sunt quæ solum nutriuntur & augmentantur, sed non sentiunt. Et hæc uocantur uiuentia uegetabilia ut plantæ, quædam uegetantur & sentiunt, sed non mouentur secundum locum, immo semper manent in eodem loco in quo generantur, & hæc dicuntur animalia imperfecta, ut ostrea & concha quæ generantur in mari, quædam uegetantur & sentiunt et mouentur secundum locum ad quærendum cibum suum. Et hæc dicuntur animalia perfecta, ut leo canis &c. Quædam uegetantur & sentiunt, & mouentur secundum locum, & intelligunt & dicuntur animalia rationalia, in rebus corporeis non inueniuntur plura genera uiuentium. Suppositis his gradibus probatur quod anima sit principium uegetandi, i. nutriendi & augendi in plantis. Et similiter in quolibet genere uiuentium, nam principium nutriendi & augendi, aut est anima aut natura, non natura, quoniam natura solum mouet ad unam differentiam loci, puta sursum, ut natura ignis mouet ignem solum sursum, & natura lapidis mouet lapidem solum deorsum, sed uegetabilia non solum augentur quantum ad unam differentiam loci, puta sursum, sed ad differentias oppositas. Nam quo ad ramos augentur sursum, quo ad radices augentur deorsum, profundantur. n. radices in terram. ergo natura non est principium nutriendi & augmenti in uegetabilibus, sed anima, quod sit principium quo sentiunt animalia, & mouentur secundum locum & nos intelligimus relinquitur, ut manifestum, quoniam post separationem animæ a corpore nec sentit animal nec se mouet secundum locum, nec homo intelligit, patet ergo quod anima est principium, & causa formalis
qua

qua uiuimus, sentimus mouemur fm locū & intelligimus.

Secundo ex hac diffinitione sic demonstratur prima diffinitio, principium quo formaliter uiuimus sentimus mouemur secundum locum est actus primus corporis physici organici, sed anima est principium quo formaliter uiuimus sentimus &c. ut declaratum est. ergo anima est actus primus corporis physici &c. Maior sic probatur, principium quo formaliter uiuimus, aut est materia, aut forma aut compositum, puta principium quo Socrates uiuit, aut est corpus Socratis. Et hoc non, quia corpus est, ut materia in quo recipitur uita, ergo non dat uitam, aut est ipse Socrates, & hoc non, quia Socrates est ille qui uiuit. ergo non est principium quo ipse Socrates uiuit. Relinquitur ergo a sufficienti diuisione quod principium quo aliquid uiuit sit forma sua, sed forma est actus, ut declaratum est supra. ergo principium quo formaliter uiuimus est actus primus corporis physici organici. Et sic maior probata est. Minor uero est diffinitio animæ inuestigata a philosopho.

Tertio declaratur, quod hoc conuenienter actum sit, scilicet demonstrare primam diffinitionem per secundam, Vnde nota secundum philosophum in primo poste. quod quando de una re dantur duæ diffinitiones, puta de domo, datur una diffinitio, quæ est per materiam sic, domus est quid compositum ex lapidibus & cemento & tecto, secunda datur per causam finalem sic, domus est quid defendens nos a frigore pluuiæ et æstu. Et illa quæ datur per causam formalem uel finalem, est medium ad demonstrandum, eam quæ datur per causam materialem sic arguendo, omne defendens nos a frigore pluuiæ & æstu est compositum ex lapidibus cemento & tecto, sed domus est defendens nos a frigore pluuiæ & æstu, ergo domus est quid compositum ex lapidibus lignis & cemento &c. unde dixit Aristoteles in primo poste. quod diffinitio aut est conclusio, aut est demonstratio sola positione, id est ordine differens, quod qualiter intelligatur declarauimus in compendio maiori super

primum librum poster. sic in proposito, Aristo. dedit duas diffinitiones de anima. Prima fuit per materiam, nam corpus physsi. organicū est materia in qua recipitur aīa sicut natus est materia in qua recipitur simitas. Secūda fuit per cām formālē, quia aīa est principiū formale, quo uiuit animatū uel sentit, uel mouetur fm locū &c. Sicut scientia est principiū formale quo scimus, & albedo est principium formale quo sumus albi, conuenienter igitur philosophus demonstrauit primam diffinitionem per secundam.

Et nota quod hęc demonstratio, non est propter quid sed quia, procedit enim ab effectu nobis. magis noto, qui est uegetare sentire &c. Similiter, secunda diffinitio data de anima, non est uera & propria diffinitio, sed potius descriptio, quando enim res notificatur, per operationē suā, tunc describitur, ut declarauī in compendio minori in tractatu de locis, cum igitur in secunda diffinitione notificetur anima per operationes suas, quæ sunt uegetare sentire &c. potius dicenda est descriptio quam diffinitio. Hęc de secundo capite sufficiant.

C A P V T . I I I .

IN tertio capite discutiendum est, quomodo hęc principia diuersa uiuendi, se habent ad animam et ad seinuicē, unde hic quæruntur duo secūdum philosophum, primo Quæritur utrum uegetatiuum & sensitiuum & intellectiuium, sint diuersæ animæ an sit distinctæ potentia, quæ tamen sint in eadem anima, secundo queritur utrum omnes istæ potentia sint in eadem parte rei animatæ, puta in capite uel in corde &c. uel sint in diuersis partibus rei aiata.

Ad primum respondet philosophus quod quando in re animata, est tantum unum principium uiuendi, puta solū uegetatiuum, tunc tale principium est anima, unde in plantis uegetatiuum est anima & non potentia, quādo autem in re animata sunt plura principia uiuendi, ut in animali in quo est uegetatiuum, & sensitiuum & motiuum secundū locum, talia principia sunt potentia & non sunt anima, sed

denominamus animam talis animati a nobiliori potentia ut anima quæ est in animali dicitur anima sensitiva a potentia sensitiva, quæ est nobilior quam vegetativa, similiter denominatur anima, quæ est in homine, anima intellectiva a potentia intellectiva, quæ est nobilior alijs.

Ad secundum respondet philosophus, duabus conclusionibus. Prima est, in animatis vegetativis, idest in plantis & in animalibus imperfectis, ut sunt vermes, & lacerta, & uespe &c. potentia vegetativa, & potentia sensitiva, & motiva secundum locum, & appetitiva, non distinguuntur subiecto, sed sunt in eadem parte ipsius animati. Hæc probatur primo quo ad plantas. Nam in omni parte ipsius plantæ, est potentia nutritiva, patet enim quod omnis pars plantæ vivificatur & virescit, ergo nutritur, & in omni parte ipsius plantæ est potentia augmentativa, quia proportionally omnis pars plantæ crescit. ergo potentia vegetativa non distinguuntur subiecto in plantis, sed sunt in eadem parte ipsius plantæ, secundo probatur quo ad animalia imperfecta. Nam videmus in cauda lacertæ decisa quod movetur secundum locum, quod si sentit aliquod conveniens delectatur, si vero sentit disconveniens tristatur, puta si sentiat ignem, aut rem pungentem, sed delectatio & tristitia sunt in appetitu, ut dicemus in 3. lib. ergo vegetativum, & sensitivum, & motivum secundum locum, & appetitivum, non distinguuntur subiecto, sed sunt in eadem parte animalis.

Secunda conclusio, potentia intellectiva, quæ dividitur in intellectum agentem, & possibilem, distinguitur subiecto ab omnibus prædictis potentijs. probatur sic, omnes potentia prædictæ sunt affixæ organo corporeis, ut dicemus infra, sed potentia intellectiva, ut probatur in tertio libro non est affixa organo corporeo, ergo non est in eodem subiecto, in quo est vegetativa, & sensitiva. Præterea prædictæ potentia, ut dicemus infra, sunt potentia totius animati, sed intellectus est potentia solius animæ, ergo distinguuntur subiecto.

36 TRACTA. II. V.
SVPER SECVNDVM LIBRVM
de anima tractatus secundus.



IN HOC secundo tractatu agendum est de potentijs anime in communi, & de parte uegetatiua, unde diuidimus eum in quatuor capita.

Primo declarabitur quot sint genera potentialium animæ.

Secundo ostendetur, quo ordine tractandum est de potentijs animæ.

Tertio describetur arbor, in qua continentur suo ordine omnes potentie animæ.

Quarto determinabitur de potentia uegetatiua, & de speciebus suis ex consequenti de anima uegetatiua.

CAPVT. I.

Circa primum caput ut plenior habeatur cognitio dicemus quot sunt genera animarum, et quot sunt modi uiuendi, & quot sunt genera potentialium animæ.

Circa primum nota quod genus animarum est triplex, nam quedam est uegetatiua, & hæc est in plantis, quedam est sensitua, & hæc est in omnibus animalibus, quedam est intellectiua, & hæc est in solis hominibus, quarum hæc est sufficientia. Cum anima sit principium operationum uitæ, ut patet per secundam suam definitionem supra positam, quotuplex erit opus uitæ, totuplex est anima, sed opus uitæ est triplex.

Primum est illud quod exercetur per organum corporeum, & per qualitates corporeas, quæ sunt calor frigiditas humiditas & siccitas, causatur tamen a principio intrinseco, ut nutrire exercetur per organum corporeum, puta per stomachum, & per qualitatem corpoream, puta per calorem naturalem decoquentem cibum in stomacho, tamen est causatum ipsum nutrire a principio intrinseco, id est ab anima uegetatiua, quæ est intrinseca rei animatæ ut

forma sua. Et in hoc distinguitur ab opere rei inanimatæ, nã ois operatio rei inanimatæ est a principio extrinseco, puta operatio quæ est in graui & leui est a generante, & operatio quæ est in coelo, est ab intelligentia mouente, secundum ergo hoc opus uitæ, sumitur primum genus animæ quod est anima uegetatiua.

Secundum opus uitæ est illud quod exercetur per organum corporeum & causatur a principio intrinseco, sine tamen primis qualitatibus corporeis, ut sentire puta uidere exercetur per organum corporeum, ut per oculum, & a principio intrinseco, idest ab anima, & sine qualitate corporea, non enim fit sensatio per calorem, uel frigiditatem, sed solum quia recipitur intentionaliter species rei sensibilis, in organo sensus, ut declarabitur, & hoc opus uitæ est ab anima sensitua.

Tertium opus uitæ est illud, quod exercetur sine organo corporeo, & a principio intrinseco, sine tamen omni qualitate sensibili & sine conditionibus indiuiduantibus, ut intelligere fit ab anima sine organo corporeo, quia intellectus non est affixus alicui organo corporeo, ut probatur in tertio libro, & est a principio intrinseco, idest ab anima, & sine qualitate sensibili. Non enim intellectus intelligit rem, puta lapidem, in quantum est albus, aut calidus, aut durus, Et sine conditionibus indiuiduantibus, non enim intelligit lapidem, in quantum est hic uel hic lapis, nec in quantum habet hanc uel hanc quantitatem, sed solum intelligit in uniuersali in quantum est lapis & in quantum est substantia corporea inanimata &c. Et hoc opus est ab anima intellectiua, patet ergo quod tres sunt animæ, quarum prima est imperfecta, quia est propinqua formæ rei inanimatæ, secunda est perfectior, quia opus suum quod est sentire est immaterialius, quia nō exercetur per qualitates corporeas, tertia est perfectissima quia opus suum quod est intelligere est maxime immateriale, cum non sit per organum materiale, & in hoc assimilatur substantijs separa-

is quæ sunt imateriales, & in nullo corpore recipiuntur.

Secundo uidendum est quot sunt modi uiuendi uel genera uiuentium, & dico quod sunt quatuor, scilicet uegetatiuum sensituium motuium secundum locum, & intellectuium. Quorum sufficientia est hæc. Genera uiuentium distinguuntur secundum diuersos gradus uiuentium, qui sunt tantum quatuor, quia primus est eorum, quæ solum habent principium uegetatiuum, ut est nutrire seipsum & augeri, & generare sibi simile. Et sic plantæ sunt primum genus uiuentium. Secundus est eorum quæ habent in se principium uegetatiuum & sensituium, sed non mouetur de loco ad locum, immo semper permanent in loco ubi producta sunt, & sic animalia imperfecta, ut ostrea & conchilia sunt secundum genus uiuentium. Tertius est eorum, quæ habent in se principium uegetatiuum sensituium, & motuium secundum locum. Et sic animalia perfecta, ut canis & leo &c. Sunt tertium genus uiuentium. Quartus est eorum, quæ habent in se principium uegetatiuum, & sensituium, & motuium secundum locum, & intellectuium. Et sic homo est quartum genus uiuentium, sumendo genus largo modo, pro qualibet multitudine. Si autem queratur quare appetituum non facit quintum genus uiuentium. Respondetur secundum philosophum, quod hæc est, quia appetituum est in omni uiuente, in quo est sensituium. Nam omne animal dum sentit & similiter homo, uel sentit aliud quod conueniens. Et sic sequitur delectatio, uel sentit aliud quod disconueniens & nocuum, sic sequitur tristitia, sed delectatio & tristitia sunt in appetitu sensituiuo in quo sunt aliæ passionēs, ut dicam in tertio libro, cum ergo in omni animali imperfecto & perfecto, & in homine sit sensituium, ergo etiam est appetituum. Et sic non facit genus quintum uiuentium, distinctum a quatuor prædictis.

Tertio uidendum est quod sunt genera potentiarum animæ sub quibus omnes aliæ particulares potentie collocantur, & dico quod sunt quinque, scilicet uegetatiuum,

sensituum, appetituum, motuum secundum locum, intellectuum, quarum sufficientia est hæc, potentia distinguitur secundum distinctionem sui obiecti, sicut scientia distinguitur secundum distinctionem sui subiecti, obiectum autem potentiarum animæ quintupliciter consideratur. Primo in quantum est corpus unitum ipsi potentie, & sic circa ipsum est potentia uegetatiua. Nam potentia hæc solum nutrit corpus in quo est, & auget. Secundo consideratur in quantum est corpus unibile ipsi potentie non quidem secundum suum esse reale, sed per speciem sensibile receptam in organo sensus, & sic circa ipsum est potentia sensitua. Nam res sensibilis non unitur sensui secundum se, sed solum secundum suam similitudinem, uerbi gratia. Ad hoc quod uideam lapidem, non est necesse, quod lapis tangat oculum meum, sed solum quod similitudo lapidis recipiatur in oculo sicut recipitur in speculo. Terrio consideratur in quantum est ens unibile ipsi potentie secundum suam speciem intelligibilem representantem rem in uniuersali & sine conditionibus indiuiduantibus, quod qualiter fiat dicemus in tertio libro & circa ipsum uersatur potentia intellectiua. De hac pertransco usque ad tertium librum. Quarto consideratur in quantum trahit ad se animam, ut quoddam amatum & desideratum, & circa ipsum est potentia appetitiua. Bonum enim quod est obiectum appetitus trahit ad sui amorem animam desiderantem, immo & ipsum animal desiderans, & sic circa ipsum est potentia appetitiua. Quinto consideratur in quantum terminat motum localem ipsius animalis perfecti, quod mouetur de loco ad locum ut necessaria suæ uitæ acquirat, & sic circa ipsum uersatur potentia motiua secundum locum. Pater igitur quare sunt quinque genera potentiarum. Hæc de primo capite sufficiant.

CAP V T. II.

CIta secundum caput declarandum est quo ordine sit tractandum de prædictis generibus potentiarum, p

pter quod ponuntur duæ conclusiones.

Prima est, prius agendum est de uegetatiuo quam de sensituiuo, est enim magis commune, quia omnia uiuentia inferiora uegetantur, sed non omnia sentiunt, ut patet in plantis, & prius agendum est de sensituiuo quam de motiuo secundum locum eadem ratione, nam omne animal sentit, non tamen mouetur secundum locum, ut patet in animalibus imperfectis, ut in ostrea &c. Et prius agendū est de motiuo secundum locum quam de intellectuio, quia est minus commune. In omnibus enim uiuentibus corruptibilibus in quibus est intellectus, est etiam uegetatiua, & sensitua, & motiua secundum locum, ut patet in hominibus, non tamen in omnibus in quibus est uege. & sens. & moti. est intellectus, ut patet in animalibus irrōnabilibus, ergo intellectum est minus commune, conuenit enim soli homini inter omnia animalia. Dixi autem in uiuentibus corruptibilibus ut excludam substantias separatas in quibus est intellectus, & tamen non habent uegetatiuam potentiam, quia ut incorruptibiles non indigent nutritione, nec habent sensituum nec motuum secundum locum, cum sint incorporeæ, & licet dicantur angeli moueri secundum locum, ille motus non est physicus, quia omne mobile motu physico est corpus, sed mouentur motu metaphysico, ut habet declarari in sacra Theologia.

Secunda conclusio. Si uolumus de ijs potentijs habere notitiam prius agendum est de earum obiectis, secundo de actibus, tertio de ipsis potentijs, & per ipsas potentias cognoscemus substantiam animæ, uerbi gratia prius agendum est de colore quod est obiectum uisus quam de uisu, postea per ipsum uisum & alias potentias sensitivas cognoscemus substantiam animæ sensitivæ. Hæc conclusio probatur sic. Prius tractandum est de eo quod ponitur in definitione actus & potentiæ quam de actu & potentia, ut prius tractandum est de aiali quod de homine, animal enim ponitur in definitione hominis, sed obiectum ponitur in dif-

finitione actus, puta si uolo diffinire actum qui est uidere, diffiniam per ipsum uisibile, quod est obiectum uisus. ergo prius tractandum est de obiecto, q̃ de actu, item actus ponitur in diffinitione potentiae. nam potentia, ut dicitur in quinto metaphy. est principium agendi, uel patiendi, ut uisus est principium uidendi. in hoc quod dico agendi inducitur actus. ergo prius agendum est de actu, quam de potentia, item per proprias passiones ipsius anime, & per eas ultimate cognoscemus substantiam animae, ut per potentias uegetatiuas cognoscemus animam uege. & per sensitivas animam sensitiuam etc. Hoc ergo ordine seruato prius agemus de potētia uegetatiua iuxta primam conclusionem, & prius de obiecto potentiae uegetatiuae, iuxta secundam conclusionem. Hæc de secundo capi. sufficiant.

CAPVT. III.

IN tertio capi. describenda est arbor, in qua continentur omnes potentiae animae suo ordine, sicincipientes. Animae tres sunt, uegetatiua, sensitua, intellectiua. Genera uiuentium sunt quatuor, uegetatiuum, sensitiuū, motiuum, secundum locum intellectiuis. Genera potentiarum sunt quinque, uegetatiuum, sensitiuum, motiuum secundum locum, intellectiuis appetitiuis. Potentiae uegetatiuae sunt tres, nutritiua, augmentatiua, generatiua. Nutritiua habet quatuor uires sibi deferuientes, s. attractiuam, retentiua, digestiuam, expulsiua. Augmentatiua nullam habet sibi deferuientem. Generatiua habet tres uires sibi deferuientes, s. seminariuam, immutatiua, formatiua. Potentia sensitua est duplex, s. exterior. & interior. Sensitiua exterior diuiditur in quinque, in uisum, auditum, odoratum, gustum, & tactum, Sensitiua interior diuiditur in quatuor secundum Commen. & bea. Tho. s. in sensum cōmunem, phantasiā, cogitatiua, memoratiua. potētia motiua secundum locum est duplex, s. p̃gressiua, & dilatoriua, uel restrictiua. potentia intellectiua est duplex, s. intellectus pas-

sibilis, & intellectus agens. potentia appetitiua est duplex
 .i. appetitus intellectiuius, & appetitus sensituius. Appeti-
 tus intellectiuius est ipsa uoluntas, & liberum arbitrium,
 quod est eadem potentia cum uoluntate, quod declarabi-
 tur infra. Appetitus sensituius est duplex. i. concupiscibilis,
 & irascibilis, in quibus sunt undecim passiones, ut declara-
 bitur infra. Hæc est summa potentiarum animæ secun-
 dum uiam thomisticam.

C A P V T . I I I I .

IN quarto cap. tractandum est de potentia uegetatiua,
 & de speciebus suis. Est enim primum genus potentia-
 rum, & magis commune, ut supra diximus. ergo ab ea,
 ut a priori inchoandum est. & ibi dicemus quatuor.

Primo de obiecto.

Secundo de actibus.

Tertio de potentijs.

Quarto de animæ uegetatiua.

Circa primum nota, quod obiectum potentie uegeta-
 tiuæ dicitur alimentum, uel nutrimentum, quod tripliciter
 consideratur. Primo inquantū conuertitur in substantiam
 nutriti. uerbi gratia consideratur panis, ut per decoctionem
 caloris naturalis in stomacho conuertitur in carnē, & san-
 guinem hominis comedentis, ut homo non deficiat, et con-
 seruetur in esse uiuo. & sic alimentum est obiectum circa
 quod operatur potentia nutritiua, & sic definitur. Alimen-
 tum est illud, quod est in potentia, ut conuertatur in sub-
 stantiam rei nutritæ, ut conseruetur in esse uiuo.

Secundo consideratur secundum quod est quantum,
 quodlibet enim alimentum est corpus, et est compositum
 ex quatuor elementis: quia secundum philosophum ex eis-
 dem componitur animatum, & ex eisdem nutritur, sed ani-
 mata componuntur ex quatuor elementis. ergo ex eisdem
 nutriuntur, secundum ergo quod alimentum est quantum
 est augmentatiuum rei animatæ, quia quantum additum
 quanto, facit magis quantum quod est augere. unde alimen-

tum, ut est quantū, & corpus est causa augmenti in re animata, & hoc modo alimentum est obiectum, circa quod operatur potentia augmentatiua, & sic diffinitur. Alimentum est illud quod est augmentatiuum rei animatæ, ut ad debitam quantitatem deueniat.

Tertio consideratur, ut est superfluum, uel superabundans rei animatæ post nutritionem suā, uerbi gratia si Socrates comedit duos panes, isti duo panes decocti in stomacho, & digesti per uirtutem caloris naturalis dicuntur alimentum actu ipsius Socratis. dico actu, quia cibus an re quam sit digestus non dicitur alimentum actu, quia non sine mora potest conuerteri in substantiam rei nutritæ. natura igitur per potentiam nutritiuam conuertit partem huius alimenti in substantiam ipsius Socratis, & per potentiam augmentatiuam apponit partem ad augmentum ipsius Socratis, si debitam quantitatem nondum adeptus est, puta usque ad 21. annum, quod si de ipso alimento actu adhuc superest, tunc natura per potentiam generatiuam conseruat illam partem superabundantem in uasis seminalibus, quæ dicuntur membra genitalia, ut per illam partem possit animal sibi simile in specie generare. & sic circa ipsum alimentum superabundans operatur potentia generatiua. Et nota quod illud elementum superabundans dicitur semen. Quod sic diffinitur, semen est superfluum alimenti. i. est pars alimenti, quod ordinatur ad generandum sibi simile in specie. Ex his patet quid sit alimentum, & quomodo circa ipsum diuersimode operantur nutritiua, augmentatiua, & generatiua.

Secundo tractandum est de actibus harum potentiarum qui sunt nutrire, augere, et generare. Et dicemus duobus primo quid sit, secundo probatur quod sunt ab anima principaliter, & non a qualitatibus elementorum.

Circa primum nota, quod nutritio proprie dicta sic diffinitur. Nutritio est conuersio alimenti in substantiam rei nutritæ, & hæc diffinitio competit soli rei uiuenti, quæ pro-

prie nutritur. Nullum enim inanimatū uere nutritur, quia per calorem naturalem nihil conuertitur in substantiā rei inanimatæ, licet sit instantia de igne, qui uidetur nutrirī ex lignis, & alijs combustibilibus. Sed quomodo id cōtingat declarabitur in solutione argumentorum. Augmētum sic diffinitur. Augmentum proprie est per conuersionem nutrimenti deductio rei uiuentis a minori ad maiorem quantitatem. & hæc diffinitio etiam competit soli rei animatæ, quæ sola proprie augetur. unde nota, quod augmentum sumitur dupliciter. primo cōiter, & sic diffinitur. Augmentum est præexistenti quātitati additamentum. & secundum hunc modum dicuntur inanimata augeri, puta si lineæ bicubitæ addatur cubitus dicetur aucta augmento communiter dicto. Secundo sumitur, ppriæ, & diffinitur sic. Augmentum est maioritas facta in priori, quanto per conuersionem alimenti in substantiam aucti, & sic conuenit solis animatis. non enim quando augetur paries conuertitur lapis in substantiam parietis, sed solum per ædificatorem apponitur lapis lapidi.

Nota tamen, quod hic est instantia de igne, qui uidetur augeri ex hoc, quod ligna combusta transeant in substantiā ipsius ignis, sed hoc declarabitur in solutione argumentorum. Generatio uero sic diffinitur. Generatio est a principio intrinseco rei productio similis in specie ipsi generanti. & hæc diffinitio competit soli rei uiuēti. unde nota, quod sumitur dupliciter. primo pro omni mutatione, quæ est a non esse ad esse, siue sit a principio extrinseco, siue intrinseco. & hoc modo agitur de ea in quinto lib. physico. & est communis rei inanimatæ, unde hoc modo lapis dicitur generari, quia producitur a non esse ad esse a principio extrinseco, puta a cœlo, secundo sumitur pro productione rei a principio intrinseco ipsi rei genitæ, puta quando generatur puer producitur a uirtute, quæ est in semine ministrato a patre generante, & illud semen secundum uirtutem remanet in puero genito, & per hoc dicitur generari a principio.

Intrinfeco, & hoc modo generatio competit soli rei uiuenti, & sic de ea agitur in libro de anima. Patet igitur quod sint actus potentiarum uegetatiuarum.

Secundo probandum est, quod isti actus sunt principaliter ab anima uegetatiua. dico principaliter quia instrumentali-ter fiunt a calore naturali, qui habet actionem ignis uirtualiter, quæ actio est decoctio. antequam enim alimētum conuertatur in substantiam nutriti. necesse est quod decoquatur in stomacho, & decoctio attribuitur igni formaliter, aut igni uirtualiter, qui est calor naturalis. loquendo ergo instrumentaliter nutritio, & augmentum sunt a calore naturali. principaliter uero sunt ab aīa, sicut gladius principaliter fit ab arte, quæ est in mente artificis, instrumentaliter uero fit a maleo. Quod autem principaliter sint ab anima, probatur sic. Actio naturalis principaliter attribuitur forme, quia unumquodque operatur inquantū habet formam, ut patet etiā in artificiatīs, in quibus nulla est operatio, nisi forma artificiatī sit in mente artificis, puta artifex nūquam produceret gladium, nisi in mente sua haberet formā gladii, sed anima est forma rei uiuentis, ut pbatum est supra. ergo anima est principaliter causa operationū naturalium, quæ sunt in uiuente. s. nutrire, augere, generare. Præterea anima est illa, quæ requirit tantam quantitatem in re uiuente, ita quod in qualibet specie datur maximum, & minimum corpus, in quo potest recipi anima intellectiua. & etiā minimum, ut dictum est in secundo tracta. super primū physic. ergo anima est illa, quæ principaliter est causa augmenti. & per consequens etiam nutritionis. ad quam sequitur augmentum. Præterea actio, quæ est naturalissima omnibus, & solis uiuentibus, principaliter est ab anima uegetatiua, sed generare sibi simile in specie est actio, quæ conuenit omnibus, & solis uiuentibus, ut paret quod plantæ generant sibi simile in specie sua, & animalia, & homines. ergo hæc actio, quæ est generare, competit principaliter animæ uegetatiuæ. Nota tamen secundum philosophum, quod

ad hoc, ut omne uiuens generet sibi simile in specie tria requiruntur. primo quod sit competentis ætatis, & ideo pueri nō possunt generare propter ætatē suam imperfectam. secundo quod non sit orbatum. i. priuatum aliquo mēbro requisito ad generationem. & ideo eunuchi nō possunt generare. tertio quod non sit productum ex putrefactione, ut uermis. licet enim aliqua producta ex putrefactione possint generare sibi simile, puta mus productus ex putrefactione potest producere alium murem. non tamen omnia sic producta possunt pducere sibi simile, puta musca non generat forte muscam, sed omnes producuntur ex aliqua materia putrefacta. patet igitur quid sint actiones potētiarum uegetatiuarum. & quomodo principaliter sunt ab anima, instrumentaliter uero sunt a calore naturali.

Tertio principaliter agendum est de potētīs uegetatiuis, quæ sunt nutritiua, augmentatiua, generatiua. Vnde nota quod nutritiua data est ipsi rei uiuenti, ut debito tempore, puta. 10. aut. 20. aut. 60. annis, uel plus. sed solum quod competit unicuique speciei conseruetur in esse uiuo. nā cum resoluitur substantia rei uiuentis, sicut oleum resoluitur, et cōsumitur in lāpade ab igne, nisi per potētiā nutritiuam conuerteretur alimentum in substantiam rei nutritiuam, ut fiat restauratio de eo, quod est consumptum, cito uiuēs deficeret, & corrumpetur, sicut si non fieret appositio in lāpade per aliud oleum, cito lumen lāpadis deficeret. & hinc est quod uidemus hominem nō posse plus, q̄ per tres, aut sex dies sine cibo uiuere, quoniam continue consumit substantia corporis sui, & cum non fiat restauratio per cibum nouum, ideo tandem moritur. Augmētatiua uero data est ipsi rei uiuenti, ut ad debitam quantitatem deueniat secundum conuenientiam suæ speciei. nam cum uiuentia ex paruo semine generentur, etiam cum parua quātitate nascuntur. & ideo ut ad conuenientem quantitatem deducantur data est eis potētia augmentatiua. Generatiua uero data est, ut perpetuetur species rei uiuentis, quia enim omne in-

Spiduum rerum uiuentium inferiorum est corruptibile, nisi per generationem produceret sibi simile in specie, cito species deficeret, & ideo pulchre inquit Auer. in secundo de anima. commen. 34. Sollicitudo diuina, cum non potuerit facere ipsum uiuens permanere. i. perpetuari secundum indiuiduum miserata est, in dando ei uirtutē generatiuam, qua potest permanere in specie. Hæc ille. Patet igitur ad quid potentiæ uegetiui date sunt omnibus uiuentibus corruptibilibus, ut autem potentia nutritiua possit alimentum conuertere in substantiam nutriti, date sunt ei quatuor uires ei deseruiens secundum Auicem. prima est attractiua, cuius officium est appetere, & attrahere nutrimentum ad stomachum, uel ad locum, qui sit loco stomachi, nisi n. animal appeteret cibum nūquam comederet, & sic deficeret. secunda dicitur retentiua, cuius officium est tam diu retinere cibum in stomacho, quādiu decoquatur, unde quando hæc uirtus debilitatur animal patit. uomitum, ut patet in infirmo graui. Tertia dicitur digestiua, cuius officium est digerere, & decoquere nutrimentū retētum in stomacho, ut post conuertatur in substantiam nutriti. Quarta dicitur, expulsiua, cuius officium est expellere partes crassas, uel superfluas nutrimenti. Nullus est enim cibus, in quo non sit aliqua pars non conuertibilis in substantiam nutriti, & ideo, ille partes expelluntur uarijs modis, partim stercore, partim urina, partim sputo, partim sudore etc.

Augmentariua nullas habet sibi deseruiens, quoniam, simul cum nutritiua, & omnibus quatuor suis uiribus, potens est ad extendendum omnia membra corporis proportionabiliter, & sic causatur augmentum.

Generatiua tres uirtutes habet sibi deseruiens. prima dicitur seminatiua, cuius officium est ex alimento supabundanti, de quo datum est supra colligere semen, & illud reseruare in partibus genitalibus. secunda dicitur immutariua, cuius officium est permiscere semina masculi, & femina, & contemperare, secundum quod expedit formationi.

cuiuslibet membri in eo quod generatur. tertia dicitur formatiua, cuius officium est ex seminibus sic p̄mixtis, membra omnia in eo quod generatur formare, & configurare. Hæc de potentijs uegetatiuis sufficiant.

Quarto principaliter declarandum est, quid sit anima uegetatiua, & sic diffinitur ab Arist. Anima uegetatiua est illa, quæ est generatiua alterius, quod est eiusdem speciei cum suo generante, ut in planta, puta in pomo, anima uegetatiua est illa, per quam pomum generat pomum, et oliua generat oliuam. Sed dubitatur, quare philosophus non diffinit eam per hunc actum, qui est nutrire, uel augere, sicut diffinit per generare. Respondet philosophus, q̄ hoc conuenienter actum est, quia nutrire est actus imperfectior, q̄ augere, & augere, q̄ generare. Vnde generare est actus perfectus, & tanquam finis animæ uegetatiuæ, tunc enim aliquid perfectum est, cum sibi simile producere potest. Cum igitur res ordinata ad finem conuenienter denominetur, & notificetur per suum finem, & generare sit finis animæ uegetatiuæ, ut dictum est, merito philosophus descripsit animam uegetatiuam per hunc actum qui est gñare.

Vltimo quædam augmenta soluenda sunt. Primū probat quod cognoscamus actus per potentias, & non e conuerso, sic potentia est prior actu, ergo per potentias cognoscimus actum. Antecedens patet, quia potentia est causa sui actus, ut uisus est causa actus uidendi, sed omnis causa est prior suo effectui, ergo potentia est prior suo actu, consequentia uero probatur sic. scientia p̄cedit ex notioribus, & prioribus, ut probatur in primo Poste. ergo si potentia est prior suo actu, cognoscimus actum per potentiam, & non e conuerso.

Ad hoc dicitur, quod aliquod est prius dupliciter. Primo secundum se, & secundum naturam suam, quia scilicet prius habet eē, & sic omnis causa est prior suo effectui. Secundo aliquid est prius secundum cognitionē nostram, quia, s. prius cognoscit a nobis, licet si posterius secundum suum

suum esse . & hoc modo negatur , quod potentia sit prior actu , nec omnis causa sit prior suo effectu , immo in naturalibus prius cognoscimus effectum , & per effectum cognoscimus causam .

Secundum probat , quod nutriri , & augeri competat alteri , quam rei animatę sic . ignis est res inanimata , et tamen nutritur ex oleo , & lignis combustis . per appositionē enim lignorum ignis conseruatnr , & etiam exaugetur , quanto enim plura cōbustibilia apponuntur , tātō magis augetur ignis . ergo nutriri , & augeri competit alteri rei , q̃ rei aiatę .

Ad hoc respondet bea. Tho. quod ignis nō proprie , sed similitudinarie nutritur , & augetur , quod declaratur sic . illud proprie nutritur in cuius substantiam alimentum conuertit sine generatione alterius indiuidui , uerbi gratia Socrates nutritur , quia in substantiam ipsiusmet Socratis alimentum conuertitur . non enim ex hoc , quod nutritur sit alius homo , imo post nutritionem remanet ipsemet Socrates . illud autem similitudinarie nutritur , in quo uidetur alimentum conueri , & tamen in rei ueritate non . cōuertitur , sed ex tali alimento generatur de nouo aliud indiuiduum , sic accidit in igne , quando lignum apponitur igni , lignum dum comburitur non transit in substantiam præcedentis ignis , sed in tali ligno nouus ignis generatur , ita q̃ tot sūt ignes quot sunt combusta ligna , licet uideantur esse unus ignis , quia se tangunt , similiter illud proprie augetur , quod existens idem numero recipit maiorem quantitātē , ut Plato , quando est puer unius cubiti , & quādo est duorum cubitorum est idem homo , qui prius erat . illud autem secundum similitudinem augetur , quod uidetur existens idem recipere maiorem quantitātē , et tamen non remanet idem quod prius erat , sed fit aliud , sicut si tabulę bicubitę addatur tertius cubitus non remanet eadem tabula , sed fit alia , quia per additionem nouę partis fit aliud totum , sic accidit in igne , quando apponitur lignum , & comburitur fit nouus ignis , qui additus priori igni facit aliud totum , id est

ignem alium compositum ex precedenti igne, & ex eo qui de nouo generatur in ligno appposito. Pater igitur quod sola animata proprie nutriuntur, & augentur, licet metaphoricæ conueniat alijs inanimatis. Hæc de secundo tracta. super secundo lib. de anima dicta sufficiant.

TRACTATUS TERTIVS SV.

per secundo libro de anima. de potentia sensitiua exteriori.



N Hoc tertio tracta. agendum est de potentia sensitiua exteriori, & de speciebus suis. & diuidimus eum in sex cap.

In primo agitur de sensu in communi, non applicando ad aliquem sensum in particulari.

In secundo agitur de uisu.

In tertio agitur de auditu.

In quarto agitur de odoratu.

In quinto agitur de gustu.

In sexto agitur de tactu.

CAPV T. I.

In primo cap. agendum est de sensu in communi quantum ad illa, quæ conueniunt cuilibet sensui. Et quia dictum est supra, quod prius agendum est de obiecto. secundo de actu. tertio de potentia. Seruantes hunc ordinem primo agitur de obiecto sensus, quod est insensibile. secundo de actu, qui est sentire. tertio de potentia, quæ est ipse sensus. & nota quod ea quæ hic dicentur conueniunt omni sensui, tam exteriori, quam interiori.

Circa primum queritur quod duplex est sensibile, quod a sensu cognoscitur.

Respondeo secundum philosophum est triplex. primo est sensibile proprium. secundo est sensibile commune. tertio est sensibile per accidens. sensibile proprium est illud,

quod solum ab uno sensu sentitur, & circa ipsum non decipitur sensus, ut sonus est proprium sensibile, quia a solo auditu percipitur, & non fallitur auditus in sentiendo sonum, utrum sit acutus, an grauis dummodo organum sit dispositum, qd' dico, quia si organum sensus est indispositum, tunc potest decipi sensus, uerbi gratia, quia lingua febricitantis est aspera humore cholerico, ideo dulcia uidentur si bi amara, & secundum distinctionem proprii sensibilis distinguuntur sensus, ut dicemus infra, ubi assignabimus sufficientiam quinque sensuum exteriorum. Sensibile commune est illud quod a pluribus sensibus potest sentiri, uel ab omnibus. & circa ipsum potest sensus errare. Hæc sensibilia communia sunt quinque secundum Aristot. scilicet motus, quies, numerus, figura, magnitudo. nam motus potest uideri, & audiri, & tangi etc. secundum autem prospectiuos, ut patet per Aloan, & Vetulionem in prospectiuis suis sunt. 20. scilicet distantia, situs, corporeitas, figura, magnitudo, continuitas, distinctio, numerus, motus, quies, asperitas, lenitas, raritas, diaphaneitas, spissitudo, soliditas, pulchritudo, turpitudine, similitudo, dissimilitudo. & circa hæc sensibilia communia potest sensus errare, uerbi gratia si ponatur remus in aqua, dum nauigatur apparebit figura ipsius tortuosa, & brevis, si ex hac apparentia uolo indicare remi figuram esse tortuosam decipitur sensus meus. Similiter uulgares qui dicunt solem non esse maiorem scuto, quia non uidetur ab eis sub maiori figura decipiuntur. est enim maior tota terra, ut probat Astrologus. Sensibile per accidens est illud quod non sentitur, nisi mediante alio, ut campana est sensibile per accidens, quia non sentitur, nisi mediante sono.

Sed nota, qd' ad hoc, quod aliquid sit sensibile per accidens duo requiruntur. primo quod non immutet sensum, nec quantum ad speciem sensibilem, nec quantum ad modum sentiendi. Nam si mutat sensum quantum ad speciem sensibilem receptam in organo sensus est sensibile per se.

& proprium, uerbi gratia, quia species albedinis recepta in oculo immutat uisum, & species soni recepta in aure immutat auditum. Albedo, & sonus dicuntur sensibilia per se, & propria. Si uero immutant sensum quantum ad modum sentiendi dicuntur sensibilia per se, sed communia, uerbi gratia figura, si est in corpore paruo minus immutat uisum, quam quādo est in corpore magno. & similiter quando est remota a uisu minus immutat. nam homo a remotis uidetur paruus, quando est propinquus uidetur magnus. & tamen eadem figura secundum se est in homine distante, & in eodemmet propinquo ipsi uidenti. secundum ergo quod figura est in alio, & alio situ diuersimode immutat sensum. & propter hoc apud bea. Tho. sensibilia communia sunt sensibilia per se, quia licet non sentiantur, nisi median-
tibus sensibilibus proprijs, puta non uidetur magnitudo, nisi colorata, tamen alio & alio modo immutat sensum, secundum quod est in maiori, uel minori corpore, & secundum quod est in diuerso situ. illud autem quod non immutat sensum, nec secundum speciem receptam in organo, nec secundum modum sentiendi dicitur sensibile per accidens, ut campana sentitur per accidens ab auditu, quia remoto sono nullo modo immutat auditum, & remoto colore, ac figura etc. nullo modo immutat uisum. Secūdo requiritur quod illud, quod per accidens cognoscitur ab uno sensu sit aptum natum cognosci per se ab aliqua alia potentia cognoscitiua, siue sit potentia sensitiua exterior, siue sensitiua interior, siue sit intellectus. Exemplum primi, dulcedo mellis per accidens cognoscitur a uisu: si enim uideo mel cognosco, quod est dulce. hæc tamen dulcedo per se cognoscitur a gustu. Exemplum secundi. Plato per accidens uidetur non enim uidetur, nisi quia est coloratus, & tamen per se cognoscitur a potentia cognatiua, de qua dicemus in tertio libro, quod cognoscit per se omnia indiuidua substantiæ propter sui nobilitatem. Exemplum tertij, homo sentitur per accidens a uisu. non enim sentitur, nisi inquan-

tum est coloratus, uel frigidus, aut calidus etc. & tamē per se cognoscitur ab intellectu, cuius officium est cognoscere omnia uniuersalia, siue genera, siue species, ut dicemus in tertio lib. Ex his patet quod duplex est sensibile, quod a sensu cognoscibile est, de distinctione sensibilis per se, & propriū dicemus infra.

Circa secundum quæritur, utrum sentire sit actio, an passio, & quomodo differt ab intelligere.

Respondeo secundum philosophum, quod sentire est passio, & alteratio quædam. Sed nota, ut inquit philosophus, qd' passio sumitur dupliciter, similiter alteratio. primo sumitur propriæ, & est quando patiens priuatur aliqua forma, præcipue conuenienti per actionem agentis contrarij, ut quando aqua priuatur frigiditate, & recipit calorem per actionem ignis proprie aqua patitur, & alteratur. secundo sumitur communiter pro receptione cuiuslibet formæ etiam perficientis suum subiectum, ut quando intellectus recipit scientiam dicitur passio, & alteratio communiter, quæ alio termino dicitur alteratio perfectiua, & quando materia recipit formam substantialem, qua sit actu, & perficitur, dicitur pati, & alterari communiter. Quādo igitur dicit philosophus, quod sentire est pati, & alterari, intelligendum est qd' sentire quando est cum lesione organi dicitur pati proprie, ut quando Socrates tangit ferrum ignitum, ipsum sentire est proprie pati, quando uero est sine lesione, immo cum delectatione dicitur pati communiter, & perfectiua, ut quando Socrates tangit cōuenienter calidū, odorat suauēs odores etc. In quo uero differat ab intelligere, dico pro nunc, quod differt in duobus. primo, omne sentire fit per aliquod organum corporeum, ut uidere per pupillam oculi, tangere per peruum etc. De his enim organis dicemus in particulari in sequen. sed intelligere non fit per aliquod organum corporeum. hoc supponatur, quoniam probatur in tertio lib. secundo differt, quia omne sentire fit per aliquod mediū cor-

poreum, per quod defertur species rei sensibilis, usque ad organum sensus, ut per aerem defertur species soni, usque ad miringam auris, quod quomodo fiat dicemus infra, sed intelligere non sit per aliquod medium corporeum, ut deferens speciem intelligibile usque ad intellectum. species enim intelligibilis est pure spiritualis, nec est apta nata recipi in aliquo medio corporeo. Hæc de sentire in cōi sufficiant.

Circa tertium quærentur duo. primo quomodo se habet sensus ad sensibilia, utrum habeat ea in se actu, & potentia. puta utrum uisus habeat in se omnes colores, uel sit in potentia ad recipiendum eos. secundo utrum sensus sit causa efficiens sui actus, uel solum sit recipiēs, puta utrum uisus sit causa efficiens, & actiua uisionis, uel solum recipiat uisionem.

Ad primum respondet philosophus. primo distinguendo de potentia, & actu. secundo declarat, quomodo sensus potest dici in potentia, & in actu. dicit igitur philosophus, quod potentia est duplex. scilicet remota, & propinqua. ille est in potentia remota, qui nondum habet habitum, aut formam, & est aptus natus habere talē habitum, aut formam. uerbi gratia puer paruus non habet habitum scientiæ, & tamen est aptus natus habere, & canis modo natus nō habet uisum, & tamen est aptus natus habere. post nonum diem ille est in potentia propinqua, qui iam habet aliquem habitum, aut formam, sed non operatur secundum illum habitum, aut formam. & tamen potest operari, uerbi gratia Socrates habens logicam, & non actu argumentās est in potentia propinqua. potest enim quando uult, si nō est impeditus argumentari. & inter has potentias hæc est differentia, quod ille qui est in potentia remota nō potest acquirere habitum, uel formam sine mutatione. uerbi gratia homo ignorans non potest acquirere scientiam, nisi moueatur a magistro, uel suo intellectu agente ab ignorantia ad scientiam, quæ ignorantia si sit simplicis negationis, ut in puero, hæc mutatio non est proprie alteratio, quia altera-

tio proprie dicta est a qualitate contraria ad qualitatem contrariam, sed in puero nulla est qualitas contraria scientiae, ideo quando aliquis purus ignorans acquirit scientiam, non proprie alteratur. si autem sit ignorantia pravae dispositionis, id est cum errore, tunc quando sic ignorans acquirit scientiam proprie alteratur, quia mutatur de contraria qualitate ad contrariam qualitatem, id est de errore ad scientiam. ille autem qui est in potentia propinqua, id est iam habet habitum, & formam potest exire in operationes per seipsum sine mutatione facta ab aliquo mouente extrinseco, puta Socrates habens scientiam logicae potest sine doctore argumentari, & Plato habens uisum potest quando uoluerit uidere, dummodo non sit impedimentum, nec in organo uisus, nec in medio, puta in aere. Nec dicendum est, quando quis exit de habitu, uel forma ad operationem, quod alteretur immo perficitur, perfectio. n. scientis est uti scientia sua, & sentientis uti sensibus, sicut perfectio artificis est operari secundum artem suam, sicut duplex est potentia, ita duplex est actus. s. primus, & secundus, actus primus est habitus, uel forma, quae est principium operationis, ut scientia edificandi est actus primus, quia est causa aedificationis. actus secundus est ipsa operatio, ut est aedificare, syllogizare etc. Inter hos actus haec est differentia, quod ille qui habet actum primum, i. habitum, uel formam est in potentia, & in actu. in actu quidem, quia habet habitum. in potentia autem, quia potest secundum talem habitum operari, licet actu non operatur. unde logicus dormiens dicitur esse in actu primo, quia habet habitum logicae, & non actu utitur eo syllogizando. ille uero qui habet actum secundum, i. operationem simpliciter est in actu, & nullo modo in potentia. Habet enim habitum, & operationem causatam ab illo habitu, ut patet in Socrate logico, qui actu syllogizat. Positis distin. de potentia, & actu responderetur ad dubium praepositum. s. quomodo se habet sensus ad sensibilia per duas conclusiones.

• Prima conclusio, Sensus non semper habet in se actu ob-

iecta sensibilia, puta uisus, non semper habet in se actu colores: probatur, si sensus puta uisus habet semper in seipso colores: ergo semper est in potentia propinqua ad uidendum. sed hoc est falsum. probatur consequentia, si habet in se colores. ergo habet formam, puta speciē coloris, quæ est principium, & causa uisionis, sed quando aliquis habet habitum, & formam quæ est principium alicuius operationis dicitur esse in potentia propinqua, ut dictum est supra. ergo si uisus semper habet in seipso colores erit semper in potentia propinqua ad uidendum, falsitas uero consequentis probatur sic, si uisus habet in se colores. ergo uidebit animal quęcunq; colorem uoluerit, etiā remoto quolibet colore extrinseco, puta si in oculo meo semper est similitudo albedinis, uidebo albedinem, etiam remoto quolibet corpore albo, et si in aure semper haberem sonum campanę, semper sentirem hunc sonum. dato casu, qđ nulla campana pulsaretur. patet, aut quod hæc sunt absurda. ergo non omnia sensibilia semper sunt actu in sensibus.

Secunda conclusio, sensus aliquando habet sensibile in seipso actu, aliquando in potentia. probatur ad sensum, oculus actu uidens albedinem habet in seipso actu similitudinem albedinis. Oculus uero dormientis habet solum in potentia in seipso colores, prout potest uigilans colores uidere. patet igitur quomodo sensus se habet ad sua sensibilia.

Ad secundum dubium, in quo queritur, quæ sit causa effectiua actus sentiendi, qui dicitur sensatio.

Respondeo, qđ circa hoc est duplex opinio. Prima dicit, qđ causa actiua sensationis est obiectum sensibile, puta qđ uisio est ab obiecto, puta a colore, ut præsenteretur potentie uisui, & potentia uisui solum recipit in se hanc uisionem causatā ab obiecto, & sic scđm hanc opinionem oēs sensus sunt potentie purę passiue, & receptiue, sensationes.

Sed hæc opinio est falsa, & probatur sic, dictum est in secunda diffinitione animæ, quod anima est principium quo uiuimus, sentimus mouemur secundum locum &c.

Ergo anima est principium actuum omnium operationum quæ sunt in uiuentibus, sed sentire est operatio rei uiuentis, ergo anima est principium actuum, & causa actiua ipsius sentire, non quidem immediate, sed mediante sua potentia sensitua, nihil enim operatur anima nisi per potestas suas, ut intelligere per intellectum, si ergo sentire causatur actiua ab anima principaliter & a potentia sensitua immediate uelut ab instrumento, ergo non causatur actiua solum ab obiecto sensibili.

Secunda opinio est Bea. Tho. qui tenet quod sensus est potentia passiva & actiua, sed respectu diuersorum. Nam sensus recipit similitudinem sui obiecti extrinseci, puta uisus recipit in se similitudinem coloris, qui est in pariete, & in quantum recipit dicitur potentia passiva, sicut enim omnis receptio, potest dici passio largo modo, sic omnis potentia receptiua potest dici passiva, dicitur uero potentia actiua pro quanto sensus actuatus similitudinem sui obiecti, causat actiua sensationem suam, puta uisus ut iam in se recipit similitudinem albedinis quæ est in pariete uidet ipsam albedinem in pariete. Quando ergo queritur quæ sit causa actiua sensationis,

Respondeo quod non est obiectum sensibile solum, ut probatum est contra primam opinionem, nec sensus solus, quia sequeretur quod posset sentire etiam remoto quolibet sensibili, sed est sensus actuatus similitudine sui obiecti a sufficienti diuisione. Et si queratur in quo recipiatur sensatio causata actiua a sensu. Respondeo quod recipitur in eodemmet sensu, quia actio immanens qualis est sentire, recipitur subiectiua in eodemmet agente a quo causatur, ut uisio causatur a uisu, & recipitur in uisu. Et si fiat instantia, quod tunc erit idem agens & patiens, ut enim uisus causat uisionem est agens, ut autem in se recipit uisionem est patiens. Respondeo & concedo quod idem sensus erit agens & patiens, sed respectu diuersorum. Nam sensus ut est actuatus similitudine sui obiecti est agens & causans

sensationem, secundum uero quod consideratur ut sensus est, id est per se solum, sic est patiens & recipiens sensationē. Hæc sufficiant de obiecto sensus & de ipsa sensatione & de ipso sensu in communi. Nunc sequitur consideratio sensuum exteriorum in particulari. Et primo de uisu.

CAP. V. T. II.

IN capite secundo agendum est de uisu, qui nobilior est inter omnes sensus & spiritalior ut declarabitur, quando dicemus sufficiētiam quinque sensuum exteriorum.

Circa uisum dicenda sunt quatuor. primo de obiecto uisus, secundo de medio quo sit uisio. tertio de organo ipsius potentiae uisive, quarto de potentia uisiva. Et hunc ordinē seruabimus in alijs sensibus.

Circa primum nota quod obiectum uisus est duplex, primo est obiectum principale, & hoc est color, principaliter enim uidemus colores, secūdo est obiectum adæquatum & hoc non est color, plura enim uidemus, quæ non habent colorem, ut sunt ignis & sol, & stellæ &c. Hoc obiectum non habet nomen propriū, sed cōi naturæ dicitur uisibile, sub quo continētur omnia quæ uidentur in lumine, ut omnes colores & oīa corpora lucida, ut ignis & astra. Et omnia quæ uidentur in obscuro, ut noctiluce & oculi cati, & quærcus putrida, quæ in nocte uidetur esse argentum. Hæc enim si uidentur in die non apparent lucida, quia lux eorum parua est, & obumbratur maiori luce, puta lumine solis, quando autem uidentur in die uidentur sub proprio colore, ut oculus cati in die apparet croceus, in nocte apparet splendidus, & cauda noctiluce in die apparet alba, in nocte apparet ignea flamma, & quærcus putrida in die apparet alba, in nocte apparet lucida argentea. Nec hoc reputandum est impossibile, si enim sol luce sua obumbrat omnes stellas ita quod non apparent in die, cum tamē sint super nostrum hemisphærium, multo magis potest obumbrare lucem prædictorum cum sit parua respectu lucis, quæ est in astris. Si ergo quæratnr q

est obiectum uisus, dicendum est, quod uisibile est obiectum adæquatum, color autem est obiectum principale. Quod sit color dicemus in sequenti puncto.

Secundo declarandum est quod sit medium, quo mediante fit uisio, unde nota quod triplex medium requiritur ut fiat uisio. Primo requiritur similitudo rei uisibilis, puta similitudo albedinis quæ causatur a corpore albo & recipitur in aere, & per aerem defertur usque ad oculum, quæ recepta in oculo uidetur albedo quæ est in corpore albo. Et quod sit necesse hanc similitudinem causari ab obiecto uisibili & deferri usque ad oculum sicut imago Socratis fertur usque ad speculum, probatur sic. Mouens proximū & motum sunt simul, ut patet in. 7. physico. sed obiectum uisibile est mouens oculum ad uidendum, ergo obiectum debet tangere oculum, sed non debet tangere secundum seipsum, quia ut dicit philosophus in secundo de anima, sensibile positum supra sensum non sentitur. Nam si ponatur lapis super pupillam oculi non uidebitur, ergo obiectum debet tangere oculum per aliquod medium, sed hoc medium dicitur esse similitudo rei uisibilis quæ defertur usque ad oculum, ergo necesse est quod fiat uisio per ipsam similitudinem obiecti uisibilis. Et nota quod hæc similitudo diuersimode denominatur. Nam a physicis dicitur species rei uisibilis uel intentio rei uisibilis. A prospectiuis autem dicitur linea uisualis, uel radius uisualis. Et hoc quidem medium se tenet ex parte rei uisibilis, ut scilicet per ipsum uniatur obiectum uisibile potentiae uisus. Secundo requiritur medium, in quo recipitur ipsa species obiecti uisibilis. Et quod defert eam usque ad potentiam uisuiam. Quod medium secundum philosophum est corpus diaphanum, quod sic diffinitur, diaphanum est corpus transparens non coloratum secundum se, sed est receptiuum omnium colorum, ut aqua, & aer, & uitreum, & crystallum & plura alia & corpora coelestia, omnia hæc sunt transparentia. Nam si ponatur denarius

in fundo aquæ uel post uitrum & cristallū, uidetur ab oculis, similiter uidemus stellas fixas, quæ sunt in octaua sphaera, ergo signum est quod sphaeræ planetarum sunt diaphanæ. Medium igitur deferens species rerum uisibilium ad oculum est corpus diaphanum. Quod quidem non sit coloratum secundum se probatur. Nam si haberet aliquem colorem, omnia quæ uiderentur per ipsum apparerēt eiusdem coloris, ut patet quando ponitur uitrum rubeum ante oculos, omnia quæ uidentur apparent rubea. Et hoc quidem medium se tenet ex parte rei uisibilis, ut scilicet per ipsum deferatur species rei uisibilis ad potentiam uisuiam. Tertio requiritur medium quod sit actiuans corpus diaphanum, idest disponens diaphanum, ut sit sufficiens ad deferendū spēm rei uisibilis usq; ad potentiā uisuiā & hoc est lumē, ut ergo sciamus qd sit hoc lumē, quinque diffinita sunt. scilicet lux lumē, radius splendor, color, lux sic diffinitur, lux est qualitas imutatiua uisus, existens in corpore lucido nō causata nec cōseruata per actionē alterius lucidi, ut in sole, cuius lux immutat uisum, & est fundata in corpore solis per se lucido, nec causatur in sole ab alio lucido illuminante solem, lumen est qualitas imutatiua uisus existens in corpore non lucido, sed illuminato actione corporis lucidi, ut lumen quod est in camera existit in aere, qui non secū dū se est lucidus, sed illuminatus actione solis, aut ignis, aut alterius stellæ. Item sic diffinitur ab Aristotele in secundo de anima, lumen est actus diaphani, ubi nota quod diaphanum est duplex, scilicet in potētia, & in actu, diaphanum in potentia est corpus quod potest transparenē, sed actu nō transparenē, ut aer in nocte tenebrosa, diaphanum in actu, est corpus quod actu transparenē, ut aer illuminatus, sine lumine, ergo diaphanum non est actu. ergo lumen est actus diaphani, id enim per quod aliquid est actu, dicitur actus eius, ut qui per animam uiuens est actu, anima est actus uiuentis, radius est ipsummet lumē, ut causatur a corpore lucido secundum rectam lineam.

Splendor est lumen, ut causatur a corpore lucido per lineam reflexam, puta sol causat lumen in speculo, ex speculo fit reuerberatio luminis ad parietem, lumen quod causatur ex tali reuerberatione, dicitur splendor. Color est lux obumbrata uel obscurata, per opacitatem corporis terminati, id est non transparentis, primo dicitur lux obumbrata, unde nota quod eadem qualitas diuersimode recepta, dicitur lux lumen, color primo dicitur lux, in quantum est in corpore lucido secundum se, sic in sole & igne est proprie lux, secundo dicitur lumen, in quantum recipitur in corpore diaphano, sic dicimus quod lumen recipitur in aqua, & in aere, tertio dicitur color, ut recipitur in corpore terminato, id est solido & non diaphano, ut in lapide ligno ferro &c. Et quia haec corpora solida sunt multum terrestria, & terra est secundum se obscura & opaca, ideo huiusmodi corpora obumbrant lucem in eis receptam, & lux sic obumbrata ex opacitate terrae dicitur color, secundo dicitur ex opacitate corporis terminati, unde nota quod ex uaria proportionem lucis ad opacum diuersae species colorum generantur. Nam ubi multum est de luce, et parum de opaco terrestri fit albedo, ubi autem est multum de opaco, & parum de luce fit nigredo.

Tertio declarandum est, quid sit organum uisus, unde nota secundum Auicem & Albertum, quod organum uisus sunt duo nerui egredientes ab anteriori parte cerebri, qui sunt concaui, & per eos defertur species rei sensibilis recepta in oculis usque ad sensum communem. Et sunt duo oculi affixi in summate ipsorum neruorum. Substantia autem ipsorum oculorum ex tribus componitur. Primo in oculo ponitur humor crystallinus congelatus, in quo recipitur species rei uisibilis, ut in diaphano. Secundo ponitur humor rubescens post crystallinum, qui est terminans & soluens ipsum crystallinum, deinde ponuntur plures tunicae, quae sunt pelliculae in se continentes hos duos humores, uelut propria sua uasa, de his tunicis & earum numero co-

siderare est officium prospectiui, deinde ponitur humor niger uel glaucus uel ceruleus sub illis tunicis circūdans humorem crySTALLINUM, ut per eum congregetur & fortificetur species uisibilis in pupilla oculi, quæ facile offenditur a nimia claritate, ut patet quando intuemur solem, dedit similiter natura palpebras, ut defendant oculum ab exterioribus nocementis, & supercilia ut magis congregetur species rei uisibilis in pupilla oculi, organum igitur uisus continet hæc omnia, scilicet duos neruos, duos oculos, duas palpebras, duo supercilia, hæc tamen duo ultima non sunt necessaria, quia plura animalia habent uisum, & tamen non habent palpebras nec supercilia, ut patet in locustis &c. Hæc de organo uisus pro nunc sufficiant. Nam sufficienter de ijs considerare est officium prospectiui, qui & considerat omnia mirabilia quæ contingunt in uisione, Deo propitio de eis componemus tractatum.

Quarto & ultimo diffiniendum est quid sit uisus, unde nota quod sic diffinitur, uisus est primus sensus cuius organa sunt duo nerui qui progrediuntur ex cerebro, & duo oculi, & sentit secundum rationem primam coloris, dignoscit autem cum colore, coloratum corpus, primo dicitur primus sensus, non quidem in constituendo animal, hic enim est tactus, ut dicemus infra, sed est primus in dignitate & perfectione. Secundo dicitur, cuius organa &c. hæc declarata sunt supra. Tertio dicitur & sentit secundum primam rationem coloris, idest primo & per se & principaliter, sentit colorem, est enim obiectum principale, ut diximus supra. Et cum colore per accidens sentit corpus coloratum, ut cum colore niuis, per accidens uideo substantiam niuis in quantum est alba. Hæc de potentia uisiva sufficiant. Vtrum autem colore sit per se uisibilis, & semp indigeat lumine declarabit in solutione argumentorū.

CAPVT III.

IN tertio capite agendum est de auditu, de quo uidebitur quatuor, primo de obiecto, secundo de medio, ter-

tio de organo, quarto de potentia auditiva. Obiectum auditus ut ab omnibus conceditur est sonus, de quo dicemus tria. Primo quomodo generatur. Secundo quomodo generatur Echo, & quid sit. Tertio quomodo generatur uox quæ est species soni, & quid sit, ut autem sciamus quomodo generatur sonus.

Notandum quod sonus dupliciter consideratur. Primo ut est in corpore sonante, puta in campana, & sic est in eo solum in potentia, ut in causa quæ potest ipsum producere sicut rosa est in radice. Secundo ut recipitur in aërē, uel in aqua & defertur ad auditū & sic est sonus in actu, & est subiectiuæ in aerem, non autē in corpore sonante, sed solū ut in sua cā, unde in hoc distinguitur sonus a colore, quia color est subiectiuæ in corpore colorato, in diaphano uero est solum secundum speciem intentionalem, uel lineā uisualet, ut diximus supra, sonus autem non est subiectiuæ in corpore sonoro, sed subiectiuæ in aere uel aqua in quibus recipitur & potest fieri ad auditum, loquendo igitur de sono in actu dico quod tria requiruntur ad suam generationem, primo requiritur percutiens & est corpus percussum. Nam percussio causat sonum, sed percussio requiritur percutiens & percussum, sicut motus requiritur mouens & mobile, deinde requiritur medium in quo recipitur sonus, puta aer, uel aqua, quia ad hoc quod generetur sonus est necesse quod percutiēs tangat percussum & dū tangit percussum facit ictum, sed ictus non est sine motu locali, mouetur enim aer aut aqua, aut aliud medium quādo mediat inter percutiens & percussum. Motus uero localis semper fit in aliquo medio, & nunquam in uacuo, ut patet in quarto physico. cap. de uacuo. Igitur ad generationem soni tria requiruntur, s. percutiens tangens percussum, & medium medians inter percutiēs & percussum quod ex percussione expellitur. Sed nota quod percutiens & percussum si debent generare sonum, debent habere has conditiones. primo quod sint corpora dura & ex mutua percussione

sione & resistentia excludatur aer medians inter ea, & ppter hoc lana & spongia & huiusmodi molia non sonant nisi comprimantur, & tunc faciunt sonum obrusum, secundo q̄ sint cōuenienter lata in superficie, uidemus enim q̄ maiorem sonum faciunt manus adinuicem percussæ, q̄ duo digiti adinuicem percussi, inde est q̄ si duæ acus adinuicem percutiantur secundum acumen, non faciunt sonum, quia acumen acus nullius est latitudinis, tertio q̄ mutua percussio sit fortis, ut aer medians forti impetu extrudatur, inde uidemus q̄ si manus leuiter t̄git tabulam, paruus aut nullus sit sonus. Si autem cum impetu t̄gitur, sit manifestus sonus. Istæ conditiones requiruntur Ad hoc q̄ fiat sonus conueniens & clarus, requiritur q̄ corpus percussum sit tersum & lenæ, & sit concauū, ut in aere expulso multiplicentur ictus in corpore concauo. Et ppter hoc campanæ & omnia instrumenta musicalia, ut in pluribus sunt concaua, & etiam requiritur q̄ corpus percussum habeat in sui compositione aerem bene dispositum. Nam q̄ sunt multum terrestria non bene sonant, ut plumbum & lapis, quæ uero sunt multum aerca bene sonant, ut stannū & æs, & argentum, & multa ligna. Ex ijs potest elici hæc descriptio, Sonus est ille qui generatur ex mutua & forti percussione duorum corporum quæ sint aliquantulū dura & sufficientis latitudinis, ex qua percussione uiolenter extruditur aer medians inter illa, sicq̄ recipitur sonus in ipso aere medio & defertur ad auditū. Vtrum semper requirantur duo corpora dura declarabo in solutione argumēti.

Secundo uidendū est quō generatur Echo, & quid sit. unde nota q̄ Echo quantū ad quid nominis est resonantia, ut cū quis uociferans in puteo dicit Socrates, & sentit in puteo replicari, Socrates. Quantum ad quid rei sic definitur. Echo est sonus ex reuerberatione aeris replicantis, quod quō fiat declaratur tali exemplo secundum Philosophum: quando proijcitur lapillus in puteo uidemus circa locum ubi decidit lapillus fieri paruum circulum in aqua, & post

& post illum fieri maiorem, & iterum maiorem donec deueniatur ad circumferentiā putei & statim reflectitur & quasi retrocedens tendit ad medium putei ubi inceperāt fieri prædicti circuli, similiter accidit in aere, licet non ita uideamus ppter suam raritatem. nam quando duo corpora dura se mutuo percutiunt recipitur sonus in aere propinquo ipsi corpori percusso, deinde paulatim per girum diffunditur in aere & deferitur ad remota per circulationes factas in aere, licet non uideamus eas. si igitur antequam deficiant prædictæ circulationes deferentes sonum inueniāt aliquod corpus concauum, ut sunt spelunchæ, & putei, & ualles montibus inclusæ, & ædificia concava, tunc reflectuntur & quasi retrocedentes secum deferunt sonum iterum ad locum ubi prius causatus erat, & tunc apparet nobis q̄ ille sonus replicetur. Echo igitur conuenienter dicitur sonus reiteratus ex reflexione aeris.

Tertio uidendum est de uoce quō generetur, et quid sit. Vnde nota q̄ ad generationē uocis duo instrumenta sunt necessaria, primū est pulmo, datus ē. n. pulmo animali ppter duo, primo ut quasi folles ex sua eleuatione attrahat aerem & emittat ppter suam cōpressionem ad refrigerandum calorem cordis, nisi. n. calor cordis temperaretur per inspirationem & respirationē animal suffocaretur, ut patet in homine qui suspenditur, secundo datus est ut per talem attractionem aeris formetur uox, unde animal non habens pulmonem nec respirans & carens sanguine nō habet uocem, sicut piscis nō habet uocē, quia pisces non respirāt cū habeant calorem tēperatum ex sua frigida cōplexione, secundum instrumentū est guttur, sumendo guttur p totā cāna, ideo est necessaria, quia cū uox sit sonus, & sonus generetur ex percussione, ut dictum est, ē necesse quando generatur uox quod aer attractus a pulmone repercutiatur ad cānam prædictā, quæ dicitur artaria uocalis, & per tale repercuSSIONē aeris ad artariam uocalē generatur uox. Ex ijs sic formatur definitio uocis secundū Philosophum.

Ecc

Vox est percussio aeris respirati .i. attracti a pulmone, facta ab anima cū imaginatione ad artariā uocalē. primo dicitur percussio aeris respirati &c. qm̄ nō omnis sonus, etiā si fiat per guttur, est uox, nisi sit cū imaginatione aliqd significandi. unde tussis & eructatio nō dicūtur uox, licet fiant per guttur, ex quo sequitur q̄ secundū Philosophum omnis uox est significatiua uel sui ipsius uel alterius, siue ad placitū, siue naturaliter, & ille quæ dicuntur uoces non signatiuæ nō merentur dici uoces, nisi improprie & diminutæ, secundo dicitur ad artariam uocalē. i. ad cānam pulmonis, ex quo sequitur q̄ animalia non habentia pulmonem non habent uocem.

Nota ultimo q̄ ad formandū uocē plura instrumenta assignantur. s. lingua, dentes, palatum &c. sed hæc nō sunt necessaria nisi ad formandam uocē articulātā, quæ dicitur loquutio, & cōpetit soli hōi, de qua non est præsentis negocij considerare, sed in libro de animalibus.

Secundo principaliter tractādū est de medio per quod fit auditio. Vnde nota q̄ hoc mediū ē oē corpus q̄ pōt. de ferre sonū ad aures, principaliter uero est aer in quo per aliquam quantitātē est sonus realiter subiectiuæ, & per tātam quantitātē est species intentionalis ipsius soni quæ per ipsum aerē motū defertur ad auditū. v. g. sit cāpana sonās distans ab aure Socratis. 10. cubitis, dico q̄ sonus causatus a campana est realiter & subiectiuæ in tāto aere, puta in. 10. cubitis, in alijs uero. 10. cubitis aeris pducitur species intentionalis ipsius soni a sono reali existente in. 10. primis cubitis, sicut causatur species coloris in corpore diaphano ex colore existente realiter in corpore colorato, & hæc species intentionalis soni defertur per aerem usq̄ ad auditū Et quod hæc species intentionalis causetur, pbatur sic. Sonus auditur, ergo auditur per se, ita q̄ uel per se ipsum pertingit usq̄ ad auditū, uel per speciē suā intentionalem, & non per se ipsum, quia s̄m Philosophū sensibile positū supra sensum non sentitur, ergo auditur per speciē so-

ni intentionālē, sicut uidetur albedo per speciē intentionālē suam. Aer igitur principaliter est mediū deferens spēm soni ad auditū, sicut in uisu, medium est oē corpus actu diaphanū. dico autē principaliter, quia contingit fieri auditionē per aquā, sed cū difficultate ppter sui grossitiē respectu aeris, & ut aer sit cōueniens mediū deferens spēm soni, debet ex se nullum habere sonum, sicut diaphanum debet ex se nullum habere colorem ut possit deferre omnes species colorum ad ipsum uisum.

Tertio principaliter tractandū est de organo auditus. Vnde nota secundū Philosophū q̄ organū auditus continet duo, primo habet quādā pelliculā in interiori parte auris quæ dicitur miringa, quæ affixa est neruo egredienti a cerebro ad aurem in interiori parte, ut per ipsum neruū deferatur species soni ad sensum cōm, ut dicemus in .3. lib. secundo in hac pellicula est inclusus aer sicut in pellicula oculi est inclusus humor aqueus cōgelatus quietus & sine motu, & nullū habet sonum ut possit percipi per ipsum oīs species soni, sicut humor aqueus in oculo nullū habet colorem ut possimus per ipsum uidere oēm colorem. Si ergo quærat quod est organū auditus. Respondeo q̄ est tympanū cōstitutū in interiori parte auris cōpositū ex miringa et aere imobili ac omni sono carente. Ex ijs sequitur q̄ si miringa uel aer ille ledatur uel corrumpatur q̄ impeditur auditio, sicut si offenditur pellicula oculi uel humor aqueus impeditur uisio, & propter hoc natura sagax sicut oculo dedit palpebras in defensionem oculi, ita fecit aures in intrinseco tortuosas ut defendatur tympanum auris ab exterioribus corruptentibus, ut est aqua &c.

Quarto diffiniendum est quid sit potentia auditua, unde sic diffinitur secundū B. Tho. in opusculo de potentijs aīæ. Auditus est in potētia ordinata ī neruis mollibus pcedētibz a cerebro ad cōcauitatē aurīū ut apprehēdat sonū causatū ex cōmōtione uel expulsīōe aeris cōstricti iter corpus percuciens & percussū. In hoc quod dicitur in ner-

uis tangit organū auditus, quod organū licet non sint nerui procedentes a cerebro, tamē includit illos duos neruos in quorum summatibus sunt affixæ duæ miringæ continētes aerē immobilem, ut diximus supra, nā quælibet auris habet in suo cōcauo unū neruū egredientem a cerebro, & unam miringā. In hoc quod dicit, ut apprehendat sonum, tangit obiectū ipsius auditus. In hoc quod dicit causatum ex cōmōtione aeris, tangit medium in quo recipitur sonus ut in subiecto, & etiā in quo recipitur species intentionalis soni ac deferitur ad aures. Hęc omnia supra declarata sunt sequitur de odoratu.

CAPV T. IIII.

IN hoc capitulo agendum est de odoratu, & de eo dicemus quatuor.

Primo de obiecto.

Secundo de medio.

Tertio de organo.

Quarto de ipsa potentia.

Circa obiectū ab omnibus conceditur q̄ est odor, de quo tractandū est q̄no generatur, & quid sit, sed quia ex eadē materia, licet diuersimode se habēte generatur odor & sapor, simul de utroq; tractabitur ut fiat doctrina perfectior. Nota igitur secūdū Philosophū in li. de sen. & sens. q̄ sapor & odor nō sunt aliquæ de primis qualitatibus elementorū. non. n. sapor est sola humiditas, nec sola siccitas, nec sola frigiditas uel caliditas, sed est qualitas cōmixta ex ijs quatuor qualitatibus, præcipue ex calido, humido, sicco, nā frigiditas ualde remissa cōcurrit ad generationē eorum, immo si augeatur extenuat sapores & odores, ut patet in hyeme, in qua ex intensa frigiditate uix percipiuntur sapores & odores, immo si res saporosa, & odorifera cōgelatur destruitur illius sapor & odor. Videndū est ergo quomō ex uaria mixtione humidi aquei, & sicci terrestis, & calidi ignei generatur primo sapor, deinde odor. Vnde nota secūdū Philosophū in li. de sen. & sens. in cōmōtione

ne saporis tria cōcurrūt, primo requirit̃ humiditas aquea, fundatur. n. principaliter in humido, cuius signū est q̃ nūquā sentitur sapor in gustu si nō humectetur per saluam quæ est in lingua & in ore, sed hæc humiditas aquea nō facit saporē, nā aqua secundū se nullum habet saporē, secundo requiritur siccitas terrestris quæ imisceatur humiditati aqueæ sicut immiscetur cinis aquæ, sed hoc non sufficit nisi accedat calor digerens & decoquēs humidum aqueū immixtū sicco terrestri. Quando igitur hæc tria coniunguntur. s. humiditas aquea decolata per siccū terrestræ sicut decolatur aqua per cineres, & calor digerit ac decoquit humidum aqueū imixtum sicco terrestri generatur qualitas saporosa, quæ dicitur sapor. Ex ijs qualitibus primia nota q̃ in sapore prædominatur humiditas aquea, unde dicitur q̃ sapor fundatur in humido aqueo, pōt ergo sic diffiniri ex prædictis ut diffinit Philosophus in lib. de sen. & sens. Sapor est qualitas pducta ex humido aqueo imixto sicco terrestri, calore digerente & decoquente humidū imixtum sicco terrestri immutatiua sensus gustus secundum alterationem. Quare dicatur secundum alterationē declarabo in assignando sufficientiam sensuū exteriorū.

Postquam declarauimus quō generatur sapor in cōi, nunc dicendum est quō generantur diuersæ spēs saporum, quæ sunt. 6. secundū Philosophum in lib. de sen. & sens. s. amarus, & dulcis, ponticus, & austerus, stipticus, & acutus. Amarus & dulcis sunt saporis extremi, alij autē sunt mediij, & sic generantur, si calor perfectæ digerit ac decoquit humidum aqueum, nō quidē cōsumendo ipsum generatur sapor dulcis, ut patet in uua bene matura in qua calor solis bene decoquit humidū aqueū. si autē calor adeo decoquit humidū aqueū q̃ consumat & exiccet, tunc fit sapor amarus, ut patet in pane adusto in quo actione caloris clibani exiccatur humidum & superabūdat siccum terrestræ. si autē calor nondū digessit nec decoquit humidum generatur sapor pōticus. i. mordacius & austerus

qui etiam dicitur aëtosus, ut patet in pomis & piris non maturis quæ habent saporem austerum, qui uulgariter dicitur agrestis. Nota tamen quod in pontico est magis de sicco terrestri. in austero autem est magis de frigido. si autem calor aliquantulum decoquit humidum & ipsi humido multum admisceatur de sicco terrestri generatur sapor stipticus, ut patet in fructibus myrthi, qui licet sint maturi, tamen habent saporē stipticum. similiter fructus qui uulgariter dicuntur sorbole. si autem calor non consumit humidum, sed superdigerit ipsum humidum generatur sapor acutus, ut in aleo, & sinapi &c. Hæc sufficiant pro generatione specierum saporis.

Postquam diximus quomodo generatur sapor, dicendum est quomodo generatur odor. Et sicut diximus qui generatur ex humido aqueo & sicco terrestri calore decoquente, sic et generatur ex istis odor, sed differētia est in hoc quod in sapore dñatur humidum aqueum. in odore autem dñatur siccum aereum subtile aliquo qualiter cōtemperatum, unde ad productionem odoris, tria requiruntur. primo requiritur humidum incorporatum & imbibitum alicui sicco, cuius signum est quod nullum elementum sine se habet odorem, nam omne elementum aut est siccum tantum, ut terra & ignis, aut est humidum tantum, ut aqua & aer, & propter hoc nullum habent odorem. illa autem quæ in se habent humidum & siccum sunt aliquo modo odorabilia, ut aqua maris habet odorem, quia humido aqueo in mari admiscetur siccum terrestræ ex quo fit falsum, ut dicitur in lib. meteo. similiter lapis non habet odorem, quia propter sui duriciem habet siccum sine humido, ligna uero habent odorem, precipue illa quæ gumificat, ut abies & pinus, quia sua humiditas est bene incorporata sicco terrestri & subtili aereo, ut declaratur in pinguedine ipsius gumæ, similiter in metallis aurum non habet odorem, quia est siccum sine humido, cum sit maxime terrestræ, ut declaratur ex sua maxima ponderositate, est. n. grauius omni alio metallo, æs uero & ferrum & argentum sunt odorabilia, quia in se habent humidum cōpræsum & inhibitu a sicco. patet ergo ex tot signis quod odor non est in solo humido, nec in solo

sicco, sed in humido incorporato ipsi sicco, secūdo requiritur aer aut aqua in qua recipiatur ipse odor, cuius signum q̄ aliqua animalia, ut pisces, odorant in aqua, trahuntur, n. ab odore nutrimenti & animalia terrestria odorant in aere, ut patet in cane & in homine & c. tertio requiritur calor decoquens ipsum humidum incorporatū sicco & resoluēs ipsum odorē, cuius signū est q̄ non sentitur odor, nisi odorabile aliquo mō calefiat, unde in hyeme ppter frigiditatē cōstringitur in æstate ppter calorē dilatatur & resoluitur, & facillime sentitur, ex ijs sic pōt diffiniri odor. Odor est qualitas cōsistens principaliter in sicco subtili & humido aliquo aliter per calorē adinuicē cōtēperatis, in hoc q̄ dicitur principaliter in sicco subtili cōsistens, differt a sapore qui principaliter fundatur i humido aqueo, ut diximus supra. Hæc de generatione odoris sufficiant & sunt extracta ex libro de sensu & sensato Aristote.

Postquam tractauimus de odore in cōi agendū est de speciebus odoris. Vnde nota secūdū Philosophū in lib. de sen. & sensa. & in. 2. de aīa q̄ cū sapor & odor ex eadē materia diuersimode se habente generentur, & cū magis cognoscamus saporū species q̄ spēs odorū, eo q̄ hō perfectissimū habet gustū & imperfectū odoratū, ut declarabo tractādo de potētia odoratus, est necesse q̄ cognoscamus, & denominemus spēs odorū a speciebus odorū, unde sicut dicimus saporē dulcē & amarum ita dicimus aliquē odorē dulcē, ut in uiola, aliquē amarū, ut in aloē. Item sicut dicimus saporē medios esse ponticū, uel acetosum, uel stipticū, uel acutū, sic et denominamus odores medios, unde acetū habet odorē acetosum, & aleum habet odorē acutū sicut et saporē. Vtērius multotiens accidit q̄ res habet saporē & odorē cōsimilem, puta mel habet saporē & odorē dulcē, aleū habet saporē & odorē acutum, aliquādo autē habet odorem et saporē dissimilē, ut cortex pomi. Citri habet saporē amarū & odorē suauē. huius diuersitatis hæc est cā. Sapor fundatur i humido aqueo aliquo aliter p

calorē decocto, odor uero fundatur i sicco subtili aliquantū
ter cōtēperato. quādo ergo humidum aqueū & siccū sub
tile sunt in aliqua re adinuicē bene cōtēperata & cōmixta,
sequitur suauis sapor et suauis odor, ut patet in flore uiolarū.
quando uero aqueū humidū non est cōuenienter decoctū
uel ē adustū, siccū uero subtile est bñ cōtēperatū, sequitur
sapor & odor dsimilis, ut patet in gariofilo qui habet sa
porē acutum, sed odorē suauē. Hæc de productione odo
ris & saporis & eorum speciebus sufficiant.

Secundo principaliter uidendū est de medio per quod
odoris species defertur ad potentiā odoratus, & dicemus
duo. primo quod est illud mediū, secundo utrū in eo reci
piatur odor realiter, uel solū q̄tū ad speciē suā intētionālē.

Circa primū nota secūdū Philosophū in. 2. de aia & in
lib. de sen. & sensa. mediū per quod defertur odor ad odo
ratū est aer & aqua, per aquā odorant aīalia aquatica, ut
piscēs, per aerē odorāt animalia terrestria, inter quæ aīalia
respirantia, ut hō, & æquus, & canis &c. odorāt trahendo
aerē super nares, cuius signū est q̄ dū hō emittit aerē attra
ctū nō odorat, nec dū retinet aerē attractū, dū uero trahit
aerem per nares odorat. animalia ergo respirantia per ae
rem & per attractionem aeris odorant.

Circa secūdū utrum dum defertur odor per aerem ad
odoratū sit subiectiuæ & realiter in aere uel in aqua, an so
lū sit subiectiuæ in corpore odorifero, & spiritualiter. i. se
cundum speciem intentionalem in hoc medio.

Ad hoc dubiū respōdetur secūdū Cōmē. & B. Tho.
q̄ odor tripliciter cōsideratur, primo ut ē in corpore odo
rifero, & sic semper est in eo subiectiuæ & realiter ut acci
dens in suo subiecto, secundo cōsideratur ut est in aere p
pinquo ipsi corpore odorifero, puta per. 20. cubitos in cir
cuitu, & sic pōt esse in tali aere ppinquo reātr & subiecti
uæ, nā a corpore odorifero possunt eleuari fumi uaporosi
et mīsceri ipsi aeri ppinquo, in quo fumo uaporoso ē odor
realiter & subiectiuæ, ut patet qñ incenduntur thura, &

myrrha, & alia odorifera ligna, quæ nisi calefiat nō sentiē
eorū odor. 3. cōsideratur ut est in aere distante plurimū a
corpore odorifero, puta qñ sentitur malus odor cadaueris
per. 10. milliaria, tūc dico q odor nō est realit̃ in aere adeo
distante, sed solū spiritaliter, q probatur. Nam ut dicit
Commēt. cum odor cadaueris sentiat̃ a uulturibus per
50. milliaria (ueniūt ut inquit Cōmen. in secūdo de anima.
cō. 97. Per. 50. milliaria ad comedendum cadauera occiso
rum, in quodam prælio in Græcia attracti eorum fetore)
si in tanto spatio aeris fuisset odor realiter, omnia illa cada
uera essent conuersa in fumos uaporosos fetidos, & adhuc
non suffecissent ad replendum tantum spatiū aeris. Dicen
dum est ergo, q sicut in aliqua parte aeris propinqua cor
pori sonoro est sonus realiter, & subiectiue. in parte uero
remota causatur species soni intentionalis, sic in parte aeris
propinqua corpori odorifero causatur odor realiter, ppter
fumum uaporosum eleuatum ex corpore odorifero. in par
te uero aeris remota in circuitū causatur ab odore reali spe
cies odoris intentionalis, per quam ab odoratu sentiē odor
qui est in corpore odorifero, sicut per speciem coloris, quē
defertur ad oculū per corpus actū diaphanū, sentiē, ac vī
color existens in corpore colorato. Hec de medio sufficiāt.
Tertio dēm est de organo odoratus. Vū nota, q licet
odoratus sit unus sensus in oī aīali odorāte, tñ organū odo
raus alio mō disponitur in aīali odorāte sine respiratione.
nā in aīali odorante cū respiratione organū odoratus conti
net tria. primo cōtinet duos neruos egredētes ab anteriori
parte cerebri, & descēdētes ad nares in interiori pte, ut per
deferatur ad cerebrum, & ad sensum cōm species odoris
eos recepta in naribus. scđo p̃tinet duas mollities carneas
similes capitibus, māmillarū semine lactātis, istę duæ mol
lities carneæ sunt affixæ prædictis neruis, sicut miringa in
aure, & sunt spongiose, ut attrahant, & recipiant aerem ex
teriorē deferentē speciem odoris. tertio cōtinet duas pel
liculas coopientes prædictas mollities, sicut palpebre coo-

periunt oculos. Vnde sicut hō non uidet, nisi aperiant palpebre, ita hō, & animalia respirantia nō odorant, nisi per attractionem aeris desuper nares eleuentur illæ pelliculæ, & deferatur species odoris ad illas duas mollities, inde est q̃ hō non odorat, nisi respiret. in animali uero odorante, & non respirante, ut est piscis, organum odoratus cōtinet solum duo prima. s. neruos, & mollities carnosas, quæ quidem mollities non cooperiuntur aliqua pellicula. & ideo cum habeant organum odoratus semper discooperitū possunt odorare sine respiratione, sicut animalia habentia oculos duos carentes palpebris, ut patet in locusta, p̃nt uidere sine aperitione palpebrarum, cum habeant oculos discooperitos. Ex his patet, quomodo disponitur organum odoratus, & quot contineat.

Et si quis quærat, utrum nares in sua parte anteriori sint necessarię ad odoratum. Rñdeo q̃ non. nam illis abscissis adhuc hō odorat, sed sunt ad bene esse, ut. s. melius odoret, & ad decorem faciei, sicut etiam aures extrinsecæ nō sunt necessarię ad auditum, abscissis enim auribus adhuc est auditio, licet non ita bene.

Quarto dicendum est de potentia odoratus. & primo quid sit. sed o quare hic sensus imperfecte, & diminute est in hōie. inquit. n. philosophus, q̃ hō prauè odorat. i. imperfecte odorat. nō enim sentimus odores, nisi sint aliquantum uehementes. unde canis, & catus, & ceruus, & plura alia aīalia lōge perfectiorem habent odoratum. Odoratus igitur sic diffinit bea. Tho. in opuscul. de potentijs aīę. odoratus est potentia ordinata in anteriori parte cerebri, cuius organa sunt nares, & duæ mollities similes capitibus mammillarum, per quas remittit ad cerebrū odorem sibi oblatum a medio, cui odor p̃miscetur. nota q̃ ly nares nō sunt pars organi, nisi sumantur pro sua interiori parte. item nota q̃ nō facit mētionem de pellicula cooperiente illas mollities, quia cū hic diffiniatur odoratus in cōi, & illa pellicula nō inueniatur in quolibet animali odorante, ut patet in pi-

ſce nō debuit poni in diffinitio. odoratus. Si autem diffiniretur odoratus, ut eſt in animali reſpirante bene illa pellicula poneretur in ſua diffinitione.

Quare autē hic ſenſus imperſecte ſit in hoīe, hæc eſt ratio, ſc̄m omnes expoſitores, qm̄ organum odoratus in homine eſt ualde indiſpoſitū. nam debet eſſe ſiccum, & calidum, ſicut odor qui fundatur in ſicco, & calido, ut dictum eſt, ſed in hoīe organum odoratus eſt humidum, & frigidum, quia ſituatur in ſuperiori parte narium, ubi ſunt illę duę mollities, & ſunt p̄pinque cerebro. Cerebrum autē in hoīe eſt ualde frigidum, & humidum p̄pter ſui magnitudinem. dedit. n. natura homini cerebrū ualde magnū, & proportionaliter pluſq̄ alteri aīali, quantūcūq̄ magno, ut in eo cōueniēter poſſint collocari ſenſus interiores, et ut phāſmata neceſſaria intellectiōi recte ordinarent, de quibus omnibus dicemus in. 3. lib. cū igitur in homine cerebrū ſit ualde humidū, & frigidum ex ſui p̄pinq̄uitate ualde inſrigidat, & humectat organū odoratus. ſicq̄ ſit indiſpoſitū ad præcipiendū odores uehementes. Alia uero aīalia, ut canis, & catus, ualde paruū habent cerebrum, nec inſrigidat, ſiue humectat in eis organū odoratus. & ideo cū habeant organum ipſum ſiccū, & calidum ſubtiliſſime ſentiūt odores. Hæc de odoratu ſufficiant, ſequitur de gūſtu.

CAP V T. V.

IN capite de gūſtu tria ſunt conſideranda.

Primo de medio, per quod deferuntur.

Secundo de organo.

Tertio de potentia.

De obiecto quidē quod eſt ſapor iam p̄tractauimus in cap. de odoratu. igitur circa medium cōſiderandum eſt, q̄ ſit medium, per qd̄ guſtamus. Vnde nota q̄ in alijs ſenſibus prædictis, ſ. u iſu, auditu, odoratu, mediū eſt corpus extraneū, i. q̄ eſt extra ſentientem, puta corpus diaphanum, per qd̄ Socrates uidet, & aer, per quē audit ſonum, & odorat eſt extra ipſum Socratem. Nō enim eſt neceſſe, q̄ co-

lor, aut sonus, aut odor immediate tangant ad hoc, q̄ sentiantur, sed sufficit q̄ caulent sp̄m suam intentionalem in aliquo medio extrinseco, per qd̄ talis species deferatur ad organum sensus, ut declarauimus in singulis sensibus prædictis. Sed in gustu, & tactu medium, per qd̄ gustamus, aut tangimus non pōt esse aliqd̄ corpus extrinsecū, nisi enim sapor realiter uniatur gustanti nō gustatur, & ideo medium in gustu est aliqd̄ intrinsecum ipsi gustanti. illud aut̄ est intrinsecum gustanti, qd̄ est pars eius. cum igitur omne illud ex quo cōponitur gustans s̄m physicū sit caro, aut os, aut neruus, necesse est q̄ medium, per qd̄ gustamus sit aut caro, aut neruus, aut os, sed nō est neruus. ipse enim est organum in gustu, ut dicemus, ergo nō est medium, nec est os. nam ppter sui duritiem non posset recipere species saporum, & eas deferre ad organum gustus. ergo hoc medium est caro, sed nō tota caro. nō enim in carne, quæ est in manu, aut in brachio recipiuntur species saporis. uerū illa sola caro, quæ est in lingua, usq̄ ad radicem suam est medium, quo gustamus, quā recte natura fecit porosam humidam, & inspidam, porosam quidē, ut per suos poros transeat species saporis ad organū gustus humidam, ut cibos siccos humectet, sine. n. humiditate saluæ nō sentimus saporis. inspidam autem, ut per eā gustemus omnes species saporis. Si. n. haberet in se aliquem saporē oīa gustata uiderentur esse illius saporis, ut patet in febricitante, cuius lingua est aspersa humore cholerico oīa quæ gustat uidentur sibi amara. cholera enim est amari saporis. Patet igitur q̄ medium in gustu est corpus intrinsecum ipsi gustanti, & est caro, non omnis, sed illa quæ est in tota lingua.

Secundo declarandum est quid sit organum gustus. unde nota secundum Alb. q̄ organum gustus principaliter consistit in duobus neruis, qui insiguntur in medio linguæ, & per plures ramos sparguntur in extremitatibus laterali-
bus linguæ. Ad hos neruos deferuntur species saporis per carnē porosam linguæ, de quibus dicemus in lib. 3. Qua-

re tales species deferantur ad sensum cōmunem, rationem adducam in cap. de sensu communi.

Tertio dicendum est quid sit potentia gustatiua. unde sic diffinitur a bea. Tho. in opusc. de poten. aīa. Gustus est potentia ordinata in neruo expāso super corpus linguæ ad apprehendendū uarios sapores resolutos a corporibus tan gētibz ipsam linguam. Hęc diffinitio ex p̄dictis per se clara est, iō pertransco, quō gustus sit quidā tactus, ut inquit philosophus in ca. de gustu. declarabo in solu. argu.

CAPVT. VI.

IN cap. 6. agendum est de tactu, & dicemus quatuor.

Primo de obiecto.

Secundo de medio.

Tertio de organo.

Quarto de potentia.

Circa obiectū nota, q̄ obiectū pceptibile a tactu principaliter sunt quatuor primæ qualitates elementorū. scilicet caliditas, frigiditas, humiditas, siccitas. unde si manus apponeretur alicui corpori nō habenti in se aliq̄ harū qualitatum, ut est corpus cœli, ibi nō esset tactus p̄prie dictus, licet ex duritie talis corporis nō possem manū ultra extendere. secundario autem a tactu præcipiūtur durum, et molle, asperum, & planum, sicut uisus principaliter percipit album, et nigrum. secundario autem medios colores.

Sed nota, q̄ licet alij sensus percipiant duo prima cōtraria, puta uisus percipit albū, & nigrum. auditus percipit sonum acutū, & grauem, odoratus p̄cipit odorē dulcem, & amarū. similiter gustus saporem dulcē, et amarum, tñ quia oīa prædicta contraria continentur sub uno genere, ut puta album, & nigrū sub colore, dulce, et amarū sub odore etc. quilibet p̄dictorū sensuū est unus, puta uisus est unus sensus, quia habet unū obiectum, puta colorē, sic & alij sensus, sed sic non pōt dici de sensu tactus. nā illæ 4. qualitates non pñt reduci ad aliq̄d unum genus, sub quo imediate cōtineantur, quia duæ primæ contrarietates nō continen-

tur sub aliquo uno genere, ut dicitur in. 10. meta. ubi declaratur, q^d in uno genere est tm̄ una prima cōtrarietas, puta in gñe coloris est prima cōtrarietas album, & nigrum, pñt tamen esse plures scđariae contrarietates sub uno gñe, ut inter croceū, & rubeum, & inter uiride, & cineritiū, sed ille quatuor qualitates faciunt duas primas cōtrarietates, ut inter caliditatē, & frig. est una prima cōtrarietas, & inter siccitatē, & humi. est alia prima cōtrarietas. ergo non pōt reduci, nec cōtineri sub uno genere, & sic sequitur q^d cū sensus tactus nō habeat pro obiecto unum genus, sub quo cōtineantur quatuor qualitates tāgibiles, q^d nō sit unus sensus, sed duo, ita q^d uno tactu sentimus calidū, & frigi. & alio tactu sentimus humidū, & siccum. Hæc dicta sunt de mente philosophi in ca. de tactu. uerū si tactus sunt duo sensus. ergo sensus exteriores sunt. 6. Ad hanc instantiam respondebo in solutione argumentorum.

Scđo uidendum est, q^d sit medium, per q^d tangimus. et hic pono duas cōclusiones, s^m philosophum. prima est, caro, q̄ est in toto corpore est mediū per se in tactu. pbat^r, mediū in tactu est corpus intrinsecum aīali tangenti. i. corpus, q^d est pars animalis tangenti. nā necesse est tāgibile realiter uniri ipsi tangenti, quādiu. n. distat a tangente non sentiē. ergo unitur per mediū intrinsecū, sed hoc medium est caro, q̄ est in toto corpore. ergo caro est medium per se in tactu. Q^d hoc medium sit caro, pbat sic philosophus. Caro, uel est mediū, uel est organum in tactu, nō est organū, quia sequeretur q^d si ponatur corpus calidū super carnem nō sentiretur illius calor. Cōe est. n. cuilibet sensui, q^d si ponatur obiectū sensibile super organum sensus nō sentitur, sicut diximus in cap. de uisu, q^d si ponat corpus coloratū super pupillā oculi non uidebitur. & tñ si ponitur corpus calidū super carnem sentitur illius calor. ergo signum est, q^d caro nō est organū in tactu, sed mediū. dixi autē medium per se. i. cōnaturale ipsi aīali tangenti. dixi caro, q̄ est in toto corpore ad differentiam gustus. dixi. n. in ca. de gu

Itu, q̄ caro est mediū, quo gustamus, non ois, sed ea tātum quæ est in lingua, in tactu uero s̄m oēs partes corporis sentimus qualitates tangibiles si uniantur ipsi carni.

Sc̄da conclusio, Medium per acc̄ns in tactu est corpus extrinsecū, puta aqua, uel aer, uel aliud corpus humidum. probatur sic, q̄cuncq̄ tangimus, uel sunt in aqua, uel in aere, uel in alio corpe humido, puta oleo, aut uino, si sunt in aqua, uel in alio corpe humido. ergo saltē in superficie sunt humefacta, si sunt humefacta. ergo aqua, uel aliud corpus humidum eis adhæret in superficie, si eis adhæret in superficie. ergo manus non pōt tangere tale corpus humefactū, quin inter corpus humefactū, & manum tangentē mediet aqua, uel aliud corpus humidū. idem sequitur in his, q̄ tanguntur in aere. aer. n. naturaliter est humidus. & iō humefat saltem s̄m superficiē corpus in eo existens. Ex his igitur patet, q̄ medium in tactu ē est corpus extraneū humidum, qd̄ quidē dicitur medium per acc̄ns, quia accidit, q̄ obiectū tangibile sit in tali corpe humido. nā si extra coelū esset lapis, & Socrates, Socrates tangeret lapidē sine medio extraneo. Quomodo aut̄ sit uerum, q̄ duo corpora existentia in aliquo elemento non se possunt tangere immediate declarabo in solutione argumentorum.

Tertio uidendū est quid est organū tactus, ad qd̄ per carnē deferuntur spēs qualitatū sensibiliū, et dicemus duo. primo assignabimus ipsum organū. sc̄do declarabimus quale debeat esse tale organum, & similiter quale debeat esse medium, id est caro.

Circa primū nota, q̄ ibi est triplex op̄io. prima est Aristē. qui dicit, q̄ organū tactus non est caro simpliciter, sed caro neruosa. i. imixta neruis, cuius signū est, q̄ sentimus qualitates tangibiles, s̄m oēm partem corporis. & cū unitur tangibile carni sentitur ip̄m tangibile. ergo signū est, q̄ caro extensa per totū corpus, & imixta neruis est organū in tactu. Sc̄da op̄io est Ari. in lib. de aia. qui dicit, q̄ caro simpliciter est organū tactus. Tertia est opinio ipsius Arist. hic in lib. de

aia. & Cō. & Alb. & bea. Tho. q̄ neruus pprie est organum tactus. & si fiat instantia q̄ Arist. sibiip̄si est contrarius. rñdet Cō. in lib. 2. de aia. in cō. 108. q̄ Arist. cū loquebatur in lib. de aial. adhuc nesciebat neruos. cū uero hic dicit, q̄ neruus est organū. id postea cognouit per anathomiam. & cognouit q̄ nerui hñt introitum ad tactū, & motū. i. per neruos est tactus, & motus in aialibus. Qualiter uero disponat neruus, q̄ est organū tactus sic accipe. duo nerui, ut duæ radices a cerebro egrediuntur, et per uarios ramos in toto corpore diffunduntur carne inuoluti, per omnes neruos quicqd̄ frigidū, aut calidū, aut humidū in toto corpore sentiūt, deferunt ad sensum cōem, ut ēt diximus de alijs sensibilibus per alios sensus. Quare uero deferantur ad sensum cōem. dicā in. 3. lib. in cap. de sensu cōi. ex his corollarix sequitur, q̄ ea q̄ sunt in corpore, & in eis nō est caro, & neruus nō sentiuntur. & iō ossa nuda, nec ungues, nec capilli hñt sensum tactus. unde si esset possibile pungeretur purus os, aut unguē, non sentiretur aliqs dolor, sicut nec cum inciditur capillus, sed q̄a adhærent carni mixtæ cū neruis, iō non punguntur sine dolore. Ex his patet, q̄ sit organum tactus. Quale uero debeat eē similiter, & mediū. dico fm Plm, q̄ neruus, & caro debent esse denudati. i. nō habere in se qualitates tāgibiles, quia mediū, & organū, si est receptiuū alicuius qualitatis debet eē priuatū ea, sicut diximus in uisu, q̄ diaphanum, & pupilla debent esse priuata omni colore, ut recipiant omnem speciem coloris, sic & caro, & neruus, ut recipiant calidum, frigidum, humidum, siccum debent esse priuati his qualitatibus.

Sed nota, q̄ nō eodem mō id accidit in alijs sensibus, & in tactu. nā in alijs sensibus mediū, & organū sunt omnino priuata specie sui obiecti, ut diaphanū nullo mō debet esse coloratū, nec aer, nec miringa ullū habent sonū etc. in sensu uero tactus, id non pōt fieri. nā caro, & nerui sunt cōposita ex elementis. & per consequens hñt in sua cōpositione calidū, & frigidū, humidū, & siccū: sed sunt reducta ad
medium

medium. i. sunt contemperata. & propterea non sentit manus aliqd corpus qd habeat in se tantā caliditatē, uel frigiditatē, uel humiditatem, q̄ta est in cōplexione manus. sentit uero calidū, uel frigidū excedens cōpōnē ipsius manus.

Si ergo q̄ratur quale deat esse medium, & organū in tactu. r̄ndeō q̄ non est necesse, ut careant oīno qualitatibus tangibilibus, quia cū sint elementata tales qualitates adin- uicem cōtemperate ingrediuntur cōplexionem eorum, sed sufficit q̄ careāt his qualitatibus, put sunt tāgibiles. i. in aliquo gradu plusq̄ ingrediuntur complexionem eorum.

Et si q̄ratur cū in toto sit diffusus sensus tactus, in qua parte magis uiget. r̄ndeō, q̄ in palma manus, & in palma pedis, p̄cipue uero in digito indice, ac medio. ibi. n. est caro neruosa, & contemperatissima inter calidū, & frigidū, humidum, & siccum, durum, et molle, secundū Alb. et Auic.

Quarto uidendū est quid sit tactus. unde ex p̄dictis sic diffinitur. tactus est potētia ordinata in neruo per totū corpus expanso ad apprehendendū calidum, & frigidū, humidum, & siccū principaliter. hāc diffinitio patet ex p̄dictis. hāc de tactu sufficiant, qui q̄dem p̄cipue uiget in hoīe, quia in eo sunt elementa magis contemperata, & cōplexio nobilior, ut corpus humanū esse conueniens receptiuum excellentissimæ formæ, q̄ est aīa intellectiua, unde licet q̄dā animalia habeāt uisum p̄fectiorem, q̄ hō, ut aquila, & odoratum, ut canis, nulla t̄n habent nobiliore gustū, & tactum, quia caro, & neruus, per q̄ sit tactus sunt nobilioris excellentiæ in hoīe, q̄ in alijs aīalibus. Hic terminatur tracta. de sensu. exte. cui apponimus quædam argumenta pro declaratione quorundam p̄dictorum.

Primum p̄bat, q̄ sensibile positū super organū sensus sentitur, sic si acu p̄ngatur neruus sit dolor, sed neruus est organum sensus, scilicet tactus. ergo sensibile tangens organum sensus sentitur.

Ad hoc dicitur, q̄ neruus dupliciter cōsideratur, primo ut circūuolutus est carne. & sic si p̄ngitur dolet non tōne

sui, sed ratione carnis circūdantis ipsum neruum. scđo consideratur, ut totus discoopertus carne. & sic nego quod si pungitur doleat, immo secundum se est insensibilis, sicut os, & plus, & unguis separatæ a carne.

Scđm probat, qđ medium, & organum non est necesse quod careant specie sui obiecti, ut sentiant suū obiectū sic, oculus cati est lucidus. & tamen uidet lucida, puta ignem.

Item manus aliquando est frigida, & tamen sentit corpus frigidum, ut patet in hyeme etc. ergo nō est necesse organum esse denudatum a specie sui obiecti.

Ad hoc dicitur, qđ hæc ppositio oē recipiens debet esse denudatū a specie sui obiecti receptibilis, sic habet intelligi qđ uel oīno sit denudatū, uel sit denudatū pro tanto gradu, pro quāto debet recipere, & sentire suū obiectū. & hæc secunda ps uera est. nā oculus cati non posset uidere corpus lucidū, si non esset magis, uel minus lucidū, qđ sit oculus cati. similiter manus frigida nō posset sentire aliqd aliud corpus frigidum, nisi in eo esset maior, uel minor frigiditas, qđ sit in manu. Hæc expositio pro nunc sufficiat, nam in tracta. de intellectu perfecte exponetur.

Tertium pbat, qđ gustus nō sit quidā tactus quasi spēs sua, ut dicit Philo hic. Si gustus est quidā tactus, ergo gustus nō est sensus distinctus a tactu. nō. n. distinguitur spēs contra genus, sed continetur sub gñe, ut minus vñ sub magis vñ, si gustus nō distinguitur a tactu, ergo sunt tm̄ quatuor sensus exteriores, quod est contra Philosophum.

Ad hoc dicitur, qđ gustus cōsideratur dupliciter. primo Inquantum est cognoscitiuus saporū, & sic non est qđam tactus, imo distinguitur contra tactū. nam obiectū gustus est sapor. obiectū aut tactus sunt primæ qualitates tāgibiles. cū ergo habeant obiecta distincta sunt sensus distincti. scđo consideratur inquantū est cognoscitiuus primarum qualitatū, quæ sunt in nutrimento, nā omne nutrimentum ultra hoc, qđ habet aliquem saporē est humidū, uel siccū, calidū, uel frig. durū, uel molle. & has qualitates cognoscit

gustus. Inquantū igitur eas cognoscit gustus dicitur esse quidam tactus, & nō distinguitur a tactu, sicut non distinguitur hō ab aīali. dico igitur ad arg. q̄ Philosophus intelligit gustū esse quēdam tactum. scđo mō, & non primo mō. & nota q̄ gustus primo mō, & scđo modo est in oībus animalibus pfectis, sed in aīalibus impfectis, ut in uerme est gustus solum secundo modo. & ideo in eis gustus non distinguitur contra tactum, ut dicemus in. 3. lib. cap. uli.

Quartum pbat, q̄ tactus non sit plures sensus, ut dicit Philosophus sic. Si tactus sit plures sensus. ergo sensus exteriores sunt plures, q̄. 5. puta. 6. si tactus sit duo sensus. hoc autē est contra Phm. qui solū assignat. 5. sensus exteriores.

Ad hoc dicitur, q̄ cōceditur tactū esse plures sensus, ut probatū est in cap. de tactu. & qñ dicitur, q̄ erunt plures sensus, q̄. 5. Concedo. Et qñ dicitur hoc est contra Philosophum. dico q̄ sensus exteriores cōsiderantur dupliciter. primo quo ad obiecta formalia, & sic sunt plures, q̄. 5. qñ in tactu sunt duo obiecta formalia. primū est caliditas, & frigi. scđm est humiditas, & siccitas. scđo cōsiderantur quantum ad sua organa. & sic dico q̄ sunt tm̄. 5. nā quilibet sensus habet unū organum, qđ in tactu est neruus per totum corpus diffusus. Philosophus igitur dixit sensus esse. 5. non quidem formaliter. i. quo ad sua obiecta, sed materialiter. i. quo ad organa, q̄bus ipsæ potentiz sensitivæ sunt affixæ. & nota q̄ licet sint duo oculi. non tm̄ sunt duo organa visus, sed unū perfectum ex his duobus aggregatū. unde & uniuntur in supiori parte ipsius nerui egrediētis a cerebro. Idem dico de duabus auribus, & naribus.

Quintum pbat, q̄ duo corpora existentia in aere immediate se tangūt sic. sumatur cyathus plenus aqua, tūc quæro, aut aqua, & cyathus fm̄ superficiē intrinsecā se tāgunt immediate, aut nō, si immediate hñt intentū, si non immediate. ergo superficies interior cyathi nō est locus pprius aque, qđ est falsum. & pbatur cōsequētia, quia locus pprius immediate cōtinet locatū, ergo immediate tangit locatum. si

ergo superficies interior cyathi non immediate tangit aquam, sequitur quod non sit locus proprius aquæ.

Ad hoc dicitur, quod hæc propositio Philosophi duo corpora non se tangunt immediate duas conditiones requirit. primo quod duo sint corpora dura. nam si sunt mollia se tangunt immediate, ut aqua & oleum superinfusum ipsi aquæ, uel si unum sit durum, & alterum molle, ut lapis positus in aqua, uel aqua posita in uase immediate se tangunt. & sic argumentum non procedit. secundo quod sint discontinua. nam si duo corpora dura sint continua immediate se tangunt, ut duæ medietates unius baculi, cuius prima medietas sit sicca, & secunda sit uiridis, antequam diuidantur abinuicem immediate se tangunt. Si autem sint duo corpora dura, & abinuicem diuisa, ut duo lapides, & duæ manus non se tangunt immediate, quia semper inter ea mediat aliquis aer, ut aqua, ut probatum est in cap. de tactu. Verum quia homo aer medians ualde prius est, et quasi insensibilis qualitatis, ideo sensus iudicat ea quasi immediate se tangere. parum. n. pro nihilo reputatur. Hæc de sens. exteriori.

SVPER TERTIO LIBRO DE

anima, Tractatus primus, & est de sensibus interioribus.



UPER Tercio libro de anima formamus tres tractatus.

Primus est de sensibus interioribus.

Secundus est de potentia intellectiua.

Tertius est de potentia appetitiua, & motiua.

Primus tractatus distinguitur in sex capita.

In primo inuestigatur quid sit sensus in cõi, & organum sensus. et nota, quod hæc declaratio cõpetit cuilibet sensui exteriori, & interiori.

In secundo assignatur sufficiëntia sensuum exteriorum, quare sunt quinque, & non plures.

- In tertio agitur de sensu communi.
- In quarto agitur de phantasia.
- In quinto agitur de cogitativa, & existimativa.
- In sexto agitur de memoria, & reminiscencia.

CAP. V. T. I.

IN primo cap. sequendo ordinem Arist. declarandū est quid sit sensus in communi. & ibi agemus tria.

Primo quid sit sensus.

Secundo quid sit organum sensus.

Tertio soluetur duplex dubium.

Sensus sic diffinitur a Philosopho in. 2. de aīa. Sensus est receptiuus specierū sine materia. i. sensus est potentia, q̄ recipit speciem, uel formā sui obiecti sine materia. i. spiritualiter, ut uisus recipit formā coloris spiritualiter, uel intentionaliter, qđ idē est. Vnde nota, qđ obiectū sensibile potest habere duplex esse. primo pōt habere esse materiale, et naturale. & sic recipitur in aliquo corpore, qđ denominat esse tale, ut albedo recipitur in charta, secundum suū esse materiale, quā denominat esse albā, hoc mō sensibile obiectum non habet esse in sensu. scđo habet esse spirituale, & intētionale, & in quocunq; recipitur secundū tale esse, non denotat ipm tale esse, sic recipitur obiectū sensibile in sensu, quem tñ non denominat esse talē, puta recipitur species rubedinis in oculo, qñ uidet corpus rubeum. non tñ facit oculū rubeum. similiter qñ recipitur spēs albedinis in speculo non facit speculum album, & qñ recipitur figura sigilli argentei in cera nō facit ceram argenteā. sic ergo intelligatur diffinitio. Sensus est potentia, q̄ recipit formā sui obiecti sine materia. i. non secūdum esse materiale, sed secundum esse spirituale, & intentionale, ita qđ nō denominatur talis ex huius receptione.

Scđo declarandum est qđ sit organum sensus. nā licet sensus recipiat formā sui obiecti spiritualiter sicut & intellectus, tñ in hoc distinguūt, qđ sensus est potentia afixa organo corporeo, ut auditus figuratus est in tympano auris. in

tellektus uero non est affixus alicui organo, ut in trac. de intellectu. sic igitur diffinitur. Organum est corpus recipiens sensum, sicut materia formam, puta oculus est corpus recipiens uisum, sicut formam suam. unde ex organo, & sensu fit unum compositum, sicut ex materia, & forma, uel sicut ex subiecto, & accidente. ex quo sequitur corollarie, quod quando separatur anima a corpore in morte omnis sensus corrumpitur. corrumpuntur. organa sensuum. ergo corrumpuntur sensus, cum sint affixi organis suis, nec habeant esse, nisi in suis organis.

Tertio Philosophus ex diffinitione sensus, & organi soluit duo dubia. primum est, propter quid excellens sensibile corrumpit sensum. nam si quis per longum tempus, puta per unam diem continue defigeret oculum in luce solis efficeretur cæcus. corrumpitur enim uisus a tam uehementi luce, & si quis continue audiret uehementes sonos efficeretur surdus, unde & molendinarij partim surdesunt.

Ad hoc respondet Philosophus, quod excellens sensibile destruit contemperantiam, quæ est in organo sensus, puta lux solis dissoluit humorem aqueum congelatum, qui est in pupilla oculi, destructa uero contemperantia organi corrumpitur organum. corrupto organo corrumpitur sensus, quia est affixus ipsi organo, ut patet ex diffinitione organi. igitur a primo ad ultimum excellens sensibile corrumpit sensum, quia corrumpit organum sensus, sicut quando quis forti impetu percutit chordas citharæ destruit consonantiam, quia ex forti percussione destruit proportionem situatam in uaria perturbatione chordarum.

Secundum dubium est, propter quid plantæ non sentiunt cum sint animatæ, & recipiant qualitates sensibiles, recipiunt enim calidum, & frigidum. humidum, & siccum, quæ sunt obiecta in tactu. ergo saltem debent habere sensum tactus.

Ad hoc respondet Philosophus, quod plantæ non recipiunt qualitates sensibiles, nisi secundum esse materiale, & naturale, & non secundum esse spirituale. id est sine materia, cuius signum est, quod quando recipiuntur huiusmodi qualitates in planta semper denominant eam esse talem, puta quando recipi-

tur humiditas in planta. uerum est dicere, quod est humida. talis autem denominatio non fit, quoniam recipitur in aliquo qualitas sensibilis secundum esse spirituale, ut diximus in definitione sensus. Dicendum est ergo, quod plantæ non sentiunt, quia non habent sensum. idem non habent sensum, quia non recipiunt qualitates sensibiles sine materia. id est sine esse spirituale, & intentionale, ut recipit sensus. Et de hoc satis diximus.

CAP. V. T. II.

IN cap. 2. assignanda est sufficientia sensuum exteriorum, quare sunt, 5. & non plures. Huius autem duplex est ratio. prima est Arist. in principio tertij de anima, quæ est hæc. nos habemus omnes sensus exteriores. & non habemus, nisi. 5. sensus. scilicet uisum, auditum etc. ergo sensus exteriores non sunt, nisi. 5. sensus. scilicet uisum, auditum etc. ergo sensus exteriores non sunt, nisi. 5. Quod nos habeamus omnes sensus exteriores probatur tripliciter. primo sic. nos sentimus omnia obiecta sensibilia. scilicet dolores, odores, sonos etc. ergo habemus omnes sensus exteriores, quibus sentimus omnia sensibilia obiecta. secundo sic. nos habemus organa sensuum exteriorum. scilicet organum uisus, quod est oculus, & nerui egredientes a cerebro. similiter alia organa, sicut declaravi in tracta. 3. super lib. 2. ergo habemus omnes sensus exteriores. tertio sic, omnis sensus, uel sentit per medium extrinsecum, ut est aer, et aqua, uel per medium intrinsecum, ut est caro. Si per medium extrinsecum, sic sentit uisus, auditus, & odoratus. & hos sensus habemus. Si per medium intrinsecum sic sentit gustus, et tactus. cum ergo habeamus omnes sensus, qui sentiunt per media extrinseca, & intrinseca. sequitur quod nos habeamus omnes sensus exteriores.

Secunda ratio est bea. Tho. in prima par. q. 79. arti. 3. & est talis. obiectum sensibile immutat sensum, & recipitur in sensu, ut patet ex definitione sensus superius data. ergo secundum quod diuersimode sensibile recipitur in sensu, sic distinguuntur sensus exteriores. sensibile uero potest recipi in sensu quatuor modis. primo pure spiritualiter, sine aliqua mutatione

physica facta in obiecto, nec in organo, & quantum ad
 hanc receptionem pure spiritualement assignatur uisus, quan-
 do enim color uidetur non fit aliqua mutatio physica, pu-
 ta non est necesse colorem moueri localiter, nec oculum
 alterari. secundo sensibile potest recipi in sensu per mutatio-
 nem physicam. i. per motum localem factum ex parte ob-
 iecti. nulla tamen mutatione facta in organo sensus, &
 quantum ad talem receptionem assignatur auditus, quan-
 do enim sonus auditur, necesse est sonum generari ex per-
 cussione percutientis ad percussum, & aerem qui mediat
 inter percutiens, & percussum expelli, ac moueri, & dum
 commouetur localiter defert sonum ad auditum. patet ergo
 quod in auditu ex parte soni, qui est obiectum requiritur mo-
 tus localis, qui est mutatio naturalis, & non spiritualis. ter-
 tio potest recipi sensibile in sensu per mutationem physicam
 .i. alterationem factam ex parte obiecti non ex parte orga-
 ni, & quantum ad talem receptionem assignatur odoratus.
 quando enim odor sentitur, necesse per calorem corpus odo-
 riferum alterari, ut per talem alterationem spiret odorem,
 fundatur enim in calido, & sicco odor, & ideo sine calore
 resolvente non sentitur odor, ut declarauimus in tracta. 3. super
 secundo lib. quarto potest recipi sensibile in sensu per alte-
 rationem physicam factam, non quidem ex parte obiecti, sed
 ex parte organi. & quantum ad hanc receptionem assigna-
 tur gustus, & tactus. quando enim corpus calidum tanga-
 tur a manu, realiter manus fit calida. ergo alteratur caro,
 quae est medium, & neruus qui est organum. similiter quan-
 do corpus saporosum humidum tangitur a lingua, fit hu-
 mida realiter. ergo caro, lingua, & neruus expansus per
 linguam, qui est organum in gustu, alteratur. Ex his igitur pa-
 tet, quomodo sunt quinque sensus exteriores, & quomodo
 distinguuntur, secundum diuersimodum, quo recipitur ob-
 iectum sensibile in ipso sensu. quo distinguatur gustus, &
 tactus declarauimus in. 3. trac. super. 2. lib. similiter quomodo
 sensus tactus sit unus, uel plures sensus, patet ibidem.

POTS assignationem sensuum exteriorum transeun-
 dum est ad sensus interiores, & primo in communi,
 secundo in particulari. De is in cōmuni dicemus duo,
 primo quare dicuntur sensus interiores, cū etiā sensus exte-
 riores possunt dici interiores, p̄ quanto sunt intrinseci ipsi
 animali, & recepti in suis organis, ut uisus in oculo &c. 2.
 dicemus quæ fuit necessitas ponēdi hos sensus interiores.

Circa primū nota q̄ uisus & auditus &c. dicuntur sen-
 sus exteriores, quia immediate sine alio sensu priori susci-
 piunt species causatas a sensibilibus exterioribus, puta ui-
 sus immediate recipit speciem coloris causatam a colore qui ē
 in pariete, & auditus recipit sonū immediate causatum a cor-
 pore sonoro. isti uero ut sensus cōis & phantasia &c. dicū-
 tur sensus interiores, quia nō immediate recipiūt species sen-
 sibilium exteriorum, sed mediantribus sensibus exteriori-
 bus, puta si spēs coloris debet recipi in sensu cōi & ab ip-
 so transmitti ad phātasiam, est necesse q̄ prius recipiatur ī
 uisu, deinde per nervos, quibus affixi sunt oculi, transmitti
 tur ad sensum cōem, & ab ipso ad phātasiam, ut diximus. di-
 cuntur ergo sensus interiores, quia nō mutantur immedia-
 te a specie obiecti sensibilis exterioris, sed a specie prius re-
 cepta in sensu exteriori & ad eos transmissa.

Circa secundū nota secundū B. Tho. in prima parte. q.
 73. arti. 4. q̄ necessitas ponēdi hos sensus in aīali perfecto
 fuit ut animal perfectū haberet oēs actiones oportunas
 regimini uitæ suæ. Quæ autem sint hæ actiones declarabi-
 mus pertractando in particulari de singulis sensibus inte-
 rioribus & ponendo necessitates suas.

Primus sensus interiorū ē sensus cōis, de quo dicemus
 4. primo in quo organo situatur, secundo quæ sit neces-
 sitas sua, ex qua declarabitur q̄ sint actus ipsius, tertio qua-
 re dicitur sensus communis, & hoc declarabitur in solutio-
 ne argumen. quarto quæ sit diffinitio sua.

Circa primū nota secundū Auicē. in. 6. lib. naturalū.

& omnes Phisici cōcordant cum eo q̄ organū sensus cōmunis est prima cellula cerebri, quæ est super frontem, in qua radican- tur oēs nerui descendentes ad organa sensuū exteriorum, ut a sensu cōi deriuetur uirtus sentiendi ad omnes sensus exteriores, sicut a fonte deriuantur uarij riuuli et ad sensum cōmunē transmittuntur omnes species obiecto- rum quæ apprehenduntur a sensibus exterioribus, omnes enim sensus exteriores uniuntur in sensu cōi, sicut multę li- neæ egredientes a circūferentia uniuntur in centro circuli, & secundū Auicen. se habent sensus exteriores ad sensum cōmunem, sicut serui ad regem ad quem reuertuntur cū lucris. Quicqd. n. oculus uidet eius spēm transmittit per neruos quibus affixi sunt oculi ad sensum communem. Idem intellige de auditu, odoratu &c.

Circa secundum nota q̄ necessitas ponendi sensum cōmunē in animali perfecto est propter duas actiones quæ sunt in animalis, & nō possunt causari ab aliquo sensu exte- riori, ut p̄batur, ergo sunt necesse ponere aliū sensum præ- ter sensus exteriores qui p̄ducerent has actiones, & hunc sensum dicimus esse sensum cōmunē, prima actio sensus cōmunis est cognoscere diuersitatem inter obiecta sensuū exteriorū, puta cognoscere q̄ albū nō est dulce, & sonus non est odor, hanc diuersitatē nos cognoscimus & non p̄ aliquē sensum exteriorē, licet. n. per uisum cognoscamus diuersitatē specierū coloris, puta cognoscimus per uisum q̄ albū non est nigrū, quia per uisum utrunq̄ per se senti- mus, tñ per uisum nō possumus cognoscere q̄ albū distin- guatur a dulci, nec per auditū cognoscimus q̄ sonus distin- guatur ab odore, quia per uisum non sentimus albū & dul- ce per se, nec per auditū cognoscimus sonū & odorē. cum ergo per nullū sensum exteriorē cognoscamus diuersa ob- iecta distinctorū sensuū, sequitur q̄ per nullū sensum ex- teriorem cognoscimus diuersitatē inter obiecta sensuū ex- teriorum. igitur necesse est ponere aliquē sensum interiorē ad quem transmittantur species obiectorum sensibilibus

apprehensorum per sensus exteriores, & tunc per talē trāsmi-
 sionē cognoscimus diuersa obiecta sensuū exteriorū,
 cognoscimus ēt diuersitatem inter ipsa obiecta, & hic est
 sensus cōis, nam per neruos egredientes a cerebro ad ocu-
 los cognoscit colorē, & p neruos egredientes a cerebro ad
 nares cognoscit odorē. cognitis autē ab eodē colore & odo-
 re. aduerte q̄ color dīstinguitur ab odore, quia alio mō co-
 lor imutat uisum, & alio modo odor immutat odoratū, et
 sic cognoscit diuersitatē inter obiecta sensuū exteriorum,
 secunda actio sensus cōis est cognoscere actum sensus ex-
 terioris, puta cognoscit q̄ uisus uidet, & auditus audit. Et
 q̄ hęc actio causetur a sensu cōi probatur sic. Hęc actio
 nō pōt esse a sensu exteriori. ergo est ab aliquo sensu inte-
 riori, ad quē terminatur actus sensuū exteriorum, & hic ē
 sensus cōmunis. p̄batur antecedens. s. q̄ nullus sensus ex-
 terior cognoscat actū suū, & probo de uisu, & simile erat
 in alijs sensibus, quicquid per se uidetur a uisu est ali-
 quo mō coloratum uel lucidum, sed uidere non est colora-
 tum nec lucidum, ut patet. ergo uisus non uidet se uidere,
 similiter quicquid per se cognoscit ab odoratu est aliquo
 mō odoriferum, odor. n. est obiectum, sed odorare nō est
 odoriferum. ergo odoratus non cognoscit se odorare. Præ-
 terea, sola potētia nō organica, ut est intellectus cognoscit
 actū suū. ergo nullus sensus exterior cognoscit actū suum,
 quia omnis sensus est potentia affixa organo, ut dictū est
 supra. Hęc ratio magis declarabitur in tractatu de intel-
 lectu. Cum igitur cognoscāmus nos uidere & audire, &
 non per aliquē sensum exteriorē, sequitur q̄ hęc actio sit
 a sensu cōmuni, ex quo. n. ad ipsum transmittuntur omnes
 species obiectōrū sensibilium quæ recipiuntur in sensibus
 exterioribus, & cognoscit diuersa obiecta sensuum exter-
 riorum, per primā actionē pōt ēt cognoscere diuersos ac-
 tus ipsorum sensuum, puta q̄ uisus uidet, q̄ auditus au-
 dit, & quod uidere non est audire. Ex ijs patet quæ sit ne-
 cessitas ponendi sensum communem.

Circa tertium quare dicatur sensus communis declarabo in solutione argumenti.

Circa quartum. scilicet quid sit sensus cōis, nota q̄ sic diffinitur, ut elicitur ab Auicē. in. 6. naturalium in cap. de sensu interiori. Sensus cōis est potētia situata in prima parte cerebri a qua omnes sensus exteriores deriuantur. i. accipiunt uirtutē sentiendi, ad quam transmittuntur oēs species sensatarū apprehense per sensus exteriores, in qua oēs sensus exteriores uniuntur, sicut plures lineæ in uno centro. Hæc diffinitio patet ex prius declaratis. Hæc de sensu cōi sufficiant. Quomodo uero per hanc potētiā cōpleantur somnia & causetur dormitio, iam declarauimus in tracta. quem ordinauimus de som. & uigi. & de prophetia quæ sit in somnijs.

CAP V T. IIII.

IN quarto capite agendum est de secundo sensu interiori, qui dicitur phantasia secundum Aristotē. & dicitur formalis secundum Auicē. i. 6. naturalium de quo dicemus quatuor.

Primo in quo organo situatur.

Secundo quæ sunt operationes suæ.


Tertio, quæ sit necessitas ponendi hunc sensum.

Quarto quare uocatur phantasia, & quō diffinitur.

Circa primum. nota q̄ secundum Auicē. & Auer. & Bea. Tho. in opusculis de potentijs animæ. phantasia situatur in secunda parte cerebri in parte anteriori capitis post sensum cōmunem, & id conueniēter a natura actū est, nā phantasia habet retinere & cōseruare species apprehensas a sensibus exterioribus & trāsmittas ad sensum cōm, puta uisus in se recipit colorē pomi & figurā, hanc spēm trāsmittit per neruos ad sensum cōm, & sensus cōis transmittit eā ad phantasiam, in qua ut in quodam thesauro cōseruatur. Idē intellige de oibus speciebus apprehensis per alios sensus. Et si quæras quare sensus cōis recipiens tales species non retinet & eas cōseruat, sine hoc quod transmittat eas ad phantasiam. Respondeo q̄ sensus cōis non pōt eas retinere. nam situatur in prima parte cerebri super frontē

ubi est multa humiditas & mollities, p̄p̄riū est aut̄ rei mol-
lis bene & faciliter recipere, molle autē retinere, sicut cera
mollis facile recipit figuram sigilli et male retinet, facile. n̄
est talem figuram delere. Hęc igitur est ratio quare sen-
sus communis cū facilitate species sensatas recipit a sensi-
bus exterioribus, sed eas nō pōt retinere, & ideo est neces-
se ut transmittantur ad aliam potentiam quę sit situata in
parte sicca ipsius capitis, & hęc est phantasia, nā in secu-
da parte anteriori capitis, nō est tanta humiditas & est ma-
ior durities, & ideo phantasia quę ibi situatur bene retinet
& conseruat ipsas species, & ideo uocatur ab Auicen. the-
saurus specierum sensatarum. Figura declarās quomodo
situatur phantasia in capite, & quomodo quali per neruum
transmittantur ad ipsam sensate species patet hoc.

Circa secūdum
nota quod dug sunt
operationes phanta-
siaz. p̄ma est, q̄ ha-
bet retinere species
sensatas & transmis-
sas a sensu cōi tan-
quam thalamus &
thesaurus sensus cō-
munis, ut inquit Al-
gazel, nam dictum
est supra q̄ sensus
cōis est sicut rex in
solio ad quē redeūt
sensus exteriores cū
speciebus apprehē-
sis, sicut serui cū lu-



cris, & has species uelut lucra recondit cōseruanda in phā-
tasia & in suo thesauro, secunda est secūdū Auer. & B.
Tho. q̄ habet cōponere species sensatas adinuicem, puta
in phantasia est conseruata similitudo monis quē aliquan-

do uidi, & similitudo auri quod aliquando uidi. pōt autem phantasia has duas species adinuicē cōponere & fingere montē aureū, licet non inueniatur in natura, ex quo sequitur q̄ oīa entia fictitia, ut sunt figmenta poetarū, ut sunt parabole, ut sunt entia chimerica, puta fingere animal cuius caput sit leonis, & pedes auis, & cauda serpētis, & alæ uulturnis, omnia hmoi sunt per operationē phantasie cōponētis uarias species rerū sensibiliū adinuicē, & si phantasia pōt hęc chimerica cōponere, dū hō uigilat, pōt multo magis dum hō dormit, unde a phantasia plerūq; causantur uisiones quę fiunt in somnijs, & nisi hęc potētia existeret in animali perfecto, nunq; animal nec hō somniarēt, quō uero phantasie causentur somnia uera, siue falsa, siue prænūcia rerum futurarum declarauī in tracta. quē ordinaui de somno & uigilia. Notanter uero dixi q̄ secundū Auer. & B. Tho. phantasia habet cōponere spēs sensatas, qm̄ Aui. cen. in. 6. naturaliū. opinatur q̄ phantasia solū habeat conseruare species sensatas, alia uero potentia quę apud Aui. cen. dicitur imaginatiua, & situatur secūdū eo in cerebro post phantasiā, habet cōponere spēs sensatas adinuicē, unde entia fictitia secundū ipsum fiunt ab imaginatiua, & nō a phantasia.

Circa tertiū nota q̄ necessitas ponendi phantasiam est ut animal perfectū cui nō semper cōiūcta sunt ea quę sunt opportuna regimini uitę suę ex recordatione rerum quę sunt necessarię uitę suę moueretur localiter ad quęrendū ea. v.g. hō nō semper habet cibū sibi p̄sentē qm̄ fame scit incitatur ad quęrendum cibū. non posset aut incitari nisi haberet ī phantasia sua spēs panis & uini & pomi cōseruatas, ex ijs. n. speciebus cōseruatis recordatur q̄ panis et uinū & pomū quę aliquando gustauit sunt cibus sibi cōueniens, & ideo quādo famescit mouetur localiter ad quęrendum cibum, sic incitatur canis sic leo ad uenationē qm̄ famescit ex recordatione ciborū sibi cōuenientiū, unde inquit Aristo. in. 3. de ala q̄ animalia patiuntur & operantur

per phantasiā, animalia uero imperfecta quæ non mouentur secundū locū, ut ostrea, non habent phantasiā determinatam, quoniā habent suū cibum quicunq; sit semper sibi p̄sentem, & ideo non oēs eis opus recordari nec moueri ad aliquē locum distantem ad quærendum cibum propter quod huiusmo di animalia propter suam imperfectionem hñt solū sensum tactus, ut dicēs in tra. de potētia motiua.

Circa quartū nota q̄ phantasia sic nominatur ab effectu suo, nā ut diximus in secunda sua operatione, hæc potentia causat, maxime dū dormit animal uisiones & apparitiones in somni, quando. n. aliquid somniamus apparet nobis q̄ sic sit in re sicut somniamus, dicitur igitur phantasia ab ijs operationibus & uisionibus quas causat. nam phanos græce idē est quod apparitio inde deriuatur phantasia quasi aperitiua. i. causans apparitiones. Quomō uero diffiniatur nota q̄ duplex de ea datur diffinitio prima est Aristo. in. 3. de anima, quæ est hæc, phantasia est motus factus a sensu secundū actum. i. phantasia ē potentia q̄ sit in actu per sensum exteriorem & per sensum cōmunē, nā ut diximus, phantasiā actu respicit spēm sensatā apprehensam a sensu cōi transmissam ad phanta. secunda diffinitio elicitur ex Auicē. i. 6. natural. ii, quæ est hæc. phantasia ē potentia situata in secunda parte cerebri post sensum cōmūnen conseruatiua specierum sensatarum quæ a sensu cōmuni ad ipsam transmissa sunt. Hec de phantasia sufficiāt.

CAPVT. V.

IN quinto cap. agendū est de tertio sensu interiori, qui in brutis dicitur existimatiua in hōie dicitur cogitatiua, de qua dicemus. 4. primo in qua parte cerebri ut in suo organo situatur, secundo quæ sunt eius actiones, ex quo ē declarabitur necessitas sua, tertio in quo differt existimatiua in bruto ac cogitati. in homine, quarto quid sit utraq;.

Circa primū nota secundum Auicē. in. 6. natural. ii & Auer. in lib. de sen. & sensa. q̄ cogitatiua in homine situatur in medio capitis ubi ē media cellula cerebri, et est post

phātaſia, ita q̄ ſupereminet illi in bruto uero exiſtimatiua ponitur in poſteriori parte mediæ cellule cerebri ita q̄ de clinet a ſumitate capitis ad partē poſterio. Figura p̄ ſfra.

Circa ſecūdum

nota q̄ ſecundum

Auic. ubi ſupra, &

Algazel. i. lib. ſuo

de aīa. Actio huius

potentiæ eſt elice-

re aliquas ſpecies

quæ dicuntur intē-

tiones nō ſenſatę. i.

quæ nō poſſunt co-

gnoſci per ſenſum

exteriōrē, nec per

ſenſum cōmunē.

Iſtæ autē intē-

ſunt amicitia, inimi-

citia, bonū malū,

paternitas, filiaro

&c. Quomodo ue-

ro id fiat, nota qđ

cogitatiua ſuperueniens phantaſiæ inſpicit ſpecies ſenſa-

tas quæ ſunt ſeruate in phantaſia, puta exiſtimatiua quæ

eſt in oue inſpicitur figuram lupi conſeruatam in ſua phā-

taſia, ex tali figura quaſi correfpondentiæ elicit inimicitia

naturalem inter ipſam & lupum, & ideo cū ſibi præſenta-

tur figura lupi fugit, non quia ſit talis figuræ, ſed ut inimi-

cum, ſimiliter in homine id accidit, nam ſi Plato uideatur

hominem reſpicientē ſe toruo aſpectu & loquente iracun-

dæ, talis hominis figura & locutio deferatur per ſenſus exte-


riores ad ſenſum cōmunem, inde tranſmittitur ad phan-

taſiam & ibi conſeruat, tūc cogitatiua ſuperueniens con-

ſiderat talē figuram talēq̄ locutionē, et ex eīs elicit inimi-

ciam quaſi cōcludens, hoc eſt inimicus meus eo q̄ toruo

aſpectu



aspectu me inspexit, & irate allocutus est, ex opposito autē. i. ex benigno aspectu, & mihi colloquio elicit amicitiam. hæc est actio existimatiuæ & cogitatiuæ ex qua cognoscitur sua necessitas, nisi. n. hæc potentia esset in animali perfecto non posset fugere nociua, & psequi utilia. nam ouis non fugeret lupū & sic occideretur, & non lactaret agnū ut filiū, & sic agnus fame deficeret, & homo in manuum inimicorum incideret, nūquam amicitiam contraheret, & tunc deperiret societas ciuilis & humana.

Circa tertium nota q̄ secundum Auer. in libro de sensu & sensa. & Bea. Tho. in prima parte. questio. 79. arti. 4. existimatiua in hoc differt a cogitatiua, quoniam existimatiua in brutis cognoscit illas intentiones non sensatas sine aliquo discursu, sed solo instinctu naturali sibi indito a primo conditore, ut existimatiua ouis naturali instinctu cognoscit inimiciam lupi, & hos cibos sibi esse conuenientes, illos autē sibi nociuos, & auis naturali instinctu cognoscit hanc paleam cōuenientem sibi ad nidificandū, & breuiter omnia operantur, uel abhorrent bruta operantur uel defugiunt in quantum mouentur ab existimatiua & instinctu naturali. Cogitatiua uero in homine cognoscit has intentiones nō sensatas cum aliquo discursu & syllogismo, potest enim cogitatiua formare syllogismum expositoriū qui cōstāt ex duabus ppositionibus singularibus sic. Hic ē mihi inimicus, & hic est lupo. ergo lupo est mihi inimicus. Item idem aliquando apprehēdit arguendo ab exēplo sic. Pater Platonis est mihi inimicus. ergo & Plato est mihi inimicus, quia filius assimilatur patri, & quia cogi. est syllogistica, ideo est nobilior inter potētiās sensitiuas, p̄pinqua. n. est intellectui, cuius est discurrere & syllogizare, & propter suam nobilitatem dicitur ratio particularis, sicut intellectus dicitur ratio uniuersalis, ut declarabimus in tractatu. de intellectu.

Notandum postremo q̄ cogi. in homine est illa quæ causat iudicia temeraria, quando. n. ex leui indignatione uel negatione obsequij cōcludit inimiciam inter duos potest

esse conclusio & iudicium falsum, & ideo nisi reguletur imperio rationis maxime incitat appetitum sensituum, cōcupiscibile & irascibilem, præcipue in malum, ut dicemus in tracta. de potentia motiua. patet ergo quomō differunt existimatiua in bruto, & cogitatiua in homine.

Circa quartū nota q̄ sic diffinitur existima. ut elicitur ab Alga. in suo lib. de anima. Existi. est potentia apprehēdens ex sensato non sensatū. i. ē potētia cognoscens ex specie sensibili reseruata in phantasia speciem non sensibile, ut inimicitiam, amicitiam &c. Cogi. est potentia apprehēdens ex specie sensibili intentionem non sensatā cum aliquo discursu syllogistico, ut declaratum est.

CAP V T VI.

IN. 6. cap. agendum est de quarto sensu interiori, quia dicitur in bruto memoria, in homine uero dicitur reminiscentia, & dicemus. 4. primo de organo suo, secundo de actione, ubi etiam declarabitur necessitas sua, tertio in quo differt memoria a reminiscentia. 4. quid sit utraque.

Circa primum nota secundū Auicē. in. 6. naturalium & omnes alios Physicos q̄ hæc potentia situatur in ultima parte cerebri, quæ est in posteriori parte capitis post existimatiuam uel cogitatiuam, illa. n. pars capitis est multum sicca, & ideo est bene retentiua, unde rationabiliter collocatur ibi.

Circa secundum nota secundum omnes physicos, præcipue Auicē. in. 6. naturalium q̄ officium memoriæ est retinere & conseruare intentiones non sensatas quas existimatiua & cogita. apprehendit ex spēsbus sensatis cōseruatis in phanta. unde sicut phanta. est thesaurus & arca specierum sensatarum quas ad eam transmittit sensus cōmunis, ita memoria est arca intentionū non sensatarum ut est intentio amicitie, inimicitie, paternitatis, nociui, & cōmodi &c. quas postquā cogitatiua apprehendit transmittit ad memoriam ibi conseruandas, ex hoc patet neces

litas sua, nisi, n. memoria conseruaret has intentiones ani-
ma l non fugeret nociua nec quæreret sibi utilia, ea. n. quo-
rum obliuiscimur non quærimus nec diligimus, uerbi gra-
tia si in memoria ouis non conseruaretur intentio ini-
micitæ lupi quando uideret lupum non fugeret, & si in
memoria canis non seruaretur intentio beniuolentiæ, uel
beneficij accepti a domino suo quando uideret dominū
non applauderet cauda, nec custodiret domum, ut ergo
a talia fugiant nociua & quærāt utilia data ē eis memoria.

Circa tertium nota secundū Auicē. in .6. naturalium
& Alga. in lib. suo de anima, q̄ memoria ita differt a remi-
niscētia sicut differt existen. a cogita. sicut. n. bruta per
existimatiuam solo instinctu naturali & sine aliquo discursu
apprehendunt intentionē non sensatā, ita per memoriā
solo instinctu sine syllogistico discursu ex intentione non
sensata quæ est in memoria, & specie sensata quæ est con-
seruata in phanta. recordantur rei præteritæ quam fugiūt
uel quærunt, uerbi gratia canis uidens baculum in manu
Socratis, ex apprehensione nociui & forma baculi recor-
datur q̄ baculus est sibi nociuus, & ideo cum uidet bacu-
lum fugit, uel non propinquat homini tenenti baculum,
homo per cogita. cum aliquo discursu syllogistico cognos-
cit intentiones non sensatas ita q̄ per memoriā cum ali-
quo discursu recōditur rei præteritæ, & talis memoria cū
discursu dicitur reminiscētia, uerbi gratia uolo recorda-
ri quid mihi dixerit Socrates heri in horto, sic fiet. primo
præsentabitur a memoria intentio amicitæ uel inimicitæ,
si præsentabitur intentio inimicitæ sic discurrem, Socra-
tes est mihi inimicus. ergo dixit mihi odiosa, deinde inue-
stigo discurrendo q̄ & quale uerbum odiosum dixerit, &
hunc quidem discursum maxime experimur in nobis quā-
do recordari laboramus de aliqua re iam diu præterita.

Circa quartum nota q̄ diffinitur memoria ab Auicē.
in. 6. natura. Memoria est potentia ordinata in posteriōri
concauitate cerebri conseruans id quod apprehendit uir-
tus existimatiua de intentionibus non sensatis, eodem mō

diffinienda est remiſcentia, ſed addatur hec particula cū aliquali diſcurſu, per hanc .n. differt a memoria quæ eſt in brutis. Hæc ſufficiant de numero ſenſuum interiorū, in quo ſecutus ſum Auer. & Bea. Tho. ſi uis autem habere opinionem Auicen. & Alg. & Alber. qui dicunt eos eſſe 7. & quō cōueniunt uel differant quæ tracta. quæ ordinaui de oībus ijs opinionibus cū figuris ſingularū opinionum.

Ultimo ſoluentur tantū duo argu. primū pbat q̄ diffinitio ſenſus non ſit conueniens. nā in ſenſu tactus recipitur ſpecies ſui obiecti cum materia. i. naturaliter, quando .n. manus tangit calidum ſit realiter & phyſicæ calida. ergo non omnis ſenſus recipit ſpeciem ſui obiecti ſine materia, & ſic diffō ſenſus eſt falſa, cū nō cōueniat cuiſbet ſenſui.

Ad hoc dicitur q̄ in ſenſu tactus recipitur ſpēs ſui obiecti & naturaliter, ut pbat argumentū, & ſpiritualiter, licet non ita ſit manifeſtū. ſi .n. ſola receptio naturalis ſufficeret in ſenſu tactus etiā lapides et terra haberēt ſenſum tactus. recipiunt .n. qualitates tangibiles naturaliter, ut lapis recipit calorem & frigiditatē. dicendū eſt ergo q̄ cauſa ſentiēdi per ſe in ſenſu tactus eſt receptio ſpecierū intēſionaliter, licet ppter ſuā materialitatē recipiantur etiam ſpecies ſui obiecti materialiter, ſed hoc eſt per accidens.

Secundū pbat q̄ prius ſenſus interior nō debet dici ſenſus cōmunis. Sēſus cōmunis eſt ille qui prædicatur de pluribus ſenſibus, ſicut hō cōmunis eſt ille qui prædicatur de pluribus hominibus, ſed primus ſenſus interior non prædicatur de pluribus ſenſibus, cū ſit unus ſenſus ſingularis. ergo non debet dici ſenſus communis.

Ad hoc dicitur q̄ non dicitur ſenſus cōis ſecundū prædicationē quaſi prædicetur de pluribus ſenſibus, ſed dicitur ſenſus cōmunis quaſi terminus communis, ad quem ſenſus exteriores transmittunt ſpecies obiectorum ab eis apprehenſas, ut declarauī ſupra, ſicut etiam centrum in ſphæra dicitur terminus communis ad quem plures linee a circūferentia terminantur. Hic finit tractatus de ſenſibus interioribus.

per tertium librum de anima, de intelle-
ctu possibili & agente.



IN HOC secundo tractatu super ter-
tium de anima. agendum est de potentia
intellectiva, quæ dividitur in intellectum
possibilem & agentem. Et primo agen-
dum est de intellectu possibili, de quo sũt
quatuor capita.

Primo quid sit.

Secundo quod est suum obiectum.

Tertio quod sunt operationes suæ.

Quarto quot modis denominatur, licet tantum sit una
potentia realiter.

C A P V T. I.

CIRCA primum caput ponenda est diffinitio intel-
lectus possibilis & declaranda. Ut igitur elicitur ab
Aristo. in. 3. de anima. sic diffinitur. Intellectus possi-
bilis est potentia animæ apta nata intelligere omnes natu-
ras corporeas & sensibiles carens omni natura sensibili,
nec est affixa alicui organo corporeo. Hæc diffinitio de-
claratur quo ad singulas partes, & infertur unum corolla-
rium, secundum mentem Philosophi primo dicitur apta na-
ta intelligere. i. ē in potentia ut intelligat, nō. n. actu semper
intelligit, nec actu semper habet species intelligibiles in se
ut per eas intelligat, & probatur ex tali similitudine secun-
dum Aristote. sicut se habet sensus ad sensibilia, ita intel-
lectus ad intelligibilia, sed sensus est in potentia ut sentiat
sua sensibilia, & nullū eorū ex natura sua habet in se actu,
ut auditus est in potentia ut sentiat sonos, & nullum sonū
ex natura sua in se habet, ut declaravi agens de organo au-
ditus. ergo & intellectus est i potentia ut intelligat res sen-
sibiles & corporeas & nullam speciem intelligibilem ex
natura sua se habet actu. dicitur, secūdo carens omni na-
tura sensibili & corporea. i. est insensibilis & incorporeus

& sic est ens spirituale, & pbat sic philosophus. Omne receptiuum alicuius est denudatū & priuatū illo, ut oculus est receptiuus coloris. ergo oportet esse priuatū colore, & auditus est receptiuus soni. ergo oportet esse priuatū oī sono, si. n. aliquē sonum in se haberet priuaretur ne reciperet alios sonos. nā intus appens phibet extraneū, ut ingre philosophus, sed intellectus potis est receptiuus oīs nature sensibilis & corporeæ, p̄t. n. intelligere oēm rē sensibilibē & corporeā, ut declarabitur qñ dicemus de obiecto eius i. 2. ca. ergo intellectus potis est denudatus & priuatus oī natura sensibili & corporea, ex quo sequitur corollarie q̄ intellectus nec est eñtū, nec quid cōpositū ex eñtis, nec aliqua qualitas sensibilis, ut sunt frigus, calor, sapor &c. sed ens purū spūale aptū natū cognoscere oīa sensibilia & materialia & corporea. dicitur 3. nō affixa alicui organo corporeo, & i hoc distinguitur a sensibus, qui oēs sunt affixi suis determinatis organis, ut diximus supra. Quod autē intellectus nō sit affixus alicui organo, pbatur sic. bis potentia affixa organo corporeo cognoscit solū unum genus entium, ut quia uisus est affixus organo. cognoscit solū uisibile, & auditus, sonos, & gustus, sapores, sed intellectus nō cognoscit solū unū genus entium, imo oīa genera entium, ut dicemus in 2. cap. ergo nō est affixus, imo separatus ē ab oī organo corporeo. Si at̄ quæras ubi sit hic intellectus, uel in qua parte corporis, an sit extra corpus ut substantia separata, sicut fingit Auer. Rñdeo q̄ est in aīa intellectiua sicut accēs in suo pprio subiecto. nā itell̄s sicut aliq̄ potētē aīę est i scđa spē qualitatis. aīa autē itell̄iua s̄m eēntiā suā est i toto corpore sicut forma in sua ppria materia: et sic patet q̄ itell̄s ē potētia solius aīę: alie uero potētē uegetatiuę & sensitiuę non sunt solius aīę: sed totius aīati: quia cū sint affixe orgāis sunt subiectiuę i organis corporeis: ut uisus in pupilla etc. De opione Auer. q̄ arbitrat̄ itell̄ctū possem esse extra hoīem, ut substantia sepata: & aīam itell̄ctiuā nō esse formā hoīa d̄ sputabit in fine tract. patet igit̄ d̄ffō itell̄s potis & declarata s̄m oēs partes suas. Ex hac diffi. infert P̄s hoc coroll

lariū: licet excellēs sensibile corrūpat sensum: ut lux solis si
p aliquē tps directo īuitu aspiciat excecet hoīem & corrū
pit pupillā: nō tñ excellēs itelligibile: ut cōlū, uel itelligē
tia si itelligent nō corrūpūt itellectū: & huius rō est: quia
sensus est affixus organo: & excellēs sensibile alterat orga
nū: quo alterato uel debilitat uel destruit sensus: ut declara
ui in primo tract. huius. 3. libri. ubi actū est de sensu & or
gano sensus in cōi. itell's uero nō est affixus organo: & iō
excellēs itelligibile nō pōt alterare: nec debilitare: nec corrū
pere itell'm: imo p'ficat ipsum & reddit potētiore ad itel
ligēdū: si. n. itelligo magis difficile postea sum magis di
spōsitus ad itelligendum minus difficile. hęc de primo. c.

CAPVT II.

IN. 2. ca. declarandum est qd sit obiectū itell's possis: &
ibi sūt duo. primo ponit distinctio de obiecto. 2. ex hac
dis. ponunt qdā cōclusiones. Distinctio est hęc. Obie
ctū itell's est duplex. s. obiectū primū: & obm secūdariū.
Itē primū pōt esse triplex. s. obm primū. i. cōissimū & ade
quatū & est illud qd sub se continet oē ens itelligibile: &
obm primū. i. primo motiuū: & est illud qd mouet primo
itellectum ad itelligendum: & obiectum primum. i. p
fectissimum: & est illud quod est nobilissimum inter om
nia entia itelligibilia.

Secundo ex hac distin. pono. 4. cōclusiones prima. Ens
ut est transcēdēs. i. ut p'dicat de quolibet ente: siue de ente
reali: siue de ente rōnis ē primū obm. i. cōissimū & ad equa
tū obiectū itell's possis: pbat. Itell's possis ex natura sua
inq'itū est imaterialis pōt itell'gere oē ens. ergo ens qd p'g
dicat de oī ente est obm primū. i. adquatū ipsius itell's.
pbat aūs. Potētia nō organica nō determinat ad aliquod
genus entis sicut determinat sensus: qā est potētia organi
ca. ergo ex sua natura imateriali pōt itelligere oē ens. Et
nota qd hęc conclusio itelligit de itellectu possibili ab
solute considerato.

Secūda cōclusio. Quiditas. i. natura rei materialis sen
sibilis & cor'p' est obm primum. i. primo motiuū itell's

possis p ista uita mortali, pbat. Illud qđ mouet itellm ad intelligēdū est ens materiale & sensibile: qđ oīs nra cognitio p ista uita ortū hēt a sensu, ergo natura rei materialis & sensibilis est obm primū, i. primo motiū itell's nri. Ex hac conclusiōe seqtur qđ donec aīa uniē corpi primo & per se nō intell'it nisi v're materiale sensibile: puta hoīem ut hōs lapidē ut lapis etc. entia uero incorporea nō intelligit nisi p qđto manu ducit ad illa per hēc sensibilia: puta cognosco intell'tias per corpus cōeleste & morū eius qđ sunt qđā sensibilia. Et nota qđ fm cognitionē hanc quam habet iintellectus pro hac uita mortali formata est supra diffinitio intellectus possibilis.

Tertia conclusio. Deus est obm primū, i. perfectissimū itell's nri, pbat. Deus est perfectissimū ens, ergo est perfectissimū obm itell's. Præterea: cognitio habita de deo maxime pficit itellm nrm ita qđ in diuina speculatiōe cōsistit felicitas, ergo deus est pfectissimū obm itell's nri.

Quarta cōclusio. Singularia sensibilia actus intelligēdi & ipse itell's & ipsa aīa intellectiua sunt secūdaria obiecta intellectus nostri pro hac uita, probat. Ea sunt secūdaria obiecta itell's qđ necessario requirūt aliqua prius cognita: sed singularia sensibilia si debēt intelligi regunt aliqua prius cognita, i. sua v'ia, nō enim pōt intelligi Socrates uel Plato nisi prius intell'at hō in cōi: s'it nō pōt intelligi intelligēdi actus nisi prius intell'at obm itell's. nā ut diximus in 2. li. actus intelligūtur p obiecta & nō pōt intelligi ipse itell's nisi prius intell'at actus intelligēdi: quia potentia intelligūtur p suos actus: & nō pōt intelligi ipsa aīa intellectiua nisi prius intelligatur ipse itell's: quia ut diximus in 2. li. substantia aīe non cognoscitur nisi per potētiās suas, ergo singularia sensibilia: actus intelligēdi: ipse intellectus: ipsa anima intellectiua: sunt secūdaria obiecta intellectus possibilis, patet ergo quid sit obiectum suum &c.

C A P V T . I I I .

IN tertio cap. agendum est de operationibus intellectus possibilis, & nota quod sunt 3, s. simplicium terminorū,

uel incomplexorum intelligentia, composio, & diuisio, discursus a noto ad ignotum, duæ primæ ponuntur a Philosopho in 3. de anima. tertia ponitur a philosopho in logica in tota arte noua prima dicitur simplicium. i. incomplexorum terminorum intelligentia. & est quando intellectus simplici intuitu cognoscit naturam rei, ut diffinibilem, puta quoniam cognoscit hominem, aut lapidem, ut diffinibilia. & hæc est prima operatio intellectus. non. n. posset formare propositionem nisi prius aliquo modo cognoscerentur subiectum, & prædicatum qui sunt termini incomplexi. secunda operatio est compositio, & diuisio, & est quoniam intellectus postquam cognouit terminos incomplexos eos adinuicem componit per propositionem affirmatiuam, uel diuidit per propositionem negatiuam. tertia operatio est discursus, & est quoniam ex una propositione nota procedimus ad uenandam aliam incognitam, ut ex hac cognita, homo est rationalis, procedimus ad cognitionem huius, homo est admiratiuus. & hæc operatio apud logicum dicitur ratiocinatio, uel argumentatio, de qua in logicalibus satis actum est.

Inter has operationes hæc præcipue est differentia, quod in prima operatione non est ueritas, & falsitas per se, sed solum per accidens. & probatur sic, sicut se habet sensus ad simplicem apprehensionem sui proprii obiecti, ita se habet intellectus ad simplicem apprehensionem rei incomplexæ diffinibilis, sed in apprehensione proprii obiecti in sensu non est ueritas, & falsitas. imo non decipitur in cognitione sui proprii obiecti, ut non decipitur uisus in cognitione coloris, ut diximus in trac. de sensu. exte. dummodo organum sit dispositum, & sit debita distantia inter sensum, & suum obiectum. ergo nec est ueritas, & falsitas in intellectu in apprehensione rei incomplexæ diffinibilis, imo non decipitur per se in diffinitione rei. Dixi autem non per se, quoniam sicut in sensu potest esse deceptio respectu sensibilis per accidens, ut si ex eo quod uideo a longinquo corpus coloratum, uelim ipsum iudicare esse hominem, uel arborem forte deciper. similiter in prima operatione intellectus contingit deceptio dupliciter. primo

quā diffinitio huius rei attribuitur alteri, ut si uellē attribuerē symiæ, quod sit animal rationalis. secundo quā diffinitio formatur ex partibus repugnantibus, ut si uellem adinuicem cōponere animal, & insensibile. & hæc quidem deceptio prouenit ex eo, quod uia diffiniendi est per diuisionem, & compositionem, ut declarauī in primo trac. super. 1. de anima. in scdā uero operatione formatur ppositio, quæ semper est uera, uel falsa, quia aut prædicatū conuenit subiecto, aut non, si sic, est uera, si non est falsa. similiter est ueritas & falsitas in tertia operatione, quā cum argumentatio constet ex ppositionibus, sicut est ueritas, & falsitas in propositione, ita est in ratiocinatione, de ueritate, et falsitate quod sit, & quō proprie sunt in secunda operatione. uide cōpenn. maius, super lib. Penher. iste tres operationes nō cōueniūt nisi intellectui humano, qui ex sensibilibus uenatur scientiam, intellectus. n. angelicus simplici intuitu sine compositione, & diuisione, & sine discursu omnia intelligit. & ideo non pōt esse error, uel deceptio, aut falsitas in eorum intellectu multo minus in intellectu diuino, uerū hæc perscrutare est officium sacri theologi. hic enim in lib. de aīa. tantum habemus cōsiderare de opatione intellectus humani, quæ sibi conuenit dum unitur corpori. Quomodo uero anima postquam est separata a corpore intelligat non est officium physici, sed theologi.

CAP V T. III.

IN quarto ca. perscrutandū est quot modis denominatur intellectus possibilis, secundū diuersam considerationem, licet sit tantum una potentia realiter. unde notandum est secundum uiam bea. Tho. in prima par. q. 79. & magis resolute in opuscu. de potētīs animæ. quod intellectus possibilis solet denominari apud philosophos, & græcos, & latinos, ac theologos undecim modis, qui sunt isti, uidelicet, primus intellectus potentialis, uel materialis, uel possibilis. secundus intellectus dispositus. tertius intellectus in habitu, uel memoria. quartus intellectus adeptus. quintus intelligentia, sextus mens, septimus ratio. octauus ratio su,

perior. nonus ratio inferior. decimus intellectus practicus.
undecimus intellectus speculatiuus.

Primo cōsideratur inquantū ex natura sua est in poten-
tia ad acquirendā scientiam, et alios habitus intellectuales.
creatur. n. sicut tabula rasa, in qua nihil est descriptum, &
sic dicitur potentialis. i. potens acquirere scientiam. itē dici-
tur materialis, q̃a sicut materia ex se nullā habet formam,
sed est in potētia ad recipiendū formam, ita intellectus ex
se nullam habet scientiam, sed est in potentia ad acquiren-
dum scientiam. & ideo merito dicitur materialis, potentia-
lis, uel possibilis, id est potens acquirere scientiam.

Secūdo consideratur inquantū iam habet principia alicu-
ius scīæ, sed nondū illam scīam acq̃suiuit, ut qñ q̃s iam nouit
principia geometriæ, sed nōdū scit ex eis deducere cōclusio-
nes. & sicut dī intellectus dispositus, s. ad scīam acq̃rendā.

Tertio cōsideratur inquantū iam acquisiuit scīam, sed
non actu cōsiderat circa illam, sicut ille qui acq̃suiuit logicę
habitum, sed nō actu syllogizat. & sic dicitur intellectus in
habitu. si uero actu cōsideret circa scīam acquisitā dicitur
intellectus in actu. similiter dicitur memoria inquantū ac-
quisiuit scīam, & eam retinet, ac cōseruat. unde nota q̃ me-
moriam est duplex. s. sensitua, & intellectiua. sensitua est ul-
timus sensus interior, & distinguitur realiter a cogit. quia si-
tuatur in posteriori parte cerebri. cogitativa uero est in me-
dio capitis. intellectiua autē non distinguitur realiter ab in-
tellectu, sed solū s̃m rationem. nā prout acquirat scīam dici-
tur intellectus, put uero scīam retinet dicitur memoria. &
sic patet quod memoria intellectiua non est affixa alicui
organo corporeo, sicut nec intellectus.

Quarto consideratur, s̃m qd' acquisiuit oēs scientias
humanas, & diuinas. & sic dicitur intellectus adeptus, &
tūc apud philosophos, si quis hoīum talem intellectū habe-
ret diceretur foelix, ac diuinus similis deo, & eius amicus. et
de tali loquitur philosophus in. 10. Ethic. dicens. Sapiens uide-
tur esse maxime foelix, & deorum amicus.

Quinto cōsideratur inquantū simplici inq̃uitu nō com-

ponendo, uel diuidendo rem incomplexam cognoscit. & sic dicitur intelligentia, & inde est, quod apud philosophos substantiæ separatae dicuntur intelligentiæ, quia ut diximus supra, sine compositione, ac diuisione, & sine discursu omnia simplici intuitu cognoscunt.

Sexto consideratur inquantū per intellectionem suā metitur singulas res, scrutando, q̄ prædicata eis conueniant, et quæ non. & sic dicitur mēs, ut deriuatur a metior metiris. Sed nota, q̄ hæc expositio est impropria. qm̄ apud philosophos, & doctores græcos, præcipue Diony. in lib. de celesti hierar. mens pprie dicitur natura, q̄ est pure intellectus uulgo modo corpea. & sic substantiæ separatae proprie dicuntur mentes, & deus dicitur apud græcos prima mens. igitur cum intellectus humanus sit in aīa intellectiua, & ipsa sit unita corpori improprie dicitur mens.

Septimo consideratur inquantū per argumentationē, et discursum uenatur sciam. & sic dicitur ratio. i. potentia ratiocinatiua, & discursiua. & hoc solum competit homini. unde solus homo proprie est rationalis, angelus uero, ac deus non sunt rationales, sed proprie dicuntur intellectuales. Octauo caret.

Nono consideratur inquantū intendit cognoscere hæc inferiora, aut p̄ causas suas, ut patet in mathematicis, aut per effectus magis notos, ut patet in physicis, ut qn̄ uenatur sciam ex elementis, & elementatis. & sic dī ratio inferior quasi rebus inferioribus, ac corruptibilibus intendens.

Decimo consideratur inquantū quiescit in cognitione ueritatis, nec eā ordinat ad opus, ut qn̄ acquisiuit cognitionē de anima quiescit in ea. & sic dicitur intellectus speculatiuus.

Vndecimo consideratur inquantū non quiescit in cognitione ueritatis, sed eā ordinat ad opus, ut qn̄ acquisiuit artem ædificandi non quiescit, nisi ædificet gratia lucri, uel alterius commodi. & sic dicitur intellectus practicus. Quomodo uero idem intellectus dicatur conscientia, & si de reſis non est officium physici, sed theologi. Hæc de intellectu possibili sufficiant.

De intellectu agente.



N Secunda parte huius trac. agendū est de intellectu agente, & diuidimus eum in tria capita.

In primo declaratur, quæ fuit necessitas ponendi intellectum agentem, ut potentia distincta realiter ab intellectu possibili, in quo simul declarabitur, quæ sint operationes suæ.

In secundo diffinietur quid sit intellectus agens.

In tertio concludetur de mente philosophi, q̄ tota anima intellectiua est immortalis, & incorruptibilis.

CAP V T . I .

IN primo ca. declaratur necessitas intellectus agentis, vñ nota q̄ res sensibiles materiales, ut lapis, et hō etc, non eodem mō possunt a sensu sentiri, & ab intellectu possibili intelligi. nam cū sensus sit potentia organica, & materialis. hæc sensibilia singularia, puta hoc albū pōt imprimere spēm, & similitudinē suam in visu. & sic per se videtur. & sic nō oportet, q̄ ponat aliquis sensus agens, causans spēm sensibilem in sensu, sed ad causandam hanc speciem sufficiunt singularia sensibilia corporea, unde dñr sensibilia in actu, q̄a per seipsa pñt causare spēm, & similitudinem in sensu. nō sic autem pñt ab intellectu intelligi, qm̄ cū intellectus possibilis sit potētia pure spūalis non affixa organo. hæc sensibilia singularia, puta Socrates, hæc rosa, hic asinus, non pñt causare spēm suā in intellectu, p̄ quam intelligantur, q̄a nullū materiale, & corporeū cauat aliqd in re spūali. & ideo ut hæc sensibilia intelligantur ponit intellectus agens. cuius operatio est causare spēm intelligibilem in intellectu possibili, per quā hæc sensibilia materialia intelliguntur. Quō autem hanc spēm causet sic acciperes sensibilis singularis, puta hæc rosa causat suam spēm in visu inquantū est colorata, & sic figurata. hæc spēs trāsmittitur a visu ad sensum cōm, & a sensu cōi ad phantasiam. & ibi conseruatur, & qñ est in phantasia dicitur phantasma. hoc igitur phāasma rosæ representat rosam, quo ad suas

condiciones indiuiduales, puta inquantū est sic colorata, et talis figura, & talis odoris, & in tali situ etc. intellectus uero agens est quādam lumen, & illustrat hoc phantasma, & denudat illud ab oībus conditionibus materialibus, & indiuiduātibz, & ex phāsmate rose sic illustrato causatur ab intellectu agente spēs intelligibilis rose puræ spūalis, nō amplius representās rosam, quo ad sua accīua, sed quo ad suam subam, non inquantū est hæc, uel hæc rosa, sed inquantū rosa in vř, & sic de rosa vř, & non singulari habetur scīa. hæc igitur spēs, q̄ non pōt causari a re sensibili materiali, sed ab intellectu agente illustrante phantasmata reponitur in intellectu possibili, & per eā sūnt res intelligibiles actū, q̄ per seipsas erant intelligibiles in potentia. patet ergo, q̄ necessitas ponendi intellectu agentem fuit, ut ipse res sensibiles materiales fierent intelligibiles actū, q̄ s̄m se sunt intelligibiles solū in potētia, & eius opatio est per illustrationē phantasmātū causare spēm intelligibilē in intellectu possibili, q̄ tanq̄ per mediū res sensibilis intelligitur, sicut per spēm coloris causatā in oculo color vř. & nota q̄ hic intellectus agēs non est in subīs separatis. nō. n. uenatur scīam ex sensibz, nec ex phātař, sed in suo intellectu cōcreatas habent oīum rerum species intelligibiles, per quas limpide, & sine errore, ac discursu singula intelligunt, sed hæc subtilius considerare est officium theologi.

CAPVT. II.

IN. 2. ca. ponēda est diffinitio intellectus agentis, quæ est hæc, ut elicitur ex lib. 3. de aīa. intellectus agēs est potentia aīa imixta. i. non cōposita ex naturis corporeis separata ab oī organo corporeo existēs actū, s̄m subam suam. primo dī imixta, & sepata ab organo corporeo. qđ probatur sic. intellectus possibilis non est cōpositus ex rebus corporeis, nec affixus organo, ut declaratū est ex sua diffinitio. ergo nec intellectus agēs. p̄batur p̄tīa, quia intellectus agēs est nobilior intellectu possibili. cū omne agēs sit nobilius patiēte. ergo si intellectus possibilis est nō cōpositus ex rebus corporeis, nec affixus organo. multo minus

Intellectus agēs, dicitur scđo existens actu s̄m subam suā. & per hanc p̄ticularam distinguit ab intellectu possibili, qui est in potentia s̄m subam, qđ quidē pōt intelligi dupl̄r. p̄mo qđ sit ens in pura potentia, sicut materia prima. & h̄c est falsum, qđ intellectus pōs est potentia aīæ, & est in se cūda specie qualitatis. ergo habet esse actu, et nō solū in potentia. scđo qđ sit ens in potētia in gñe intelligibilī, quia. s. per se nihil pōt intelligere, nisi inquantū recipit spēs intelligibiles ab intellectu agente. & sic uerū est, qđ est in potētia s̄m subam. i. s̄m naturam suā, & per oppositū intellectus agens est in actu s̄m naturā suam, non qđem qđ habeat in seipso res intelligibiles actu, sed qđ est potentia imaterialis actiua potēs per illustrationē phantasmatum res sensibiles materiales facere intelligibiles actu, cū s̄m se sint intelligibiles solū in potentia, unde sicut lumē facit colores uisibiles actu illustrādo aerem tenebrosū, ita intellectus agēs facit res materiales intelligibiles actu illustrando phantasmata conseruata in phantasia.

CAP V T. III.

IN. 3. ca. pbandū est, s̄m P̄m qđ aīa intellectiua est incorruptibilis. & primo rōne. scđo auctoritate. ratio est h̄c. dictū est in p̄mio lib. de aīa, qđ si aīa sit aliqua propria potētia, qđ sit solius aīæ non affixa organo. & sit aliqua p̄pria opatio ipsius aīæ, qđ non expleatur per organū. tunc cōtingit ipsam separi a corpe, sicut res perpetua a corruptibili. sed cōclusum est in p̄nti trac. qđ intell̄s pōs, & agens sunt potētiæ solius aīæ, & nō sunt affixæ organis, et intelligere est operatio p̄pria ipsius aīæ, qđ explet sine organo. causat. n. intelligere ab ipso intell̄u non organico. ergo cōtingit aīam intell̄uā separi a corpe, sicut res p̄petua a corruptibili corpe. scđo pbat auctoritate p̄hi in. 3. de aīa. ubi postqđ determinauit de intell̄u pōs, & agēte, qđ sunt potētiæ solius aīæ intell̄ug. sic inqt. Separatus est aut. s. intell̄s, et p̄petuus, et immortalis, & incorruptibilis, et illic accipit intell̄m p̄ tota aīa intellectiua, s̄m expōnē bea. Tho. idē h̄r a P̄ho. 1. 2. 2. meta. ubi cōparans formā ad materiā inqt. nulla forma p̄

cedit materiā suā, utrū sequat nihil phibet, non oīs q̄dem, sed itell̄s, tūc sic, itell̄s. i. aīa intellectiua sequitur. i. remanet post materiā suā, sed materia aīæ est corpus, in quo recipit aīa, ergo aīa post corpus remanet. & sic est incorruptibilis: patet ergo secundū ueram philosophiā, q̄ aīa intellectiua est immortalis. Hæc de intellectu agente sufficiant.

Postremo soluēda sunt. 3. dubia, q̄ accidunt circa p̄dcā. primū est, q̄uo sit intell̄gendū, q̄ itell̄s possit sit sepatus ab oī organo corpeo, et imixtus. sc̄dm est titrū itell̄s agēs sit potētia aīæ, an sit suba separata. tertiū est, utrū sit uerū, q̄ actio itell̄s, q̄ est itell̄lere expleat sine organo corpeo.

Circa primū est duplex op̄io. priā est maledicti Auer. qui in. 3. de aīa. cō. 5. tenet q̄ itell̄s sumēdo itell̄m p̄ tota aīa itell̄iua sit sepatus ab organo corpeo. i. extra oē corpus humanū, sicut suba separata penitus incorpea. unitur t̄m cui libet hoīum, sicut principiū, & causa intelligendi in ipso hoīe, sicut intelligētia copulat̄ cœlo in. 8. phy. sicut principiū, & causa mouēdi ip̄m cœlū. ad hanc suā op̄ionē tria corollaria sequebant̄. primū est, q̄ aīa intellectiua nō est forma subalis hoīs, sicut nec intelligētia est forma cœli, sed solū est principiū opandi in hoīe, nō respectu cuiuscūq̄ operationis, sed solū respectu actus intelligēdi, & s̄m cū diffinitio data de aīa in. 2. li. q̄ d̄r q̄ est actus corporis ph̄sici nō cōuenit aīæ intellectiuae, nisi quasi æquocæ. & q̄n quærebat̄ ab Auer. per qd differt hō ab asino, si aīa intellectiua nō est forma hoīs. r̄ndebat, q̄ differt ab aīalibus brutis p̄ sensitiuā aīam, & cogitatiuā potētiā, q̄ est in solo hoīe. unde cōcedebat q̄ totus hō est corruptibilis, & s̄m corpus, & s̄m formā, q̄ s̄m ipsam est aīa sensitiua. sc̄dm corollarium est, q̄ t̄m una aīa itell̄iua. & per p̄ns est t̄m unus intellectus, per quē omnes hoīes intelligūt, & hoc sic se q̄ arbitrabatur. Aīa intellectiua s̄m cū est suba separata, sed in sub̄is separatis sub una sp̄e est t̄m unū indiuiduū, q̄a cū substantiæ separatæ sint incorruptibiles sp̄es sua pōt conseruari, & p̄petuari in uno indiuiduo, ergo cū aīa intellectiua sit suba separata s̄m cū est t̄m una oīum hoīum. tertiū corollarium

rium

riū est, q̄ aīa intellectiua est immortalis. nā bene sequitur, aīa intellectiua s̄m ipsum est sub̄a separata. ergo est immortalis. oīs enim sub̄a sepata est imaterialis, & incorruptibilis. causa enim corruptionis est materia, ut patet in. 8. metaphys.

Scda opinio est bea. Tho. & oīum phorū recte sentientiū, q̄ aīa intellectiua nō est sub̄a sepata, sed est forma sub̄alis hoīs, & multiplicat̄, s̄m qd̄ multiplicant̄ hoīs, & tñ est incorruptibilis. & primo q̄ sit forma hoīs, pbat̄ sic, s̄m philosophū, principiū quo hō intelligit est forma, & actus substantialis hoīs sicut principiū quo uegetat̄, & sentit, & mouet̄ s̄m locū. hanc ppōnem posuit phs in. 2. lib. de aīa. qñ assignauit scđam diffinitionē de aīa. sed aīa intellectiua est principiū, quo hō itelligit, ut patet. ergo aīa intellectiua est forma sub̄alis hoīs. & sic sequitur q̄ nō est sub̄a sepata, q̄a nulla sub̄a sepata est forma recepta in materia. Preterea secundum phm in. 8. meta. dīa specifica sumit̄ a forma sub̄stantialis, sed rōnale est dīa specifica hoīs. ergo sumit̄ a forma hoīs, sed rōnale sumit̄ ab aīa intellectiua. est. n. hō rationalis inquantū est intellectiuius. ergo aīa intellectiua est forma hoīs, ex quo sequitur s̄m eos, q̄ nō sit tm̄ una aīa intellectiua sic. nulla forma pōt simul informare plures materias, q̄a q̄libet forma est ī sua determinata materia, sed aīa intellectiua est forma, ut pbatū est. ergo nō pōt una existēs informare plures materias. i. plura corpa humana, sed necesse est, q̄ sicut multiplicant̄ corpa hoīum per generationē, ita multiplicent̄ aīæ per creationē. tenendū est ergo s̄m rectā phiam, q̄ aīa intellectiua est forma cuiuslibet hominis. & quot sunt aīæ tot sunt hoīs, uel fuerunt hoīs. & qñ dicit phs, q̄ intell̄s est separatus ab oī organo corpeo, nō est intelligendū q̄ sit extra corpus humanū, ut chimerigat Auer. sed q̄a nō est affixus organo corpeo ad dīā sensuū.

Circa scđm dubiū, utrū intellectus agēs sit potētia aīæ, ibi est duplex opīo. prima est Auic. in. 6. natural. & in lib. 9. suæ meta. q̄ imaginat̄, q̄ sit sub̄a sepata, & tm̄ una, quā uocat intelligentiā agentē, cuius tria sunt officia, s̄m ipm. Prīmū est, q̄ hāc intelligentia p̄sudet elementis, & elementa.

is mouēdo, & alterādo ea, sicut intelligētiæ superiores mouent corpora cœlestia. & pp hoc Auic. uocat eam dñam orbis inferioris, uel terreni. scđm officiū est, qđ ipsa creat oēs formas introducēdas in materiā. dicit. n. qđ agētia p̄icularia solum disponunt materiā. illa uero intelligētia creat formas, puta asinus gñans disponit materiā. i. corpus, & illa creat aīas asini, sic ignis disponit solū ligna, & illa creat formā ignis introducēdū. & pp hoc uocat ab Auic. dator formarū. tertiū officiū est, qđ ipsa una existens habet illuminare phātasmatā, qđ sunt in phantasia oīum hoīum, & formare spēs intelligibiles in intellectu possi, per quas intelligit, sicut unus sol habet illuminare totū uniuersum, cuius illuminatione oēs oculi uidere p̄nt, & sentire colores, & propter hoc officiū uocatur ab Auic. intellectus agens.

Scđa est opio bea. Tho. & oīum cō. Aris. recte sentiētiū, qđ tenēt fm phm, qđ nō est sub̄a sepata, sed est potētia, qđ est subiectiue in essentia aīæ intellectiue. & pbat sic ex dicto phi in. 3. de aīa. ubi ingt. in aīa necesse est ponere has duas dñas. s. hos duos intell̄s, possem, & agentē. ergo si est in aīa nō est sub̄a sepata. p̄terea natura sufficiēter instituit hoīem, ut hēat oīa principia in se, qbus possit actionē suā, qđ est intelligere exercere, sed principia intelligēdi sunt intellecta possi, & intell̄s agēs. ergo isti duo intell̄s sunt in hoīe. et sic falsum est, qđ sint sub̄e sepatæ. vñ opi. Aui. nō sustinet, nec illa tria officia sunt uera, nec ea probat, sed ea in sua metaphysica adducit quasi purus loquens extra philosophiam.

Circa tertiū dubiū, utrū actus intelligendi exerceat sine organo. arguit qđ nō, sic, nō exerceat sine phātasia. ergo nō exerceat sine organo. pbat p̄na, qđ phantasia est affixa organo, ut diximus in trac. de sens. iterio. Añs uero pbat fm phm in. 3. de aīa. intelligentē necesse est phātasmatā speculari, sed phāasma est in phātasia. ergo actus intelligēdi nō exerceat sine phātasia. itē ingt Ari. qđ intelligere corrūpiū quodā principio interiori. i. phantasia corrupta, ut patet in stultis, qui qm hñt lesū organū phātasie non hñt actum intell̄s, sed uiuūt, & opant, ut bestie. ergo si intelligētiā

pediſ per corruptionē phantaſiæ nō exercet ſine phātaſia.
 Ad hoc dubiū rīdet ſm uia. b. Tho. q̄ licet nō exercea-
 tur ſine phātaſia. non tñ requirit phantaſia, ut qđdā orga-
 nū, per qđ intell̄s expleat actū intelligendi, ſed ſolū ut po-
 tentia p̄parās obiectū ipſi intellectui. vñ nota q̄ ſentire in
 hoc differt ab actū intelligēdi, qm̄ in ſentire requirit obiectū
 materiale, puta odor, ſapor etc. & requirit organū cui eſt affi-
 xus ſenſus. & per qđ explet ipm̄ ſentire. in actū uero intell̄-
 ligendi, donec aīa eſt unita corpi requirit ſolū obiectū ma-
 teriale, q̄ ſunt ipſa phātaſmata recepta in phātaſia, ex qbus
 intell̄s agēs elicit ſpēm intelligibilē per illuſtrationē, ut di-
 ctū eſt ſupra. nō aut̄ eſt neceſſe, q̄ ſit aliqđ organū, cui ſic
 affixus intellectus, ſed pōt per ſeipſum p̄ſuppoſitis phan-
 taſmatibus in phantaſia explere actum intelligendi.

Dicit̄ ergo ad dubiū, q̄ actus intelligēdi exercet ſine or-
 gano, et qñ ſit iſtātia de phātaſia. dico q̄ nō requirit phan-
 taſia tanq̄ organū, ſed tanq̄ potētia p̄uia p̄parās materiā in-
 tellectui. i. ipſa phātaſmata, ex qbus extrahit̄ ſpēs itell̄bilis.
 hic eſt modus intelligendi aīæ intell̄uæ p̄ hac mortali uita.
 q̄uo uero ſepata itelligat, cū in morte corrūpanē phātaſia,
 & phātaſmata eſt offm̄ theologi. Hęc de intell̄u ſufficiant.

TRACTATUS TERTIVS SVPER tertio libro de anima. de potentia appetitiua, ac ſecundum locum motiua.



In hoc. 3. trac. agendū eſt de potentia ap-
 petitiua, & de motiua ſm locū, & diuide-
 mus ipſum in duas partes principales. In
 prima agitur de potētia appetitiua, & di-
 uidimus eam in tria capita.

In p̄rio deſcandū ē q̄tuplex ē appetit̄.
 In ſecundo agitur de appetitu intellectiui, qui dicitur
 uoluntas, & liberum arbitrium.

In tertio agitur de appetitu ſenſitiui, qui dicitur irascibi-
 lis, & concupiſcibilis.

Vñ est obm uolūtas, sub quo continet bonū increatū, ut deus, et bonū creatū, ut pfectiōes, q̄ sunt i creaturis. hec. n. bona apta nata sunt pseq, et desiderari a uolūtate, et pbat sic, illud bonū est obm uolūtatis, qđ cognoscit p intellm. dcm est. n. in. 1. cā, qđ appetitus intellhuus psequit bonū cognitū p intellm, sed bonū trāscēdēs, et in vñ cognoscit ab intelligibili. in hoc. n. distinguitur a sensu, q cognoscit hoc, uel hoc bonum in particulari, ergo bonum transcendent, & in uniuersali est obiectum uoluntatis.

Circa scđm dico, q uolūtas est ex se, ut cāca, nec ex se aliqd bonū cognoscit, cū nō sit potētia cognoscitiua, sed desideratiua. et iō est necē q moueat, et puocet ad appetē dū ab aliq potētia cognoscēte bonū. potētia aut cognoscēs bonū est duplex. i. itell's, et phātaſia si p cū cogitatiua i hoīe, in brutis yō ē solū phātaſia cū extīatiua. dico igit q fm ordinē naturæ uolūtas mouet ab itell'u cognoscēte bonū, & pntate ipm uolūtati. v. g. itell's cognoscit q phia ē bona, et tñ ipsam phia sic cognitā itell's pntat uolūtati, & uolūtas eligit eā, & affectat eā, iō p̄cipit hoī, ut studeat i phia, aliqñ tñ uolūtas mouet a phātaſia, et cogitatiua, sed non fm rectū ordinē, ut de cābo qñ loqmur de potētia motiua, sufficit p nunc, q p se, & fm rectū ordinē mouet ab itell'u, uel a bono cognito in vñ p̄sentato uoluntati per intellm.

Circa tertiū dico, q uolūtas nō ē affixa alicui organo corporeo, sicut nec itell's, & pbat sic. oīs potētia organica est determinata ad unū genus entiū, sicut potētia uisua cognoscit solū uisibile, & auditus solos sonos, sed uolūtas nō est determinata ad psequēdū, uel uolēdū solū unū genus boni, imo qđcūq bonū pōt uelle, siue icreatū, siue creatū. cū oīa hec cōtineant sub bono vñ, q est eius obm. ergo uolūtas nō est potētia org. est tñ subiuq in eēntia aīæ intellhuę, sicut sua ppria potētia. vñ solet dici q tres sunt potētię ppriæ aīæ intellectuæ. i. intellectus, memoria, et uolūtas, sumendo memoriam pro memoria intellectuā, licet ut diximus in trac. de intellectu secūdum bea. Tho. nō distinguitur realiter ab intellectu, sed solum secūdum rationem.

Auic. in. 9. suæ meta. deus cognoscēs, ac itellu cōprehēdēs bonitatē suā est maxius sui amator, & seipso sūmg delectatur. nota tñ, q̄ amor q̄ uolūtas amat, et desiderū quo affectat, et delectatio q̄ q̄scit i bono possessio, nō sunt passionēs pprie dicte, q̄a ut dicemus i ca. seq. oēs passiōes sūt in potētia organica, sed uolūtas nō est organica. ergo in ea nō sunt ueræ passiōes. amat igit̄ uolūtas amore pure spūali, qui nō est passio, sic desiderat, sic sperat etc. Hæc de uoluntate sufficiant. altiora autem quærere est officiū Theologi.

CAP. V. T. III.

IN. 3. ca. agēdū est de appe. sensu. diuidit̄ aut̄ i irascibilē, et cōcupiscibilē. de quo dicemus tria. priō qd̄ sit obiectum utriusq̄, et ex hoc declarabit̄, quō abinuicē distinguunt̄ irascibilis, & cōcupiscibilis. scđo q̄ passiōes ponant̄ in eis. tertio q̄ est organum, cui appetitus sensitiuus est affixus. Circa primū nota, q̄ bonū cognitū p̄ticulare, puta hic liber, hic thesaurus p̄ phā. et cog. i hoīe, uel cognitu p̄ phā. ac exti. in bruto est obm̄ appetitus sensitiui vñ sicut itellu cognoscēs bonū in vñ, et p̄ntās ip̄m uolūtatē mouet, & scit̄ uolūtatē ad appetēdū tale bonū, sic phā. ac cog. cognoscēs bonū p̄ticulare, et p̄ntās ip̄m appe. sens. mouet, et scit̄ eū ad appetēdū tale bonū, qd̄ quasi fiat, dicā i. c. de potētia mot. sed quō bonū cognitū p̄ sensum sit obm̄ irasc. & cōcu. s̄m diuersam rōnē. hic aduerte, bonū cognitū p̄ sensum dupl̄r cōsiderat̄. priō inq̄tū est delectabile conueniēs ipsi aīali. & sic est obm̄ cōcu. scđo inq̄tū est arduū, & cum difficultate acgrit̄ pp̄ aliq̄ nociua, et spediētia ip̄m acgrit̄. et sic est obm̄ irascibilis. & qm̄ potētix distiguunt̄ s̄m obia, hinc manifeste appet q̄ cōcupiscibilis distinguit̄ reasr̄ ab irascibili. cōcupiscibilis. n. uersatur circa bonū delectabile s̄m sensum. irascibilis uero uersat̄ circa bonū arduū, & cū difficultate acgribile. vñ d̄r q̄ cōcupiscibilis defenfat̄ ab irascibili. et hoc declarat̄ tali exēplo. Canis errās p̄ domū inuenit panē, panis inuētus p̄ntat̄ statim a phātasia, et extimarua ipsi cōcupiscibili, ut cibus delectabilis, et cōueniēs naturæ suæ. & tūc statim rapit panē, et incipit comedere, si dū

comedit aliq̄s hō, aut alius canis uelit ab eo eripe panē, tūc irascibilis īsurgit, & īcipit se defendere, ne ab eo auferat̄ panis, aut fugiēdo, aut latrādo, aut morſu. ecce q̄ irascibilis habet expellere nocumēta, ut cōcupiscibilis sine difficultate possideat bonum delectabile, & uile ipsi animali.

Circa sc̄dm nota, q̄ natura puida q̄dā passiōes īseruit in cōcupiscibili, et irascibili, p̄ q̄s tanq̄ p̄ famulas opant̄ circa bonū, et malū cognitū p̄ sensum, & sunt undecim. 6. in p̄cupiscibili, et. 5. in irascibili. & sic ordinat̄, ut patet ī fig. ibi.

In concu-	(Amor.	(Desiderium.	(delectatio.
piscibili.	(Odium.	(Fuga.	(Tristitia.
In irasci-	(Spes.	(Timor.	(Ira.
bili.	(Desperatio.	(Audacia.	

Sufficiētiā harū passiōnū p̄strinxi in cōpēdio, q̄d ordinaui sup̄ duos lib. Ethī. uerum scio, q̄ p̄pauci illud h̄nt. Ne igitur trac. p̄sens diminutus remaneat. hic eam repeto. secundum scientiā bea. Tho. in prima secundæ. q. 23. arti. 4.

In cōcupiscibili sunt. 6. cuius rō est, bonū sensibile cognitū per sensum, cū p̄ntat̄ cōcupiscibili tria causat. scilicet malū p̄ntatū tria causat. primo cū bonū p̄ntat̄ cōcupiscibili causat in ea quādā cōplacētiā. & h̄c cōplacētia dicitur amor, p̄ oppositū, q̄n malū p̄ntat̄ cōcupiscibili causat in ea displicētiā, q̄ d̄r odiū, sumēdo odiū nō pro ira inueterata, sed p̄ displicētia mali. sc̄do si bonū cōplacēs, et iā amatū nō est acq̄sitū ab ipso appetente excitat, & mouet ip̄m cōcupiscibilē ad p̄ndū illud: & hic motus uel excitatio d̄r desiderīū: malū uero iā displicēs mouet cōcupiscibilē ut fugiat uel renuat ip̄m: & hic motus d̄r fuga. tertio bonū iam amatū & desideratū si acq̄rit̄ ab appetēte causat in cōcupiscibili quietē: & h̄c q̄s est delectatio: sic. n. diffinit̄. Delectatio est q̄s in bono iā adepto & possessō: malū uero displicēs & q̄d renuit ab appetēte: si ei eueniat causat in cōcupiscibili tristitiā q̄ est q̄dā ingetudo appetitus causata ex malo quod iam euenit, patet igitur quō sunt. 6. passiōes.

in concupiscibili. 3. respectu mali odium, fuga, tristitia.

In irascibili sunt. 5. quarū rō est: si bonū desideratū est difficile ad acgrēdum: & tñ al. qd' mediū nobis occurrat p qd' cognoscamus ipm bonū posse acgrī spāē ipm posse acgrī: & sic in irascibili causat spes. si autē nullū mediū nobis occurrat p qd' cognoscamus ipsum bonū posse acgrī despamus illud posse acgrī, & sic i irascibili causat desperatio: itē duę passiōes iā dicte corrñdēt desiderio: sñr ex pre mali qd' affectamus fugere & uitare: si mediū aliquod nō statim nobis occurrat quo cognoscamus ipm posse uitare timemus & sic in irascibili causat timor. si autē mediū statim occurrat audemus: & sic causat in irascibili audacia: itē duę passiōes corrñdēt fugā. qnta passio est ira q corrñdet tristitiā. nā illā cui malū accidit: puta uulneratio, tristatur, & qrit quō pōt illud a se depellere saltē reddēdo malū ipsi inferēti malū p uindictā, & sic ex malo illato causat in irascibili appetitus uindictę q dīr irasitā sunt. 5. passiōes irascibilis. Si autē qras qre nulla est passio in irascibili corrñdes amorī & odio & delectatiōi. Rñdeo q in irascibili nulla ponit passio nisi ubi est difficultas acgrēdi bonū uel uirādi & repellēdi malū. in amorē autē & odio nulla ē difficultas, pñtato. n. bono cōcupiscibili & pñtato malo possimus libere amare bonū & odisse malū. difficultas at est in cōsequēdo rē amatā & fugēdo odiosā ne eueniat, sñr nulla est difficultas qescere in bono acq̃sito & iā possesso & sic delectari in eo. difficultas aut est in liberari a malo iā illato, & iō circa delect. nulla ponit passio i irascibili sicut nec circa amorē, nec circa odiū, & pono hic figurā, q patet q passiōes irascibilis corrñdeāt passiōibus cōcupiscibilis.

eis nul-	(amor)	(spes)	despera	(si nulla cor de
la corre	(odiū)	tio	desiderium	delectatio
spōdet	Figura			Tristitia
	timor			audacia
				Ira

Circa. 3. dico q̄ organū suū est cor, qđ declarat ex effectibus uarijs quos p̄dictæ passionēs causant in corde; nā ex delectatiōe cor delectat, ex tristitia cōstringit, ex ira feruet, ex prolūgata spe lāguet. Hos effectus clare cognoscimus. Aliæ uero passiōes licet nō ita manifeste, tñ cor trāsmutat. vñ sic diffinit passio quæ est in appetitu sensitiuo. Passio est motus potētix appetitiuæ sensitiuæ s̄m p̄ntatio nē boni uel mali cogniti p̄ sensum cōtrāsmutatiōe cordis, est ergo hic appetitus potentia organica, & quia organica ideo corruptibilis in morte sicut omnes alij sensus & c.

INCIPIT SECVNDA PARS TRA.

status de potentia appetitiua & motiua
secundum locum.



Locuti de potētia motiua secundum locum
distinguiamus eam in quarto capite.

In primo ponit distin. de potētia motiua.

In scđo agit de potentia directiua motiua.

In tertio agit de potētia impatiua motiua.

In quarto agitur de potentia executiua motiua & ibi declarabitur cui organo est affixa.

C A P V T. I.

IN. 1. ca. ponit hæc dist. Potētia motiua ī aīali ē duplex. prima est dilatatiua & cōstrictiua, & hæc est ī aīalibus imperfectis, ut in ostrea & cōchilia q̄ licet nō moueantur nec discedāt a loco in q̄ generata sunt, nisi forte ferant̄ se, ut aq̄ sicut ēt deferē lapis in fundo flumīs decurrētis, tñ in loco suæ generationis aliquñ dilatāt se, ut cū suscipiūt nutrimentū suū. & tūc occupāt maiore locū, & aliquñ cōstringūt se, ut cū sentiūt aliquđ nociuū, & tūc occupāt miore locū. Idē patet in cauda lacerte decisa, ut declarauī supra in. 2. li. sed de hac potētia sic motiua nō plura loquor. est enī p̄positū P̄hi loq̄ de potētia motiua q̄ est in aīalibus p̄fectis q̄ mouētur ad locū distātē aut p̄p̄ neēia uitæ, ut. s. q̄rāt sibi a-

hū, aut pp̄ delectabilia siue moueātur p̄grediēdo, ut aīalia
terrestria hñia pedes, siue natādo, ut aq̄uica: siue reptando,
ut uermes, & serpētes, siue uolādo, ut uolatilia. sc̄da est q̄
est in aīalibus p̄fectis. hæc igit̄ potētia motiua in aīalibus
perfectis est triplex. prima dicitur potentia motiua directi-
ua. secunda dicitur potentia motiua imperatiua. tertia dici-
tur potentia motiua excutiua.

CAP V T. II.

IN. 2. ca. agēdū est de po. mot. direc. Vñ nota q̄ oīs po-
tētia aīæ q̄ p̄ntat bonū cognitū uel malū appetitui siue
intellectiui siue sensitiui dicitur potētia motiua directi-
ua uel incitatiua ipsius appetitus: & hoc quidē alio mō est
in hoīe: & aliq̄ mō est in bruto. nā in hoīe. 3. sunt potētiæ
motuæ directiuæ uel incitatiuæ appetitus. prima est intelle-
ctus in quantum practicus, nam intellectus practicus co-
gnoscēs q̄ omne bonum est operādū: & q̄ nunc orare
Deum est bonum: præsētat hoc bonum cognitum uo-
lūtatī: ex qua præsētatione dirigitur & incitatur uoluntas
ad acceptandū conclusionē: quæ est hæc. nūc orandus est
deus: & sic uolo ipsum orare. Dixi autē intellectus practi-
cus: q̄a intellectus inq̄rītū speculatiuus cū cōtēteatur in spe-
culatiuone ueritatis nō dirigit uolūtatē ad aliquid operādū
licet. n. speculor solē moueri sub zodiaco: ex hoc non exci-
tatur uolūtas mea ut uelim circa ipsum solē aliquid opera-
ri. secūda potētia motiua directiua est phātasia: & tertia est
cogitatiua: nā phātasia recipiēs spēm sensatā a sensu cōi: si
hæc spēs apparet decora p̄ntat eā cōcupiscibili: & tūc exci-
tat cōcupiscibilē in amorē rei cuius est decora spēs. si autē
spēs sensata deformis apparet: cōcupiscibilis respuit rem
cuius est spēs deformis. sicut si gustus trāsmittit spēm delecta-
tati cibi ad sensum cōmunē & inde ad phātasia phāt. præsē-
tat eā cōcupiscibilis: & tūc amat talē cibū: affectatq̄ ha-
bere illū. tertia est cogitatiua. nā cogitatiua eliciēs intētiōē
amicitiæ uel inimicitie ex spē cōseruata in phātasia: & p̄ntat
tales intētiōes ipsi cōcupiscibili, excitat eā ad amādū vñ

odiendum. y. g. uideo socratē cōpatiētē mihi in tribulatione mea, & auxiliārē: spēs huius actus pseruat i phātasia mea, & ex tali spē cogita. cōprehēdit q̄ socrates ē mihi beniuolus, quā beniuolētiā pntat cōcupiscibili, & tūc mouet ad reamādū socratē. si autē ex alio actu cōprehēdat inimicitia & pntet p̄cupiscibili mouet ad odiū. patet ergo quō i hoīe potētig motiua directiua siue respectu boni, siue respectu mali sunt intell's practicus, phātasia, & cogitativa. Sed nota q̄ intell's s̄m se sp̄ mouet recto ordine pntādo uolūtati id qd̄ est uere bonū & uere malū. phātasia autē & cogitativa pluries mouet appetitū sensitiuū cum errore pntātes id qd̄ nō est uere bonū, sed apparēs bonū, & id qd̄ nō est uere malū, sed apparēs malū, & hāc est radix pēti. y. g. phātasia pntat febricitāri potū aq̄ frigidā ut bonū, eo q̄a sitit, & tñ nō est uere bonū, si enī biberet febris magis inualescit, & cogitativa pntat spēm inimicitia, quā elicit ex leuissimo actu alicuius amici, q̄ forte in aliquo leui offendit: pntat dico sub rōne mali, & tñ nō est uere malū. Omitto q̄ phātasia & cogi. augēt spēs boni & mali & diminuūt magis q̄ sint in ueritate, puta id qd̄ remisse est pulchrū phātasia iudicat summe pulchrū, & ecōuerso, & sicut iudicat sic pntat cōcupiscibili, & cogitativa aliqn̄ iudicat eū q̄ me parū diligit esse magnū mei amicū, & ecōuerso, & hāc est cā q̄ cōcupiscibilis & irascibilis plerūq̄ illudunt & excitant ad amādū id qd̄ nō est amādū, & excitat ad timēdū qd̄ nō est timēdū. in brutis autē potētia motiua directiua ē phātasia & extimatiua, q̄ eodē mō mouet & dirigūt sicut i hoīe exēplificatū est, sed dīa est in hoc q̄ cogitativa mouet cū aliquo discursu, sed extimatiua solo īstinctu naturę, ut declarauī in tract. de sensu. interior. Hāc sufficiant de potentia motiua directiua tam in homine q̄ in bruto.

CAPVT. III.

IN. 3. ca. agēdū est de potētia motiua impatiua. & primo in hoīe. scđo in bruto. In hoīe dico s̄m p̄m q̄ hāc potētia est triplex. prima est uolūtas, q̄ postq̄ assensit intel

lectui practico presentanti sibi tale bonum esse agendum
 uel tale malum esse fugiendum imperat potentis executi-
 uis de quibus dicemus infra ut exequantur imperium suum.
 Vñ nota quod in toto regno aie uoluntas se habet sicut rex, cui
 assistit aliquis fidelissimus ciuis, cuius consilio rex omnia operatur:
 assistunt etiam famuli qui expectant imperium regis ut exequantur, as-
 sistunt & adulescentes non ueri consules, qui suadent regi id quod ap-
 paret bonum & non est uere bonum, fidelissimus consul est itellus
 practicus qui prestat ea que sunt agenda secundum rectam rationem, puta quod
 deus super omnia est diligendus & reuerendus, qui preest honoran-
 dus, propria est defendenda &c. assistentes famuli sunt uires exe-
 cutiue eius quod uoluntas imperat: de quibus dicam in ca. seq. Adu-
 latores sunt irascibilis & concupiscibilis, qui ut dicemus incli-
 nant uoluntatem ut eligat bonum sensibile delectabile, quod non est
 secundum rectam rationem. Quod si fiat declarabo. secunda & tertia po-
 tentia motiua imperatiua in homine est concupi. & irascibilis, qui postquam
 assentiunt bono prestatato per phantasiam & cogitatiua, imperant &
 ipse potentis executiuis ut persequantur tale bonum: uel fugiant
 tale malum. V.g. concupiscibilis assentiens phantasie & febrici-
 tati aqua frigida est conueniens ad extinguendam sitim, precipit ma-
 nu ut accipiat ciuitatem aquam & apponat ori, precipit & faucibus
 ut deglutiat. Sed nota quod imperium concupiscibilis aliquando est ra-
 ionale: & aliquando irrationale. Rationale quidem est quando imperat aliquod bo-
 num esse agendum secundum debitas circumstantias, puta quando imperat ori
 ut comedat hac hora. scilicet hora prandij, & tale cibum concessum,
 & in tanta quantitate, nec plus, & tale imperium concupiscibilis est
 in uirtuoso, qui per frenum uirtutum moralium iam edomuit passionem
 suas, & hoc imperium Philosophus in. 3. de anima. assignat motui spherę pla-
 netarum, put mouentur a primo mobili motu diurno ab oriente
 ad occidentem, iterum in orientem. Rationale est enim & decens spherę
 inferioris assignari motui spherę superioris, sic decens est
 appetitum sensitium in homine regulari a recta ratione & a uolunta-
 te ut a potentia nobiliori. Irrationale uero est hoc imperium quando
 uult persequi quodcumque appareret bonum uel malum prestatum a
 phantasia uel cogitatiua non seruando iudicium rationis, sed solo

Ipetu sicut bestia, puta concupiscibilis presentato sibi auro affectat ipsum, & precipit manui ut diripiat non considerans futurum malum esse, uel depredationem esse damnam, & hoc iperium est in homine prauo incontinentem, qui uiuit solo ipetu passionum in quantum preualeret concupiscibilis & irascibilis, quod pene excecant iudicium rationis, & uoluntas ut captiua dimittit regimen anime, in manu concupiscibilis & irascibilis que sunt uelut adulatores regis. Hoc iperium assimilat Philosophus in. 3. de anima motui planetarum qui contranitentes primo mobili mouentur ab occidente in orientem motu proprio. Irrationale est enim ut sphaera inferior resistat sphaerae superiori, sic irrationale est appetitum sensitiuum resistere & impare contra imperium appetitus intellectiui. de hac repugnancia plura non loquor. protractat enim sufficienter in. 3. Ethic. ubi agit de uoluntario & inuoluntario. in brutis de potentia motiua impatiua est solum concupiscibilis & irascibilis que iperant secundum praerogationem boni facta a phantasia & estimatiua, ibi non est impium rationale & irrationale, quia carent ratione & uoluntate, sed dicitur imperium naturale factum secundum instinctum naturae, ideo in brutis nulla uirtus est nullumque uitium.

CAPVT. IIII.

IN quarto capite agendum est de potentia motiua executiua, & cui organo sit affixa.

Circa primum nota quod potentia motiua executiua eius quod uoluntas uel appetitus sensitiuus iperant est secundum Auicem. in. 6. naturalium. uirtus diffusa in lacertis, musculis, & nervis per spiritus uitales egredientes & emanantes a corde ut primo fonte, & haec quidem potentia duplex habet organum, unum quidem primum & principale, & hoc est cor, cuius motus secundum Philosophum in. 3. de anima. componitur ex pulsu & tactu. nam eleuat & deprimi, ut patet etiam in pulsu brachii. nam dum eleuat habet motum pulsus, dum deprimi habet motum tractus, quod sit motus localis pulsus & tractus declarauimus in. 7. Physic. tract. 2. Ex quo sequitur secundum Philosophum in. 3. de anima. quod motus cordis assimilat motui circulari, sed imperfecte. nam in motu circulari per semicircululum superiorem est motus pulsus, & per semicircululum inferio-

est motus tractus, ut declarat in 7. Phy. in eodē tra. dixi
autē imperfecte quā motus pulsus & tractus in corde nō est
per duos semicir. sed per eādē lineā rectā imaginatā. hoc quī
dē nō potest figurari, sed per anothomiā decernit. cor igitur
est primū organū in quo radicāt potētia motiua execu. ut
in suo fonte. scd'o est subiectū & organū secundariū, & isti
sunt nervi & muscoli, ad quos a corde ut a fonte trāsmittū
tur quidā spūs vitales dātes uirtutē se mouēdi nervis et mū
sculis, & tales nervi ac muscoli exequunt imperiū uolūta
tis & irascibilis & cōcupiscibilis. y. g. cōcupiscibilis impat
pedibus ut redāt ad querēdū cibū cū famescit aīa, & sic pe
des per spūs vitales trāsmittos a corde mouēt se localiter sic
manus sic caput mouet se per tales spūs vitales, cuius signū
est qd si tales spūs nō trāsmittant ad aliq; partē corpis per
oppilationē ps illa sit immobilis, ut patet in his q laborāt para
lisi, sed hęc plenius cōsiderare est offm̄ medici. Ex ijs igit
patet q sit potētia motiua directi, & impatiua & executiua
motus. Et nota qd semper locuti sumus de hmōi potentia
put sunt in aīalibus, siue in hoīe, siue in bruto. Quō autē
sint in substantijs separatis est officium Theologi.

Postremo cōtra p̄dicta sūt qdā argumēta, primū pro
bat qd appetitus sensī. sit in quolibet aīali etiā imperfecto.
sic. Dixit Arist. in. 2. de aīa. qd appetitiuū nō facit p̄icularē
gradū uiuēdi: qm̄ ubicūq; est sensus ibi est appetitus: sed in
aīali imperfecto est sensus saltē tactus, ergo in eo est appeti
tus & nō intellectiuis, ut patet. ergo in eo est appetitus sen
sitiuus, p̄terea in eo est phātasia ut dixit p̄s in. 2. de aīa. Co
gnoscunt. n. cōueniens & discōueniēs, cuius signū est qd si
dilatāt se sentiūt cōueniēs & delectabile, si cōstrigūt se sen
tiūt nociuū. ergo si habent phanta, habēt appeti. sensī. phā
tasia enim ut diximus est motiua ipsius appetitus.

Ad hoc r̄ndeō. qd p̄s in. 2. de aīa intelligit in aīali imper
fecto esse appetitū imperfecte & qd equoce, in aīali p̄fecto
esse appetitū perfecte, sicut qd dicit qd in aīali imperfecto est
phantasia, intelligit de phantia imperfecta & indetermina

ta. in aīali autē perfectō est phanta. perfectā & determināta. quō autē differāt sic accipe, phātaſia determinata est illa q̄ est in determinata parte corpis. i. in cerebro, et retinet spēs ſenſibiles etiā absente re ſenſibili: ut dixi i trac. de ſen. interio. Phātaſia indeterminata est illa q̄ nō est in certa parte corpis: imo est in toto corpe & est eadē cū ſenſu tactus: nec retinet spēs in absentia rei ſenſibilis, ſed ſolū mouet a ſenſibili pñti, hęc est in aīali imp̄fecto, ut in cōchilia & uerme. dico igitur ad argumentum q̄ non loquimur de appetitu ſenſitiuo indeterminato. hic enim est in quolibet animali imp̄fecto, ſed de appetitu ſenſitiuo perfectō qui habet certum organum, & hic est ſolū in animali perfectō.

Secundū probat q̄ cōcupiſcibilis & iraciſcibilis ſint ſolū una potētia ſic, ſicut eadē est potētia cognosciuiua contrariorū, ut uiſus est cognosciuius albi & nigri, ita eadē est poſentia appetitiua contrariorū, ſed concupiſcibilis est appetitiua boni cōueniētis & iraciſcibilis est repulſiua nociui & impediētis. cum ergo conueniens & nociuum ſint cōtraria, ſequitur q̄ cōcupiſcibilis et iraciſcibilis ſunt una potētia.

Ad hoc dico q̄ cōcupiſcibilis est p se circa cōtraria. nā appetit bonū inquātū ſibi placet, & fugit malū inquātū displicet, & ideo ponitur potētia diſtincta ab iraciſcibili, cuius propriū officiū est reſiſtere nociuo & impediēti ut concupiſcibilis cōſequat bonū cōueniēs ſm ſenſum. De potētia motiua imp̄fecta ſm dilataciōē & cōſtrictiōē nō est laborādū. nā phātaſia inde terminata quæ est in eis poteſt dici aliquo mō potētia motiua directiua, & appetitus ſenſitiuus imp̄fectus q̄ est in eis poteſt dici motiua impatiua, uirtus uero diſfuſa p corpus eorū cū aliqbz ſpiritibus uiſalibus, licet pauci ſint, poteſt dici potētia motiua executiua. Hic terminat tractatus. 3. de potētia appetitiua & motiua, & est ultimus ſuper tertium lib. de anima. Laus deo uiuēti primo, q̄ cuiuſlibet eſſe, oīſq; uite ſons eſt & origo.

FINIS.

FINE



LABORATORIO RISTAMPO

A. Lombardi

Via Valotza n. 125-127

Tel. 664908

1911

